





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CINMAGL 2.3.124/a





Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.124/a



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.124/a




Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.3.124/a


2.3.124


2 L. 3















ubi spiritus domini ubi libet. B. Hieron. in Thim.
lib. 1. cap. 11. p. 1. in fine. lib. 1. cap. 1. B. Hieron.

XXXIV
ANNAT.

510



2-3-136

D E
**INCOACTA
LIBERTATE.**

D E
INCOACTA
LIBERTATE



D E
INCOACTA
LIBERTATE


DISPUTATIO QUADRIpartita

*QVA MONSTRATUR EX DOCTRINA
potissimum S. Augustini atque etiam S. Thomae ; Indiffe-
rentiam, hoc est agendi & non agendi potentiam, &
quidem proximam, & expeditam, ad liberta-
tem arbitrij esse necessariam.*

Contra | Nouum Augustinum Iprensis Episcopi.
| Vincentium Lenem.
| Apologistam Iansenij.
| Commentatorem Quinque propositionum.

A V C T O R E

P. FRANCISCO ANNATO SOCIETATIS IESV.



R O M A E,

Ex Typographia Ignatij de Lazaris. M.DC.LII.
Superiorum Permissu.

OF
INCOGNITA
LIBRATA

THE LIBRARY OF THE

UNIVERSITY OF CHICAGO
1892

THE UNIVERSITY OF CHICAGO
LIBRARY

THE UNIVERSITY OF CHICAGO



THE UNIVERSITY OF CHICAGO

THE UNIVERSITY OF CHICAGO

pub
tia
bus
to
Q
nis
cum
man
Ar
Ter
circ
tam
dis
qua
A
quo
Jen
Tb



AVCTOR LECTORI.

QUOBTENTA facultate à Sacra Congregatione Sanctæ Romanæ, & Vniuersalis Inquisitionis hunc tractatum edendi, Optime Lector, habitaque à Censoribus ab eadem Sacra Congregatione designatis approbatione legitima, ut cum hic Roma potissimum ederem, eam me ratio compulit; Quia cum hic ista controuersia iam ferueat, & presentia partium materiam præbeat quotidianis hominum sermonibus; expedit esse unde informari plerique possint, ne aliqui forte causa non satis intellecta iudicium præcipitent.

Quia verò eorum qui Iansenio, & Iansenianis fauent solennis est prætextus, authoritas Augustini; in hoc in primis incumbendum censui, ut hæc umbra dissiparetur, constaretque manifestum esse Antiquum inter & Nouum Augustinum doctrinæ discrimen. Quod quamuis præstitum sit tantum circa Tertiam Propositionem ex illis Quinque, quas Episcopi Gallie circiter octoginta Summo Pontifici ad censuram obtulere; quia tamen illa fundamentalis est, & nexum habet cum cæteris indissolubilem, si constabit quid sit de ea sentiendum, nulla cuiusquam circa reliquas esse poterit hæsitatio.

Ad Sancti Augustini addidi testimonia Sancti Thomæ, ex quo intellexi Iansenianos post repudiatam contumeliosè à Iansenio Scholasticam Theologiam vniuersam, & nominatim Thomisticam, captare tamen auram Thomistarum, eorumque

que simulata doctrina societate ambire patrocinium. Et spero te, Optime Lector, iudicaturum, si quidem res ista ex sententia S. Thomae sic metienda, fieri nullo modo posse, ut Theologus quisquam idem sit, & Iansenianus, & Thomista.

Atque hinc tandem patebit quàm sit inane canticum illud quod Ianseniani passim occinunt, dum Molinam Molinam se tantùm petere vociferantur. Quippe manifestum fiet, Molinam in hac causa, quatenus à nobis contra Iansenium defenditur, esse Thomistam, atque ipsum habere patronum D. Thomam. Sed fuit hoc stratagemata Iansenianorum fraudulentumque consilium, ad vitandam invidiam impugnatae Catholicae doctrinae, fingere se tantùm in Molinam collimare: fraudem hanc detegat Sedis Apostolicae iudicium, ad cuius equitatem, & Veritatem meliùs percipiendam, tuum, Optime Lector, animum hac disputatione praeparare consilium fuit. Vale.

Eminentissimi, ac Reuerendissimi Domini.

FRANCISCUS Annatus Assistens Galliae Societatis Iesu humillime exponit Sac. Congregationi, se iam scripsisse aliquos Tractatus, in quibus conatur ostendere doctrinam Iansenianam longe distare à doctrina S. Augustini, intactis prorsus illis controuersijs, quæ inter Patres Dominicanos, & Patres Societatis Iesu vertuntur. Supplicat igitur humillimè Sac. Congregationi uti benignè dignetur ipsi facultatem concedere imprimendi dictos Tractatus, perlectos tamen prius, & examinatos ab ijs, quos deputare visum fuerit Sac. Congregationi.


Feria 4. die 3. Maij 1651.

In Congregatione S. Officij habita in Conuentu S. Mariæ super Minerua coram Eminentissimis, & Reuerendissimis Dominis Cardinalibus Generalibus Inquisitoribus à Sancta Sede Apostolica specialiter depuratis.

Eminentissimi, & Reuerendissimi Domini Cardinales Generales Inquisitores prædicti, dicto memoriali audito, concesserunt licentiam imprimendi, sed liber prius videatur à Reuerendissimo P. Abbate Hilarione, seu a Magistro Modesto de Ferrara Consultore S. Officij Urbis.


Approbo Io. Anton. Thomasius Not.

Io. Antonius Thomasius Sanctæ Romanæ,
& Vniuersalis Inquisitionis Notarius.



Imprimatur, si videbitur Reuerendiss. P. Mag.
Sac. Pal. Apost.

A. Rinaldus Vicefg.



Imprimatur.

Fr. Vincentius Fanus, Magister, & Socius Reuerendiss. P.
Fr. Vincentij Candidi Sac. Palat. Apost. Mag. Ord. Præd.

Disputationem quadripartitam de Incoacta Libertate ab
Adm. Reu. P. Francisco Annato Societatis Iesu Gal-
liarum Assistenti compositam accuratè legi, nihilque in eà re-
peri, quod Fidei Catholicæ, vel bonis moribus contrarietur,
aut quod controuersias, quæ inter Patres Dominicanos, & So-
cietatis eiusdem controuertuntur, tangat; propterea Opus hoc
dignissimum censeo, quod impressione decoretur.

Datum Romæ, ex Conuentu Sancti Saluatoris in Vnda
die 21. Nouembris 1651.


*Fr. Modestus Gauatius Ferrariensis totius Ordinis S. Fran-
cisci Minorum Conuentualium Procurator generalis, &
Sanctæ Romanæ, ac Vniuersalis Inquisitionis Consultor;
& Qualificator.*

DE Libertate Incoacta Disputationem quadripartitam
Adm. Reu. Patris Francisci Annati Societatis Iesu Theo-
logi, & Galliarum Assistentis exactissima qua potui diligentia,
& legi, & possibili cum sedulitate consideraui; Nihilque cum
mihi occurrerit Fidei orthodoxæ contrarium, Concilijs repu-
gnans, Patribusque alienum, sed potius tractatus summa erudi-
tione refertus, in quo Author Diui Augustini, & Angelici Do-
ctoris sensus, in re tam graui, æqua ingenij felicitate, & sinceritate
mentis exponit; quare Opus dignissimum iudico, vt ty-
pis mandetur, eo præsertim, quod ab ijs ingeniosissime absti-
net, quæ ex Decretis S. Romanæ, & Vniuersalis Inquisitionis
in materia de Auxilijs absque eius licentia prælo committi non
possunt. Ex Conuentu S. Marcelli, die 15. Decembris 1651.

*Fr. Angelus Maria Cyria de Cremona totius Ordinis Seruo-
rum B. M. V. in Romana Curia Procurator generalis, Pa-
triæ Urbis Theologus, Sanctæ Romanæ, & Urbis Inquisi-
tionis Qualificator, & Sac. Indicis Congregat. Consultor.*




DE INCOACTA
LIBERTATE
DISPUTATIO.



C A P. I.

*Iansenij sententia refertur & præcipua eius funda-
menta conuellantur.*



VIA vnicum fere totius Iansenismi fundamentum illo incoactæ libertatis principio nititur, operæ pretium fuerit id examinare seorsim, ac videre quam verum sit, quod dicunt, esse hanc certissimam clarissimamque Sancti Augustini doctrinam, & simul notare quam varij nutantesque atque inter se contrarij Ianseniani sint in hoc principio tuendo.

A

Quid

§. 1. Quid sentiat Iansenius.

To. 3. lib.
6. de gr.
Salu. c. 5.
& 6.

ERgo Iansenius postquam ex longa 22. annorum indagine in Cubile tandem libertatis, ut ipse vocat, ingressus est, hanc eius formam expressit ijs, quibus non licuit hæc adyta penetrare. *Implicare contradictionem ut voluntas, seu volitio non sit libera, sicut implicat ut volendo non velimus: latere contradictionem in eorum dictis qui dicunt voluntatem id est volitionem esse posse, quæ non sit libera: apud Augustinum, esse liberam & esse aliquam hominis vel Angeli voluntatem seu volitionem pro iisdem prorsus usurpari: voluntatem seu volitionem, & liberam voluntatem idem esse, sicut etiam velle, ac liberè velle: & esse impossibile ut velle non sit liberum: liberam esse voluntatem ratione sui eo, quod sit essentialiter libera, Et alia id genus quæ passim inculcat, & per omnes operis sui partes versat, vnde concludit solam necessitatem coactionis esse contrariam libertati voluntatis.*

Aduertendum autem est Primò Iansenium nomine coactionis non intelligere tantum strictam illam coactionem quâ vis ab extrinseco principio infertur passo resistenti; sed latius sumere ut comprehendit etiam necessitatem quæ provenit à naturali & intrinseca inclinatione, qualis est in appetitu brutorum, & in motibus indeliberatis concupiscentiæ, hoc enim ipse significat cum
dicit

dicit, Hæc ergo necessitas, quæ scilicet libertatem tollit, valde generalis est, & sub se naturales omnes impetus comprehendit quæ non possunt volendo impediri. Loc. cit. lib. 6. c. 6.
nam & isti quantumcumque naturales sint, renitente tamen voluntate suum effectum operantur. nam velit nolit homo, nascitur, viuere, &c. Ex quo fit ut quemadmodum necessitas & necessarium apud Augustinum, ita & natura & naturale opponatur voluntario, siue libero. Ex quibus sic postea concludit. Doctrina igitur Augustini, est, necessitatem illam primam, prout etiam naturam sic explicatam complectitur, nec aliud est respectu voluntatis quam quedam vis aut violentia, aut coactio, quæ operatur id quod potest, etiam nolente voluntate, capitaliter repugnare libertati, eamque funditus perimere. Præter hanc duplicem necessitatem, quam sub vno nomine coactionis comprehendit, negat Iansenius aliam ullam esse quæ tollat libertatem: ac proinde quando Sanctus Augustinus & alij Patres asserunt libertatem tolli necessitate operandi, minimè exponendos de simplici necessitate, quæ dicit tantum determinationem ad vnum; sed de alterutra ex iam dictis, naturali scilicet aut violenta. Vnde loco iam citato negat perimi libertatem ab ea necessitate quæ est simul voluntaria: & voluntariam esse sic explicat, qua scilicet simpliciter necesse est aliquid fieri non repugnante, sed immutabiliter volente voluntate. Et ut ostendat se quippiam singulare ac paradoxum dicere, subdit, Mira videbitur Scholasticis ista doctrina, &c. nec aliud excipit quam motus indeliberatos qui rationem præ-

ueniunt. Nam si sit actus voluntatis deliberatæ, hoc est, agentis ex plena cognitione, quamuis sit necessarius, liberum tamen esse contendit, vt patet ex c. 35. lib. 6. Nec alia de causa damnabilem putat propositionem iam à quatuor Pontificibus damnatam, *quod voluntariè fit, etiam si necessariò fiat, liberè tamen fit*, quam quia non excipit *motus inde liberatos*, eodem lib. c. 3. Et ideo liberrimos fuisse, putat, & maxime meritorios actus Christi dum esset viator, etiam illos qui erant maximè necessarii: & modò Beatos merituros, per actum amoris beatificum, si essent in statu merendi, lib. 7. cap. 15. Dæmones è contrario peccare, ac demereri per actus similiter necessarios: In nobis mutabiles esse, ac transitorias istas necessitates sibi que vicissim succedere necessitatem bene agendi, & necessitatem malè agendi, *Sed hoc non oriri ex natura liberi arbitrij, sed ex instabilitate quam habet in bono . . .* Itaque si etiam in hac vita Dei inspiratio tam stabiliter, ac delectabiliter Deo operante inhereret voluntati, vt eam non posset abicere; fortissimum liberrimumque merito dicendum liberum arbitrium: *Esse hoc illius vite privilegium, non posse dissentire gratiæ Dei, quod si daretur etiam in presenti exilio, non violaret, sed summe perficeret arbitrij libertatem.* Ita lib. 8. c. 7. Vnde patet Caluini doctrinam negantem voluntatem posse dissentire Deo mouenti, non violare, sed summe perficere arbitrij libertatem. Hinc esse quod antiqui nunquam de necessitate agendi cogitauerint
in

in exprimenda libertate arbitrij, Nihil, inquit de
 necessitate agendi curauerunt, sed non obstante immuta-
 bili necessitate omnem omnino voluntatem rationalem,
 hoc est voluntatis motum, & liberam & electiuam obie- Lib. 6.
 cti sui posuerunt. Et iterum, nullam immutabilitatis, c. 38.
 ineuitabilitatis vel quocumque Voces nomine, sed solum
 coactionis necessitatem ei repugnare ex eorundem an-
 tiquorum sententia: Indifferentiam autem con-
 tradictionis, qua dicitur liberum arbitrium sic
 agere vt possit non agere, nullo modo necessariā
 esse: & hoc probari septem absurdis quæ seque- Lib. 7.
 rentur si esset necessaria: Augustinum in defen- c. 14. 15.
 denda libertate, conciliandaque cum diuina gra-
 tia nunquam ex eo capite defendisse quod salua Lib. 8.
 esset indifferentia: Item, ne vnum quidem ex c. 5. & 19
 Patribus latinis ante ætatem Scholasticorum ad
 eandem indifferentiam recurrisse: Neminem Lib. 8.
 reperiendum qui ab illa quam esse putat San- c. 12.
 cti Augustini doctrina per annos octingentos dif- Lib. 6.
 ferit. c. 13.

§. 2. *Explicatur Augustini doctrina, de ijs qua dicuntur
 esse in nostra potestate.*

Aduertendum Secundò, distinguendas esse
 quæstiones quas Iansenius inuoluit: non
 enim quærimus vnde fiat vt mors, verbi gratia,
 quæ infertur alicui violenter non sit libera volun-
 tati morientis: vel vnde fiat vt motus concupi-
 scen-

scientiæ, qui naturaliter excitantur, non sint eidem voluntati liberi, hoc est, non quærimus unde impediatur hominis libertas in illis actionibus quæ sunt extra voluntatem, cuiusmodi sunt mori, vivere, nutrirî, irasci, timere. Quæstio est de internis actibus ipsiusmet voluntatis, seu de volitionibus, & quidem efficacibus, in quibus potest esse libertas etiam si non sit in illis alijs actionibus quæ in homine, vel ab homine fiunt. Mortem enim violenter illatam & non liberam acceptare potest voluntas per actum liberum: & concupiscentiæ naturaliter motæ, per actum similiter liberum potest consentire, aut dissentire: de his ergo actibus quærimus quid possit eorum libertatem impedire.

Aduertendum Tertio, Diuum Augustinum nunquam, & nusquam dixisse solam coactionem, illo modo antea exposito sumptam impedire istorum actuum libertatem: vel nullam esse posse, aliam necessitatem, quam duplicem illam naturalem scilicet, quæ reperitur in motibus appetitus, & violentam quæ infertur extrinsecus passo renitenti, quâ huiusmodi libertas destruat. Dico nunquam, & nusquam id esse traditum ab Augustino: quod ei facile persuadebitur qui percurrat omnia quæ Iansenius afferre solet testimonia: et confirmabitur ipsa Vincentij Leni confessione, qui præter duplicem illum modum interrimendæ libertatis, seu duplicem illam necessitatem, aliam inuenit quâ etiam libertas tollatur

tur, vt postea referam . Ergo quod non exprimitur apud Augustinum , id illi sibi videntur colligere quibusdam ex locis , quæ id minimè continent , si absit praua , & violenta , et à mente Augustini alienissima interpretatio .

Verbi gratia Iansenius id vrget maxime, quod cum constet tum ex alijs auctoribus passim , tum ex ipso etiam Augustino id esse liberum *quod est in nostra potestate*; Augustinus id esse in nostra potestate definiat , *quod cum volumus facimus* , seu quod quisque , *si vult facit , si non vult non facit* . Additque ex Augustino hoc maxime conuenire ipsi voluntati seu volitioni , vnde sequitur ipsam esse maxime liberam : cætera verò quæ fiunt etiam si nolumus , vel non fiunt etiam si velimus , censeat Augustinus non esse libera . Vnde Iansenius infert , necessitatem simplicem , seu quæ simpliciter determinat voluntatem ad vnā volitionem , non tollere illius libertatem : quia non impedit quominus verissimum sit de illa volitione , *Voluntas si vult eam facit , si non vult non facit* , nullo autem modo dici potest eam facere , etiam si nolit , quia hoc esset nolentem velle , et volentem nolle , quod implicat .

I.oc. cit:
lib.6.c.5.

Lib.3.de
lib. arb.
c.3.

De sp.&
lib.c.31.
5.de ciu.
c.10.

Sed hæc probatio laborat duplici vitio . Nam primò concludit contra Iansenium ne ipsam quidem necessitatem naturalem tollere libertatem . Supponamus enim , quod nimis sæpe cōtingit , eodem impetu naturæ quo mouetur ira , concipi etiam in voluntate , non expectatâ rationis aduer-

ten-

tentiâ, efficacem et absolutam volitionem vindictæ; totum hoc quod dicit Iansenius illi conuenit; fit in voluntate cum voluntas vult, & quando volet non fieri, statim non fiet. Accedente enim rationis aduertentia, si voluntas diuinitus mota nolit vindictam, poterunt quidem adhuc superesse simplices motus iræ, & inefficaces vindictæ velleitates; efficax autem & absoluta illa volitio nullo modo manebit, alioqui voluntas nolens vellet, & volens nollet vindictam quod implicat. Quomodo ergo negabit volitionem illam esse in nostra potestate, & consequenter esse liberam? Et tamen illa coacta est necessitate naturali.

Neque dicas hanc volitionem sic expressam ante aduertentiam rationis, non esse actum, seu volitionem appetitus rationalis, vt rationalis est, quia hoc est dicere Sanctum Augustinum malum esse definitorem; si quidem definiendo actionem liberam omisisset id quod erat illi proprium, esse nimirum actum appetitus rationalis, vt rationalis; & expressisset tantum id quod est cômune actioni liberæ cum non liberæ, quod est, fieri si volumus, & si nolumus non fieri. Sufficit nobis, quod tota illa definitio, prout exprimitur apud Augustinum, & prout explicatur à Iansenio, conueniat etiam actioni, quæ naturali necessitate coacta est. Inde enim sequitur, vel non esse definitionem actionis liberæ, vel male intellectam, esse à Iansenio; vel liberum esse illud quoque, quod

quod naturali coactioni subijcitur, quod Iansenius negat.

Et certum est male intellectam fuisse à Iansenio definitionem Augustinianam, quod est alterum vitium ratiocinationis illius. Quando enim dicit Augustinus id esse in nostra potestate *quod cum volumus facimus*, vel quod idem est apud eum, *quod si volumus facimus, si nolumus non facimus*; loquitur more mortalium omnium, qui aliqua ratione vtuntur, & sciunt quid dicant; nec ita nobiscum agit, vt dum vsitata cæterorum phrasi vtitur, singularem habet, & propriam cogitationem communibus verbis minimè respondentem: atqui modus ille loquendi *cum volumus facimus*, vel *si volumus facimus, si nolumus non facimus* nunquam vsurpatur nisi de re cuius faciendi, & non faciendi potestas adest: contenditque Iansenius id esse, verum de illis actionibus, quæ sunt obiecta voluntatis, & mediatè liberæ, vnde non putat liberum esse ipsum *crescere, nutrir*, imò nec *irasci aut metuer*, si sumantur prout sunt motus appetitus; quia inquit, etiamsi nolimus, nutrimur tamen, crescimus, irascimur, timemus, hoc est, quia non habemus potestatem impediendi actiones illas, etiamsi non desit voluntas: moueri autem motu progressiuo in homine valente, sano, & vinculis atque compedibus soluto liberum est, quia vtrumque est in potestate, moueri & non moueri. Vnde rectè dicimus, si vult mouetur: & si non vult non mouetur. Cum ergo dicat Augustinus, id

B

quod

quod affirmatur de actionibus illis externis mediatè tantum liberis quatenus liberæ sunt, maximè conuenire volitionibus immediatè; ac primò liberis; consequens omnino est, vt iuxta Augustinum de illis volitionibus dici non possit, quod cum volumus sunt; & cum non volumus, non sunt: ac proinde quod sint liberæ, nisi quādo adest potestas eliciendi, & non eliciendi, quæ est indifferentia determinanti ad vnum necessitati opposita. Hæc argumentatio ad formam demonstratiuam sic reduci potest: Id quod facit actiones externas esse mediatè liberæ, maximè cōuenit volitionibus internis immediatè liberis: Sed procedere à principio, quod habet potestatem ponendi, & non ponendi actionem, facit actiones externas esse mediatè liberæ: Ergo procedere à principio, quod habeat talē potestatem, maximè conueniet volitionibus intrinsecis immediatè liberis. Maior, & minor ex Augustino colliguntur, vt iam ostensum est, & adhuc ostendi potest, cum dicit. *Non est in nostra potestate, nisi quod cum volumus fit.* VBI PRVS ET MAXIME EST IPSVM VELLE, Vbi quæro quare de primis iræ motibus non dicitur, cum volumus fiunt? quia nimirum fiunt etiam si non velimus: quod non est aliud quam, quia tametsi oriantur à principio quod potest elicere, nō tamen à principio, quod possit non elicere. Ergo cum hoc, quod deest motibus illis ad libertatem, conueniat prius, & maxime ipsi velle, vt ait Augustinus, prius & maxime conueniet illi, oriri à principio in

2. Ret.
c. 1.

in quo sit potestas eliciendi, & non eliciendi. Idem clarius, Si necessitas nostra illa dicenda est quæ ^{5. de Ciu.} non est in nostra potestate, sed etiam si nolumus efficit id ^{c. 10.} quod potest, sicut est necessitas mortis, manifestum est voluntates nostras quibus rectè vel perperam viuatur, sub tali necessitate non esse. Multa enim facimus quæ si nollemus non utique faceremus, QVO PRIMITVS PERTINET IPSVM VELLE, quia si volumus est, si nolumus; non est, non enim vellemus, si nollemus. Si tam possemus non mori; quam possumus mori, perspicuum est, iuxta Augustinum non dicendam mortem subesse necessitati, quæ non sit in nostra potestate ergo per hoc præcisè mors non est: in nostra potestate, quia non habemus potestatem non moriendi, sicut habemus moriendi. Atqui Augustinus in hoc distinguit, necessitatem mortis à necessitate volitionum liberarum. Igitur supponit nos, quod non possumus circa mortem, hoc tamen posse, circa liberam volitionem: ac proinde tam posse nos illam non elicere, quam possumus elicere. Et quid aliud quæso significant verba illa, multa facimus, quæ si nollemus non faceremus, quam, multa facimus cum potestate illa non faciendi, & hoc inquit, primitus reperitur in ipso velle, seu in ipsa volitione libera, ergo de illa primitus verum est, nos illam facere cum potestate non faciendi: & ab illa primitiua faciendi, vel non faciendi, hoc est volendi, vel non volendi indifferentia, deriuatur ea quæ consequentibus inde actionibus externis conuenit. Similia habet lib. 1.

de lib. arb. cap. 12. cum dicit, *Quid enim tam in-*
voluntate quam ipsa voluntas sita est? & cap. 19. *Noli*
ergo mirari si ceteris per liberam voluntatem utimur,
etiam ipsa libera voluntate per eam ipsam uti nos posse,
ut quodammodo se ipsa utatur voluntas quæ utitur cate-
ris: sicut se ipsam cognoscit ratio, quæ cognoscit cetera.

Obijci potest Augustinum non dicere actio-
nes externas esse liberas, ex eo quod procedant à
principio quod potest facere, & non facere; sed
ex eo quod procedant à principio, quod potest fa-
cere si velimus, & si non velimus non facere:
hoc autem *primitus* convenire volitionibus etiam
necessarijs. Sed obiectio friuola est. Nam esse
causam quæ si velimus producit aliquam actio-
nem externam, & si non velimus non producit;
non est aliud quam esse causam quæ potest pro-
ducere, & non producere, cum subordinatione
ad voluntatem: hoc autem quod principio, vel
causæ actionum externarum convenit cum sub-
ordinatione ad voluntatem, hoc ipsum sine sub-
ordinatione, sed *primitus* & ex proprio dominio
convenire vult Augustinus voluntati ipsi, respec-
tu suorum actuum: ergo voluntati ipsi *primitus*, &
ex proprio quod habet in suos actus dominio, nō
ex subordinatione ad aliam aliquam facultatē con-
venit posse agere & nō agere. Et esset inepta locu-
tio qua dicitur, nos actus illos internos, si volumus
elicere, et si non volumus non elicere, nisi signifi-
ficaretur illa potestas eliciendi, & non eliciendi,
quia hoc nunquam dicitur de actu necessario. Et
sicut

sicut nemo est , qui non putaret eum nugari qui diceret, Pater Æternus si vult generat Filium, et si non vult non generat; ita nemo non censcat improprie loqui eum qui diceret, Deus si vult amat se, si nō vult nō amat; & de Beatis, si volunt amant Deum, si non volunt non amant, suppositā necessitate quoad exercitiū illius amoris: quod scilicet omnes qui aliquid sapiunt, putent eo loquēdi modo significari potestatem ad vtrumlibet: & hanc esse mentem Diui Augustini, præter ea quæ iam dicta sunt, paulo post monstrabitur.

§. 3. *Augustini doctrina de concordia præscientiæ cum libertate nihil iuuat causam Iansenij.*

V Titur prætereâ Iansenius ea doctrinâ quam To. 3. lib. 6. c. 5. tradit Augustinus, dum ostendit quomodo præscientia futurorum non adimat libertatem. Augustinus enim non vitur alia ratione, nisi quia quod præscitur est voluntas, & nihil est magis in nostra potestate quam voluntas. Vnde si necessarium est, vt quod præscitur futurum, sit futurum; necessarium est vt voluntas quæ præscitur ut ura sit futura. Ergo necessarium est tantum, vt sit futurum illud, quod est in nostra potestate, ac proinde quod est liberum: quæ solutio Augustini nulla esset, si posset esse aliqua voluntas, quæ non esset libera. Diceret enim Euodius contra quem disputat Augustinus, est verum præsciri voluntatem & esse necessarium, vt quod præscitur sit futurum

rurum; sed cum possit esse voluntas, quæ non sit libera, non concluditur, etiam si ex præscientia sequatur futuram voluntatem, illam fore liberam. Valet autem responsio, supposito quod omnis voluntas, seu volitio eo ipso quod est voluntas, sit libera: hoc igitur supponit Diuus Augustinus. Et quia subesse necessitati simplici ad vnum determinanti, non impedit ne voluntas sit voluntas: consequenter nec impedit ne sit libera.

Ianf.
loc. cit.

Verum tota hæc etiam probatio in fumum resoluitur, & tenues auras, si tantum exponatur, quid intelligat Augustinus, nomine voluntatis, cuius interpretatio ab ipsis Aduersarijs exprimenda est. Nam cum supponant per voluntatem intelligi actum voluntatis, non ipsam facultatem; statim monent, non comprehendi eo nomine simplices affectus, habentes necessariam connexionem cum motibus appetitus, qui quod sint indeliberati non sunt liberi. Potest etiam illis obijci actus efficax voluntatis, qui sæpe concipitur non expectatâ, vt dictum est antea, rationis aduertentiâ, ideoque non est liber ob eandem rationem. Ergo Sanctus Augustinus, per voluntatem illam quam supponit esse necessario liberam, intelligit actum voluntatis elicited ex plena rationis aduertentiâ. Quid est autem hæc plena rationis aduertentia? Loquitur de viatoribus, quorum bonæ malæque voluntates in iudicium deinde vocandæ sunt, præmioque vel pœna afficiendæ, vt ex illo loco patet. Ergo quid est in illis plena hæc rationis

tionis aduertentia? Nimirum est talis cognitio, quæ si comparetur cum bono infinito, & obscure, & cum difficultate acquirendum repræsentat: si cum bonis creatis, repræsentat eorum modicitatem, & insufficientem satiandæ voluntati bonitatem: nec non & adiunctas alias mali rationes auertendæ voluntati idoneas. Vno verbo, quæ repræsentat bona, eo modo repræsentat, vt proinde non amari possint atque amari. Et ideo hæc vocatur indifferentia iudicij, diciturque radix esse libertatis, vt deinde ex Sancto Thoma monstrabitur; quæ causa est, cur voluntas quæ tali cognitione regitur, sit indifferenter appetitiua. Quid ergo mirum est, quod Augustinus hoc modo sumendo voluntatem, pro volitione scilicet quæ sequitur ex principio constituto in indifferentia amandi vel non amandi, per indifferentem illam cognitionem; dicat illam, eo ipso quod talis est, esse liberam; cum hoc nihil aliud sit, quam dicere, eo ipso quod talis est, elicitam esse à principio indifferenti? Est igitur hæc confirmatio potius indifferentiæ ad libertatem necessariæ, quam impugnatio: & impugnatio necessitatis ad vnum determinantis liberam facultatem, potius quam confirmatio.

Et crescit solutionis huius euidencia, ex eo quod addit Vincentius Lenis, qui vult Augustinum non solum intelligi de volitione quæ supponit illam cognitionis plenitudinem, sed quæ insuper elicitur connaturaliter. Existimat enim
feri

fieri posse, ut stante plena rationis aduertentia, talis & tanta inferatur voluntati agendi necessitas, ut operatio non sit libera; ac proinde ad eius libertatem requiri, ut non patiatur talem necessitatem: non passuram autem si sinatur agere *connaturaliter*. Accipimus ergo quod dat iste Iansenianorum sensuum depositarius & hæres: & dicimus voluntatem quæ supposita cognitionis plenitudine circa obiecta creata, vel circa increatum obscure cognitum, connaturaliter operatur, operari hoc ipso cum indifferentia: & operationem inde consequutam ita esse contingentem, ut possit esse & non esse, stante illa voluntatis dispositione. Esse igitur verissimum quod docet Augustinus, volitionem illam eo ipso quod est talis volitio, esse liberam: quia eo ipso elicitur à principio indifferenti: & præscientiam ideo non tollere libertatem, quia non impedit quominus id quod præscitur futurum, sit talis voluntas seu talis volitio, quæ scilicet connaturaliter elicitur à principio in indifferentia constituto per cognitionis plenitudinem. Vnde nihil aliud sequitur, quam in conceptu principij liberi indifferentiam includi contrariam necessitati ad vnum determinanti. En quo tandem resolvuntur Iansenianorum machinæ.

Nihilo

§. 4. Nihilo magis iuuat quod docet Augustinus de duplici necessitate.

Tertio vrget Iansenius locum illum ex 5. de c. 10. ciu. vbi dicitur, *Vnde nec illa necessitas formidanda est quam formidando stoici laborauerunt causas rerum distinguere, ut quasdam subtraherent necessitati, quasdam subderent. Itaque in his quas esse sub necessitate noluerunt, posuerunt etiam nostras voluntates, ne videlicet non essent liberae, si subderentur necessitati.* Si enim necessitas nostra illa dicenda est, quae non est in nostra potestate, sed etiam si volumus efficit quod potest, sicut est necessitas mortis; manifestum est voluntates nostras quibus rectè vel perperam viuunt sub tali necessitate non esse. Multa enim facimus quæ si nollemus non utique faceremus quod primum pertinet ipsum velle. Nam si volumus est, si nolumus non est, non enim vellemus si nollemus. Si autem ista definitur esse necessitas, secundum quam dicimus, necesse est ut ita sit aliquid, vel ita fiat; nescio cur eam timeamus ne nobis auferat libertatem voluntatis. Neque enim & vitam Dei & præscientiam Dei sub necessitate ponimus, si dicimus necesse est Deum semper viuere, & cuncta præscire, sicut nec potestas eius minuitur, cum dicitur, mori fallique non posse, . . . sic etiam cum dicimus necesse est ut cum volumus libero velimus arbitrio; & verum procul dubio dicimus: & non ideo ipsum liberum arbitrium necessitati subijcimus quæ adimit libertatem. Sunt igitur nostræ voluntates, & ipsæ faciunt quidquid

G

Vo-

Volendo faciunt, quod non fieret si nollemus. Quæ verba ubi retulit Iansenius, *Ecce*, inquit, clarissimis verbis distinguit hic duplicem necessitatem, Unam quæ non relinquit actum in nostra potestate, hoc est ut ipsemet explicat, quæ nobis etiam nolentibus, seu inuitis & coactis operatur effectum suum: alteram qua simpliciter necesse est aliquid fieri, sicut vivere, præscire, non mori, non falli respectu Dei; illam repugnare docet libertati, istam minimè. Bene habet. Ergo quia secunda hæc & simplex necessitas non tollit libertatem arbitrij, liberum est Deo libertate arbitrij vivere, præscire, non mori, non falli: & quia iam definiuit id esse liberum quod est in nostra potestate: & illud esse in nostra potestate iuxta Augustinum, quod si volumus facimus, si nolumus non facimus; consequens est ut de Deo dicatur, si vult vivit, si non vult non vivit: si vult præscit futura, si non vult non præscit: si vult moritur si non vult, non moritur: si vult errat, si non vult non errat. Et quisquam est qui possit ferre ita loquentem? Non mori, non falli, spirare Spiritum sanctum, arbitrarium Deo est? Si vult existit, si non vult non existit, si vult generat Filium & & spirat Spiritum sanctum, si non vult nec generat, nec spirat? O Nouo-Augustiniani unde vobis hæc tanta fiducia, ut non vereamini tribuere Augustino cogitationes adeo absurdas, & linguam quam non nouerat in Ecclesiam inducere? Quomodo igitur inquires, Augustinum licebit interpretari?

Respon-

Respondeo in allato loco esse aliquid clarum
& minimè ambiguum, & aliquid obscurum.
Quod clarum est, iugulat doctrinam Iansenij, &
nostram confirmat: quod est obscurum non de-
bet nocere, & admittit bonam interpretationem.
Clarissimum est quod dicit Augustinus *Nostras*
Voluntates non subesse necessitati quæ non sit in nostra po-
testate, & quæ dicat impotentiam, & defectum
virtutis ad oppositum eius ad quod determinat;
hoc enim omnino significant verba illa, *Si ne-*
cessitas nostra illa dicenda est, quæ non est in nostra pote-
state, sed etiam si nolumus efficit id quod potest, ma-
nifestum est Voluntates nostras quibus recte vel perpe-
ram viuimus, non esse sub tali necessitate. hæc dico
iugulare doctrinam Iansenij. Nam si necessitas
quæ non est in nostra potestate, non cadit in li-
berum arbitrium, sequitur liberum arbitrium
non admittete vllam necessitatem nisi quæ sit in
nostra potestate: & quia iam dictum est ex Augu-
stino, id tantum esse in nostra potestate quod si
volumus est, si non volumus non est; sequitur li-
berum arbitrium, non pati aliam necessitatem,
quam illam, quam admittere aut reijcere, reti-
nere aut excutere potest, hoc est, ad quam ha-
bendam, aut non habendam est indifferens: atque
ita semper stat intrinseca libero arbitrio indiffe-
rentia. Si etiam liberum arbitrium non fert il-
lam necessitatem quæ efficit etiam si nolumus,
hoc est, quæ tollit facultatem aliud faciendi, quam
id ad quod determinat; sequitur pariter libero ar-

bitrio necessariam esse illā facultatē, hoc est necessariam esse facultatem quæ utrumq; possit, facere, & non facere, respectu actionū externarū, & prius ac primitus respectu internarū, et ipsarum volitionum quæ immediatē liberæ sunt, ut ante diximus: unde statuitur hac etiam ex parte indifferentia; & hoc est quod clarissimè traditur ab Augustino. Obscurum autem est quem in finem adducat in exemplum necessitatem qua necesse est Deum vivere, et non mori. Neque enim eo spectare potest, ut significet arbitriam esse Deo vitam et immortalitatem, aut vitam et immortalitē esse in potestate, Dei eo sensu quo alias definiuit id esse in potestate, *quod si volumus est, si non volumus non est*, quod hæc sit absurdissima cogitatio. Cōsequenter non potest velle Augustinus volitiones nostras liberas esse libertate arbitrij, etiam si sint ita necessariae, sicut est necessarium in Deo vivere, et esse immortalem. Postquam enim vivere in Deo, et esse immortalem ita est necessarium, ut non pendeat à libero arbitrio; nec volitiones nostræ censendæ sunt pendere a libero arbitrio, si eo modo sunt necessariae. Ergo querenda est alia quædam ratio cur Augustinus eiusmodi exemplis usus sit. Neque difficile multum est eam inuenire. Nempe hoc agit Augustinus, ut intelligamus nec omni necessitati subtrahendas esse nostras voluntates, quod velle videbantur Stoici: neque Ciceroni auscultandum, qui ob eandem causam diuinationem et præscientiā
fu-

futurorum negabat. Et quia ex eo capite videri poterat neganda omnis necessitas, quod illud sit nomen impotentiae, imperfectionis, et seruitutis: cum libertas sit nomen perfectionis et dominij; voluit Augustinus umbram hanc dissipare, ostensa necessitate quæ potius est assertiua, quam negatiua perfectionis. Quia quamuis omne necessarium explicetur per *non posse aliter fieri*, istud tamen *non posse* interdum significat virtutis & perfectionis excessum potius quam defectum: & ita virtutis et summæ perfectionis est in Deo, non posse mori, non posse falli, non posse non viuere, non posse non præscire. Sic enim hoc non potest (inquit Augustinus) *Ut potius si posset minoris esset utique* loc. cit. *potestatis*. hoc igitur sensu concedit esse necessarium, *ut cum volumus libero velimus arbitrio*. Quod enim dicit *cum volumus*, volitionem intelligit, qualis antea descripta est, quæ plenam sequitur cognitionem obiectorum in quæ voluntas fertur, quæque connaturaliter elicitur: talem autem voluntatem esse liberam, proportionem quadam ita est necessarium, sicuti necessarium est hominem esse rationalem. Et quod dicitur esse necessarium ut sit libera, non est aliud quam esse necessarium ut sine necessitate, et cum indifferentia eliciatur. Atque ita hæc necessitas non sonat imperfectionem, et seruitutem in voluntate, sed perfectionem potius, et dominium in suos actus: & in illa exclusionem seruitutis et miseriæ similis est necessitati viuendi, vel

vel non moriendi quam habet Deus.

Hinc deinde colligit Augustinus præscientiâ minime destrui libertatem. Quia nimirum si qua inde sequatur necessitas, ea est affirmatiua potius quam destructiua eiusdem libertatis. Eò enim spectat, quod sequitur. Non ergo propterea nihil est in nostra voluntate quia Deus præsciuit. Porro si ille qui præsciuit quid futurum esset in nostra voluntate, non utique nihil sed aliquid præsciuit; profecto & illo præsciente est aliquid in nostra voluntate. Loquitur Augustinus de libera voluntate, & vides ut ex eius præscientia libertatem illam confirmet, cum dicit, porro si ille qui præsciuit non utique nihil, sed aliquid præsciuit, profecto & illo præsciente est aliquid in nostra voluntate. hoc enim nō est aliud quam, si qui præsciuit reuera præsciuit futurā liberam voluntatē, necesse est ex ea hypothefi, ut sit futura libera voluntas: atq; ita illa necessitas est libertatis confirmatiua. Quod etiam patet ex tertio de lib. arb. cum dicit, Non igitur per eius præscientiam mihi potestas adimitur, quæ propterea mihi certior aderit, quia ille cuius præscientia non fallitur adfuturam mihi esse præsciuit. Quomodo autem id fieri possit, ostendit postea, Neque enim ideo peccat homo quia Deus illum peccaturum præsciuit: imò ideo non dubitatur ipsum peccare cum peccat, quia ille cuius præscientia falli non potest, non Fatum, non Fortunam, non aliquid aliud, sed ipsum peccaturum esse præsciuit. Quibus verbis manifestè ostendit consequentem esse necessitatem illam qua ex præscientia sequitur res futura,

non

5. de Ciu.
c. 10.

non antecedentem. Quod ostendit etiam in, Cap. 4.
lib. 3. de lib. arb. vbi præscientiæ futurorum,
comparat memoriæ præteritorum: nec magis
putat obesse libertati rei futuræ, quam nocetur
libertati rei præteritæ, quod ex nostra recordatio-
ne sequatur necessariò, esse præteritam. nempe
quia sicut memoriæ nostræ nō est causa cur præ-
terierit id cuius recordamur; ita nec præscientia
causa est cur futurum sit id quod præcitur: est:
sed è conuerso sicut rem præteritis facit vt possi-
mus eius recordari, ita rem futuram esse facit vt
possit præciri.

Et quia hæc sunt præcipua testimonia quibus
Iansenius confici putat ex Augustino solam ne-
cessitatem, qua vel violenter vel naturaliter ali-
quid esse cogitur, impedire libertatem; cum iam
constet id minimè ex illis confici potuisse, spero
Lectorem sibi persuasurum, neq; ex alijs vnquam
conficiendum. Restat vt ostendamus esse longè
plura & euidentiora quæ contrariū persuadeant,

CAP. II.

C A P. II.

Probatur triginta quinque testimonijs S. Augustini voluntatem, seu Volitionem quæ supponitur esse libera, eo ipso supponi esse à potentia indifferente.

§. 1. *Priora tria testimonia colliguntur ex locis à Iansenio pro sua sententia citatis.*

Potentia agendi, & non agendi, vel quæ ita agit ut possit non agere, & potentia indifferens, se habent ut definitio, & definitum: & ideo ut constet potentiam liberam esse debere indifferentem ex Augustini sententia, satis est quod constet talem esse debere, quæ possit agere, & non agere: vel quæ sic agit ut possit non agere: hoc autem probatur ex ijs tribus locis quibus Iansenius conatur probare contrarium. Quia (ut ex dictis constat) quæ ille conatus est erigere contra communem Ecclesiæ doctrinam ita coneluntur, ut eorum ruina opprimatur ipsius sententia.

Nam primò ex eo quod docet Augustinus, dum definit quid sit *Aliquid esse in nostra potestate*, resultat hæc ratiocinatio, quæ iuxta eius principio demonstratiua est: Ea ratio propter quam actus externi sunt liberi, & in nostra potestate, primitus conuenit actibus internis liberis, elicitis

citis immediatè à voluntate ex Augustino.

Sed ratio propter quam actus externi sunt liberi & in nostra potestate, ea est ex eodem Augustino, quod possint esse & non esse prout voluntas determinauerit: Ergo hoc quod est posse esse et non esse dependenter à determinatione voluntatis; seu quod idem est, voluntatem posse producere vel non producere suum actum est primitiua ratio quæ conuenit actibus internis liberis, & elicitis immediatè à voluntate: hæc autem est indifferentia necessitati ad vnum determinanti opposita. Ergo &c. Tota hæc ratiocinatio patet ex dictis sup. cap. §. 2.

Secundo probatur ex ijs quæ docet Augustinus de necessitate, quæ tollit, & quæ non tollit arbitrij libertatem, loco iam citato de Ciuitate Dei. Quia ex eo constat libertatem arbitrij compatiam tantū necessitatem quæ est in nostra potestate, hoc est, quam possumus admittere vel reijcere vt placuerit; sed quæ talis est, est necessitas consequens, & stat cū antecedenti voluntatis indifferentia. Ergo ex Augustino liberum arbitriū compatitur tantum necessitatē consequentem, & quæ stat cum antecedenti, voluntatis indifferentia.

Probatur tertio ex discursu Augustini eodem libro 3. de lib. arbitrio, vbi difficultatem illam tractat de præscientia, quomodo non tollat libertatem. Nam cum tota ratio dubitandi an tollat libertatem, petatur ex eo quod ex præscientia sequi videatur necessitas in rem præscitam: ne-

D

cef

cessitas autem libertatem impediat; Augustinus neque negat vnquam non esse liberam voluntatem si necessitate fiat: neque recurrit ad distinctionem illam necessitatis violentæ, aut naturalis, quas solas Iansenius putat destruere libertatem. sic enim facile poterat respondere vno verbo, necessitatem quæ sequitur ex præscientia, non esse violentam, nec naturalem, qualis est lapidis deorsum cadentis; sed quasi non dubitaret, quin omnis necessitas antecedens, & causalis tollat libertatem; stat præcisè in illa contradictione, quod si daretur talis necessitas ex præscientia, sequeretur id quod præscitur non præsciri. Præscitur enim voluntas illa quam iam dixi, quæ significat volitionem connaturaliter elicitam supposita iudicij indifferentia; superueniente autem necessitate non esset amplius talis voluntas. Atque ita Augustinus nunquam negat oppositionem inter necessitatē & voluntatem: quin potius illam concedit, dū negat ex suppositione quod præscitur voluntas interuenire posse necessitatem. *Attende queso quanta cecitate dicatur, si præscivit Deus futuram voluntatem meam, quoniam nihil aliter fieri potest quam præscivit, necesse est ut velim quod ille præscivit: si autem necesse est, non iam voluntate sed necessitate id me velle fatendum est.* hæc est obiectio, in qua vides ex præscientia inferri duo cōtradictoria, nimirum voluntatē seu volitionem liberā, & necessitatem. August. autem respondet contradicere ipsum sibi qui hæc obijcit, non enim posse esse necessitatē, si præ-

præscitur voluntas, vel non esse voluntatem si sequatur necessitas. Vide quid dicat, *O stultitiam singularem? quomodo ergo non potest aliud fieri quam præsciuit Deus, si voluntas non erit, quam voluntatem futuram ille præsciuit?* Quare autem non erit voluntas Augustine? Nempe quia qui hæc obijcit, supponit quod erit necessitas: & ideo sibi contradicit, dicendo non posse aliud fieri quam præsciuit Deus, & supponendo præscitam voluntatem. Cum enim inducat necessitatem, cum qua non stat voluntas; sequitur contra ipsum, aliud fieri quam præsciuit. Præsciuit enim voluntatem; quæ inducta necessitate non erit. Quod iterum confirmat sequentibus verbis, *Omitto illud æque monstruosum quod paulo ante dixisti eundem hominem dicere, necesse est ut ita velim: qui necessitate superposita auferre nititur voluntatem. Si enim necesse est ut velim, unde volet cum voluntas non erit?* Vbi manifestum est ab Augustino, contradictionem agnoscere in eo quod dicitur, *necesse est ut velim*, propterea quod necessitas superposita auferat voluntatem, & ideo quaerit, *unde volet cum voluntas non erit*: quæ scilicet per necessitatem aufertur? Hæc est clarissima Sancti Augustini sententia, quam Baiani frustra conantur corrumpere sua illa glossa de more textui contraria, cum dicunt intelligendam ibi esse violentam, aut naturalem necessitatem. Qui enim obijciunt ex præscientia sequi necessitatem, nusquam significant se loqui de violenta, vel naturali; sed simpliciter de illa omni quæ

causa est ut aliquid fiat. Omnem autem rejicere Augustinum patet ex tribus argumentis evidentibus. Primum petitur ex comparatione qua utitur Augustinus, inter præscientiam quam habet Deus eorum quæ facturi sunt homines, & eorum quæ factururus est ipse. Vult enim sicut ex eo quod Deus præsciat se aliquid facturum non sequitur necessitate facere quæ facit; ita neque homines. Diuina autem præscientia non solum non inducit in diuinam voluntatem necessitatem violentam, aut naturalem; sed neque ullam omnino quæ sit antecedens, & causalis: cum sit certissimum causalem istam esse veram, Quia Deus vult facere, præscit se facturum: non autem istam, Quia præscit se facturum, vult facere. Augustini verba sunt, *Nonne igitur cauēs ut tibi dicatur etiam ipsum Deum quæcumque factururus est, non voluntate, sed necessitate facturum, si omnia quorum præsciens est, necessitate fiant, non voluntate?*

Secundum argumentum est, Qui a non aliam ex præscientia futuri necessitatem sequi putat, quam ex memoria præteriti, ut ibi significat, cum dicit, *Sicut tu memoria tua non cogis facta esse quæ præterierunt, sic Deus præscientia sua non cogit facienda quæ futura sunt.* Atqui ex memoria non sequitur necessitas vlla antecedens & causalis in rem præteritam: nullam ergo talem sequi putat ex præscientia in rem futuram.

Tertium argumentum est, Quia Augustinus ex illa necessitatis exclusionē infert Deum non esse.

esse authorem eorum omnium quæ præscit, Et sicut tu, inquit, quædam quæ fecisti meministi: nec tamen quæ meministi omnia fecisti: ita Deus omnia quorum ipse est auctor præscit, nec tamen omnium quæ præscit ipse auctor est. Quorum autem non est auctor, iustus est ultor. Hoc dicit, ut soluat dubium Eudij, qui opposuerat; Scire vellem qua iustitia puniat peccata quæ necesse est fieri, aut quomodo non sit necesse fieri quæ futura esse præsciuit? Augustinus dicendo, non ideo auctorem esse Deum eorum quæ præscit, quia necesse est ut eueniant, si præscita sunt; significat hanc necessitatem nec violentam esse, nec naturalem, nec ullam aliam antecedentem & causalem: quia quæcumque talis est, sufficit ut is à quo procedit censeatur auctor esse eorum quæ tali ex necessitate eueniunt. Vnde addit, hinc ergo iam intellige qua iustitia Deus peccata puniat, quia quæ nouit futura non facit. Quia scilicet præsciendo nullam inuehit causalem necessitatem & quâ censeri possit fieri quod fit. Illâ ergo intelligit dum necessitatem à voluntate libera excludit, eius autem exclusio indifferentiæ confessio est.

§. 2. Testimonia reliqua.

P Robatur quarto ex lib. 3. de lib. arbitrio. Quis peccat in eo quod nullo modo caueri potest? peccatur autem; caueri igitur potest. Nulla est ratio cur peccatori non esset imputandum peccatum, si caueri ab eo non posset, quam quia non pu-

taretur peccare liberè : Ergo ad libertatem quæ necessaria est ad peccādum , requirit Augustinus vt qui peccat possit non peccare : quod est indifferentem habere libertatem ad peccandum & non peccandum .

Respondent Baiani hæc dici ab Augustino cōtra Manichæos disputante, cum quibus contentio erat de prima origine mali, & de statu naturæ integræ, cuius primum peccatum nullum fuisset nisi caueri potuisset . Aliud autem sentire Augustinum quando agit de natura lapsæ, cuius peccata consequuntur ex primo illo peccato quo lapsa est : & ideo non desinunt esse peccata , etiam si caueri non possint à peccante .

Contra . Quæ dicit Augustinus contra Manichæos disputans; eadem valere putat contra Pelagianos: ergo quæ dicit de natura integra quantum spectat ad hoc caput , extendenda putat ad naturam lapsam . Probatum hoc ex ipsomet Augustino 1. Retractationum , vbi relatis superioribus verbis subiungit , *In his atque huiusmodi verbis meis , quia gratia Dei commemorata non est , de qua tunc non agebatur , putant Pelagiani , vel putare possunt , suam nos tenuisse sententiam . Sed frustra hoc putant ,* Quibus verbis Augustinus significat Pelagianos sententiam illam vniuersim accepisse , quasi comprehenderet etiam præsentem statum : ac proinde credidisse veluti Augustino etiam consentiente , in præsentem statum caueri posse peccata , sine gratia , propterea quod gratia non esset ibi

com-

Cap. 9.

commemorata . Sed frustra hoc putant, inquit Augustinus . Quare vero frustra hoc putant ? Quia in præfenti statu quisque peccat in eo quod caueri non potest ? Minimè . Augustinus nullo modo significat ex eo capite Pelagianos errare . Ex quo igitur ? Nimirum ex eo , quod quia gratiæ nulla fuerat mentio, putant à nobis peccata vitari posse sine gratia : & eadem facilitate qua vitari possent si esset illæsa natura : nec à concupiscentia per tenebras ignorantia præcipitaretur , ut modo fit . Cōfiteri gratiā sine qua recte pieque uiuere a mortalibus non potest , & de cætero dic quantumcumque uoles , Nemo peccat in eo quod caueri nullo modo potest . Nec alio tendit quod addit postea, se vel tunc cum Manichæos impugnaret , agnouisse etiam per ignorantiam facta quedam improbari & corrigenda iudicari : & quedam etiam necessitate facta improbari, ubi uult homo rectè facere , & non potest : Unde sunt illæ voces ; non enim quod uolo bonum hoc facio . Et propterea dicit longe antequam Pelagiana heresis extitisset se sic disputasse uelut iam contra illos disputaret . Neque enim aliam ob causam dicit se contra Pelagianos disputasse, quam quia dixerat hanc miseriam , ignorantie scilicet & concupiscentie , non esse naturam instituti hominis , sed pœnam damnati : atque ita docuerat agnoscendum esse peccatum originale, quod Pelagiani negabant ; unde sequeretur diuinæ gratiæ necessitas quod iterum inculcarat his verbis, Ad quam miseriam iuste damnationis pertinet ignorantia & difficultas quam patitur

omnis

Cap. 16.

Cap. 67.

omnis homo ab exordio natiuitatis suæ: nec ab isto malo nisi Dei gratia quisquam liberatur. Quod si quis vtrumque illud caput, peccati originalis, & necessitatis gratiæ, concedat; iam dixi nihil impedire Augustinum quominus quoque verum sit, peccatur, caueri igitur potest. Et ideo in lib. de natura, & gratia, vbi Pelagio respondet eadem illa verba, quis peccat in eo quod &c. obijcienti, Augustinus Agnosco, inquit, Verba mea sunt, sed etiam ipse dignetur agnoscere superius cuncta quæ dicta sunt de GRATIA QUIPPE DEI AGITVR QVAE NOBIS PER MEDIATOREM MEDICINA OPITVLATVR, non de impossibilitate iustitiæ. Quæ manifesta est confessio, quod ipse non neget etiam in hoc statu de quo cum Pelagio disputat verum esse quod dixerat contra Manichæos. Non enim agere se de impossibilitate iustitiæ, qua continetur impossibilitas cauendi peccatum: sed de necessitate medicinalis Christi gratiæ, cuius beneficio fit vt peccatum caueri possit. Adesse vero huiusmodi gratiam quotiescumque transgressio præcepti imputatur ad culpam, eaque ratione verum esse caueri posse peccatum dum peccatur, aperte significat Augustinus eodem loco, dum confirmat quod dixerat in tertio illo libro, non tibi ad culpam imputatur quod inuitus ignoras, sed quod negligis quærere quod ignoras: neque illud quod vulnerata membra non colligis, sed quod volentem sanare contemnis. Quo etiam pertinent illa ex eodem libro tertio de libero arbitrio, Non enim ante omne meritum boni operis parum

rum est accepisse naturale iudicium, quo sapientiam
 praeponat errori, & quietem difficultati: Ut ad haec non
 nascendo sed studendo perueniat. quod si agere noluerit,
 peccati rea tenebitur, tanquam quæ non bene v̄sa sit ea
 facultate quam accepit, quænam enim in ignorantia
 & difficultate nata sit, non tamen ad permanendum
 in eo quod nata est ALIQUA NECESSITATE comprimitur.
 Ex quibus omnibus perspicuum est ex mente Au-
 gustini, etiam supposita ignorantia & concupi-
 ſcentia, quæ sunt lapsæ naturæ vulnera, verum
 esse quod dixerat, Quis peccat in eo quod nullo modo
 caueri potest, peccatur autem, caueri igitur potest. Ne-
 que forte deerit qui putet superfluo labore id pro-
 batum esse, quod ipse loquendi modus id om-
 nino præferat. Illa siquidem interrogatio,
 Quis peccat in eo quod nullo modo caueri potest, æqui-
 ualet huic negatiuæ vniuersali, nullus peccat in
 eo quod nullo modo caueri potest, quam fal-
 sam & ridiculam reddit, qui negat comprehende-
 re præsentem hominum statum, qui est, qui fuit
 ab initio mundi, & erit vsque in finem. Destruit
 enim illius vniuersalitatem & significationem il-
 lam per verbum de præsentem, cum reducitur ad
 istam In statu innocentiae, in quo fuerunt tantum
 duo homines nemo peccabat in eo quod caueri non po-
 terat. Certè ille affatim ridendus esset, qui dice-
 ret, Quis moritur qui malit viuere? quæ huic æqui-
 ualet, Nullus moritur si viuere malit, quæ vera fuit
 in statu innocentiae. Sed quia iam eo modo pro-
 lata præsentem statum designat, ideo simpliciter

E

falsa

falsa est, & eius contraria est vera, etiam apud Augustinum locis antea citatis, ubi dicit vivere & mori non esse in nostra potestate. Breuiter dico, istarum duarum propositionum, nemo peccat in eo quod cauere non potest, &, nemo moritur si mori nolit, apud Augustinum una affirmatur, alia negatur. Apud Iansenium utraque eodem modo, eodemque sensu vera est, designato videlicet statu innocentiae: & utraque falsa, designato praesenti statu: Ergo Augustini & Iansenij contraria doctrina est.

c. 1.

Probatur quintò ex eodem lib. 3. de libero arbitrio, Restat igitur ut mentis sit proprius iste motus, quo fruendi voluntatem a Creatore ad creaturam conuertit: qui motus si culpae deputatur, unde qui dubitat irrisione dignus tibi visus; non est utique naturalis, sed voluntarius; in eoque similis est illi motui quo deorsum versus lapis fertur, quod sicut iste proprius est lapidis, sic ille animi; VERVM TAMEN IN EO DISSIMILIS, QVOD IN POTESTATE NON HABET LAPIS COHIBERE MOTVM QVO FERTVR INFERIVS, Animus vero cum non vult non ita mouetur, ut superioribus desertis inferiora diligat: & ideo lapidis naturalis est ille motus, animo vero iste voluntarius. hinc est, quod lapidem si quis dicat peccare, quod pondere suo tendit in infima, non dicam ipso lapide stolidior, sed profecto demens iudicatur. Animum vero peccati arguimus, cum eum conuincimus superioribus desertis ad fruendum inferiora praeponere. Quibus auditis respondet Euodius, Video & quodammodo tango & teneo vera esse quae dicitis. Non enim
quid

quidquam tam firmè atque intimè sentio, quam me habere voluntatem, eaque me moneri ad aliquid fruendum &c.

Vbi primo constat euidenter, Augustinum in vniuersum ita loqui vt comprehendat etiam statum præsentem. Nam quod dicit *arguimus, conuincimus*, & quod respondet Euodius, *video, tango, teneo firmè, atque intimè sentio*, quis adeo desipiat, vt transferat in statum innocentie? Num exercet Augustinus præceptum fraternæ correctionis erga Adamum, dum dicit *arguimus, conuincimus*? Et Euodius num experitur in se dispositionem animi quam habuerat Eua dum dicit, *sentio, teneo, tango*? Adde quod ex his postea infert, oportune moneri homines, vt spretis inferioribus bonis superna requirant. Quos vero homines? Ad Adamum & Euam scribendas putat paraneles, atque ad futuram si illi non peccassent in statu innocentie rempublicam?

Secundo constat ibidem in eo distingui motum lapidis à voluntario & deliberato animi motu, quod lapis qui mouetur deorsum non habeat in potestate non moueri: hoc enim est quod dicit, *verumtamen in eo dissimilis, quod in potestate non habet lapis cohibere motum quo fertur inferius*, habet igitur animus dum voluntario illo motu mouetur, in potestate illum cohibere, postquam in eo dissimilis est lapidi.

Tertiò constat hanc assignari causam ab Augustino, cur lapis cadendo peccare non possit:

E 2

Hinc

Hinc est, inquit, quod lapidem si quis dicat peccare &c. Ergo a contrario, eam esse causam putat cur animus peccet : & nihilo magis peccaturum quam lapidem, si non haberet in potestate motum cohibere quo mouetur . Atqui hoc est non aliam esse rationem cur lapis non peccet, nisi quia non mouetur cum indifferentia ut moueatur vel non moueatur : & cur animus peccet, nisi quia cum illa indifferentia mouetur : siquidem moueri sine potestate cohibendi motum, est moueri sine indifferentia . Manifestum igitur est Augustinum indifferentiam postulare ad libertatem peccando necessariam .

Probatur sextò ex eodem lib. 3. de lib. arbitrio, ubi repræsentat homines expostulantes de diuina prouidentia, quasi ipsis iniuste imputaret aliena peccata, scilicet Adami & Eux . Dicunt enim, inquit, si Adam, & Eva peccauerunt ; quid nos miseri fecimus, ut cum ignorantia cecitate, & difficultatis cruciatibus nasceremur : & primo erraremus nescientes quid nobis esset faciendum : deinde ubi nobis inciperent aperiri præcepta iustitiæ, vellemus ea facere, & renitente carnalis concupiscentiæ nescio qua necessitate non valeremus ? hæ sunt hominum querele, Quibus breuiter respondetur inquit Augustinus, ut quiescant, & aduersus Deum in murmurare desistant . Rectè enim fortasse quererentur, si erroris & libidinis nullus hominum victor existeret . hoc est si nullo exemplo vel experientia constaret difficultates illas vinci posse . Cum vero ubique sit præsens, qui multis modis per-

crea-

creaturam sibi domino seruientem auersum Vocet, doceat credentem, consoletur sperantem, diligentem exhortetur. conantem adiuuet, exaudiat deprecantem, hoc est, cum gratia per quam aliqui sunt victores erroris & libidinis, ijs etiam adsit qui se vinci patiuntur, non tibi ad culpam imputatur quod inuitus ignoras, sed quod negligis querere quod ignoras: neque illud, quod vulnerata membra non colligis, sed quod volentem sanare contemnis. Quod est dicere, non iam amplius damnaris propter peccatum Adami, sed propter propriam negligētiam, qua oblati a Deo medijs ad cognoscendam veritatem, & sanitatem recuperandam ab uteris. vnde addit, *Ista tua propria peccata sunt.* NVLLI ENIM HOMINI ABLATVM EST SCIRE VTILITER QVAERERE, QVOD INVILITER IGNORAT. Et humiliter confitendam esse imbecillitatem ut querenti & confitenti ille subueniat, qui non errat dum subuenit, nec laborat.

Vides ex hoc loco qui totus ab Augustino approbatur contra Pelagianos disputante in libro de natura & gratia, quomodo murmuratores illos, qui querebantur se plecti propter peccata quę videbantur illis à sua voluntate aliena esse, nimirum propter peccata Adami & Eux, Sanctus Doctor compescat cum dicit, falsò illos & immeritò suam culpam in Adamum & Euam conari conijcere, esse enim propriam ipsorum, *Ista tua propria peccata sunt.* Quare vero sunt propria; seu proprię voluntatis peccata? Quia inquit, ubiq; pręsens est qui multis modis per creaturam sibi domino seruientem auersum

sum

sum vocet: & ideo nulli homini ablatum est scire utiliter querere, quod inutiliter ignorat. Hec est propria voluntatis negligentia, propriumque peccatum.

Ex quibus ita licet argumentari, Tota ratio, quam affert Augustinus cur ignorantia & libido imputentur ad proprium & personale peccatum, quando quis ab ijs superatur, ea est, quod ijs qui sic superantur non desit gratia qua victores essent, si velent. Atqui superari cum tali gratia non est aliud, quam talem esse eorum voluntatem ut superari, & non superari possit: Ergo talem esse voluntatem ut superari & non superari possit, est tota ratio quam affert Augustinus, cur ignorantia & libido imputetur ad proprium & personale peccatum. Sed talem esse voluntatem est esse indifferentem, & liberam a necessitate ad vnum determinante. Ergo ea est Augustino tota ratio cur aliquid imputetur ad proprium & personale peccatum.

cap. 20.

Atque hoc Augustinus iterum inculcat dum subiungit. Non enim ante omnem meritum boni operis, parum est accepisse naturale iudicium, quo sapientiam præponat errori, & quietem difficultati: quod si agere noluerit, anima peccati rea iure tenebitur, tanquam que non bene usa sit ea facultate quam accepit. Quanquam enim in ignorantia & difficultate nata si, non tamen ad permanendum in eo quod nata est aliqua necessitate comprimatur. Non comprimi aliqua necessitate, est nulla necessitate comprimi, quo pacto excluditur, non tantum violenta & naturalis necessitas,

tas, sed quæcumque alia antecedens & causalis: & ea sola est causa, cur anima teneatur rea ex Augustino, dum per ignorantiam vel concupiscenciam peccat: ergo ratio cur peccet est quia caret antecedenti necessitate, quâ seclusâ restat indifferentia:

Et iterum eodem loco, iuxta eam sententiam propagationis animarum, quæ alicui placere posset, quod scilicet animæ alibi productæ suæ sponte veniant ad corpora, Negligentibus, inquit, & sua peccata de infirmitate defendere volentibus, non ipsam ignorantiam difficultatemque pro crimine obijceret Deus, sed quia in eis potius permanere, quam studio quærendi atque discendi, & humiliter confitendi atque orandi, ad veritatem ac facilitatem peruenire voluerunt, iusto supplicio vindicaret, Vbi iterum vides & reatus imputationem, & supplicij iustitiam ab Augustino refundi in facultatem non peccandi, quam habere supponit eos qui peccant, quod est, ad indifferentiam recurrere.

Probatur septimo ex libro de duabus animabus contra Manichæos, & ex illa definitione voluntatis quam tradit & approbat, *Voluntas est motus animi cogente nullo*, vbi quid intelligat per *no cogente nullo*, explicat ipse postea cap. 12. *Si ita coguntur animæ peccare, ut potestas resistendi nulla sit, non peccant: si est in potestate sua resistere & propria voluntate consentiant, cur tanta bona in summo malo, cur hoc malum in summo bono.* Vbi cla-

re.

re vides cogente aliquo apud Augustinum idem esse, ac nullam superesse resistendi potestatem: & nullo cogente, idem esse, ac esse in potestate resistere. hoc vero quid aliud est, quam voluntatem esse talem animi motum, ut sit in potestate resistere mouenti, seu esse talem motum quem animus possit admittere, & reprimere? Hæc autem ista indifferentia.

cap. 15.

Et hoc confirmatur ex primo Retractationum, ubi Augustinus hanc definitionem recognoscit & confirmat, *Quisquis sciens peccat, si potest cogenti ad peccatum sine peccato resistere, nec tamen facit; Vtique volens peccat. Quoniam qui potest resistere non cogitur cedere.* Vbi iterum vides non coactionem poni in potestate resistendi, & pro eodem haberi non cogi & posse resistere. Iam vero vide quid addat. *Qui vero cogenti cupiditati bona voluntate resistere non potest; & ideo facit contra præcepta iustitiæ, iam hoc ita peccatum est, ut sit etiam pæna peccati.* quæ verba relatiua sunt ad ea quæ præcesserant, cum dixit, *potest etiam putari falsa esse ista sententia qua diximus, nusquam nisi in voluntate esse peccatum, quia dixit Apostolus, si autem quod nolo, hoc facio, iam non ego operor illud, sed quod habitat in me, peccatum.* hoc enim peccatum usque adeo non est in voluntate, ut dicat, quod nolo, hoc facio. Quomodo ergo nusquam est nisi in voluntate peccatum? Sed hoc peccatum, de quo sic loquutus est Apostolus, ideo peccatum vocatur, quia peccato factum est, & pæna peccati est.

En quo sensu dicat peccatum illius qui cogenti i-

cu-

cupiditati bona voluntate resistere non potest, esse peccatum & pœnam peccati. Nimirum vult esse peccatum, cui quando bene viuitur, non consentit voluntas, quodque ob eandem causam non est in voluntate: a quo peccato distinguit illud quod etiam in voluntate est: quodque committitur, dum concupiscentiæ consentitur.

Quamquam, inquit, & hoc peccatum quo consentitur peccato concupiscentiæ, non nisi voluntate committitur. Cogi autem homines ad consentiendum cupiditati, pleno & deliberato consensu, dico Augustinum nec dixisse vnquam, nec cogitasse. Ideo autem non cogitauit quemquam cogi, quia putauit nullum non posse resistere. Atque ex his refutatum manet quod Baiani obijciunt, Augustinum hic loqui de voluntate eorum qui primi peccarunt. Quia iam ostensum est, etiam intelligi de voluntate qua concupiscentiæ consentitur. Est enim hoc quoque peccatum in voluntate, prout voluntas definita est, quod euidentius fiet ex mox dicendis.

Probatur octauo, ex illa definitione peccati quam tradit Augustinus eodem libro de duabus animabus, cum dicit, *Peccatum est voluntas retinendi vel consequendi quod iustitia vetat, & unde liberum est abstinere. Quamquam si liberum non sit, non est voluntas. Sed malui crassius quam scrupulosius definire eam rem.* Quod dicit, *est voluntas*, intelligit voluntatem iam a se definitam motum animi cogente nullo. Et vide quid dicat, supposita illa

Cap. 11.

F

VO-

voluntatis notione, redundare particulas illas in definitione, unde liberum est abstinere. Nempe quod voluntas eo ipso quod est voluntas iam definita, hoc ipsum dicat. Quæ est manifesta quædam confirmatio explicationis iam datæ verborum illorum cogente nullo. Sed malui, inquit Augustinus, crassius quam scrupulosius definire eam rem. O saluberimum consilium. Ita enim expediebat sanando stupori hominum, qui capere vel non possunt vel nolunt, quod apud Augustinum expositum est, voluntatem qua peccatur, esse actum facultatis quæ potest agere, & non agere: ac proinde facultatis necessitate carentis ad vnum determinante. O fœlix Augustini peccatum, quo maluit scrupulosas dialecticorum leges violare, quam vllum ignorandæ negandæve huiusce veritatis prætextum relinquere. Sed quid fiet Baianorum oculis, qui postquam tam multis annis Augustinum in omnem paginam versarunt, cum toties occurrisset, nunquam viderunt, non esse voluntatem si non sit liberum abstinere: ideoque contumaciter pugnant, & esse voluntatem: & esse liberam voluntatem illam, quæ sequitur ex necessitate ad vnum determinante: hoc est illam, a qua non est liberum abstinere, contra manifestam Augustini sententiam? Neque enim dici potest illud, unde liberum est abstinere cadere in rem voluntam, non verò in ipsam voluntatem. Esset enim hoc modo Augustini definitio falsa, & erronea: cum certum sit peccatum esse etiam voluntatem eius

eius rei a qua non est liberum abstinere! Quis enim negat voluntatem delectationum concupiscentiæ peccatum esse, quamvis non sit liberum abstinere ab illis? Nempe quia tametsi non sit liberum abstinere a delectationibus, est tamen liberum abstinere ab earum voluntate. Ergo illud, *unde liberum est abstinere*, in voluntatem seu volitionem ipsam cadit, non in eius obiectum.

Hic iterum Ianseniani obijciunt, Augustinum intelligendum de primo peccato, quod fuit peccatum tantum, non de consequentibus inde peccatis, quæ modo committuntur in statu naturæ lapsæ. Sed hæc est aperta quædam prævaricatio & Augustinianæ sententiæ corruptela. Quia, quamvis verum sit, & ipse Augustinus significet, se, quia quærebat primam originem mali, dum hæc disputabat, primum peccatum respexisse; credidisse tamen hoc quod dicebat de primo peccato illi tantum convenire, non autem consequentibus, quæ propria & personalia peccata sunt in hoc rerum statu in quo nunc versamur deliberate commissa; non solum falsum est, sed ab ipso etiam Augustino adeo perspicue declaratum, ut si qui negent proditæ veritatis excusari minime possint. Constat hoc primo ex eo quod dicit Augustinus in opere imperfecto contra Iulianum, qui hanc illi definitionem obiecerat, ut probaret contradicere ipsum sibi. Respondet num. 18. autem Augustinus, etiam nunc multa peccare homines a quibus liberum est abstinere, *Multa*

quoque sunt qua agunt homines mala, a quibus liberum est abstinere.

Constat secundo ex discursu Augustini in hoc ipso libro de duabus animabus, ubi tantum abest ut quod dicit veritatem habere putet solum in primo peccato; ut hoc colligat potius ex communi hominum sensu circa peccata quæ iam fiunt, & applicet deinde primo peccato. Vide enim quid addat post allatam definitionem. *Nec hi libri obscuri mihi scrutandi erant, unde discerem neminem vituperatione supplicioque dignum, qui aut id velit quod iustitia velle non prohibet, aut id non faciat quod facere non potest.* Hoc est, ego cum essem Manichæus, et cum illis vel non crederem, vel nescirem peccatum originale, sequutamque inde humanæ naturæ corruptionem; non egebam tamen speculatione magna, et scrutatione arcanorum librorum, ut intelligerem verum esse quod iam dixi, neminem videri peccare, quod non faciat quod facere non potest, quod est peccare in ea re, à qua non est liberum abstinere. Quare autem non egebat Augustinus magno studio, ut hoc intelligeret? *Quia inquit, nonne ista cantant in montibus pastores, & in theatris poete, & indocti in circulis, & docti in bibliothecis, & magistri in scholis, & Antistites in sacris locis, & in orbe terrarum genus humanum?* Ex hac autem vniuersali notione mortalium infert Augustinus, se non modò nunc quando instructior est, sed tunc quoque quando cum Manichæis errabat, potuisse peccatum definire

nire vt iam definit, *peccatum est voluntas retinendi vel consequendi quod iustitia vetat, & unde liberum est abstinere*. De quo autem quæso peccato cogitant pastores in montibus, poetæ in theatris, indocti in circulis? De quo, inquam, peccato cogitant, quando negant esse peccatum a quo liberum non est abstinere? Alia peccata cogitant quam ea quæ iam fiunt, et quorum experientiâ et cognitionem habent? Quid illis cum peccato quod Christiana tantum fides reuelauit primum fuisse? Perspicuum igitur est, nihil aliud velle Augustinum, quam ita esse notum omnibus hominibus, esse intrinsecû et essentielle ipsi rationi peccati, quod est dignum vituperatione et supplicio, vt qui peccat possit non peccare; quemadmodum notum est totum esse maius sua parte, vel quod paulo ante dixit, notum est vnicuique se viuere; et se voluntatem habere. Nam superiorem quoque definitionem voluntaris, quâ dicta est, esse motus animi cogente nullo, Augustinus pariter colligit ex communi omnium sensu, cum dicit, *Hoc vbiq; manifestum esse, & non doctrina, sed natura omnibus promptum: hoc proclamare naturam ipsam in omnibus quos non absurde interrogare possumus, a puero vsque ad senem, a ludo literario vsque ad solium sapientiæ: hæc esse luce clariora: nec esse tantum suæ notitiæ, sed notitiæ generis humani, veritatis ipsius liberalitate donatæ, sine voluntate prout iam definita est peccatum esse non posse, idq; omnem mentem apud se diuinitus conscriptum legere*. Ergo Augustinus ita
pro-

cap. 15.

progreditur, vt à Manichæis exigat confessionem
eiusce veritatis quam sine studio, sine disciplina,
ipsum lumen rationis impressit mortalibus om-
nibus, peccatum esse non posse supplicio & vitu-
peratione dignum, à quo non est liberum absti-
nere. Mortales autem omnes dum hoc iudicant,
non aliud cogitant peccatum, quam quod eodem
lumine naturali cognoscitur conuenire tanquam
genus ijs speciebus quæ sunt illis in hoc statu re-
rum cognitæ, hoc est furtis, adulterijs, homici-
dijs, &c. Ergo supponit Augustinus veluti rem,
quam nec ipse ignorare poterat dum esset Mani-
chæus, nec modo ignorare potest vllus qui lumi-
ne rationis fruatur, peccatum quod dicitur de
ijs quæ in hoc rerum statu committuntur, vt sunt
adulteria, furta, homicidia & similia, inuoluere
voluntatem à qua liberum sit abstinere. Vnde
vltius procedit, vt ostendat minimè fuisse ne-
cessarium ad inueniendam mali originem & pri-
mam causam confugere ad permixtionem dua-
rum animarum in eodem homine, quarum vna
esset de gente tenebrarum & mala, alia vero ex
Dei substantia & ex se bona; posse enim huius-
modi originem inueniri in voluntate vnus &
eiusdem animæ, quæ prius bona, libera tamen
voluntate, seu voluntate a qua liberum est absti-
nere, dum peruerse amat quæ odisse debuerat,
vel peruerse odit quæ amare debuerat; initium
dedit malo, illæsa Dei bonitate ac prouidentia.
Atque ita tantum abest vt Augustinus excluderet

ab

ab illa definitione peccatâ consequentia, quæ committuntur in præfenti rerum statu; vt supponat cognitum prius & iudicatum euidenter euidencia luminis naturalis istis conuenire: atq; ab ijs abstractam & præcisam applicari debere peccato, quod primo commissum est, vt confutentur errores Manichæorum & sanctitas vnius rerum omnium Creatoris ab omni suspitione mali purgetur. Hanc esse liquidissimam Sancti Augustini mentem, si negare pergant Baiani; ne iactent se in inuestiganda Sancti Doctoris sententia plurimos annos consumpsisse: quia nihil aliud obtinere poterūt ab æquis iudicibus, quam se diu laborasse vt eius doctrinam inuoluerent, & absconderent veritatem.

Probaturo nono, ex eodem libro dum ait, *Dicere animas esse malas & nihil peccare, plenum est demencia: dicere autem peccare sine Voluntate, magnum deliramentum est: & peccati teneri reum quenquam quia non fecit quod facere non potuit, summæ iniquitatis est, & insanie. Quamobrem ille animæ quidquid faciunt, si natura non voluntate faciant, id est, si libero ad faciendum & ad non faciendum motu animi carent, si denique his abstinendi ab opere suo potestas nulla conceditur, peccato earum teneri non possumus.* cap. 12.

Si petam à Nou-Augustinianis de peccatis quæ in hoc statu naturæ lapsæ à nobis deliberatè comittuntur, vtrum natura fiant, an voluntate; nolent vt opinor cōtradicare Augustino dicenti, dum hunc librum de duabus animabus recognoscit,

i. Retr.
cap. 15.

scit, *Etiā hoc peccatum quo consentitur peccato concupiscentia, non nisi voluntate committi.* Ergo dum peccamus nō naturā sed voluntate peccamus ex Augustino. Iterum si quæram, quid est hoc, nos non natura, sed voluntate peccare? Habent ne aptius aliquid quod respondeant, quam Augustinianum illud, *id est?* Natura, non voluntate aliquid facere, id est, inquit Augustinus, carere libero ad faciendum & nō faciendum animi motu: atque ita pro eodem habet, natura non voluntate aliquid fieri, & fieri sine libero ad faciendum & non faciendum animi motu. Vnde sequitur pro eodem etiam habendum apud Augustinum, aliquid non natura sed voluntate fieri, & fieri libero animi motu ad faciendum, & non faciendum. Atqui peccatum non natura, sed voluntate fit apud eundem Augustinum, etiam in hoc statu naturæ lapsæ: Ergo peccatum, etiam in hoc statu naturæ lapsæ fit libero ad faciendum & non faciendum animi motu. Videamus quam partem huius syllogismi negare velint, cum sit totus Augustinianus. Sed quid opus est argumentatione, cum Augustinus conclusionem ipsam totam ponat, cum dicit, *Si animæ quæ peccant, carent libero ad faciendum, & non faciendum animi motu: si denique abstinendi ab opere suo potestas nulla concessa est, peccato earum teneri non possumus?* Et vide quid excipiat dum relegit hunc locum in retractationibus, *Quod autem dixi,* inquit, *illæ animæ quidquid faciunt: si natura non voluntate faciunt, id est,*

est, si libero ad faciendum & non faciendum animi motu carent, si denique his abstinendi ab opere suo potestas nulla conceditur, peccatum earum tenere non possumus: propterea non perturbat de paruulis questio; quia ex illius origine rei tenentur, qui voluntate peccauit, quando libero ad faciendum & non faciendum motu animi non carebat, eique ab opere malo abstinendi potestas summa erat. Vbi vides Augustinum manifestè supponere, contra id quod dixerat obijci tantum posse peccatum originale paruulorum, quod scilicet nulla ei occurreret ratio dubitandi, quin peccato actuali & personali quod propria voluntate contrahitur totum hoc conueniat, quod dixerat, minime reum teneri qui caruit libero ad faciendum & non faciendum animi motu, nec habuit potestatem abstinendi ab opere suo. Ac proinde iuxta regulam illam quâ dicitur exceptio firmare legem, cum Augustinus peccatum tantum paruulorum excipiat, propterea quod origine tantum ex Adami voluntate ducta peccatum sit; manifestum est argumentum, comprehendisse Augustinum lege illa omne aliud peccatum, quod non origine, sed propria voluntate contrahitur in hoc rerum statu.

Probatum decimò, ex eodem libro cum dicit, Propterea corpora diligendo peccamus, quia spiritualia diligere & iustitia iubemur & natura possumus: & tunc in nostro genere optimi & beatissimi sumus. Quem locum ubi recognoscit Augustinus, Quæri potest, inquit, cur, natura & non gratia possumus, dixerim,

G

sed

sed contra Manichaeos de natura questio versabatur: & utique id agit gratia, ut sanata natura, quod vitata non potest, possit per eum qui venit querere & saluum facere quod perierat, quanquam etiam gratiam tunc recolens orauit &c. Vbi vides totam illam sententiam approbari, dummodo exprimat quod erat subintellectum de necessitate gratiae, dicaturque, propterea corporea diligendo peccamus, quia spiritualia diligere, & iustitiam iubemur, & naturam per gratiam adiuta possumus &c. Ergo causam cur peccare censeamur corporea diligendo, Augustinus eam tantum assignat, quod dum diligimus corporea non desit gratia qua possimus, non solum non ea diligere, sed diligere etiam spiritualia. Atqui hoc est dicere propterea peccari, quia habemus facultatem indifferentem ut faciamus, vel non faciamus id in quo peccamus, quod est carere omni necessitate antecedenti ad vnum determinante.

Probatur undecimò, ex insigni loco eiusdem libri, ubi ex honestate necessitate & possibilitate poenitentiae Augustinus subtilissime confutat figmentum illud duarum animarum, quarum altera nihil mali committat, altera nihil admittat boni. Ergo ita ratiocinatur Augustinus. Horum simile est quod de poenitendo nunc dicam. Nam ut inter omnes sanos constat, & quod ipsi Manichaei non solum fatentur sed etiam praecipunt; Utile est poenitere peccati. Vox est etiam ista natura, neminem stultum rei huius noticia deseruit, hoc nobis nisi etiam penitus insitum esset, periremus. Potest aliquis dicere,
se

se non peccare : non autem sibi esse si peccauerit penitendum , nulla barbaries hoc dicere audebit . Quæ cum ita sint , quero ex duobus illis generibus animorum cuius sit penitere peccati ? Scio quidem nec illius esse posse , qui male facere : neque illius qui bene facere non potest . Quare ut eorum Verbis Utar , si anima tenebrarum peccati penitet , non est de substantia summi mali . Penitendi enim affectio illa , quæ prodiit male fecisse penitentem , & bene facere potuisse testatur .

Baiani nihilo magis quam Manichæi negant penitendum esse de quolibet peccato : ne non solum Dei testimonium , sed ipsum etiam rationis lumen , quo nulla gens est tam barbara quæ careat , oppugnare , videantur : atqui penitere , inquit Augustinus , quod ab omni peccatore exigere potest , non potest tamen ut dictum est exigere ab eo qui bene facere non potest , hoc est qui non potest penitere ; quomodo ergo peccatum erit impenitentia ? In tantum enim peccatum esse potest , in quantum omittitur quæ merito exigitur penitentia : penitentia vero , inquit Augustinus , merito exigere nequit ab eo qui non potest bene facere : quia hoc ipso quod non potest bene facere , nec potest penitere . Quod si dicas , vitio suo peccator contraxit impotentiam illam penitendi : & ideo illi imputari debet , quod non peniteat . Diceret pariter Manichæus , vitio suo incapacem esse penitentiam quæ mala supponitur , animam , unde sicut imputantur eius vitio alia peccata , ita & impenitentiam imputandam esse , supponit ergo in vniuersum

sum Augustinus, non posse præcipi penitentiam nisi ei cui penitendi facultas datur aut offertur. Et quia non est potior ratio de penitentia, quam de quolibet alio virtutis exercitio; supponit in vniuersum ad omne peccatum omissionis requiri facultatem faciendi quod omittitur: & à pari, ad omne peccatum commissionis requiri facultatem omitendi quod committitur: quæ est exclusio necessitatis ad vnum determinantis & assertio indifferentiæ tali necessitati oppositæ tanquam requisitæ ad necessariam ad peccandum libertatem.

Cap. 11.

Probatur duodecimo, ex eo quod dicit Augustinus citato iam primo libro, Atractationum. dum retractat librum de duabus animabus. Dicit autem allatam peccati definitionem veram esse, *Quia id definitum est quod tantummodo peccatum est, cuiusmodi fuit peccatum Adami, & est modo consensus deliberatus voluntatis, quo concupiscentiæ consentit, non quod est etiam pena peccati, cuiusmodi sunt motus concupiscentiæ qui voluntatis consensum sollicitant. Nam quando tale est, ut idem sit & pena peccati, quantum est quod valet voluntas sub dominante cupiditate, nisi forte si pia est, ut oret auxilium? In tantum enim libera est, quia in tantum libera est, & in tantum appellatur voluntas: alioqui tutius cupiditas quam voluntas proprie nuncupanda est. Quærimus quid intelligat Augustinus dum dicit nos voluntate peccare, voluntate bene viuere, & præscientiam ideo non tollere libertatem.*

tem, quia semper id quod præscitur est voluntas, qua vel peccaturi sumus vel bene acturi. Ecce id Augustinus hoc loco explicat, cum dicit, non, esse *proprie* vocandam voluntatem, nisi sit ita libera & liberata ut possit facere quod ab ea exigitur. Ergo si supponatur aliquis necessitate peccare impellente cupiditate; ille non potest dici iuxta Augustinum voluntate peccare *proprie* loquendo: quandoquidem voluntas quæ non est adeo libera vel liberata ut possit excutere iugum cupiditatis non debet dici voluntas, sed cupiditas. Vnde sequitur, cum non nisi voluntate peccetur, voluntas autem non dicatur quæ non est soluta à necessitate concupiscentiæ, & potens non peccare, ut Augustinus significat; non peccari quando non est liberum abstinere à peccato, ac proinde quando non est indifferentia.

Quod ut clarius intelligatur, peto à Baianis, quando constat Augustinum loco citato distinguere voluntatem à cupiditate, quid censeant de propositione ista, *homo in hoc rerum statu non peccat voluntate, sed cupiditate*, vera ne sit an falsa iuxta doctrinam Augustini? Si vera est, errauit Augustinus, qui non solum de peccato Adami, sed de eo quoque quo à nobis concupiscentiæ consentitur hoc ipso in loco pronuntiavit, *non nisi voluntate committi*: idque non semel, sed ter quater, & quinquies. Si falsa est, & consequenter si voluntate peccamus prout voluntas à concupiscentia distinguitur; Ergo necessaria est ad peccan-

candum indifferentia; quia voluntas illa sine qua non peccatur non distinguitur à cupiditate, nisi per hoc quod sit ita libera ut ei possit non consentire, ut patet ex citato loco.

Dices, Augustinus non loquitur proprie, quando dicit nos voluntate peccare, & proprie loquitur quando distinguit voluntatem à cupiditate. Sed quid erit certum, & ubi figemus pedem in doctrina Augustini, si liceat ita interpretari, præsertim ubi aliquod nomen in eodē contextu, ut hic accidit, sæpius usurpatur? Et cum *voluntatem* eodem modo ponat in definitione peccati cuius hic meminit quādo dicit, *peccatum est voluntas* &c. num dicemus voces improprie sumi ab Augustino etiam in definitionibus, ubi earum proprietas maximè requiritur? Et quomodo quæso accipit voluntatem dum dicit, *peccatum primum quod iusta damnatio sequuta est, nusquam esse nisi in voluntate*? certè tunc proprie voluntas sumi debet: quia tunc non erat cupiditas. Atqui statim subiungit, *quanquam & hoc peccatum quo consentitur peccatis concupiscentiæ, non nisi voluntate committitur*. hic ergo non sumit voluntatem eodem modo, sed improprie? Atqui hoc dicere nugari esset. Voluntas utrobique sumitur eodē modo: sed supponitur in nobis tentari & sollicitari à concupiscentia, non autem cogi, vel necessario impelli: quod non fuit in Adamo.

Dices iterum Augustinum hæc subiungere, unde pateat ipsum interdum confundere voluntatem

tatem cum cupiditate. Quod si quisquam dicat etiā ipsam cupiditatem nihil aliud esse quam voluntatem, sed vitiosam peccatoque seruientem, non resistendum est: nec de Verbis cum res constat controuersia facienda.

Respondeo hinc potius confirmari quod dixi, cū constet hanc esse concessionem tantum, vt quis aliter loquatur quam ipse loquutus sit: vnde manifeste colligitur, ipsum non illo modo de voluntate loquutum.

Probatur decimo tertio, ex libro contra Fortunatum, vbi Augustinus sic loquitur. *Anima rationali quae est in homine dedit Deus liberum arbitrium. sic enim posset habere meritū, si voluntate non necessitate boni essemus. Cum ergo oporteat non necessitate sed voluntate bonum esse, oportebat vt Deus animae daret liberum arbitrium.* Liberum arbitriū homini datum, erat arbitriū indifferens: & necessitas quā excludebat, nō erat tantū necessitas coactionis, aut naturalis: sed erat omnis omnino necessitas antecedens, & ad vnum determinans, vt Iansenius passim fateatur. Vide autem quare dicat Augustinus oportuisse vt ita fieret. Nempe, vt posset habere meritū: & quia oportet non necessitate sed voluntate bonum esse. Vnde dico, Vel est necessarium in vniuersum tale liberum arbitrium, ad hoc vt sit meritum, & vt sit bonum morale, vel non; si est in vniuersum necessarium: Ergo neque modo possumus habere meritum, si non habeamus idem liberum arbitrium; si non est in vniuersum necessarium: Ergo neque Adamus propterea desisset

ha-

habere meritum, & esse bonus, contra quam dicat Augustinus: qui propterea censendus est ad bonū morale requisivisse arbitrium indifferens in quocumque statu.

Probaturn decimo quartò, ex eodem loco, & hisce verbis, *Liberum voluntatis arbitrium in ipso homine fuisse dico qui primo formatus est: ille sic factus est ut nihil omnino voluntati eius resisteret, si vellet Dei præcepta servare. Postquam autem libera ipse voluntate peccavit, nos in necessitatem præcipitati sumus, qui ab eius stirpe descendimus. Hic Baiani gaudio exiliunt, sed pergant legere, Potest autem unusquisque nostrum mediocri consideratione inuenire Verum esse quod dico. Hodie namque in nostris actionibus antequam consuetudine aliqua implicemur, liberum habemus arbitrium faciendi aliquid vel non faciendi: cum autem ista libertate fecerimus aliquid, & facti ipsius tenuerit animam pernicioſa dulcedo & voluptas; eadem ipsa consuetudine sic implicatur, ut postea Vincere non possit quod sibi ipsa peccando fabricata est.*

Baiani, quid est hoc, *Nos in necessitatem præcipitati sumus, & tamen etiam hodie habemus liberum arbitrium faciendi, aut non faciendi malum, antequam consuetudinem contraxerimus? Nonne hoc est asserere in natura lapsa indifferentiam ad peccandum vel non peccandum? Nonne hinc intelligi potest necessitatem illam non esse aliud quam magnam aliquam difficultatem, qualis nascitur ex malo habitu, quæque non tollit physicam potentiam faciendi contrarium? Nonne tertio hinc*
col-

colligitur hanc non esse nisi specialem quamdam necessitatem diuinæ gratiæ, quâ iuuante possumus vincere malam consuetudinem cōtraria inducta quæ nos inclinet ad bonum. Id enim verò Augustinus, satis indicat cum subdit. *Ipsa nimirum est carnis prudentia, quæ quamdiu ita est, legi Dei subijci non potest. Sed illuminata anima, desinit illa esse carnis prudentia; sic enim dictum est prudentiam carnis non posse legi Dei esse subiectam, quemadmodum si diceretur glaciale niuem calidam esse non posse. Sed quemadmodum illa nix calore resoluitur & desinit nix esse ut possit calefcere, sic illa carnis prudentia id est consuetudo facta cum carne, cum fuerit mens illuminata & ad arbitrium legis totum hominem sibi Deus subiecerit, & pro illa animæ consuetudine mala, facit consuetudinem bonam. & eo spectare dicit Euangelicum illud, aut facite arborem bonam &c. Vnde concludit, si ergo imperatum est nobis ut faciamus arborem aut bonam, aut malam, nostrum est eligere quod velimus. En quæ sit illa necessitas in quam præcipitati sumus. Nimirum illa est qua prudentia carnis necessariam facit diuinam illustrationem ad habendam spiritus obedientiam, & mutandam malam arborem in bonam. Sed cum aduenerit diuinum illud lumen, quid facit? nempe ut facere possimus arborem aut bonam aut malam. Et quibus quæso dicitur illud? carentibus diuina gratia? non possunt facere bonam; habentibus diuinam gratiam? non possunt facere malam per vos, quid ergo est quod addit Augustinus, *Nostrum est eli-**

Matth.
12.

H gere

gere quod volumus? Nostrium est eligere alterum duorum, quando vnum est impossibile? Nonne manifeste colligitur ex hoc loco iuxta doctrinam August. in hoc statu naturæ lapsæ, & in libertate ad peccandum, quam inuoluit hic status, & in libertate ad bene agendum, quam recuperamus, per Dei gratiam, includi indifferentiam ad agendū vel non agendum, & excludi necessitatem insuperabilem ad vnum determinantem?

Probat decimo quinto, ex libro contra Adimantum discipulum Manichæi, vbi locum illum de duabus arboribus altera bona & altera mala, quo Manichæi abutebantur sic explicat. *Quamquam istę arbores manifestissime in similitudine duorum hominū posite sunt, id est iusti & iniusti. Quia nisi quisq; voluntatem mutauerit bonum operari non potest; quod in nostra potestate esse positum alio loco docet, vbi ait, aut facite arborem bonam, & fructum eius bonum, aut facite arborem malā, & fructum eius malum. Ecce iuxta sententiā August. idem est Christum dicere, facite arborem bonam, facite arborem malam &c. & docere hoc esse positum in nostra potestate. Atqui omni peccatori etiam peccanti dicitur vt faciat arborem bonam, & ne faciat arborem malam: Ergo eo ipso docetur etiam peccatorem & peccantem habere in potestate vt benefaciat, & non peccet; Ergo peccat cum libertate, ac potestate non peccandi, imò potius cum libertate, ac potestate bene agendi. Nempe Augustino persuasum erat, vt patet tum ex loco, tum ex alio simili in libro 2.*
de

de actis cum Felice Manichæo cap. 4. Deum nihil posse præcipere quod non esset positum in potestate illius cui præcipitur; ac proinde dum dicitur, aut facite arborem bonam, hoc ipso significari aut dari aut datam esse potestatem homini faciendi arborem bonam. Item nec censendum Deum permittere quippiam aliter quam relinquendo illius optioni cui permittitur, ut faciat aut non faciat concessa vtriuslibet potestate: & hoc significari cum dicitur, *aut facite arborem malam*: hoc verò quid est aliud quam putare nec præcepto, nec consilio, nec permissioni locum esse, nisi ubi adest faciendi & non faciendi potestas, hoc est indifferentia, qua necessitas, quæ ad vnum determinat, excluditur? Et vides minimè hic locum habere quod dicunt; hæc esse vera in statu naturæ integræ; Cum sit manifestum locum habere in illo statu de quo loquitur Christus cum dicit, *aut facite arborem bonam &c.* qui certè non alloquitur Adamum & possibiles in statu innocentiae filios.

Sed neque illud effugium prodest, quod hæc dicuntur ab Augustino contra Manichæos disputante, quasi aliud dicturus fuerit dum disputaret contra Pelagianos; Constat enim ex 1. Retract. cap. 22. perstare ipsum in eadem sententia cum dicit repetitis superioribus verbis, *Quod non est contra gratiam Dei quam prædicamus, in potestate quippe hominis est mutare in melius voluntatem, sed illa potestas nulla est nisi à Deo detur.* Quasi diceret, dummodo

do potestas non peccandi aut bene viuendi censeatur à Deo data, dic quantum voles in potestate illius cui præcipitur vt bene viuatur, esse id quod illi præcipitur. Atque in hac potestate faciendi aut non faciendi, fundat Augustinus æquitatem, pœnarum quæ à Deo infliguntur: Intendit enim ostendere quomodo bonus sit Deus, de quo dicitur *non esse malum in ciuitate quod non fecerit*. Augustinus dicit malum illud esse tantum malum pœnæ: malum autem pœnæ bene fieri posse a summo Iudice, siquidem bene fit, quod iustè fit: *hæc sunt mala*, inquit Augustinus, *quæ Deus facit, idest, peccatoribus pœnas; quod in ignem mittet arbores, quæ in malitia perseverantes fieri bonæ noluerunt*. Nimirum velle hoc poterant, quia iam dictum est fuisse positum in earum potestate, sed noluerunt, & ideo iustè puniuntur.

cap. 27.

lib. 1. c.
22,

Probatur decimo sextò Ex eodem loco, vbi ex illo Pauli ad Rom. 11. *potens enim est Deus iterum inferere illos, simul etiam ostendit*, inquit Augustinus, *in nostra potestate esse vt vel inferi bonitate eius, vel excidi seueritate mereamur*. hoc etiam Augustinus approbat in Retract. dummodo non excludatur diuina gratia. Quid autem est esse in nostra potestate vt vel inferi, vel excidi mereamur? Si nullus eorum qui inferitur, habet in potestate vt excidatur, tollente illam potestatem, victrice gratia, vt vult Iansenius; si nullus eorum, qui exciduntur potestatem habet retinendi suam, insitionem, quod eam tollat concupiscentia pariter

riter victrix; quo sensu dici potest esse in potestate nostra vel inferi vel excidi? Singulis enim homines designantur, ut sensus sit, esse in cuiusque potestate vel inferi vel excidi, non vero ita ut ad vnos spectet potestas insitionis tantum, ad alios potestas excisionis tantum. Quia manifestum est Sanctum Paulum cuius verba interpretatur Augustinus, & cuius cogitationi respondet, ad vnum & eundem referre tum insitionem, tum excisionem, cum dicit, & inferos excidi posse, & excisos iterum inferi. Quod si hæc ad vnum eundemque hominem referantur, de quo dicatur esse in eius potestate, vel inferi, vel excidi; quid est aliud quam agnoscere potestatem ad alterutrum, quæ est potestas agendi, & non agendi, & indifferentia? Adde quod Augustinus citato loco *Retract.* sic intelligendum dicit istud, esse in potestate nostra, vel inferi, vel excidi, quomodo intellectum est superius illud de potestate faciendi arborem bonam, vel malam, quod ad vnum eundemque hominem referri iam monstratum est.

Probatur decimo septimo, ex libro 2. de actis cum Felice Manichæo, ubi iterum ad probandum liberum arbitrium, vrget eundem locum Matth. 12. *aut facite arborem bonam, aut facite arborem malam,* & addit, hoc ergo Dominus dicens, *aut facite hoc, aut facite illud,* ostendit esse in potestate quid facerent, ipse securus & certus in se tanquam Deus. hæc dicit Augustinus ut probet contra Manichæos, esse in nobis

c. 3. & 4.

bis

bis liberum arbitrium. & vides vt hoc probat ex præcepto faciendi bonum, ex quo infert potestatem illud faciendi. Cum ergo vt iam dictum est superius, præceptum hoc ad peccatores dirigatur; dicendi sunt dum malè viuunt habere in potestate vt bene viuant. Quod si staret liberum arbitrium cum omnimoda determinatione, & necessitate, tam quoad speciem quàm quoad exercitiũ; quid opus erat recurrere ad disiunctiuas illas locutiones, *aut facite hoc, aut facite illud*: & ad potestatem faciendi, aut non faciendi? Numquid tam benè colligi posset liberum arbitrium ex determinata ad vnum potestate? Nempe Augustinus satis intelligebat determinatam illam ad vnum potestatem minimè negari à Manichæo, sicuti neq; modo negatur à Caluino; & tamen credidit liberum arbitrium ab illis negari: Ergo præterea requirebat indifferentiam.

cap 5.

Probatur decimo octauo, ex eodem loco vbi probat Manichæum incautum, & contra suam intentionem admisisse liberum arbitrium cum scripsit, *Hi vero qui negligētia sua a labe prædictorum spirituum purgari se minimè permiserint, & mandatis diuinis ex integro parum obtemperauerint, legemque sibi a Deo liberatore datam plenius seruare noluerint: neque vt decebat, se se gubernauerint, &c.* quibus relatis subdit Augustinus, *Vides in his verbis confirmatum esse etiam a nesciente quid loqueretur, liberum arbitrium. Qui enim seruare legem non vult, in potestate eius est, si velit. Non enim dixit, non potuerint, sed noluerint;*
hoc

hoc certè quod nolunt seruare legem, non à gente tenebrarum coguntur; si enim coguntur non nolunt, sed non possunt. Si autem nolunt, non utique coguntur ut non faciant; sed voluntate sua nolunt. hoc ergo quod in eorum voluntate est ut nolint, peccatum est certè sine aliqua necessitate gentis tenebrarum, & inde vides unde veniant omnes culpa, unde merita culparum, unde distributiones penarum. Vbi perspicuum est Augustinus oppositionem agnoscere inter id quod est non velle, vel nolle obseruare mandatum, & non posse cum animaduertit Manichæum non dixisse, non potuerint, sed noluerint: & consequenter non putare de eo qui non potest, dici debere quod non vult. Item constat oppositionem agnoscere inter quamcumq; necessitatem, & voluntatē: ita ut de eo qui dicitur volūtate aliquid facere dici debeat id facere sine aliqua necessitate. Sine aliqua verò, & sine vlla idem sunt. Quod clarè significat illis verbis, hoc ergo quod in eorum voluntate est, ut nolint, peccatum est certè sine aliqua necessitate, unde iam interrogandi sunt Baiani, Vel ille qui diuinum præceptum transgreditur potest velle illud seruare, vel non: si potest velle seruare, ergo illud transgreditur ex indifferenti voluntate ad bonum & ad malum; si non potest velle, ergo malè dicitur ideo transgredi quia seruare non vult: quia iuxta Augustinum, de quo dicitur, quod ideo non seruet, quia non vult, non dicitur, quod non possit. Item, Vel ille qui transgreditur impellitur aliqua necessitate vel non: si non impellitur aliqua

ne-

necessitate, ergo habet voluntatem indifferentem : quia indifferentia non tollitur nisi aliqua necessitate. Si impellitur aliqua necessitate, ergo non peccat voluntate : quia ut constat ex dictis, Augustinus ut sit voluntas, requirit ut non sit aliqua necessitas. Quod addit, *Inde vides unde veniant omnes culpa, unde merita culparum, unde distributiones pœnarum.* Ostendit Augustinus videri necessariam illam voluntatis indifferentiam ad peccatum, & meritum pœnæ.

Iam dicere hic non agi de statu naturæ lapsæ ridiculum esset, cum agatur de eo statu de quo agebat Christus Dominus cum diceret, aut facite arborem bonam, &c. eodem enim contextu hæc dicuntur eodemque referuntur.

cap. 3.

Probat decimo nono, ex eodem loco ubi Felici interroganti de illis quibus dicit Christus, *Ite in ignem æternum, Quare non purgati sunt,* Augustinus bis repetit, *quia noluerunt* : & hoc dicit ut respondeat Felici qui putabat eludi posse obiectionem Augustini de impotentia Dei Manichæorum, qui quod non potuisset totum purgare velut rectorium fecisset genti tenebrarum, ut ibi in æternum damnetur quod purgari non potuit. Hanc, inquam, calumniam ut dilueret Felix, interrogat, *isti peccatores,* qui scilicet mittuntur à Christo in ignem æternum ; *quare non purgati sunt ?* Putabat Augustinum pariter cogendum dicere, *quia non potuerunt.* Sed ille constanter responderet, *quia noluerunt* : ut ostendat non defuisse reprobis facultatem
fa-

salutis, sed voluntatem. Atque ut hoc probet, recurrit ad liberum arbitrium, per quod etiam hodie homines libera voluntate faciunt consuetudinem, quam cum fecerint facile superare non possunt. Cum incipiunt ergo, possunt facere quod faciunt: ideoque habent indifferentiam: nec illa postea perditur impossibilitate, sed difficultate aliter faciendi minuitur, & per diuinam gratiam restituitur.

Eos igitur qui concipiunt timorem Dei, & per liberum arbitrium subdunt se sanandos optimo medico: & sicut bono curatori, ita & misericordi Creatori per humilitatem confessionis & penitentiae sanari: superbos autem, per ipsam superbiam suam insanabiles fieri: & non esse indignum ut Deus dicat, ite in ignem aeternum, eis qui diuinam misericordiam per liberum arbitrium respuerunt: & dicat, venite benedicti, eis qui per liberum arbitrium fidem eius susceperunt, peccata sua confessi sunt &c.

Vides quò pertineat illud quia noluerunt. Nimirum ut excludatur, non potuerunt. Potuerunt igitur per Dei gratiam, (quam Augustinus non expressit quia non erat necessarium, ut ipse monet 2. Retract. cap. 8.) saluari, qui per liberum arbitrium damnantur: & potuerunt per liberum arbitrium damnari, qui per diuinam gratiam saluantur. Damnari autem potentem saluari, quid est aliud quam vel peccare, potentem non peccare: vel non penitere, atque conuerti potentem conuerti ac penitere? hoc verò quid est aliud quam indifferentia expers necessitatis ad vnum determinantis? Et cum hæc proponat Augustinus, ut Dei

iustitiam tueatur & prouidentiam in distribuendis pēnis ac prēmijis, quis dubitare potest ex mente ipsius eiusmodi indifferentiam requiri ad imputationem peccatorum & meritum virtutum: & consequenter ad libertatem ad hoc necessariam?

cap. 12.

Probatur vigesimò, ex eodem libro vbi cum Felix teneretur omnino comprehensus argumētis Augustini, nullâ relictâ ad euadendum viâ, ex ijs quæ dixerat, Augustinus de libero arbitrio occasionem sumpsit dicendi, *Si in arbitrio nostro sumus, nemo neminem cogat. Quando voluero, ero Christianus: voluntas nobis subiacet, aut esse Christianum, aut non esse.* Ex quibus manifestum est ita ipsum concepisse liberum arbitrium, vt potestatem ad vtrumlibet includeret: idque in præsentî statu naturæ lapsæ, in quo agitur de amplectenda vel non amplectenda Fide Christiana. Quam eius cogitationem Augustinus non solum non corrigit, quin potius confirmat, cum dicit, *quia voluntas nobis adiacet, manifestum est, & hoc de diuinis scripturis docui, quod coactus est etiam inuitus dicere, etiam ille qui vos in istum induxit errorem.* Manichæum intelligit, qui allato superius loco meminît eorum qui Dei legem seruare nolunt, quasi non esset dubium quin possint, pergit autem Augustinus. *Quod autem dicis nemo cogatur, quando voluero ero Christianus; nemo planè te cogit, quando volueris esto. Quia ex voluntate tua huc venisti, & ex voluntate tua ista disputasti. Et væ voluntati male si mala*

sup. arg.
17.

mala est; pax bonæ voluntati, si bona est. Siue autem mala sit, siue bona sit, voluntas est. Bonam voluntatem sequitur corona: malam sequitur pœna, Deus Iudex voluntatum est, Creator autem naturarum. Quæ tota oratio perspicuè significat datam esse homini optionem vt sit vel non sit Christianus, tantum esse illi cauendum ne malè eligat: Deum enim etiam si non ita sit Creator voluntatem, quemadmodum est naturarum, quod in voluntatibus sinat homines agere, seque ipsos ad vtrūlibet determinare; at esse nihilominus seuerum iudicem præmij vel pœnæ quam mala electio meruerit.

Probatur vigesimo primò ex libro contra Secundinum, vbi quod ille dixerat in sua ad Augustinum epistola, *peccare animam carni permixtam si voluntate sua, cum se ipsam cognouerit, consentiat malo.* Augustinus discutit inquirendo quid possit esse ista, *consensio* iuxta Manichæorum principia, & dicit, *si substantia est ista consensio quam malam esse constat, inuenimus esse in animæ potestate vt aliqua substantia mala vel sit vel non sit, quid est autem aliud substantia quam natura? erit ergo aliqua natura quæ nec animæ naturalis sit, quoniam si nolit non erit: nec illi malo cui anima voluntate consensit, &c.* vbi vides Augustinum supponere tanquam certum *consensionem liberam*, & quâ peccatur ita esse in potestate illius qui peccat, vt vtrūlibet possit, exprimere illam aut suppressere: alioqui quid valeret ista illatio, *si substantia est ista consensio, inuenimus esse in*

anime potestate ut aliqua substantia mala vel sit vel nō sit. Et cum August. hoc inferat ex eo quod Secundinus concedit illa consensione peccari; quid aliud intelligere possumus, quam iuxta mentem Augustini non peccari nisi cum est in potestate nostra vtrumlibet, consentire malo vel non consentire, & hanc esse libertatem quæ ad peccandum necessaria est?

Cap. 19.

Probatur vigesimo secundo ex eodem libro, vbi Augustinus de illa consensione animæ in malum ita vrget Secundinum. *Deinde si habet in potestate vel consentire vel non consentire, non ergo victa consentit. Quæro igitur unde habeat istam consensionem malam, nulla contraria cogente natura? si autem cogitur consentire, ita ut non sit in eius potestate aliter facere; non ergo ut dicebat voluntate peccat, quando non voluntate consentit. Vbi vides quid intelligat Augustinus per illud cogi; quo fit ut aliquid non sit liberum, nec in nostra potestate, neque peccatum, quamuis malum sit. Nempe non est aliud quam quo fit ut non sit in eius potestate qui cogi dicitur, aliter facere. Ergo cum per omnem necessitatem ad vnum determinantem antecedenter, fiat ut non sit in nostra potestate aliter facere consequenter omnis huiusmodi necessitas iuxta mentem Augustini est illa coactio, quæ libertatem tollit.*

Et vero Manichæos non asseruisse cogentem illam necessitatem in eo sensu stricto & proprio, perspicuè colligitur ex ijs quæ paulò ante Augusti-

stinus differuit his verbis, *Iam ut arbitror facile est tibi intelligere ex ipsis verbis epistolæ tuæ, quibus dixisti, animam, cum consentit malo, voluntate peccare, nullum malum esse naturam malam, vel dilectionem naturæ malæ. Sed cum omnes naturæ in suo genere bonæ sint, malum esse peccatum quod sit voluntate animæ cum diligit pro ipso Creatore creaturam, siue suo malo, cum sit mala; siue alterius persuasione, cum consentit malo. En tibi persuasionem tantum mali non violentam coactionem ex epistola Secundini, hoc est, ex doctrina Manichæorum collectam. Quod iterum inculcat cum dicit fateris tamen eam naturam quam bonam esse dicis malo consentiendo male facere, hoc est voluntate peccare. At ego ambas bonas esse assero, sed unam earum malefacere suadendo, aliam malefacere consentiendo. de quibus probat Augustinus admissa illa vnius naturæ persuasionem, alterius consensione rectè sequi contra Manichæum ambas esse bonas, sed hanc consentiendo malo, illam suadendo fieri malam.*

Probatur vigesimo tertio, ex libro de vera Religione cum dicit. *Defectus autem iste, qui peccatum vocatur, si tanquam febris inuitum occuparet, rectè iniusta pœna videretur, quæ peccantem consequitur, & quæ damnatio nuncupatur: nunc verò usque adeo peccatum, voluntarium est malum, ut nullo modo sit peccatum, si non sit voluntarium: & hoc quidem manifestum est, ut nulla hinc doctorum paucitas, nulla indoctorum turba dissentiat. Quare aut negandum est peccatum committi, aut fatendum est voluntate committi.*

mitti. . . . postremò si non voluntate malè facimus , nemo obiurgandus est omnino aut monendus : quibus sublati Christiana lex, ac disciplina omnis religionis auferatur necesse est. . . . Tales enim seruos suos meliores Deus iudicauit, si ei seruirent liberaliter . quod nullo modo fieri posset si non voluntate , sed necessitate ei seruirent.

c. 13.

Quo sensu hic *voluntarium* vsurpet Augustinus, intelligi potest ex 1. Retract. Vbi locū hunc recognoscit , & hanc definitionem peccati dicit esse *verissimam* . Nam cum dicat , peccatum quod hic definitur esse illud *quod peccatum tantum est* : & Ianseniani sæpe fateantur, peccatum quod est *peccatum tantum* , esse illud quod committitur ab indifferenti voluntate : seu quod ita committitur vt sit liberum ab eo abstinere ; sequitur etiam ex illorum sententia *voluntarium* hic accipi pro eo quod est ita liberum , vt fieri ac non fieri possit , hoc est , pro eo quod sequitur ex voluntate ad agendum & non agendum indifferente . Et ideo putant Augustinum hic definiuisse primum tantum peccatum ab Adamo commissum . Cæteris autem quæ sunt peccata & pænæ, in tantum conuenire hanc definitionem , in quantum ad illud primum reducuntur.

1. Retr.
c. 13.

Sed conuincuntur ab ipso Augustino loco iam citato, vbi clarissimè significat extendi etiam definitionem illam, & comprehendere peccata quæ iam committuntur . Nempe Augustinus supponit, etiamnum esse peccata quæ sunt tantum peccata-

eata, & non pœnæ primi peccati, quod constat ex eius verbis. Nam cum definitionem illam repetiisset, subdit, *Potest videri falsa hæc definitio, sed si diligenter discutiatur inuenietur esse verissima; peccatum quippe illud cogitandum est, quod tantummodo peccatum est, non quod est etiam pœna peccati.* Vides loqui Augustinum per verba de præsentia de peccato quod est; sed pergit. *Quamquam & illa quæ non immerito peccata non voluntaria dicuntur; quia vel à nescientibus vel à coactis perpetrantur, non omnino possunt sine voluntate committi.* En tibi peccata illa quæ sunt peccatum & pœna, nempe illa quæ fiunt per ignorantiam ortam ex peccato originali: & ex impulsu concupiscentiæ post illud ipsum peccatum rebellis, quæ fieri dicit à coactis. Iam vide quomodo in eo distinguat, quod est pœna, & peccatum. *Quoniam & ille qui peccat ignorans, voluntate utique facit, quod cum faciendum non sit, putat esse faciendum.* Quare peccat, quod putat esse faciendum quod faciendum non est? Nimirum quia voluntariè hoc putat: & si vellet adhibere diligentiam, & inquirere, non hoc putaret. Ergo pœna est quod ignorat: sed quod scire negligat, peccatum est, & non pœna. Quod adhuc magis patet in eo quod sequitur. *Et ille qui concupiscente aduersus spiritum carne non ea quæ vult facit; concupiscit quidem nolens, & in eo non facit quod vult, En tibi coactum illum per pœnalem impulsu concupiscentiæ, sed si vincitur, concupiscentiæ consentit volens: & in eo non facit nisi quod vult, liber scilicet*
iusti-

iustitiæ, seruusque peccati. En quod est peccatum
 tantum, & non pœna, consensus scilicet in con-
 cupiscentiam. Itaque, & in peccatis ignoran-
 tiæ, & in peccatis concupiscentiæ, si vera, &
 propriè dicta peccata sunt, inuenit Augustinus
verissimam esse definitionem qua dixerat, usque-
adeo peccatum voluntarium malum est, ut nullo mo-
do sic peccatum si non sit voluntarium. Quia etiam
 hic inuenit aliquid quod est peccatum tantum.
 Nam esto ignorantia sit pœna, & peccatum, pœ-
 na propriè, quatenus intuitu peccati originalis
 subtrahita est scientia; peccatum impropriè, sicut
 scriptura dicitur manus, & sermo dicitur lingua
 ut Augustinus aliàs loquitur. Esto etiam non sit
 voluntaria nisi in causa, hoc est in peccato Ada-
 mi; at negligentia discendi cum possis, & debeas,
 peccatum est & non pœna peccati Adami. Licet
 enim in pœnam peccati Adami simus ignorantes,
 nemo tamen putat, nos in pœnam eiusdem pec-
 cati esse negligentes. Esto pariter concupiscentiæ
 motus, pœna, & peccatum sint pœna; propriè qua-
 tenus subtrahita est gratia originalis rectitudinis
 qua rationi perfectè subijciebantur: peccatum im-
 propriè, quod ex peccato sint, & ad peccatum
 ducant; deliberatus tamen consensus voluntatis
 eorum qui se vinci patiuntur, peccatum est tan-
 tum, et non pœna, Neque vnquam inuenietur
 Augustinus dixisse aut censuisse nos volentes et
 deliberate consentire concupiscentiæ; in pœnam
 peccati Adami. In pœnam tentamur, sed in pœ-
 nam

nam peccati Adami. In penam tentamur: sed in penam non consentimus. Et Deus qui peccata auctor est, absit ut dicatur auctor illius consensus nisi apud Caluinum & Manichæos, & si ita velint, Iansenianos.

Et hanc esse mentem Augustini confirmatur ex eo quod sequitur. *Et illud quod in paruulis dicitur originale peccatum: cum adhuc non utuntur arbitrio voluntatis, non absurdè vocatur etiam voluntarium, quia ex prima hominis mala voluntate contractum, factum est quodammodo hereditarium. Non itaque falsum est quod dixi, usque adeo peccatum voluntarium malum est &c.* En quomodo Augustinus ut probet quod dixerat definitionem à se datam, esse in vniuersum *verissimam*: atque adeo etiam in peccato originali: differentiam tantum ponit inter hoc & alia peccata, recurrendo ad peccatum Adami, ut inueniat in peccato originali suum illud *voluntarium*. Quo recursum non utitur in peccatis ignorantia, & concupiscentia, quæ propriè & formaliter peccata sunt, hoc est in culpabili negligentia discendi, & in deliberato consensu voluntatis à concupiscentia tentatæ. Nempe quia sine tali recursum Augustinus in his peccatis supponit esse illam de qua loquitur, voluntarij rationem; sed illa ratio indifferentiam inuoluit, ut monstratum est. Ergo indifferentiam Augustinus supponit esse ad peccandum necessariam.

Probatur vigesimo quartò, ex libro de Fide, contra Manichæos, ubi cum dixisset Augustinus

K

pec-

peccatores iniuste iudicari si non voluntate peccant, & ideo malum esse in potestate, & non esse naturale, subdit. *Sed etsi aliquos naturaliter dicimus malos, propter originem veteris peccati dicimus, in quam nostra mortalitas nascitur, totum itaque quod vocatur malum, in hominibus peccatum est & pœna: peccatum sit ab anima rationali cui liberum hominis arbitrium est: ea pœna infligitur iustitia Dei quæ nihil facit iniuste, Vides quomodo præter originem veteris peccati, cuius pœnam Deus iuste nobis infligit, Augustinus aliud peccatum in nobis agnoscit, cuius Deus auctor non est, & consequenter quod est peccatum tantum, & non pœna: & cuius causa in libero arbitrio posita est. Et quia Manichæi repugnant negâtes hanc liberam voluntatē. Non vident, inquit August. cæcitatem suam. Quis enim non clamet stultum esse præcepta dare ei cui liberum non est, quod præcipitur facere: & iniquum esse eum damnare, cui non fuit potestas iusta complere? Et has iniustitias, & iniquitates miseri non intelligunt se Deo adscribere? Sed quid verum est nisi & Deum dare præcepta: & animas libere esse voluntatis: & malum naturam non esse, sed esse auersionem a Dei præceptis: & esse iustum iudicium Dei quo damnet peccatores? Igitur Augustinus distinguens in nobis malum quod est pœna, & originem ducit ex veteri peccato, & cuius Deus auctor est vindicans iuste vetus illud peccatum istâ pœnâ; & malum aliud, quod est proprium peccatum, & quod est à propria voluntate, non autem à Deo; concludit ideo posse nos*

hoc

hoc non committere, quia non committere iubemur, & stultū est cogitare nobis præcipi quod facere non possumus. Loquitur autem de præceptis quæ Manichæi agnoscebant, quando ex eo cæcitatem eorum arguit, quod cum non negarent imponi hominibus præcepta, negarent tamē esse illos liberæ voluntatis. Manichæi autem non agnoscebant alia præcepta quam quæ nobis in hoc statu dantur: nec alias animas peccantes quā quæ nunc sunt: nec alias iniustitias & iniquitates, quæ Deo adscriberentur, quam quæ nunc committuntur. Vno verbo loquitur Augustinus de statu præsentī, & vult peccatum quod in eo reperitur tribui libero arbitrio, & liberum arbitrium probari ex præceptis quæ iam dantur.

Vide autem quomodo liberum arbitrium ex præceptis probet, nempe quia *stultum est præcepta dare ei cui liberum non est quod præcipitur facere. & iniquum esse damnare eum cui non fuit potestas iussa complere.* Atqui hoc est significare non censerī liberam voluntatem quæ non habet facultatem omittendi quod facit: & faciendi quod omittit, quod est non esse liberam sine indifferentia. Sine indifferentia, inquam, quæ sit quando datur præceptum: quòd præceptum aut stultè detur, aut detur eam habenti, vel habere potenti per gratiam in tempore recipiendam, si non ponatur impedimentum.

Dicere autem imponi posse præceptum ei qui vitio suo indifferentiam perdidit denegata omni

K 2.

ad

to. 3. lib.
3. de gr.
Salu. c. 5.
& 8.

ad recuperandum facultate; hoc non est referre
sententiam Augustini, sed componere illam ex
proprio cerebro. Et ne sic quidem *stultitia* vita-
tur quam ille vitare vult: quod perinde sit huius-
modi homini aliquid præcipere, ac præcipere
illi qui sibi oculos effodit, ut stellas numeret.
Huius autem *stultitia* si quis dicat reos esse Iansen-
ianos, qui præcepta in lege veteri data putant
fine *ulla ad implendum facultate: quin etiam repugna-*
se scopo illius legis quod daretur gratia, faciendo quod
præcipiebatur necessaria; tuebitur se autoritate S. Au-
gustini.

lib. 2. de
gra. Salu
c. 32.

Hæc dixit Augustinus dum contra Manichæos
disputaret, quorum nihil vnquam postea retra-
ctauit, dum libros illos recognosceret, post refu-
tatam Pelagianorum hæresim: quin etiam ple-
raque omnia confirmauit, cum ea sola præcau-
tione, ut vbi non est expressa diuinæ gratiæ ne-
cessitas, non putaretur exclusa; ut plus etiam de-
mus quam postulet posita à Iansenio regula, *quid-*
quid non retractauit Augustinus in libris quos recogno-
uit, censendum approbasse. Et ut constet constantem
hanc fuisse Augustini sententiam.

Probatur vigesimo quinto, ex comm. in Psal.
51. cum dicit, *Benignitas ante te, iniquitas ante te,*
compara & elige, & Ante te erat benignitas, illam
diligeres. non enim aliquid eras erogaturus, aut quod di-
ligeres de longinqua nauigatione allaturus. Insani ho-
minis est, vel vafri ac perfidi circulatoris, cum
faciat alteri copiam vnus tantum rei, duas ta-
men

men offerre ac dicere, *compara & elige*. Ergo in eo qui diligit iniquitatem, quem Propheta hic alloquitur, est potestas diligendi benignitatem, ac proinde indifferentia ad diligendam, vel non diligendam iniquitatem, quæ confirmatur ex sequentibus, cum dicitur eidem iniquitatis amatori. *Ante te erat benignitas illam diligeres. non enim aliquid eras erogaturus, aut quod diligeres de longinqua navigatione allaturus*. Disputamus an ille qui diligit iniquitatem habeat proximam & expeditam facultatem ad diligendam benignitatem, potuit ne autem ab Augustino clariùs id exprimi, quam cum dicitur, nec perdendum aliquid esse ut possit diligi, nec expectandum aliunde? Atqui totum hoc dicit Augustinus paucis illis verbis, *non aliquid eras erogaturus, aut de longinquo eras allaturus*. Est igitur hæc expressissima immediatæ ad vtrumlibet potentiæ, hoc est indifferentiæ confessio.

Probatur vigesimo sextò, ex libro 50. homil. cum dicit, *Cum per Dei adiutorium in potestate tua sit utrum consentias diabolo; quare non magis Deo quam ipsi obtemperare desideras?* Increpat Augustinus diabolo consentientes: & increpat ex eo quod per Dei adiutorium habeant in potestate ut consentiant Deo. Nonne hoc est etiam indifferentiam ad consentiendum consiteri, tamque supponere, veluti fundamentum, iustæ increpationis? Adde quæ sequuntur. *Rogo ergo vos fratres carissimi, quare Sathanas seducit ad peccandum, cum Deus posuerit homini in potestate non consentire Sathana?* Vbi vides per

hom. 12.

per Dei gratiam non auferri, sed conferri potius indifferentiam illam, quam Deus homini dedit in prima conditione.

cap. 31.

Probatur vigesimo septimò, ex libro de Sp. & lit. dum ad hoc ut aliquid dicatur esse in nostra potestate, requirit ut voluntati adiaceat potestas, intelligit autem potestatem faciendi, vel non faciendi, unde concludit postea *fides esse in nostra potestate*, supposito semper auxilio gratiæ, quia quisque credit si vult, & non credit si non vult, *Vides nunc utrum quisque credat si noluerit, aut non credat si voluerit. quod si absurdum est.* profecto *fides in potestate est*, & deinde, *Cum ergo fides in potestate sit &c.* hoc autem est dicere, libertatem, illam ratione cuius aliquid dicitur esse in nostra potestate, esse debere, ut utar verbo Iansenij *bicornem*, & quæ speciet utrumlibet duorum oppositorum.

Et hoc confirmat sensus communis quem hic approbat Augustinus, circa eos qui coguntur aliquid facere. Statuamus enim duos homines quorum unus metu tormentorum cogitur v. gr. prodere secretum. Ille iuxta Augustinum *& si non plena & libera voluntate* prodit secretum, non prodit tamen *nisi voluntate*. Quare hoc? Quia, inquit, *si tanta voluntas sit, ut malit hoc non facere, quam illud non pati, cogenti procul dubio resistit, nec facit*. Quod est dicere, ideo voluntate prodit secretum, quia potest non prodere. E contrario, sit alter qui positus in eadem tentatione, forti volun-

luntate patiatur tormenta, ne secretum prodatur: si de suis doloribus queratur, Solent, inquit Augustinus, illi qui cogunt vel suadent dicere, quod habes in potestate quare non facis, ut hoc malo careas? Quod est illum ideo pati liberè, quia habet in potestate non pati: & ideo habere in potestate non pati, quia liberè non tollit causam propter quam patitur. Tertius datur qui non possit aperire secretum, quia reuera illud nescit, & cogatur tamen iisdem tormentis: ille excusando respondet iuxta Augustinum, *facerem si esset in potestate*. Estque iuxta hæc excusatio, quâ significat non debere sibi imputari quod patitur, propterea quod non habeat potestatem ad impediendum ne patiatur. Ex his tribus ergo, primus liberè prodit quia potest habere voluntatem non prodendi. Secundus liberè patitur quia potest habere voluntatem prodendi & consequenter non patiendi. Tertius nec prodit, nec liberè patitur defectu potestatis in oppositum: & consequenter defectu voluntatis quam effectus sequi possit, hoc est absolutæ & efficaciæ. Ex quibus constat iuxta mentem Augustini, ex eo censeri aliquid esse in potestate: & voluntate fieri, quod datur potestas in oppositum quæ subsit voluntati. Sequitur etiam eum qui cogente metu aliquid facit, posse velle non facere. Et quia non est maior ratio de metu quam de cupiditate; sequitur à pari eum qui cupiditate aliquid facit, si facit deliberate, posse non facere. Item eum qui honestatis amore & conscientie re-

mor-

morfu aliquid negat, & tormentis resistit; posse cedere & non resistere: & ex illa ad oppositum facultate hæc omnia imputari, quod est, & dari bicornem libertatem, & illi imputari quæ bene; vel male fiunt: nec esse hanc peripateticam tantum philosophiam, vt Baiani vociferantur, sed & Augustinianam.

quæst. 62. Probatur vigesimo octauo, ex lib. 8. quæst. 3. dicit eos qui vocati noluerunt venire ad cœnam, non debere alteri tribuere quod exclusi sint, sed sibi; quia vt venirent vocati erat in libera voluntate. Quod est istos quoq; habuisse libertatē ad vtrumlibet, vt venirent, & nō venirent: & propterea illis imputari quod non venerint. Scio Iansenio videri August. errasse cum hoc diceret, sed tenet posita ab ipso regula: quando illud non retractauit, cum hunc locum recognosceret, censendum approbasse: & approbandum quoque ab omnibus, qui Augustiniani videri volunt, censuisse.

Probatur vigesimo nono, ex eo quod est in libro 2. de Peccatorum meritis, vbi dicit ijs qui putant hominem in hac vita esse posse sine peccato, non esse eontinuò incauta temeritate resistendum. Si enim esse posse negauerimus; & libero hominis arbitrio qui hoc volendo appetit: & Dei virtuti, vel misericordiae qui hoc adiuvando efficit, derogabimus. Loquitur vt patet de peccatis actualibus; Nam originale non pendet à nostro libero arbitrio. Quod igitur dicit, non esse resistendum ijs qui dicunt hominem in hac vita esse posse sine peccato, vt sit verum,

rum, concedendum est homines qui peccant, posse non peccare: quod est indifferentiam aliquam ad peccandum et non peccandum agnoscere. Iam quod dicit derogare libero arbitrio qui hoc negant, nonne manifestè probat ex mente Augustini pertinere indifferentiam illam ad liberum arbitrium? Nam si non pertinet qui eam negat, quid nocet libero arbitrio? Atqui Ianseniani eam negant, quia dicunt amissa libertate ad bonum, vel ad abstinendum à peccato, remanere tamen libertatem arbitrij ad malum, videant ergo qua ratione vitare possint quam Augustinus imprimit notam ijs qui incauta temeritate resistunt.

Iam verò suppositâ huiusmodi doctrinâ proponit Augustinus quatuor quæstiones, quarum tertia est, *cum voluntate humana, gratia adiuvante* cap. 17. *diuina, sine peccato in hac vita possit homo esse, cur non sit?* Vides iterum supponi eos qui peccant, gratia adiuvante diuina posse non peccare, quod est non deesse illis gratiam necessariam ut possint non peccare, quo posito dicit Augustinus, *possem facillimè, & veracissimè respondere, quia homines nolunt*. Non dubitat scilicet quin possint, per adiuantem illam gratiam: sed quamuis possint, nolunt. Et recordandum est, quod antea retulimus ex Augustino, non solere dici de eo qui non potest facere quod ab illo exigitur, *non vult*; sed dici debere, *non potest*. Homines igitur qui nolunt esse sine peccato, potentes esse nolunt. Quid est autem quod requiritur ut homo sit sine

L

pec-

peccato, seu quid debet facere? certè nihil aliud, quam velle non peccare, aut non velle peccare. Est enim peccatum primariò in ipsa voluntate; ideoque fieri non potest, ut qui non vult peccare peccet. Ergo qui potest esse sine peccato, potest velle esse sine peccato: & quia cum non vult esse sine peccato, consequenter dum non vult potest velle, ac proinde habet indifferentem voluntatem, ut velit, vel non velit esse sine peccato. Et hoc, inquit Augustinus, non solum facillimum est ad soluendam interrogationem illam, cur homo non sit sine peccato cum esse possit; sed etiam *veracissimum*. Ergo mendacissima est doctrina quæ repugnat; Sed quia vidit Augustinus statim quæri posse, cur homines nolint esse sine peccato, cum velle possint; *Imus in longum*, inquit, *verumtamen sine præiudicio diligentioris inquisitionis, breuiter dico, nolunt homines facere quod iustum est; siue quia latet an iustum sit, siue quia non delectat*. Vbi vides interea dum expectatur maior inquisitio, solutionem esse, ut vocant prouisionalem, in qua affertur causa remouens prohibens, eius quod quæritur. Notum est enim illud, omnis peccans est ignorans: quia licet habeat totam notitiam, quo illi necessaria est, ut possit non peccare, posset tamen habere maiorem: & si haberet non peccaret. Item, licet habeat in voluntate motus quosdam, quibus & auertitur à peccato, & ad virtutem allicitur, possent illi esse vehementiores, & si essent, voluntas abstinere à peccato. Atque ita Augustinus affert

Cap. 20.

fert pro causa defectus illos antecedentes in peccatore, *quia latet, vel non delectat quod iustum est*, qui minimè impediunt quominus sufficientem habeat facultatem ad non peccandum is qui peccat: sed impediunt ne habeat, id quo infallibiliter non peccaret. Hæc est Augustini doctrina, quæ procul distat à doctrina Iansenij; Siquidem iuxta doctrinam Iansenij, dum quæritur an possit homo in hac vita esse sine peccato, respondebitur quidem esse posse diuina gratia adiuuante; sed si quæras quosensu dicatur illud, *diuina gratia adiuuante*? Debet responderi sensum esse conditionalem, & ita resoluendum, posse si Deus gratia sua adiuuet: non vero absolutum, qui sic resoluitur, potest cū non desit gratia necessaria Dei quæ adiuuet. Vnde si iam instet, cum possit homo esse sine peccato, adiuuante gratia, quare non est? Genuina responsio in doctrina Iansenij est, quia deest illa gratia. Nullus enim eorum qui peccant, habet gratiam ad non peccandum. Itaque quod homo possit esse sine peccato, non refertur ad arbitrium hominis, sed ad arbitrium Dei, qui potest dare, vel non dare homini gratiam ad non peccandum necessariā. Ex quibus sequitur primò, si quis absolutè neget hominem in hac vita esse posse sine peccato, verum dicere; & qui absolutè affirmat, dicere falsum. Quia quod non est verum nisi posita aliqua conditione, quando constat sublatam esse conditionem, absolutè falsum est. Condicio autem diuinæ gratiæ ex qua pendere dicit Augu-

stinus illud *posse non peccare* in sententia Iansenij absolute tollitur; quippè qui putat neminem peccare qui non careat diuina gratia ad impediendū peccatum necessaria; seu quod idem est, nulli peccanti adesse gratiam ad impediendum peccatum sufficientem. Vnde conficitur demonstratiuum hoc argumentum in doctrina Iansenij, designat o quolibet homine. hic homo non potest esse sine peccato nisi diuina gratia adiuuet in qualibet occasione peccandi; sed diuina gratia non adiuuat in qualibet occasione peccandi: Ergo hic homo non potest esse sine peccato. Et tamen, inquit Augustinus, hoc non potest dici sine nota *incaute temeritatis*: Ergo ex Augustino Ianseniani hoc caractere notandi sunt.

Sequitur secundò In eadem sententia, interroganti, quare homo non sit sine peccato in hac vita? Obuiam, & quæ statim occurrit, responsionē esse, quia non potest. Cum enim ut hoc possit, necessaria sit gratia; & illa desit in omni occasione in qua homo peccat; & certo ac necessariò necessitate ad vnum determinate sit non peccaturus, si ea daretur; quicumque interroganti cur homo non peccet, aliam quærit responsionem, effugia quærit & fucos adhibet, quibus abscondat veritatem: Atqui constat Augustinum nolle ita respondere. nempe quia non putat verum esse quod Iansenius dicit.

Sequitur tertio hos qui ita philosophantur reos esse duplicis illius peccati, quod Augustinus monuit

nuit vt vitaremus , quod scilicet derogent , & libero hominis arbitrio qui appetit non habere peccatum , & Dei misericordie quę adiuuando efficit , vt homo hoc possit . Iniuria enim quam Augustinus timere potest inferendam libero hominis arbitrio, non potest esse alia , quam quod dum homo appetit esse sine peccato , appetat rem impossibilem : Atqui hoc verum est ex principijs Iansenij: Ergo ex Augustino , sententia Iansenij derogat libero arbitrio . Iniuria vero quę infertur diuinę misericordie, quę hoc adiuuando efficit, hoc est quę adiuuando efficit , vt homo possit esse sine peccato ; non potest esse alia , quā quod reuera hoc non efficiat adiuuando . Atqui in sententia Iansenij hoc non efficit : quia reuera in omni occasione in qua homo peccat Deus non dat gratiam quę necessaria est, vt possit non peccare. Ergo ex Augustino , sententia Iansenij derogat Dei misericordie .

Sequitur quarto Verum esse quod diximus, propositionem illam Augustini , *hominem diuina adiuuante gratia , esse posse sine peccato* , resoluendam, esse per sensum absolutum . Quia diuina gratia adiuuat, & non per conditionatum, vt vult Iansenius, *si diuina gratia adiuuet* . Absoluta enim est affirmatio quā Sanctus Augustinus dicit diuinam misericordiam adiuuando efficere , vt possimus, esse sine peccato . Et vero sicuti laus liberalitatis non consistit in eo quod habeat adiunctam facultatem benefaciendi , quippè quam
etiam

etiam adiunctam habere potest avaritia, & tenacitas: sed in usu ipso & exercitio benefaciendi; ita laus misericordiae non consistit in eo quod adiunctam habeat facultatem subueniendi miseris. Adiunctam enim habet & rigor atque seueritas; sed consistit in exercitio miserationis. Ergo Augustinus qui cauet ne diuinæ misericordiae derogetur, dum dicitur homo in hac vita non posse esse sine peccato; non hoc intendit tantum ut intelligatur Deus posse iuuare hominem, dando facultatem abstinendi à peccato, sed ut intelligatur re ipsa iuuare: atque hanc facultatem concedere, quotiescumque necessaria est; & hoc est exercitium misericordiae quod Iansenius tollit, tollendo simul eius gloriam. Quod valde notandum est, non solum pro indifferentia liberæ volitionis pro qua iam disputamus, sed etiam pro gratia sufficiente quæ illi *monstrum est*, quippe qui domesticis, ac familiaribus scholarum catholicarum sententijs non satis assuevit.

cap. 7. Probatur trigesimò, ex lib. de correptione & gratia cum dicit, *Iustior videtur excusatio dicentium, non accepimus audientiam, quàm dicentium non accepimus perseverantiam; Quoniam potest dici, homo in eo quod audieras & tenueras, in eo perseverares si velles.* Quod est, iustam esse accusationem, & iniustam esse excusationem eorum qui accepto per Dei gratiam beneficio reconciliationis, non perseverant, propterea quod perseverare potuerint si voluissent. Ceciderunt igitur potentes stare, hoc est, cum

cum indifferentia, & sine necessitate ad vnum, determinante: & ideo iuste increpantur, & iniuste se excusant. Nam quod dicit, *si velles*, manifestum est supponi velle posse quibus hoc dicitur: alioqui nullum est discrimen quod ponit Augustinus, inter non perseverantem non accepto dono perseverantiæ: & non venientem ad Christum, non audito euangelio, cum dicit iustior em esse huius excusationem. Quare enim iustior est, nisi quia ut audiret euangelium, sine quo ad Christum venire non poterat, non fuit in eius potestate? Quod si pariter non fuit in potestate eius qui non perseverat, *ut vellet* perseverare, hoc est, *si non potuit* velle perseverare, sine qua voluntate perseverantia esse non potest; quomodo non eandem excusationem habebit, cum dicet, perseverassem quidem si voluissem, sed velle non potui? Et eo spectant similes apud Augustinum locutiones, ut cum dicit in Enchiridio Corosaitas, *Cap. 95. potuisse, saluos esse si vellet*, & quod est in secundo libro de peccatorum meritis, interrogantibus, cur homines non sint sine peccato postquam adiuvante gratia esse possunt, *veracissime responderi quia nolunt*, qui modi loquendi sunt omnino inepti, nisi ii de quibus hoc dicitur, intelligantur velle posse. Et ideo ex communi sensu locutiones illæ non usurpantur, ubi est voluntatis illius impossibilitas: nec quisquam dicit Deum posse cessare ab amore sui si velit; aut beatum ab amore Dei. Nempè quotiescumque possibilitas rei aliquius

cuius intelligitur pendere à conditione impossibili, hoc ipso creditur nulla esse: & rem esse in tali casu absolute impossibilē. Et ita non dicimus esse possibile bouē volare, quāvis hoc sit possibile si haberet alas; eo quod habere alas, sit impossibile naturæ bouis. Ergo in illa hypothesi in qua deest facultas volendi, qui dicit hominem posse aliquid si velit, nugatur, quod conditio voluntatis ex qua pendet id quod possibile dicitur, supponatur impossibilis: & ideo dici debet in tali casu simpliciter impossibile.

Cap. 5.

Probaturs trigesimo primo, ex lib. de bono perseverantiae dum dicitur. *Quisquis audet dicere, habeo ex me ipso fidem, non ergo accepi; profecto contradicit huic apertissime veritati, (quid habes quod non accepisti,) non quia credere vel non credere non est in arbitrio voluntatis humanæ, sed in electis præparatur voluntas à Domino. Ideo ad ipsam quoque fidem quæ in voluntate est, pertinet, quis enim te discernit? Quid habes quod non accepisti? Quibus verbis confirmat Augustinus quod aliàs dixerat in libro de Spiritu, & litera. Attendat, & videat non ideo tantum istam voluntatem diuino muneri tribuendam, quia ex libero arbitrio est, quod nobis connaturaliter con creatum est; Verum etiam, quod visorum suasionibus agit Deus, ut velimus, & ut credamus, siue extrinsecus per euangelicas exhortationes, siue intrinsecus, ubi nemo habet in potestate quid ei veniat in mentem, sed consentire, vel dissentire propriæ voluntatis est. Vbi vides postremam hanc definitionem, sed consentire, ve*
dissen-

Cap. 34.

diffentire gratiæ, nimirum ad fidem mouenti, propriæ voluntatis est, superioribus illis verbis apprime respondere, *Non quia credere, vel non credere non est in arbitrio voluntatis*. His autem perspicuum est significari potestatem ad vtrumlibet, nempe ad credendum, & non credendum, de eo enim qui vnum tantum potest, vt iam supra notatum est, nunquam dicitur habere in arbitrio voluntatis, vt alterutrum faciat: nec si nulla sit cimba qua fluuius transmittatur, quisquam sit adeo insanus vt dicat stantem ad ripam, habere in potestate, vt natando, vel nauigando transeat. Quæro igitur quem intelligat Augustinus quando dicit, *credere vel non credere positum esse in arbitrio voluntatis*? an hominem gratia destitutum? an hominem præditum gratia ad credendum necessaria? Si primum, falsum est, & Pelagianum quod dicit, posse illum credere, vel non credere; nam esto possit non credere qui gratia destituitur, tamen quomodo dicetur posse credere, nisi ab eo qui negat necessariam esse gratiam ad credendum? Ergo ille vnum tantum potest, non pro arbitrio voluntatis alterutrum. Quod si intelligat Augustinus hominem gratia præditum sicut ostendunt omnino circumposita vtrique loco verba, intelligendum esse, quomodo potest esse, verum quod dicit, habere illum in libero arbitrio credere, vel non credere: & propriæ voluntatis esse quod consentiat, vel dissentiat? Esto enim dici possit, *posse consentire, & credere*;

M

vt in

at in sententia Iansenij non potest dici, *posse dissentire*. Quomodo enim potest, si sequatur ex illa gratia, necessitas ad vnum tantum determinans, vt ille docet? Quomodo potest, si vsus, vel non vsus illius gratiæ non permittatur libero arbitrio? quomodo potest si per victtricem illam gratiam qua fit, vt velle credere sit in potestate voluntatis, excludatur contrarius, & victor concupiscentiæ motus, per quem fit vt nolle credere seu dissentire in eiusdem potestate similiter sit, hæc enim sunt Iansenij principia, iuxta quæ qui habet gratiam ad credendum requisitam, pro tempore quo illam habet, nullo modo dici debet, posse non credere. Ergo hic quoque non potest alterutrum pro arbitrio voluntatis, *credere nimirum aut non credere*, Sed vnum tantum. Ac proinde nunquam reperietur tempus in quo veritatem habeat effatum illud Augustini, *quod credere vel non credere sit in arbitrio voluntatis*, quia sublatâ gratiâ credere non est in arbitrio: nec ea præsentē *non credere* iuxta Iansenium, qui proinde censendus est tollere indifferentiam quam adstruit Augustinus.

Sed expendenda sunt adhuc illa verba quibus dicit Augustinus *propriæ voluntatis esse consentire, vel dissentire*. Supponunt enim manifestè præsentiam gratiæ, cum nemo consentire dici possit, nisi sit, cui consentiat: nemo etiam à non existente dissentit. Ergo si quando verum est hominem pro suo arbitrio posse consentire, aut dissen-

dissentire, debet tunc supponi esse gratia, cui consentiat, aut dissentiat; Consequenter debet supponi talis gratia quæ non tollat, *Tò posse dissentire*, hæc est igitur Augustiniana libertas arbitrij. Confirmatur ex simili loco in Ps. 91. *Sathanas non cogit inuitum, in tua potestate est consentire, aut non consentire*. Peccatores alloquitur, atque adeo Diabolo consentientes, in quorum potestate cum dicat esse non consentire, admonente Deo (hoc enim præmisit) sequitur agnoscere illum beneficio gratiæ sufficientis indifferentiam in eo, qui peccat, ad peccandum vel non peccandum.

Probaturs trigesimo secundò, illis omnibus locis quibus docet Augustinus Deum non præcipere impossibilia, quæ cum plurima sint, emicat tamen inter alia quod est in libro de natura & gratia. Vbi dum Pelagium refutat qui dicebat posse hominem in hac vita esse sine peccato, & ut esse possit pertinere ad bonitatem Dei, quasi ni posset, putandus esset Deus præcipere impossibilia. Respondet Augustinus aliam esse rationem hominis lapsi, & hominis integri. *Nunc*, inquit, *de illo agitur quem seminiuū latrones reliquerunt, qui gravibus sauciis confossusque vulneribus, non ita potest ad iustitiæ culmen ascendere sicut potuit descendere. Qui etiam si iam in stabulo est, adhuc tamen curatur; Et quia murmurare aliquis posset ac dicere; Ergo ab homine lapso postulat Deus id, ad quod non habet vires; pergit Augustinus. Non*

Cap. 43.

M 2

igitur

igitur Deus impossibilia iubet : sed iubendo admonet , & facere quod possis , & petere quod non possis . Quasi diceret , quotiescumque Deus aliquid iubet , supponit te alterutrum posse : nempe aut facere quod iubet , aut petere faciendi facultatem : atque ita dum præcipit , eiusmodi præcepto admonet , ut alterutrum facias , quandoquidem alterutrum potes . Et ne cui videretur excludi gratiæ necessitas , sequitur . *Iam nunc videamus unde possit . Iste Pelagius , dicit , voluntate non est , quod natura potest . Ego dico , voluntate quidem non est homo iustus , si natura potest ; sed medecina poterit quod vitio non potest . Nempe inter Augustinum , & Pelagium perfectè conuenit , quod Deus non iubeat impossibilia : nec cum eo vult contendere Augustinus vtrum possit homo esse sine peccato .* *Tota inter eos contentio est , unde hoc possit , per naturam , inquit Pelagius , per medicinam , inquit Augustinus : quia natura vulnerata est . Et ideo paulo ante . Nam neque illud nimis curo , vtrum fuerint hic aliqui , vel sint , vel esse possint qui perfectam , cui nihil addendum esset , habuerint , vel habeant , vel habituri sint caritatem Dei quoniam id quod voluntate hominis adiuta per Dei gratiam fieri posse confiteor , & defendo : quando , vel ubi , vel in quo fiat , nimium certare nolo : neque de possibilitate ipsa contendendo , cum sanata , & adiuta hominis voluntate , possibilitas ipsa simul cum effectu in Sanctis proueniat .* Vides quo reducat Augustinus quæstionem cum Pelagianis . Non , an sit aut esse possit homo sine pecca-

Cap. 42.

peccato: quod est, an possit seruare mandata; sed an possit ea seruare sine gratia, quæ naturæ superaddatur ex meritis Redemptoris. Vnde postea cum retulisset Pelagij verba, quibus negabat se defensare illam possibilitatem sine Dei gratia, quin-
 potius fateri debet, illam Deo tantum deputari; Au-
 gustinus subiungit. Si nesciremus quæ sequantur, istis tantum auditis, falsa non de illis iactante fama
 & quibusdam fratribus idoneis testibus asseuerantibus credidisse putaremus. Quid enim dici breuius potuit, & verius, quam possibilitatem non peccandi, quantacumque est, vel erit in homine, non nisi Deo debere reputari? hoc & nos dicimus, iungamus dexteras. En vt Augustinus sola confessione Pelagij contentus est, paratusque inire cum eo pacem, si verbis mens responderet. Vide autem quomodo quæ rectè dixerat Pelagius, prauâ intelligentiâ corrumpat. Subdit enim Augustinus. An audienda sunt cetera? Audienda sunt & corrigenda, & statim refici Pelagij verba hæc. Nam cum dicitur ipsum posse
 arbitrij humani, omnino non esse, sed auctoris naturæ, Dei scilicet: & qui fieri potest, vt absque gratia Dei intelligatur, quod ad Deum propriè pertinere censetur. En tibi totum illud venenum erroris Pelagiani. Gratiam admittit quæ sit à Deo vt auctore naturæ, hoc est gratiam naturalibus donis, quæ per creationem accepimus, minimè superadditam. hoc solum tolle, & clamat Augustinus, iungamus dexteras; hoc autem est Augustinum non solum non negare, sed asserere possibilia esse, etiam

Cap. 44

Cap. 45.

etiam transgressoribus Dei mandata.

- Quod iterum perspicuè confirmat sub finem.
- Cap. 48. huius libri cum dicit se non nimis curare ubi, & quando plenissima iustitia perficiantur, qui proficiunt in virtutibus; sed confirmare se, non nisi gratia Dei per
- Cap. 49. Christum perfici posse. Et tandem, Valde autem bona sunt praecepta, si legitimè ijs utamur; eo quippe ipso, quo firmissime creditur, Deum iustum & bonum impossibilia non potuisse præcipere: hinc admonemur, & in facilibus quid agamus, & in difficilibus quid petamus. Quibus verbis Augustinus, clarè significat alterutrum nobis esse facile, aut implere quod iubemur, aut implendi vires orando postulare. Quæ causa est cur paulò ante, negligentiae, ac pigritiae attribuerit, quod homines non bene viuant: ideoque censuerit exhortandos, terroribus verberandos, præmiorum laudibus erigendos. Nemo autem pigritiam, vel negligentiam agnoscit, nisi in rebus possibilibus. his adde quod est in lib. de gratia, & libero arbitrio, magnum aliquid Relagiani se scire putant, quando dicunt, non iuberet Deus quod sciret non posse ab homine fieri. Quis hoc nesciat? sed ideo iubet aliqua, quæ non possumus, ut nouerimus quæ ab illo petere debeamus.

Supponit igitur Augustinus possibilia esse transgressoribus Dei praecepta, quod est homines potentes ea seruare, non seruare; hoc autem est supponere homines habere indifferentiam ad seruandum, & non seruandum. Et quia inde putat dari locum terroribus, minis, exhortationibus

nibus, laudibus, consequenter supponit, pertinere indifferentiam hanc ad libertatem, peccando & merendo necessariam.

Probatur trigesimo tertio ijs omnibus locis quibus Augustinus calumniam purgat, à Pelagianis irrogatam, quod tolleretur liberum arbitrium; quod facit potissimum in libro de gratia; & libero arbitrio. Notandum enim est libertatem indifferentiæ, quam Iansenius bicornem vocat (quod sit ad utrumlibet) ab eodem cense-
 ri libertatem Pelagianam, haustam ex lacunis Philosophiæ Peripateticæ, *Desinat*, inquit, *hic obstre-*
pere Aristotelica Philosophia quæ in ista causa cum Pe-
lagio atque Iuliano plenis buccis eam crepante damnata
est. Neque enim aliud est quidquam hæresis Pelagiana
de gratia & libero arbitrio, quam pura puta Aristotelica
Philosophia: Item, ex quo sit ut nihil magis in hoc
argumento de libero arbitrio suspectum esse debeat, quam
Aristotelica philosophia, cuius solius armis instructi Iu-
lianus, & Pelagius libertatem humani arbitrij de-
fenderunt. Quibus similia sparsim habet per omnes fere paginas. Igitur libertas quam Pelagiani queruntur ab Augustino destrui, est libertas ad utrumlibet duorum, contrariè vel contradictoriè oppositorum: Et hoc est liberum arbitrium quod Pelagiani putant se tueri contra Augustinum. Augustinus autem quid respondet? Absolutè negat se tollere liberum arbitrium, quin potius fusi-
 sè probat, accumulatis scripturæ sacræ testimonijs esse admittendum, ut constat ex tribus prio-
 ribus

In præf.
lib. 6. de
gra. salu.

ribus capitibus libri de gratia & libero arbitrio.

Iam dico. Vel Augustinus dum affirmat retinendum esse liberum arbitrium, idem intelligit quod Pelagius, vel non, si idem intelligit; habemus intentum, & bicornis libertas Augustiniana est; si non idem intelligit, dolosè cum illis agit, eiusdemque fraudis reus est, cuius aliàs ipse Pelagium accusavit, fingentem se gratiam admittere, sed alterius generis, à gratia quam Augustinus requirebat. Ita enim modò Augustinus, liberum arbitrium admittet, sed aliud intelligendo quàm quod Pelagiani postulant. Quod si Pelagiani malè concipiunt liberum arbitrium, in eo debebat Augustinus laborare, ut conceptum eorum corrigeret, quod nunquam facit: Legatur enim non solum trigesies sexies, ut legisse dicitur Iansenius, sed etiam millies: & nunquam inuenietur aliud corrigere in sententia Pelagianorum, & in eo quod dicebant liberum arbitrium posse facere, vel non facere; quam ut faterentur *illud posse*, quando salutem respicit, & ad ea refertur quæ pertinent ad vitam æternam, ex gratia esse: seu quod idem est, gratiam efficere ut hoc possimus. Constat hoc, ex loco paulo ante citato ex libro de natura, & gratia ubi Pelagius dextram porrigit, si velit hoc confiteri: quod iterum repetit in eodem libro ubi de possibilitate seruandi mandata, & viuendi sine peccato quam adstruebat Pelagius, *Recte quidem disputat*, inquit *sed hoc unde sit possibile, fateatur, &*

pax

Cap. 44,
& 59.

pax est. Ipsa est enim gratia Dei per Iesum Christum &c.
Constat & ex iam citato libro de gratia, & libero
arbitrio; vbi postquam admisit, & admittendum
probauit liberum arbitrium; vide quid caueri ve-
lit in doctrina Pelagianorum. Non enim illud,
vt non concipiatur esse facultas ad vtrumlibet, Sed
ne ista omnia diuina testimonia, Et quaecumque alia
sunt quae sine dubitatione sunt plurima, in defensione liberi
arbitrij sic intelligantur, vt ad vitam piam, & bonam Cap. 4.
conuersationem cui merces aeterna debetur, adiutorio, &
gratie Dei locus non relinquatur; & audeat miser homo
quando bene viuit, & bene operatur, vel potius bene vi-
uere, & bene operari sibi videtur, in se ipso, non in domi-
no gloriari; & spem recte viuendi in se ipso ponere, vt se-
quatur illū maledictum Hieremie prophetae docentis, ma-
ledictus homo &c. Et statim illud, & firmat carnem
brachij sui, firmat, inquit, carnem brachij sui, qui
potentiam fragilem, atque inuvalidam, id est humanam
sibi sufficere ad bene operandum putat; nec adiutorium
sperat à domino; Propter hoc enim subiecit, & à do-
mino discedit cor eius. Talis est heresis Pelagiana, etc.
haec nimirum est haeresis Pelagiana, non quod cre-
dat liberum arbitrium includere indifferentiam,
quo nomine damnatam esse ab Augustino, neque
Iansenius, neque Ianseniani vnquam probare po-
terunt; sed quod talem habeat indifferentiam, vt
ad vitam piam, & aeternae vitae meritoriam, non relin-
quat locum Dei adiutorio; sed sufficere sibi putet humana
potentia; velitque in seipsa spem ponere, & non in Deo,
nec aliud deinde probat toto libro. Ergo Augu-

N
stinus,

stini, & conceptus de libero arbitrio, conceptui Pelagianorum apprime respondet, dum asserit liberum arbitrium, quod isti eum negare mentiebantur: Concedit, inquam, Augustinus id esse liberum arbitrium quod Pelagiani putant, facultatem scilicet operandi, & non operandi; sed in ijs quæ spectant ad salutem, hanc facultatem non nisi per Dei gratiam constitui putat.

Cap. 15.

Et confirmatur euidenter ex eo quod inter ea loca quibus Augustinus probat liberum arbitriū, citat etiam illud Eccle. vbi dicitur homo positus in manu consilii sui, appositum esse illi ignem & aquam, ut ad quodcumque voluerit extendat manum suam: esse in conspectu eius vitam, et mortem, et quodcumque placuerit, ei dandum. Quibus verbis significatur euidenter indifferentia ad opposita; Augustinus vide quid addat, Ecce, inquit, apertissime videmus expressum liberum humane voluntatis arbitrium? Exprimitur ergo liberum humane voluntatis arbitrium, quando exprimitur indifferentia ex Augustino. Et notandum est contra Calvinum, & Iansenianos aliquos, qui volunt locum illum pertinere ad statum nature integræ, Sanctum Augustinum agere de libero arbitrio nature lapsæ, quia non accusabatur quod destrueret liberum arbitrium in natura integræ, sed in lapsa; ergo ex mente Sancti Augustini locus ille pertinet etiam ad naturam lapsam: eoque significatur vim illam agendi nature intelligentis propriam, ita fuisse impressam in natura integræ, ut perseveret etiam in lapsa sicut perseverat

rat esse risibile, esse admiratiuum, esse capax disciplinæ; cum ea tantum differentia, quod ex originali corruptione nascatur specialis gratiæ necessitas. Neque negetis Dei gratiam, inquit Augustinus, neque liberum arbitrium sic defendatis, ut a Dei gratia separetis, tanquam sine illa vel cogitare aliquid, vel agere secundum Deum ulla ratione possimus, quod omnino non possumus. Hoc postulat Augustinus, hoc vnum cõmendat: indifferentiam insuper negare, somnium est.

In epist.
vna cum
libro de
grat& li-
bero ar-
bitrio ad
Valenti-
nũ missa.

Probatur trigesimo quarto, ex Sermone 191. de tẽpore, qui est tertius de Festo Sãctissimæ Trinitatis, vbi S. Augustinus fidei suæ professionem sic concludit. *Liberum sic confitemur arbitrium, ut dicamus nos Dei semper indigere auxilio, et tam illos errare qui cum Manichæo dicunt hominem peccatum vitare non posse, quam illos qui cum Iouiniano asserunt hominem non posse peccare. Vterque enim tollit arbitrij libertatem. Nos vcrò dicimus hominem semper, & peccare, & non peccare posse, ut nos liberi confiteamur esse arbitrij; hæc est fides, dilectissimi fratres, quam in Catholica didicimus Ecclesia, quamque semper tenuimus, & tenemus: quam credimus, & a nobis deinceps posse teneri. Manichæi non dicebant hominem esse in continuo actu peccandi; sed volebant tantum in illis occasionibus in quibus peccat, ita præualere suggestionem malæ animæ supra bonam, ut hæc non possit vitare peccatum. Hoc est igitur quod Augustinus putat tollere arbitrij libertatẽ, & pertinere ad hæresim Manichæam: ac proinde censet*

pertinere ad Fidem Catholicam quod credatur is qui succumbit tentationi, posse non succumbere: & qui peccat posse non peccare, quod est indifferentiam pertinere ad liberum arbitrium, etiam prout dicit potentiam expeditam voluntatis ad nō faciendum quod facit. Nam remotam non negabant Manichæi, cum non negarent esse mutuas vices in conflictu animæ bonæ cum mala, & bonā aliquando vincere, seu non semper vinci. hoc enim illi nusquam dixisse reperientur, quin potius supposuisse contrarium, præsertim in illis quos vocabant Electos, & Purgatores partis diuinę quam nobis inesse fabulabantur. Iam quod dicit Iouinianum, quoque tollere liberum arbitrium, dum negat hominum posse peccare; non eò pertinet, ut nusquam putetur esse liberum arbitrium sine potentia peccandi, sed quia Iouinianus loquebatur de puris hominibus, quos negabat posse subverti si baptizati essent non tantum in aqua, sed etiam in spiritu, ut constat ex libro de hæresibus ad quod vult Deum, & ex Hieronymo lib. 2. cont. Iouinianum; Augustinus, qui videbat in illa suppositione inseparabile esse potētiā peccādi à libero arbitrio, cēsuit cū qui hanc negaret, illud etiā negare: voluitque duo hæc principia fixa esse, liberum arbitriū tolli si negetur is qui consentit concupiscentiæ posse non consentire: item liberum arbitrium tolli si negetur Christianus in hac vita, in qua videt tantum per speculum in ænigmate, posse peccare dum tentatur.

Elau-

Claudet hæc Augustini testimonia trigefimum
 quintum, ex libro 12. de Trinitate, Vbi clarissimè Cap. 12.
 exprimitur, & dominium voluntatis, & indifferen-
 tia, tanquam ad peccandum necessaria, his verbis.
*Neque enim potest peccatum, non solum cogitandum sua-
 uiter, Verum etiam perpetrandum efficaciter mente de-
 cerni, nisi & illa intètio penes quam summa potestas est,
 membra in opus mouendi, vel ab opere cohibendi, male
 actioni cedat & seruiat.* Si Molina quidam, vel ali-
 quis Lessius dixisset, penes liberum arbitrium homi-
 nis esse *summam potestatem mouendi, vel cohibendi*
membra Ianseniani centum buccis clamarent, blas-
 phemauit, humanum arbitrium diuino dominio
 subtrahit. Atqui Augustinus, ita loquitur, & S. Tho- Cap. 8.
 mas approbat, vt postea constabit. Et eundem
 sensum habet quod dictum erat antea, *In specula con-
 silij præsidere superiorem hominis portionem, eique deman-
 datam temporalium rerum administrationem: & censeri
 illam consentire immoderato appetitui, cum non cohibet
 nec refrænat.* Summa potestas membra mouendi,
 vel cohibendi; est-ne potestas clauo necessitatis vni
 parti affixa? & quæ aliam atque aliam dispositionem
 expectet, vt modo in vnū feratur, & postea in aliud,
 est-ne summa? Numquid ea quoque brutis compe-
 tit? & quis non videat præsidem illam in specula
 consilij, & superiore hominis portione potestatem,
 quæ sic regit appetitum, vt dum consentit non pos-
 sit cohibere, & dum cohibet non possit habenas
 laxare? Rem tantulam Augustinus tam speciosis
 nominibus significauerit? Ergo & indifferentiā Au-
 gusti-

gustinus tamquam ad peccandum necessariam requirit; & talem indifferentiam, quæ sine proxima, & ad vtrumque expedita voluntatis facultate non possit explicari.

S. 3. Miracula Ianseniana.

HÆc sunt testimonia numero quinque supra triginta, nec tamen omnia, quibus probamus Augustinum in conceptu liberi arbitrij id incluisse quod indifferentiæ nomine significatur, hoc est potestatem agendi, & non agendi. Sunt verò hæc (si Iansenio credimus) triginta, & quinque miracula. Siquidem ille ita animo persuasum habet necessitatem huic indifferentiæ contrariam, ex doctrina Sancti Augustini non obesse libertati, *ut ingenuè fateatur se miraculi loco habiturum, si in Augustini doctrina ostendi possit voluntatem quæ potentissime, & immobiliter, & perpetuo iustitiam diligit, & operatur, non esse in ista volitione, & operatione liberam.* Quibus verbis quid intelligat, constat ex superioribus dum dicit. In illo acerrimo, diuturnoque conflictu quo cum Pelagianis de gratia, & libertate voluntatis decertatum est, in nullis Augustini libris, vel semel inueniri posse unum textum, vel vestigium opinionis istius, quod idcirco voluntas, sub gratia quæ facit eam facere, maneat libera, quia cessare potest. Hoc scilicet, huic Auctori miraculum est, inueniri apud Augustinum unum textum, quo significetur causam liberam ideo esse liberam, quia sic agit, ut possit non agere. Videat lector

to. 3. l. 6.
Cap. 8.

lector an superioribus locis contrarium satis probatum sit: simulque decernat, si pergant Ianseniani rem adeo manifestam negare, quid sit sentiendum de illa contumacia quæ triginta tribus miraculis fanari non poterit.

Est vero vicissim magnum hoc miraculum, hominem ingenij, & eruditionis minimè vulgaris, viginti duobus annis Augustini libris incubantem, postquam decies circiter omnia eius opera legit: & quæ sunt scripta contra Pelagianos facile sexies, & trigesies, nusquam vidisse aut intellexisse quod tam multis locis proponebatur. Cuius ego rei causam vix aliam inuenire possum, quam quia fascinati amore propriarum sententiarum oculi, videre nequeunt quæ illis aduersantur; hinc vero intelligitur quam meritò suspecta esse debeant cætera quæ de Sancti Augustini doctrina hic auctor confidentissimè pronuntiat, quasi ex præiudicio tam diuturni studij minimè dubium cuiquam esse possit, quin affirmet Augustinus quæ ille affirmare testatur, quin neget quæ negare ipsum refert. Quippe iam constat tum hoc experimento, tum alijs multis, minimè tutam esse regulam hanc, nec Lectorem sapienter facturum qui neglecta priorum oculorum indagine fidem suam testimonio Iansenianorum committet. Quare facile quidem admittimus quod dicunt, *miram visum* iri eorum doctrinam scholasticis: *doctrinam hanc inauditam*, esse recentioribus, et non mediocriter *miram videri*: ad nomen incoactæ libertatis exhorrescere non tantum nonnullos, sed plerisque omnes,

&

& catholicos doctores : *perstrepere nunc scholas illo modo conciliande libertatis cum gratia; Doctoresque fatigari, uti sub nomine libertatis indifferentiam illam libratam contrarietatis aut contradictionis muniat & stabiliat;*
 Tom 3. c. 6. *ibid. c. 12. ibid. lib. 7. c. 21. ibid. cap. 8.* hæc inquam admittimus non inuiti. Neque enim potest non mirum videri quod in catholicis scholis nouum est : nec recentiores non exhorrescere dum post Sancti Thomæ sententiam quam pronunciauit *hereticam esse opinionem qua putatur voluntas ex necessitate moueri, dummodo citra violentiam, & necessitatem moueatur, eo quod tollat rationem meriti, & demeriti ad quam requiritur, ut quod fit non ita sit ex necessitate quin vitari possit post manifestam duorum Pontificum definitionem duas istas Baij propositiones damnantium. Quod voluntarie fit, etiam si necessario fiat, libere tamen fit, et sola violentia repugnare libertati hominis naturali : post decretum Concilij Tridentini quo ad soluendam contra Caluinum arbitrij libertatem definit consentientem diuine gratie posse dissentire, quod est esse indifferentem ad vtrumlibet; post communem Catholicorum omnium sensum, quo putatur Caluinus libertatem arbitrij destruxisse, cum tamen incoactam admiserit; Erumpat tamen vnus aliquis è tenebris, & non iam perstrepen-
 tibus, sed conuenientibus miro cōsensu scholis omnibus quamuis suo vnaquæque modo, Geneuense canticū, intonet incoactæ libertatis. Sed quod addunt esse doctrinam hanc in Augustini principiis indubitatam, et iis tot libris quot exerauit de libero arbitrio contra Manicheos, et de gratia non tollente libertatem aduersus Pelagianos,*

Tom 3.
 lib. 6. c. 6
 16. cap. 8

gianos, vix ullum vestigium reperiri posse, ubi de libertate indifferentie loquatur: Nullam vel tenuem umbram in scriptis suis reliquisse, quod libertas arbitrij in huiusmodi indifferentia collocanda sit: Solicitum esse de sola voluntate seu volitione, nihil curando de libertate, eo quod essentialiter libertas sit coniuncta voluntati: horrorem illum, & admirationem recentiorum oriri ex intolerabili antiquitatis imperitia, remotissimos esse ab ea libertatis intelligentia quam Augustinus, ac discipuli cum tota Ecclesia antiqua tradiderunt: Argumenta quibus, vel sua probant, vel aliena improbant sola doctrine a maioribus tradite ignorance & humane ratiocinationis libertate niti, hæc, inquam, & alia id genus; multa quæ concionabundus amplificare Iansenius solet, iudicio Lectoris ita permitto, ut postquam superiora Diui Augustini loca expendit, quæ æquitate, ac veritate nitantur, ipse pronuntiet.

Ib. c. 10.

Ib. lib. 2.
cap. 21.

Idem dico de illo ferali vaticinio, quo in suam ipse doctrinam malè ominosus sic loquitur. Fidenter dico, quicumque doctrinam istam a nobis traditam erroris insimulare ausus fuerit, non Augustinum, non Bernardum, sed philosophiam fortassis Aristotelis ducem, ac patronam habiturus est; & in ista doctrine culmina, & columina necesse est ut anathema prius dicat. Nempe constare cuilibet potest ex dictis, suffragatorem habere Augustinum quotquot in hanc Iansenij sententiam anathema dicunt; nec dubium est quin præeuntem Augustinum Bernardus sequatur eius sectator indiuifus: omitto rationes alias aliorumque patrum testimonia, quia propositum

O est

est hoc loco vnus Augustini sententiam exquirere. Sed videamus quid dicant alij quidam Iansenij Sectatores, & quid obijciant. Ex eorum enim refutatione superiora illustrabuntur.



Exa-



Examinantur antique Vincentij
Lenis cogitationes super ista
controuerfia .

C A P. I.

*De quibusdam Vincentij Lenis, atque aliorum
Iansenianorum opusculis, & quid ille cum de
Iansenio sentiat, cum etiam de se.*



I Nter eos, qui Iansenianæ Theo-
logiæ tuendæ veluti procuratio-
nes accepisse videntur, eminet in
paucis Vincentius Lenis, Theriacæ
primùm dispensator, idemque
deinde *Fulgentius*, Lucernæ *Augu-
stinianæ* faber. Siue enim imitari voluit fugiti-
uos, qui nomen, & professionem cum locorum
mutatione subinde mutant: seu Græcos artifices,
apud quos, vt ait Tullius, qui citharædi esse non
possunt, aulædi fiunt, pharmacopæam primùm

O 2

pro-

Vincen-
tius lenis
de suo ca
ne lib. 1
Theriacæ
cap. 22.

professus in componenda *Theriaca* sub nomine
Vincentij, in cudenda deinde *Luccerna* sub nomine
Fulgentij, videri voluit Laternarius. Quin etiam
quod vsu venit malè occupatis opificibus, pertæ-
sus artium ac nominum inutilium animum adie-
cit ad militiam, & factus est, *Stratagematis* auctor
anonymus. Nec iurare possum, nullam illum
habuisse partem in illa celebri venatione, quæ
Vulpem captam anno superiore per Italiam, gal-
liam, Hispaniam, circumduxit, tanto cum trium-
pho, vt diceres captam à Romanis Carthaginem.
Crediderim equidem nonnullum in exequendo
eiusmodi consilio fuisse vsu canis illius, quem
alere se Vincentius narrat. Canem enim alere se
ne genus humanum ignoraret, sibi narrandum
esse duxit, a quo inter duo ossa deliberante, quæ
sit indifferentia liberi arbitrij didicerit. Verum
siue ille sit, siue alius quispiam qui vulpem cepi-
se dicitur, superest nobis non levis scrupulus, di-
cendum ne sit captam à cane vulpem, an potius à
vulpe canem. Mittamus ambages, Martinus
Ripalda in opere illo erudito, quod edidit contra
Baianos, mille ac mille modis errores eorum
conuicit, in vna, & altera citatione, seu pro-
pria ipsius hallucinatione, homo enim erat, seu
vitio Amanuensium & Typographorum negli-
gentia, à quibus, procul distabat, dum eius scrip-
ta ederentur, aberrasse deprehensus est; hic Baia-
ni vocem tollere, plaudere manibus, lætitia e-
xultare, totique mundo inexpectatam nuntiare
victo-

victoriam; *Vulpem captam*. Sed illa, ò viri boni, elapsa est integra & adhuc currit, esto pilos aliquot tanquam ex cauda reliquerit in canum dentibus. Nobis vero haud paulo maior est occasio gloriandi ob prostratos atque deuictos, eosdem canes, quos vulpes illa dentis moribus confossos reliquit.


Fatigatos ex laboriosa venatione ac sitientes expectabat *Collatio Antuerpiensis* instructa bellarijs à Ianseniano penu petitis. Nescio cur non maluerint vocare cœnam, quam vernacula, & impropria significatione, *Collationem*. Ita enim ipsi antiquo atque honesto nomine dici potuissent, *dipnosophistæ*. Collationi ne fructus deessent, & raræ apud Belgas vix recentes; decreta est, *Racematio*, si tamen illa vuarum fuit, & non potius labruscarum. Conuiuio musicam addiderunt, sed lugubrem: Nam cum Summus Pontifex omnino vellet, vt obediretur Bullæ contra Baium, & Iansenium; cum eam Rex Catholicus recipi iuberet; cum id vrgeret Serenissimus Gubernator, rati Neroniana rediisse tempora, edidere *Planctum Veritatis in Belgio patientis*. Atque vt nullæ forent Musæ quæ Iansenio non canerent: & nouo dogmati litarent pariter Oratores, Poetæ, addidere *rythmos*, hoc est, *Rythmicam considerationem*, quæ cum sensu Ecclesiæ comparata, dissona est & nomen perdit. Ex quibus intelligi potest, quam ingeniosi fuerint Ianseniani in inueniendis varijs artibus quibus receptæ iam pridem per totum orbem

Epi. pro
d. p. 53.

bem doctrinæ, ac repetitis Sedis Apostolicæ decretis resisterent. Sed Vincentium audiamus qui sic de Iansenio. *Se oculis clarissime cernere, & manibus ut sic, dicam palpare Iansenium Sancti, Augustini & Ecclesiæ mentem diuina prorsus luce, & explicatissimo ordine attigisse.* Quæ si vera sunt, necesse est Ecclesiæ hodiernæ cæcitatem damnemus, damnatam esse Iansenij doctrinam pronuntiantis, damnari enim non potuit, nisi à cæco iudice, quæ veræ, ac veracis Ecclesiæ mentem attingebat. Addit, *clarissimam lucem à diuina sapientia his temporibus, quando caligines, & tenebræ in dies crebrescebant ingeniosissime illi animæ infusam, ut alii etiam inde mutuarentur.* Quod ostendit iniquissimè factum à Pontificibus Romanis, qui damnato Iansenio tanta nobis luce interdixerunt: denique Iansenium pronuntiat Vincentius, ceteris, et Augustiniani qui Doctorem esse, Ambrosio videlicet, Hieronymo, Augustino, accensendum: Atque utinam doctrinæ discrimen non impedisset ne in album sanctorum illorum. Patrum referri posset. Sed vereor ut Romanum Calendarium vnquam coniungat, quos tanta discordia sententiarum diuisit. Scire autem velim, non cuius æui, sed cuius Ecclesiæ doctor sit ille, qui cum non nesciret, quid de Ianseniana Theologia pronuntiarint Ecclesiæ Romanæ Summi Pastores, ac Præsides, resistere illis in faciem ausus est, atque affirmare diuinam esse doctrinam, quam illi reprobassent. Hæc est Vincentij de Iansenio sententia; de se autem quid sentiat explicat ipse.

Nam

Nam cum aduertisset in his nominibus, coaëctio-
nis, violentiæ, necessitatis, æquiocationem latere,
quæ confusionem magnam, & tenebras in doctri-
nam Sancti Augustini, & Ecclesiæ inuexisset, maxi-
maque parte peperisset ignorantiam istam; qua,
non pauca etiam magna huius aui ingenia mirum, &
miserandum in modum laborant; Ego quoque, inquit,
olim, fateor, in hac caligine fui, sed non segni operum
Sancti Augustini, & discipulorum eius lectione adiutus,
lucem in ea philosophia, & quis Sancti Augustini, ac
scholæ eius in re liberi arbitrij, sit sensus, tam clarè quàm
quidquam aliud philosophiæ humanæ, me videre
iam existimo. Ad tenebrarum igitur fugam face ali-
qua distinctionis est opus, quâ capite sequenti accendemus
O nos beatos, quibus in obscurissima difficultate
laborantibus datum est talem sequi luciferum, fa-
cem igitur hanc distinctionum intueamur.



CAP.

CAP. II.

*Examinatur distinctio duplicis necessitatis simplicis,
quarum altera tollit; altera seruat arbitrii
libertatem.*

Iansenii & Vincentij discrepantia.

Iansenius cum putaret volitionem eo ipso quod est volitio, esse essentialiter liberam; consequenter nihil agnouit, quo destrui posset libertas volitionum, quam quo fieret ut volitio desineret esse volitio. Sed quia statim sequebatur motus primos, & affectus voluntatis indeliberatos, qui sunt etiam quædam volitiones, esse liberos; suam ipse mentem ita est interpretatus ut per volitionem intelligeret tantum eam quæ plenum intellectus iudicium & aduertentiam supponeret, ut constat ex To. 3. de libro 6. cap. 5. & 36. & lib. 8. cap. 9. Ergo supposita iudicij plenitudine putauit Iansenius volitionem omnem esse necessario liberam, nec posse fingi quid destrueret libertatem præterquam aut necessitatem illam, quæ respectu actuum internorum voluntatis imaginaria est, & impossibilis, violenta scilicet, & propriè cogens necessitas: aut naturalem, quæ scilicet naturæ impetu, non expectatâ rationis aduertentiâ, voluntas afficitur: quæ quia speciem etiam habet coactionis, ideo vno nomi-

nomine necessitatis cogentis, vel violentæ, comprehendit id omne quod aduersatur libertati nostrarum volitionum, præter hanc autem agnouit necessitatem aliam quam vocat *simplicem*, ad unum determinantem, qua simpliciter necesse est ut aliquid fiat, non repugnante, sed immutabiliter volente voluntate, & quam ideo vocat, *voluntariam*, putatque non repugnare libertati. Constat hoc ex libro sexto citato cap. 6. & lib. 8. cap. 19. vbi dicit iuxta principia Augustini, Prosperi, & Fulgentij, nullam gratiæ efficaciam, nullam necessitatem actibus voluntatis liberis formidandam esse: sed solam vim, coactionem, & necessitatem violentiæ, quæ videlicet ut loquitur Augustinus, non est in nostra potestate, sed etiam si nolumus, hoc est nobis inuitis, & nolentibus & reluctantibus efficit id, quod potest: quibus similia sparsim alijs in locis inuenies.

Vincentius Lenis, quia vidit ex illa philosophia sequi, minimè culpandos esse, vel Manichæos, vel Stoicos fatum admittentes, vel Astrologos ex influxu planetarum liberos actus diuinantes, vel Caluinum decretoriam, & ineluctabilem agendi necessitatem in voluntates nostras inuentem, quasi liberum arbitrium destruxissent; quod nemo eorum vel neget aduertentiam, & plenitudinem iudicij, vel admittat eam coactionem, quæ volitiones nostræ nobis inuitis, & nolentibus, & reluctantibus fiant: & idcirco perinde dici posse voluntariam necessitatem ab illis admissam, ac illam quam admittit Iansenius: ne contra sensum com-

p

mu-

munem Catholicorum omnium & antiquum & hodiernum pugnare videretur, ampliandum putavit quod Iansenius strinxerat: & dicendum, volitionem illam quæ se ipsa libera est, non solum sequi debere plenam rationis cognitionem, sed etiam elici *connaturali modo*.

Hinc statim necessitatem illam simplicem ad vnum determinantem saluam rationis aduertentiâ, quam vnicam Iansenius posuerat, putavit in duas ita diuidendam, vt altera libertatem volitionum tolleretur, quod impelleret ad agendum, *non connaturali modo*, altera seruaret. Vnde facile deinde fuit ostendere, potuisse Manichæos, & Stoicos, & Astrologos, & Calvinistas libertatem eripere, etiam si supponerent præuiam, & plenam rationis aduertentiam, inducta scilicet necessitate illa quæ connaturalitati operationum voluntatis opponitur: Iansenium autem non eripere, quod non admittat necessitatem eidem connaturalitati repugnantem. Colliguntur hæc

Cap. 10. ex ijs quæ docet lib. 1. theriacæ, vbi voluntatem definit potentiam, quæ ex vi essentie suæ specificæ si naturali suo modo agendi relinquatur,

Cap. 11. nunquam ad agendum aut suspendendum actum suum cogi potest. Et ideo incogibilitas inquit, est instar differentie, prout scilicet excludit necessitatem illi modo connaturali agendi repugnantem. Et deinde. Et breuiter quotiescumque necessitas voluntatem ad agendum ex sufficienti iudicio rationis, & connaturali modo compellit, toties necessitas est voluntaria,

nec

nec libertatem consensus evertit. Alia igitur quæ licet ex sufficienti iudicio rationis, non tamen *connaturali modo* compellit; non est voluntaria, & libertatem evertit. Ex quo fundamento postea lib. 2. Iansenianam à Calviniana, & Manichæa, & Stoicorum, & Astrologorum sententia conatur distinguere.

§. 2. *Ostenditur distinctionem illam Vincentianam stare non posse.*

ET hæc quidem rectè, dummodo constitui possit certa quædam, & plana duarum illarum necessitatum differentia. Sed hoc exponendum restat. Age igitur Vincenti, Calvinus libertatem evertit admissa tali necessitate, quæ voluntatem compellit ad agendum *modo non connaturali*, Iansenius libertatem confirmat admissa tali necessitate quæ voluntatem compellit ad agendum *connaturaliter*: uterque autem supponit sufficiens iudicium rationis. Quid igitur est illa connaturalitas, quam unus tollit, alius retinet; & quid est in unius necessitate, quo tolli censeatur connaturalitas illa, quod non sit etiam in necessitate alterius, qui eam servat. Eò, ut vides, tota resolvitur controuersia; & in hoc puncto necesse est ut se se explicent illi radij qui te videntem in hac difficultate fecerunt, non minus clarè, quam in alia vlla philosophiæ parte. Te consulimus, Vincenti, nos qui *mirum, & miserandum in mo-*

dum laboramus in hac ignorantia . Accende quæso distinctionis facem illam qua pellantur , quibus obfidemur , tenebræ . Age , inquam , cur Caluini necessitas impedit connaturalem modum agendi voluntatis ; Iansenij non impedit : & consequenter cur illa libertatem euertit , ista non ? cur ista vocatur voluntaria , illa non item ? Ego si meis cogitationibus adhærerem , dicerem ideo Calviniana necessitate tolli connaturalem agendi modum , & euerti libertatem , quia illa sic compellit ad agendum , vt voluntas non possit non agere : hoc est quia tollit indifferentiam . Adderem , si hoc ipsum faceret Ianseniana , nullum esse inter vtramque discrimen . Sed hæ sunt antiquæ illæ tenebræ ex quibus tu Vincenti diuinis illustrationibus adiutus emerfisti tandem . Nos qui adhuc ijs implicamur ad te confugimus , tui luminis participes futuri . Dic ergo tandem quod sit inter necessitatem Calvinianam , & Iansenianam discrimen ?

Non nego quin disertus sit iste Vincentius , & verborum diues , sed inutilium . Postquam ex longa & vsque ad lepores , atque facetias facunda dissertatione , quod facit ad propositam difficultatem expresseris ; vix aliud colligas , quam eam necessitatem quæ libertatem euertit , qualem concedit esse Calvinianam , mouere nostram voluntatem *sicut Atropos* , Iansenianam verò *sicut Lachesis* ; Illam influere in voluntatem *sicut Rhodanus in Sequanam* , istam se illi miscere *placidius* . Et hæc similitudo adeo illi arrisit , vt lectorem moueat

Lib. I. c.
11. & 1.2
c. 5.

neat. Rhodanum appetitum bruti, Sequanam humanam voluntatem esse cogita, & ista comparatione ostium tibi aperi ad aspiciendum id quo te mox capite sequenti deducam. Addit illam necessitatem esse arctam, ferream, suffocantem, strangulantem, dominantem. Istam esse molliorem, suauem, voluntariam, cedentem voluntati; quæ sinat voluntatem esse imperiosam sui, & imperatricem: ac proinde quæ sit necessitas seruicens voluntati potius quam dominans. Nec credi potest quam multis modis & quam præclaris vocabulis significet nihil. Si enim quod subest phrasibus illis in eius sententia apprehendere coneris, præter tinnitum verborum nihil super erit.

Esset quidē optime constituta distinctio, si quod dicit voluntariam esse hanc secundam necessitatem, & cedere voluntati, & voluntatem sub illa dominium in suos actus retinere, eo modo intelligeret, quo intelligunt illi à quibus hæc sumpsit: & quem propria & visitata verborum acceptio præferebat. Quis enim cum audit voluntariam esse aliquam necessitatem, non intelligat eam quæ vel existit, vel operatur ita dependenter à voluntate, ut possit voluntas impedire ne vel existat vel operetur: & si hoc velit, vel non futura, vel non operatura sit? Et hoc sine dubio intendebat Augustinus, cui Vincentius tribuit appellationem hanc voluntariæ necessitatis. At num etiam ipse ita intelligit? Annuat, & habemus indifferentiam, quam impugnat à libertate inseparabilem. Re-

Lib. I. c.
13.

Et in Ep.
prodr.
pag. 21.

nuat,

nuat, & quomodo vel erit hæc necessitas voluntaria, vel non erit etiam Calviniana?

Similiter quod dicit hanc necessitatem cedere voluntati, si ad mentem Sancti Bernardi ex quo sumpsit; & iuxta communem significationem acciperet, salua res esset. Necessitatem enim cedere voluntati, quid aliud esse potest, quam voluntatem posse illi resistere, & si velit non sequitur necessitatis effectum? Alioquin quomodo cedit? At, hocine intelligis Vincenti? Annue, & habemus indifferentiam cum libertate necessario coniunctam; Renue, quomodo igitur magis cedit voluntati Ianseniana hæc necessitas, quàm illa Calviniana. Et cum hoc dicatur molle quod tangenti atque impellenti loco cedit: quomodo vel illa *mollis est*, vel ista *dura* vocari potest?

Idem dico de illo dominio, quod sub Ianseniana necessitate seruare dicitur voluntas. Intelligitur enim dominium in suum actum, quod est potestas de eo disponendi: hoc est, illum exprimendi, vel supprimendi, si velit: Et cum dico, si velit, intelligitur potestas hoc volendi, vel in actu signato, ut loquuntur, vel in actu exercito: Quæro igitur, utrum voluntas quæ actum exprimit, habeat potestatem supprimendi, nec ne? & utrum voluntas quæ suppressit, habeat potestatem exprimendi? Si habet, habemus indifferentiam; si non habet, quomodo concipitur sui actus domina sub Ianseniana necessitate, magis quam sub Calviniana.

Nam

Nam quod addit Vincentius, voluntatem sub Ian-
seniana necessitate retinere connaturalem agendi
modum, quo caret sub Calviniana, vox est & præte-
rea nihil. Quis enim est ille connaturalis agendi
modus, si non est modus quo voluntas circa objecta
finita, & circa infinitum obscure cognitum ex suffi-
cienti iudicio rationis operatur cum indifferentia?
Nam de cætero, negat ne Calvinus agere volun-
tatem, & ab intrinseco, & vitaliter, & cum inclina-
tione & affectu ad objectum, siue dum obedit cõ-
cupiscentiæ male agendo; siue dum gratiæ coope-
ratur bene agendo? Quæ igitur est connaturalitas
in vno casu, quæ non sit in alio? Rapitur, inquit
Vincentius, ex Caluino *raptu fatali*, & *Manicheo*.
At nunquid hæc quoque meræ sunt phrasæ, de qui-
bus quæro, quid inueniant in vna necessitate ad si-
gnificandum, quod non pariter occurrat in alia?

Quare necessario deueniendum est ad hoc princi-
pium, id quo vnico, quæ dicitur Calviniana necessi-
tas, libertatem tollit, hoc esse, quia voluntas sub illa
sic agit vt non possit non agere: sic non agit, vt non
possit agere. Hoc vnicum tolle; cætera omnia re-
tine, & statim mutabitur Atropos in Lachesium.
Rhodanus in Sequanam, durum in molle, ferrum
in lanam, & quod suffocabat, & strangulabat in
auram vitalem. Tolle, inquam, hoc vnum, & nihil
aliud; & necessitas Calviniana contradicente nemi-
ne, fiet Catholica. Inde verò demonstratiua duci-
tur argumentatio. Si totum illud, quo Calviniana
necessitas est Atropos, & Rhodanus, & ferrea, &
fran-

strangulans, & dura, reperitur in necessitate Ianseniana: hæc quoque Atropos est, & Rhodanus, &c. Sed totum illud in hac repetitur. Est igitur ista quoque Atropos, Rhodanus, &c. probatur minor; Nam illud totum non est aliud quam talis agendi modus sub necessitate Calviniana, ut voluntas agens non possit non agere, & non agens, non possit agere. Dicat autem Vincentius, reperitur ne hoc in voluntate quæ subest alteri necessitati, nec ne: si reperitur, est igitur Atropos, &c. sicut Calviniana: si non reperitur; manet igitur indifferentia: & illa necessitas non est Ianseniana, quia hæc indifferentiam excludit. Denique si relegantur superiora Sancti Augustini testimonia, statim intelligetur quid rei necessarium sit, ut statuatur distinctio inter eam necessitatem quæ tollit libertatem, & eam, quæ non tollit. Cum enim toties, & tam constanter, & tam clarè libertatem exprimat Augustinus illo agendi modo quo voluntas agens potest non agere, quæ est indifferentia, satis significat nullum hic esse locum fabulis, & Atropon esse necessitatem omnem, quæ cum indifferentia non stat.

Non desinam autem monere Lectorem ut aduertat, Vincentium qui ex diuina illustratione, & assidua Sancti Augustini, & discipulorum eius lectione, adeo clarè huius difficultatis solutionem viderat, nihil ut clarius in tota philosophia cernere posset, duxisse tamen Lectorem suum in domum Erebi ad consulendas Noctis filias, ut intelligi posset: et ne in ea quoque Parcarum distinctione fuisse constantem, dum modo

do Lachefim repræsentat libertatis conseruatricem
cap. 11. modò destructricem cap. 16.

CAP. III.

*Examinatur alia distinctio duplicis libertatis, essen-
tialis, & accidentalis.*

§. 1. Explicatur Vincentij distinctio.

EX dictis intelligi potest, quid sit sentiendum
de alia distinctione quam tradit Vincentius
Lenis duplicis libertatis, *essentialis* nimirum, & *acci-
dentalis*. Essentialem vocat illam qua voluntas om-
ni suo actui quem elicit ex seipsa, & ex directione ra-
tionis infundit, mouere enim seipsam modo agendi ige-
monico & actum suum sibi imperare, Item ex potesta-
te illa sublimi & imperiosa qua supra modos agendi a-
gentium naturalium eminet, efficere suum actum, eique
dominari, & à se exire quodammodo imperare: Hunc
agendi modum significasse Damascenum, eumque
accepisse ab Aristotele: Intelligi etiam ex illa virtua-
li reflexione qua voluntas aliquid velendo vult se
velle, item ex incogibilitate &c. Illi enim repugnare
solam coactionem, seu coactiuam necessitatem:
Præter illam libertatem ab omni actu voluntario cū
sufficienti rationis aduertentia elicitio inseparabilem,
esse aliam accidentalem quæ vocatur contradictio-
nis, aut contrarietatis: accidentalem autem ideo
esse, quia siue accedat, siue recedat, semper rema-

Q

net

1.1 Ther.
cap. 2. 8.
9. 10. 22.
26.
Ep. pro.
pag. 11.
12. 13.
19.

net idem modus agendi, & seipsam mouendi voluntatis, in quo consistit libertas essentialis: Libertatem hanc accidentalem esse *expansionem* libertatis essentialis, seu *libertatem expansam*: Et diuum Thomam, & veteres quando negant amorem beatificum esse liberum, negare tantum *expansam* libertatem, non autem essentialem. Nam si de essentiali sit quaestio, liberum esse, & amorem beatificum, & amorem quo se Deus amat, atque adeo ipsam quoque spirationem actiuam, hoc est productionem Spiritus Sancti: Sufficere ad meritum libertatem illam essentialem, & ideo tantum Deum per amorem sui ipsius, vel productionem Spiritus Sancti nihil mereri, quia ipse non est capax meriti, cum non sit creatura, beatos autem ideo non mereri per amorem beatificum: quia sunt extra viam, &c.

§. 2. Refutatur quæ dicit de libertate Essentiali,

Intelligitur, inquam, ex dictis, his phrasibus, vel nihil significari, vel significari aliquid malum, & damnabile. Et primo constat ex superioribus omnibus Sancti Augustini testimonijs, libertatem illam cuius præsentia meritum fundat, cuius absentia impedit, esse libertatem qua voluntas sic agit ut possit non agere. Ergo si hoc conuenit *expansæ* tantum; *expansa* tantum ex Augustino est fundamentum moralitatis, & *contracta*, quæ dicitur essentialis, non est. Deinde quid sonant voces illæ *imperii*, *dominii*, *authoritatis*, quo libertatem essentialem explicat?

pro-

Proprie loquitur an improprie? si loquitur improprie atque abusive, saluus sit, nescimus enim quid velit. Si proprie loquitur, quando libertatem essentialem reperit in amore quo se Deus amat; est igitur ibi dominium, & imperium, & authoritas; & consequenter est aliquid quod eis subijciatur. Quid autem esse potest? Imperiosæ, inquam, & dominanti libertati qua Deus se amat, quid subijcitur? Debet enim hoc dominium referri ad id in quo libertas excercetur: Ergo subijcitur amor quo se Deus amat, vel eius obiectum, quod est Deus ipse? An hoc concedit Vincentius? An vult Deum sibi ipsi ac suæ authoritati esse proprie subiectum? Et cum extendat *imperiosam*, hanc & *dominantem* libertatem ad productionem Spiritus Sancti, audebit nominare *imperium*, & *dominium*, & *authoritatem* Patris & Filij in Spiritum Sanctum, & suscitare sepultas hæreses, atque ab inferis Macedonium euocare?

Putat autem se rem magnam dicere, cum dicit esse in exercitio illo libertatis essentialis virtualement quandam reflexionem qua velit se velle. quasi verò hoc non etiam reperiatur in volitione quæ subest necessitati Calvinianæ. Iuraret, si volitio quatenus est reflexa, esset magis in potestate quam sit, prout est directa; sed cum eadem necessitate feratur voluntas ad volitionem volitionis reflexam illam, & virtualement, atque ad ipsam volitionem quæ volita est; ecquod inde trahi potest argumentum dominij & libertatis? Si quod est virtuale explicaretur, & fierent duo actus distincti, quorum vnus alium vellet;

Q. 2

an

an censeretur actus volitus, mutare libertatem à volente, si volens nihilominus esset necessarius, & magis in potestate quam volitus? Ergo cum duæ illæ rationes dum in vno actu identificantur, non aliter se habeant quoad hoc, quam si essent distinctæ, ac separatæ; altera alterius libertatem nihil iuuat. Nec nisi aliquid aliud addatur intelligi vnquam poterit, quare potius ille actus, quo quis vult se velle, ob reflexionem virtutalem dominium indicet, quam ille quo vel Deus ipse intelligit se intelligere: vel creatura Deo iuuante id ipsum intelligere potest. Itaque tota illa explicatio libertatis essentialis sumus est.

Sed dum, quod citat ex Damasceno pro illa essentiali libertate sumptum dicit ex Aristotele, an sibi satis constat? Non sentit ipse cum Iansenio Aristotelicam esse philosophiam, quæ persuasit Pelagianis eorumque sequacibus nullam esse veram libertatem nisi quæ includeret indifferentiam? Non dicit Diuum Thomam propterea quod in vltimis præsertim operibus non videtur agnoscere libertatem aliam, quam libertatem indifferentiæ, & ob eam causam negat amorem beatificum vel liberum esse, vel merendo idoneum, *loquuntur esse ut philosophum Peripateticum?* Loquitur Damascenus, ut philosophus Peripateticus dum exprimit libertatem essentialem. Loquitur Diuus Thomas ut philosophus Peripateticus dum eam suppressit? Tuam sò Vincenti memoriam.

Resist-

§. 3. Refutantur quæ addit de libertate acciden-
tali, & ostenditur causa libera & necessariam
esse proximam agendi, & non agendi
potentiam consentientibus Tho-
mistis quibus Vincentius
imponit.

NIHILO felicius est in exponenda, quam
vocat, libertate accidentali, hoc est indiffe-
renti ad contraria vel contradictoria. Vide enim
definitionem illam usitatam, quæ huiusmodi li-
bertas exprimitur quomodo accipiat. Est potentia, l. 2. Th
c. 2 6
inquit, quæ positis omnibus ad agendum prærequisi-
tis ita potest actum suum sibi imperando agere, ut etiam
in eius simul potestate sit, ex simili imperio non agere seu
actum suum suspendere Non tamen iterum,
quasi semper voluntas illo instanti, TAM PROXIME ad
suspensionem actus quam ad eliciendum actum, ut Pe-
tavius, & Richardus falsò imaginantur, accincta sit,
feri enim potest ut tunc nulla de suspendendo directe,
vel indirecte actus voluntatis in intellectu cogitatio adsit.
Sed quia rationes aliqua subsunt, quas voluntas sibi ap-
plicare potest, propter quas actum suum suspendere pos-
sit. Quia enim super actus suos, & actus potenciarum
sibi obedientium se reflectere valet; potest auertere in-
tellectum, aut ei imperare, ut rationes suspendendi a-
ctum vel contrarium volendi exquirat, & sibi renuntiet. Ep. pro:
pag. 21.
Vnde per istam potestatem qua intellectui hoc imperat,
potest sibi ut sic dicam fabricare pontem, per quem ab

Vno

uno latere indifferentie ad oppositum transeat. Huius difficultatis rationem deinde petit ex necessitate iudicii practici, sine quo actus positiuus, inquit, rationali, & humano more suspendi nequit Vnde licet actui positiuo libero qui eo instanti elicitur in eadem voluntate coniungatur potestas ad suspendendum actum, **NONTAMEN PROXIMA** & accinctissima est. etiam si sit talis quæ per imperium suum & applicationem intellectus ad conquirendas rationes possit se ad potestatem proximam promouere.

Addit exceptionem quorundam casuum, in quibus ob aliquam in intellectu incertitudinem de bonitate obiecti, aut dubitationem de eliciendo circa illud amore, quod contingit scrupulosis hominibus, voluntas potest esse æquilibris, & proxime accincta ut vel non obstante scrupulo se dererminet vel certe ibi subsistat, & suspendat actum. Et hinc, inquit, in philosophia Petauij & Ricardi, manifestum est quomodo voluntas in eo instanti quo agit possit etiam non agere. Hinc est quod deinde scribit in epistola prodroma. Dicit Sanctus Thomas liberum arbitrium versari posse inter opposita, non quomodo vos imaginamini, quasi prædeterminatione ad vnius mediij electionem voluntati impressa, voluntas ad alterius mediij electionem proxime expedita, & inter vtrumque indifferens, quod nemo magis quam montem sine valle imaginari potest, adhuc permaneat; sed quia illa facultas qua ab hac prædeterminatione in vnam partem flectitur, in aliam partem ab alia prædeterminatione se reflectere potest. atque ita quia, & sub hac, & sub illa prædeterminatione se ipsam mouere
sini-

finitur, libertatem suam essentialem ambifariam exercet. Hoc est opinor, quod dicere volunt Thomistę doctiores, quando aiunt voluntatem prodeterm inatam posse, vertere se in oppositum in sensu diuiso, non in sensu composito, excussa presenti determinatione, non ea re-tenta.

Ex quibus patet hunc Auctorem non admittere immediatam indifferentiam ad agendum, vel non agendum, hoc est immediatam agendi, & non agendi potentiam: sed immediatam ad vnum tantum, & mediatam ad alterum. Excipit solum scrupulosos illos qui perplexi sunt an debeant, vel non debeant agere. Et nescio quare illos excipiat. Nā si vt vult necessarium est ad elicendum humano modo actum, vt de eo elicendo sit iudicium practicum, & ad suspendendum etiam humano modo, vt de suspendendo sit aliud iudicium: & illa duo iudicia simul esse non possint, in quo deceptos putat Petauium, & Ricardum; cum scrupulosus supponatur liberē agere, atque adeo humano modo, quomodo non erunt etiam tunc iudicia contraria, si proximē ad vtrum libet liber est: & si non sunt, cum sint tamen vt putat ad libertatem necessaria, quomodo potest dici liber ad vtrumlibet? Sed longum esset, & has & id genus alias omnes hallucinationes huius Auctoris convincere, hoc solum miror, cur Ricardo, & Petauio tantum contrariam attribuat sententiam, cum sit Catholicorum omnium, qui se dicere aliquid putauerūt in hac questione supra Calvinum. Vbi enim, & quando negat

uit

Tom. 3.
lib. 6. c.
20.

1. 1 Ther.
cap. 22.

uit Calvinus proximam in voluntate ad vnum oppo-
sitorum potentiam, simul & remotam ad aliud?
Negatne Calvinus illum qui dominante concupi-
scentia potest proximè peccare, susceptivum esse
gratiæ, quæ si adueniat & concupiscentia reprimatur non peccabit: atque ita remotè posse non pec-
care? Negatne in hoc infelici statu succedere posse
vicissim abeunti gratiæ concupiscentiam, ac proinde
eum qui præsentè gratia immediatè potest bene
agere, simul posse, sed remotè, malè agere? Et ta-
men, inquit Iansenius, admittenda est in hoc statu
quædam indifferentia: *contra hæreticos nostri temporis*:
Ergo admitrenda est maior, quam quæ dicit proxi-
mam potentiam ad vnum oppositorum, & remo-
tam ad aliud. Nempe hic fuit hætenus communis
omnium sensus, hunc agendi modum esse proprium
causæ liberæ; & qui eum illi concedunt, putant se
concedere aliquid quod non conveniat causæ neces-
sariæ. Nulla est autem causa necessaria, quæ non
habeat proximam potentiam ad vnum saltem con-
tradictoriè oppositorum, & remotam ad aliud. Quod
si hoc sufficeret ad indifferentiam; nulla esset quæ
non posset dici indifferenter actiua; quod tamen de
nulla dicitur. Non solum, inquam, negatur intel-
lectus noster, verbi gratia, esse liber; sed negatur e-
tiam esse causa indifferenter actiua: eademque ratio
est de appetitu brutorum: in quo, si quando dicitur
esse species quædam indifferentiæ, vt in cane Chry-
sippi in triuiò deliberante qua herum sequeretur, &
in cane quoque Vincentij, cuius memoriam puta-
uit

uit posteritati commēdandam, propterea quod cum ei ē mensa os obiecisset, & ille cōpisset rodere, altero deinde obiecto, substiterit paulisper canis, & quasi dubitans tandem relicto priori ad posterius accesserit, sed eo olfacto mox ad prius redierit; hæc, inquam, si quam habent vmbra indifferentiæ, ideo habent, quia videtur inibi esse proxima, & expedita ad vtrumlibet potentia: videri dico non autem esse. Vbi autem hæc non apparet, nec apparet vlla indifferentiæ vel libertatis vmbra.

Et confirmatur; Quare enim putat Vincentius in amore beatifico, reperiri tantum libertatem essentialē? An non ibi etiam reperietur accidentalis, si consistit in ea indifferentia, quæ includat solum potentiam ad vnum proximam, & remotam ad aliud? Si subtrahatur illa causa ex qua oritur amandi necessitas, vel si esset præceptum cessandi ab amore, ex suppositione quam Vincentius videtur admittere; numquid cessaret amor? Et quidquid sit de beatifico amore, supponit Vincentius esse posse in via, *raptum* quemdam amoris *transseuntem*, similem illi, qui perpetuus in cœlo est: neque tamen liberum fore putat, nisi libertate essentiali: at numquid in tali raptu, cum proxima ad amandum potentia, esset etiam remota ad non amandum? Et tamen abesset indifferentia, seu libertas, ut vocat, accidentalis. Ergo ad illam non sufficit proxima, ad vnum potentia cum potentia remota ad alterum. Persuasum videlicet omnibus est, propriè loquendo, & ad communem sensum, eo momento quo

R est

est potentia ad vnum, & impotentia ad alterum non posse dici esse indifferentiam ad alterutrum.

Thomistis autem debet pœnas dare Vincentius, quod eam illis sententiam imponat, quam nunquam professi sunt, potentiam, inquam consensuendi, & potentiam dissentiendi successiuè dici de voluntate prædeterminata: & dum potest consentire, ideo tantum posse dissentire, quia excussa priore prædeterminatione potest contraria succedere; quo tempore poterit proximè dissentire: atque hanc esse interpretationē distinctionis sēsus diuisi, & sēsus compositi qua vtuntur. Nego id vnquam dixisse Thomistas: aio semper id negauisse. Sed est, inquit. Vincentius, tam necessaria sequela, quam necessariū est esse vallem vbi supponitur esse mons. Ego verò non disputo modò, an sit hæc necessaria sequela ex eorum principijs. Est enim illa propria controuersia nostra, quam ego non tango. Tantum dico, non debere tribui sententiæ Thomistarum, nisi sequelam quam illi vident, & approbant; hæc autem non est huiusmodi. illam enim negant, nec putant esse connexam cum eorum principijs. Ad quod probandum vnus sit instar omnium Didacus, qui quæst. 112. de auxilijs. *Eos qui non recipiunt in se ipsis, nec habent auxilium* IMMEDIATE SUFFICIENS ad credendum, negat peccare contra fidem si non credant; quia scilicet non est omisio fidei libera, si non est immediata ad credendum potentia, & disp. 23. num. 29, *Motio prædeterminans non auferat voluntate proximā potentiā ad actū oppositū.*

Idem

Num. 10

Idem disput. 70. vult hoc auxilium ita esse sufficiens, ut nullum aliud requiratur ad hoc, ut homo dicatur posse bene agere, & saluari, Et disp. 94. ex professo rejicit sensum illum, quod voluntas non possit dissentire toto tempore quo est motio: sed sequenti tempore, & quando illa abierit. Et disp. 115. *sensum* Num. 5 esse verissimum, quod in causa libera simul cum omnibus praequisitis ad operandum, stat simul potentia ad operandum & non operandum. Et disp. 122. potentiam dissentienti simul compati, & componi in eodem arbitrio cum gratia efficaci, ac proinde cum potentia consentienti. Et hoc probat ex sancto Thoma; ac proinde minimè censet excutiendam esse gratiam efficacem; & expectandam contrariam prædeterminationem ut sit potentia dissentienti.

S. 5. *Destruitur pons a Vincentio fabricatus, & lucerna fulgentij extinguitur.*

QUod addit Vincentius voluntatem proximè potentem ad unum oppositorum, posse imperare intellectui ut quærat rationes quibus adducatur ad proximam etiam in oppositum potentiam, itaque pontem sibi fabricare, quo transeat ab eo quod est posse hoc, ad posse, illud; hoc est quod iam refutauimus, sufficere nimirum ad indifferentiam, quod istæ potentæ sibi succedant. Sed præterea, plebeia est hæc cogitatio, nec solidi quicquam continet; aut quod explicari facile possit ac defendi. Statuamus enim quando ita vult Vin-

R 2 cen-

centius duo ista littora, posse amare, & posse suspendere amorem. Quando voluntas in eo est ut possit proximè amare, distatque toto fluminis alveo ab ulteriore ripa, in qua possit amorem suspendere, potest, inquit, fabricare pontem. At, inquam, interea dum fabricat, quid facit? Amat nec ne? Si non amat; ergo proximè ac sine ponte potens est ad suspendendum amorem. si amat; eo igitur tota reducitur indifferentia amandi, vel non amandi, quod postquam amauerit potest non amare. Egregia scilicet indifferentia, & agentis voluntarij admodum propria. Atqui, ut hoc posset, nullo indigebat ponte: quia nullus est canis, nullus equus, nulla bestia quæ sine ponte non possit, postquam appetiuerit aliquid, illud non appetere; itaque transire ab eo quod est posse appetere, ad posse non appetere. Præter ea, quando voluntas imperat inquisitionem hanc rationum, vel ita imperat, ut possit proximè non imperare, vel non: si primum; habemus in hoc imperio proximam ad utrumque potentiam: & quare non possit similiter esse in alijs actibus? si non potest; explicanda igitur erit huius imperij indifferentia, per alium pontem de quo fiet similis interrogatio: & ita nullus erit finis pontium sibi superpositorum in philosophia Vincentij.

Sed nihil magis miror quam conclusionem dissertationis quam instituit Vincentius de iudicijs practicis. Quæstionem enim Theologicam, & sancti Augustini doctrinam ut exponeret, ad philosophorum tricas putavit deducendam. Ergo

post-

postquam diu egit de necessitate iudicij practici ad actum liberum, an debeat esse vnum, an duplex: an sic liberum, & quomodo pendeat, aut non pendeat a voluntate: de consultatione quæ debet illud præcedere &c. quærendo, scrutando, fodiendo, & in omnes partes versando quæstionem longis tandem laboribus ad hanc difficultatis huius decisionem peruenit. *Alta hic tenebra sunt, qui potest videre videat, & capere capiat. si non capis; intellectum in tali iudicio practico eliciendo esse formaliter liberum cum Durando dicere poteris. Igitur ut finiamus &c.* ò Vincenti, ò Fulgenti, quid factum est lucerna tua? Quid illa *face distinctionum*, quam ad solem Augustini, & discipulorum eius te accensurum esse promiseras? Quod si ea in quæstione qua nullam a te in tota philosophia clarius comprehensam esse dixisti, clamare cogeris, *alta hic tenebra sunt*; rebus in obscuris quid facies?

CAP. IV.

Expenditur Vincentiana interpretatio Concilij Tridentini, & ipsa explicatione ostenditur quam sit inanis.

Indifferentia liberi arbitrij nusquam distinctius, exprimitur quam in Concilio Tridentino, dum definit accipientem diuinam motionem posse abijcere, & consentientem posse dissentire. Vnde etiam inferri potest dari posse gratiam merè sufficientem, quia quam verum est consentientem diuinæ gratiæ posse non consentire; tam verum est gratiam quæ est efficax esse posse merè sufficientem. Et quia minimè dubium est, quin Concilium hæc definierit ad tuendam veram, & propriam libertatem contra hæreticos nostri temporis; consequenter dicendum est, & esse indifferentiam illam, & esse ad veram, & proprie dictam libertatem, quæ ad meritum præmij, vel pænæ requiritur, necessariam: & talem esse qualem hæretici respuere soleant.

Cap. 7.
sect. 1. &
2.

Igitur Vincentius lib. 2. Theriacæ, vt Tridentino satisfaciatur, difficultatem in primis eleuat; & saccharum addit ad condiendam solutionem Vnde, inquit, *Petauij, Ricardi, Suaris, Molinae, Lessij, Raynaudi, disputatio videtur mihi ferme de lana caprina, & querere nodum in scirpo, quandoquidem homo non aliter*

aliter suauitati gratiæ Christi, quam suauitati mellis; aut sacchari in ciborum condimentis voluntatem suam liberè inclinet. Atqui, o Vincenti, æqui bonique consulas oportet, vt de ista lana disputemus: quod si tibi amarum est, amabo te, tuo tibi saccharo, ac melle consule. Non contendimus nullum esse discrimen inter gratiam hominis stantis, & lapsi. Non negamus ita suauitate diuinæ gratiæ inclinari voluntatem ad bonum, quemadmodum suauitate sensibilibus delectationum inclinatur ad malum. Quodcumque volueris ea in parte tibi concedimus, hoc tantum doce, Quomodo in tua sententia verum sit quod docet Tridentinum hæc tibi lana pectenda est.

Postquam supposuit diuinum illud gratiæ auxilium esse suauitatem quamdam, ac proinde actum vitalem, sed indeliberatum, Igitur, inquit, verissimum est quod affirmant Tridentini Patres, liberum hominis arbitrium, a Deo motum, & excitatum posse dissentire si velit. Ratio est, quia si primò instanti quo gratiæ prima suauitas per actum vitalem indeliberatum infunditur, non illico addatur consensus voluntatis (potest enim tam velox esse, vt sine mora adijciatur, potest etiam differri) nihil vetat quin liberum arbitrium non tantum possit dissentire, sed etiam ipso facto dissentiat; Quibus verbis, duo dicit; Primum, Ideo liberum arbitrium posse dissentire, iuxta mentem Tridentinorum Patrum, quia si non addat consensum quando gratia primum infunditur, potest dissentire, imo ipso facto dissentit. Et quia
adde-

addere consensum, ut patet, consentire est; sensus erit, ideo liberum arbitrium posse dissentire, quia, si non consentiat, potest dissentire. Quæ interpretatio quia puerilis est, & perabsurda, addit conditionem illam, *si non addatur consensus*, interdum purificari, itaque transire quod dicit, in propositionem absolutam, & liberum arbitrium interdum non tantum posse dissentire, sed dissentire de facto. Et quia interdum tantum res ita habet, interdum verò aliter; sequitur id quod dicit Concilium Tridentinum, interdum esse verum, interdum esse falsum. Accipiamus tamen quod dat tanquam a malo debitore: & videamus quid intelligat cum dicit, posse interdum differri, seu non adijci consensum gratiæ. *Fieri enim potest*, inquit, *ut in pugna spiritus, & carnis, dum aliqua forte tantum levis gutta mellis spiritualis in voluntatem pluit; eodem momento maior torrens carnalis voluptatis irruat, ad quam voluntas se per consensum conuertat, & a minore dulcedine spiritali se per dissensum auertat.*

Itaque potest voluntas resistere, vel non consentire diuinæ gratiæ, quando illa est tantum gutta mellis, occurrens torrenti in contrarium impellenti, quod est voluntatem a torrente raptam; posse resistere guttæ in contrarium occurrenti. Et non videtur hæc esse magna quædam vis voluntatis, magnæque libertas, quod cum impellitur a torrente potentior sit quam cum repellitur a gutta? Et non erat admodum necessarium, ut tam absconditam veritatem Concilium definiret? Quippe aliqui erant hære-

hæretici qui negabant torrentem esse guttâ fortio-
rem? Sed videamus adhuc qua ratione id tandem
fiat.

Postquam dixit si sit maior dulcedinis cœlestis
affluentia, ex proposito & intentione perducendi
voluntatem ad consensum, esse impossibile ut vo-
luntas gratiæ dissentiat, addit. *Quia tamen consen-
sum illum modo voluntati liberæ accomodato operatur,
sinendo illam suo imperio, ut spheram minorem sub
maiore, & ut rotam in rota se ipsam mouere, idcirco
non violat essentialem eius libertatem: nec eam naturali
impetu ad unam partem coactiua, necessitate alligat: sed
utrumque contradictionis cornu (quantum ex modo
actionis) expansum, & bipatens relinquit. Vides ut
abundat similitudinibus vnde quaque petitis, mo-
do ex cœlo, modo ex inferno. nec defunt phrasæ,
& expansa bipatensque ad idem negandum, & af-
firmandum eloquentia, atque asylus ambiguae lo-
cutionis quò se recipiat si vrgeatur. Sed quid hoc
tandem rei est? Adeo, inquit, ut si voluptas car-
nalis maior superueniret, aut rationes suspendendi consen-
sus, vel agendi contrarium haberet; suspendere eum,
aut se vertere in oppositum posset. Quod quia Calui-
nus negabat, qui voluntatem humanam actione qui-
dam sua gratiæ cooperari, sed naturali quodam irresi-
stibili impetu ad unam partem alligari dicebat; ideo
Concilium definit posse dissentire si velit.*

En tibi propalatum huius Theologiæ totum my-
sterium. Quid est voluntatem consentientem diui-
næ gratiæ, posse dissentire si velit? Quid est habere

S

expan-

expansum, & patens alterum cornu? Non est aliud, inquit, quam posse superuenire voluptatem carnalem maiorem, & occurrere rationes suspendendi consensum, vel agendi contrarium: quo posito si spendet, aut vertet se in oppositum. Et Calvinus hoc negabar? Negabat Calvinus successiue fieri posse, ut minuatur impetus ad bonum crescente impetu ad malum? Negabat posse occurrere apparentes aliquas rationes, quibus adducamur ad mutandum bonum propositum? Quando, & ubi hoc negauit Calvinus? Et quid possunt Baiani gloriosius prædicare de hoc hæresiarcha, quam dum indicant esse damnatum propter crimina quæ nec probata sunt, neque probari possunt? Quod si certum est, & merito damnatam esse Caluini doctrinam, & non ob eam causam esse damnatam: quippe cum ille non esset adeo bardus, ut negaret rem vniuersalissima hominum experientia comprobata; quid superest, nisi ut dicamus ideo esse damnatam quod libertatem negaret, ut loquitur ipse, *in utramque partem solutam*: hoc est in qua cum potentia consentiendi, non successiue, sed simul coniuncta, esset potentia dissentendi? Et ea de re adèò inter Catholicos omnes conuenit, ut ipsimet Thomistæ, quorum maximè intererat negari posse, id tamen semper conciliare conati sint cum physica prædeterminatione. Concedendum scilicet est, id definiuisse Concilium quod aliquis mortalium negaret, aut negare posset sine amentia; sed nemo est qui negare possit sine amentia, voluntatem quando non

2. Inst. c.

2. sect. 7.

non potest consentire, posse non consentire: nec similiter in hoc statu mutabili, & vicissitudinibus exposito, voluntatem quæ non potest consentire, vno tempore, alio tempore mutatis circumstantiis posse consentire: & quæ potest consentire, alio iterum tempore atque alijs in circumstantiis posse non consentire, vel posse dissentire. Ergo non hoc tantum definiuit Concilium; sed verò definiuit illud quod & negarunt plerique, & cuius negandi apparentes habuerunt rationes, posse voluntatem eodem tempore accinctam esse ad consentiendum & dissentiendum, esto successiue id possit, succedentibus sibi inuicem necessitatibus, quarum vna compelleret ad consensum, altera ad dissensum.

Huc refer quod dicit Vincentius in epist. prodr. vbi absurdam hanc interpretationem Tridentinorum verborum. *Quippe qui illam abicere potest, Augustino affingit, Vnumquodque auxilium a nobis reijci posse, postquam proximum velle ad quod a Deo destinabatur operatum fuerit. Et antea. Quandoquidem gratia medicinalis Christi sit adiutorium quo datur ipsum velle, semper sine dubio efficax est, usque ad illud velle propter quod proxime datur. Itaque nunquam est sufficiens ad id ad quod non est efficax, pergit. Verum vbi istud adiutorium primam hanc impressionem in voluntate fecit, reijci, & excuti a libero arbitrio ne progrediatur ulterius, potest. Quod quis non videt, quam sit absurdum? Quid enim mirum est, quod possit impediri ne progrediatur ulterius, quod nullam habet vim progrediendi ulterius*

Pag. 73.

Pag. 17.

rius, postquam supponitur fecisse totum id ad quod destinabatur, & ad nihil aliud sufficit? Et quid sibi vult quod addit *pulsat saepe semisurdis istis, & tamen respuitur*? Respuiturne ita ut non assequatur id ad quod datur, & ad quod sufficiens est, ut paulo ante docuit? Et audet contrariae sententiae fœdissimam, & indelebilem maculam inurere Semipelagianismi? Et vult Semipelagianos fieri Tridentinos Patres, ab ijs, qui non attribuunt illis tam absurdos sensus? Quasi verò nullum sit medium inter Semipelagianos, & Calvinum.

Pag. 6

Hinc patet quid sibi velit quod prius dixerat, *præter victricem delectationem, & insuperabilem, esse alteram inter quam, & oppositam tam saepe voluntas etiam iam nostra libratur, & fluctuat, & cardinem suum volendi huc & illuc torquet*. Neque enim putat ita fluctuare voluntatem, ut sub eadem dispositione huc & illuc torquere possit cardinem suum: sed quia recurrentibus vicissim bonæ malæque delectationis fluctibus, nunc vno impellitur ad bonum, & imperfecto aliquo nisi illud appetit; nunc alio vicissim ab eo repellitur, & tunc etiam ab eo auertit sese: semper autem supponit fluctus gratiæ extorquere à voluntate quidquid ab ea extorquere apti sunt, ut antea ostensum est.

Huius disputationis hæc summa esto, definitio-
nem qua dicitur hominem, quando vel non ha-
bet gratiam, vel non habet sufficientem ad elicien-
dum consensum, posse illi non consentire; esse de-
finitionem non falsam: sed absurdam, & ridiculam:

&

& œcumenico Concilio indignam: & quam nullus vnquam hæreticorum negauit; & tamen sequitur ex Vincentio Tridentinum nihil aliud definiuisse, cum dicit hominem posse diuinæ gratiæ dissentire si velit, quàm posse non consentire cum gratia abierit, quod est non consentire, quando non est gratia: vel posse non consentire quando eadem gratia, superante concupiscentiâ, facta fuerit insufficientis ad exprimendum consensum.

C A P. V.

*Quomodo soluat Vincentius locum D. Thomæ ex
quæstione sexta de malo art. vnicò.*

§. 1. *Refertur doctrina D. Th. Reijcitur intempestiua,
& parum decora Vincentij sabella, & solutio
quam affert ab inconuenienti: frustra conari
Vincentium Thomistas implicare,
Iansenianis controuersijs.*

Est etiam illustris locus diui Thomæ ad confirmandam libertatem indifferentiæ quæst. 6. de malo. art. 1. cum dicit. *Quidam posuerunt quod voluntas hominis, ex necessitate mouetur ad aliquid eligendum; nec tamen ponebant quod voluntas cogeretur. Non enim omne necessarium est violentum: sed solum id cuius principium est extra. Vnde, & motus naturales inueniuntur aliqui necessarij, non tamen violenti.*

Vio-

violentum enim repugnat naturali, sicut & voluntario. Quia utriusque principium est intra: violenti autem principium est extra. Hæc autem opinio est hæretica. Tollit enim rationem meriti, & demeriti in humanis actibus. Non enim videtur esse meritorium, vel demeritorium quod aliquis sic ex necessitate agit, quod vitare non possit.

Sect. 7.

Sup.ca.2

Tractat hunc locum Vincentius lib. 2. cap. 8. sed nauseabundus adeo, ut tam facilem nodum solutione sua vix dignari videatur. Miratur enim in primis cæcitatem nostram, quod non videamus, si esset is sensus quem dicimus Sancti Thomæ, fore ipsum physicæ prædeterminationi liberarum causarum contrarium. Deinde intelligendum dicit de necessitate simplici coactiua, non verò de alia illa sua de qua supra. Tertiò demum ad abducendam, ut opinor, Lectoris cogitationem ab difficultate, inductò de Manichæis sermone; narrat historiam illam de diuo Thoma mensæ Regis Galliæ accumbente, & cum esset abstractus a consideratione rerum præsentium, percutiente manu mensam ac dicente, *conclusum est contra Manichæos*. Quam ille narrationem ad obiectam difficultatem assuit adeo intempestiue, & extra locum, & filo tam crasso, ut videri possit defectum aliquem passus eius sapientiæ, quæ decebat grauem ac maturum Theologum: sed eo fortè spectabat eius consilium, ut locum inueniret huic additioni. *Fama publica, etiam addit*, inquit, *manus in ista ecclesiâ otiosas non fuisse: sed caponem ante se positum, per incogitantiam discer-*

discerpſiſſe . Expectabam, vt adderet , & per hæc paret ſolutio ad propositam difficultatem . Vincenti , & ita iocaris in re ſeria ? Et audes tam inficetis ſalibus aſpergere mentionem virorum ſanctorum , & primorum ſcholasticæ Theologiæ principum ? *Fama publica* , inquit, *hæc addit* . Sed quarum gentium quorumue populorum ? Ego enim tametſi non attingerim annos Priami , nec aquauerim peregrinationes Vlyſſis , videor mihi tamen , & ſat vixiſſe , & tot hominum mores , atque vrbes vidiſſe , vt poſſim non neſcire ſamam publicam : & teſtor tamen, idque bona fide , me huiusce fabellæ primum odorem hauſiſſe ex tua Theriaca : quam tu Vincenti compoſuiſti ex hiſce ingredientibus , pellendo ſcilicet ſemipelagianismi veneno perquàm efficacibus .

Cæterum quod putat D. Thomæ ſententiam , vt a nobis proponitur eſſe contrariam phyſicis prædeterminationibus , eò ſpectat , vt cauſam Ianſenianorum miſceat cum cauſa Thomiſtarum : ſed fruſtra . Conueniunt enim nobiſcum Thomiſtæ in assignanda verborum diui Thomæ intelligentia Ianſenianæ ac Vincentianæ contraria . Iam quid inde ſequatur , aut non ſequatur contra prædeterminationem phyſicam , inter nos deinde ſic diſputatur , vt illi potius negaturi ſint phyſicam prædeterminationem , quam conſeſſuri falſam eſſe , vel eſſe Ianſenianam diui Thomæ , tum hoc tum ſimilibus locis , doctrinam .

§. 2. Oſten-

§. 2. Ostenditur ex doctrina citatę questionis S. Thomę
 requirere ad libertatem, agendi & non
 agendi potentiam, & quidem im-
 mediatam.

Cap. 2.

ERgo quomodo est intelligendus diuus Thomas? Est ita intelligendus, inquit, Vincentius ut censeatur damnare opinionem eorum qui dicebant voluntatem nostram moueri necessitate simplici coactiua, hoc est illa *ferrea & strangulante* de qua supra: non autem alia molliore ac plumea. Ego verò præcisus hisce omnibus distinctionibus, ad obducendas veritati tenebras adiuuentis, dico D. Thomam damnare sententiam admittentem necessitatem omnem proximæ ad agendum, & non agendum indifferentiæ contrariam. Quod probatur manifestè ex tota illius quæstionis doctrina, & primo ex citatis verbis; cum dicit, *Tollit enim, rationem meriti, & demeriti in humanis actibus: Non enim videtur esse meritorium vel demeritorium, quod aliquis sic ex necessitate agit, quod vitari non possit.* Unde sic argumentari possumus. Vel necessitas quam admittit Vincentius ex Iansenio talis est, ut ea inexistente voluntas sic agat, quod non possit non agere, vel non: si est talis; ergo tollit rationem meriti, & demeriti, & est *heretica* ex diuo Thoma: si non est talis; ergo datur indifferentia in libera voluntate: & datur tanquam necessaria ad meritum, & demeritum.

Secun-

Secundo . S.Thomas citato loco negat interuenire in exercitio liberorum actuum necessitatem illam quam illi admittunt circa specificationem , dum versantur circa communem rationem boni : sed hæc non est necessitas strangulans , & ferrea : sed est mollis , & blandiens ; Ergo non solum ferream , & strangulantem arcet ab exercitio liberorum actuum , sed etiam blandam , & mollem , hoc est Vincentianam Iansenianamque . Probatur minor ex aduersarijs ipsis , qui minimè concedunt , nec concedendum putant in doctrina Augustini Deum ferrea necessitate cogi vt non peccet , sed neque beatos : neque nos ipsos dum non possumus odisse summum bonum : Maior est expressa in sancto Thoma ; Postquam enim dixit voluntatem ex necessitate moueri circa bonum quod est conueniens secundum omnia particularia bona ; Dico autem , inquit , ex necessitate quantum ad determinationem actus , quia non potest velle oppositum : NON AVTEM QVANTVM AD EXERCITIVM ACTVS . quia potest aliquis tunc non velle considerare , nec cogitare de beatitudine , quia etiam ipsi actus intellectus , & voluntatis particulares sunt , Et iterum , Sic ergo quantum ad aliqua voluntas ex necessitate mouetur ex parte obiecti , non autem quantum ad omnia . Sed ex parte exercitii actus , non ex necessitate mouetur ? Mouetur ne quantum ad aliqua illa quorum meminit S. Thomas , necessitate strangulante , & non potius molli ? mollem ergo non patitur quoad exercitium .

Tertiò . S.Thomas non vult maiorem esse ne-

T

cessi-

cessitatem volendi, in eo qui liberè vult, quam sit in eo qui liberè calefit, admouendi vel remouendi a se foculum quo calefit: sed est manifestum illum qui ita calefit, & indifferentiam, & proximam habere potentiam admouendi, vel remouendi foculum a se, vel seipsum a foculo. Ergo id ipsum vult S. Thomas in eo reperiri qui liberè vult. Ecce verba D. Th. Loquitur de libero amore beatitudinis, qualis est in hac vita, & est eadem ratio de quocunque alio libero actu. *Nullum bonum superat virtutem voluntatis, quasi ex necessitate ipsam mouens, nisi id quod est secundum omnem considerationem bonum: & hoc solum est bonum perfectum quod est beatitudo, quam voluntas non potest non velle; ita scilicet quod velit eius oppositum.* POTEST TAMEN, NON VELLE ACTV.....ET QVANTVM AD HOC NEC IPSAM BEATIVDINEM EX NECESSITATE VULT. Entibi confirmationem superioris argumenti, quo negat in exercitio amoris circa beatitudinem esse necessitatem illam quæ in specificatione reperitur. Pergit, *sicut etiam aliquis non ex necessitate calefieret, si posset a se calidum repellere cum vellet.*

Quartò Libertas qua voluntas facit, vt stante sufficienti alicuius actus principio, impediatur tamen ille actus, est libertas indifferentiæ proximæ ad vtrumlibet. Sed talis est libertas pro qua pugnat D. Thomas contra necessitatem. Ergo pugnat contra necessitatem huic indifferentiæ oppositam, quæcumque tandem illa sit, siue ferrea, siue lanea. Maior patet ex penetratione terminorum: Minor apertè

apertè continetur in responsione ad 15. Cum enim obijceretur, si voluntas aliquid determinatè vult, necesse esse, vt sit aliqua causa quæ faciat illam, velle: & si est talis causa, posita causa effectum necessario sequi: vel si non sequatur, necessarium signum esse quod illa causa non fuerit sufficiens; Respondet S. Thomas. *Ad decimum quintum. Dicendum quod non omnis causa ex necessitate inducit effectum, ETIAMSI SIT SUFFICIENS, eo quod causa potest impediri. Sic ergo illa causa quæ facit voluntatem aliquid velle, non oportet quod ex necessitate hoc faciat: quia potest per ipsam voluntatem impedimentum præstari, vel remouendo talem considerationem quæ inducit eam ad volendum: vel considerando oppositum, scilicet quod hoc quod proponitur vt bonum, secundum aliquid, non est bonum. Vult ergo, & esse posse sufficientem causam quæ faciat voluntatem velle, & voluntatem impedire ne hoc faciat. Quo tempore voluntas tali causæ coniuncta. potens facere non faciet: qui est status indifferentiæ immediatæ pro quo sanctus Thomas contra necessitatem ei contrariam disputat.*

Quintò sanctus Thomas hoc loco pugnat, vt obtineat causam liberam esse simul potentem ad opposita: Ergo necessitas quam reijcit, est necessitas quæ hoc impedit. Sed omnis necessitas quæ impedit ne voluntas possit vnum oppositorum, quando potest aliud, impedit ne sit simul potens ad opposita: Ergo pugnat sanctus Thomas contra necessitatem omnem quæ impedit ne voluntas pos-

T 2

sit

fit vnum oppositorum, quando potest aliud: hæc autem est necessitas omnis ad vnum determinans, & indifferentiam tollens ad vtrumlibet: Ergo contra talem omnem necessitatem, siue *mollem siue durum*, hoc est, siue rubram siue viridem pugnat: sunt enim perinde impertinentes hæc distinctiones, si semper itat, necessitatem quocumque vocetur nomine indifferentiæ aduersari, & tollere simultaneam facultatem ad opposita.

Esse autem hanc mentem S. Thomæ patet ex responsione ad 18. & ad 19. In priore loco sic loquitur. *Potentia voluntatis ad opposita se habens cognoscitur a nobis, non quidem per hoc quod actus oppositi sint simul; sed quia successiuè sibi inuicem succedunt,* AB EODEM PRINCIPIO. En vt distinguit inter actus oppositos, & inter potentiam ad illos. quod scilicet actus simul esse non possint, quasi diceret potentiam simul esse: quod etiam exprimit cum dicit actus illos oppositos sibi succedentes esse ab eodem principio, contra quam superius dixerat Vincentius, qui vult potentiam ad vnum tantum actum proximè accinctam esse, & deinde facta mutatione in principio, hoc est, excussa priori prædeterminatione, & adueniente alia, fieri potentem ad aliud oppositum accinctam: quod vides quam repugnet D. Th. qui vult *idem esse principium* oppositorum actuum sibi succedentium. Et hoc adhuc magis exprimit posteriore loco, ad decimum nonum, *Licet simul insit homini potentia voluntatis ad opposita se habens: tamen opposita illa ad quæ se habet*

habet voluntas, non sunt simul. Eo etiam pertinet solutio ad 16. Atque hæc manifestè conuincunt mentem diui Thomæ contrariam esse in hac parte Theologiæ Vincentianæ; ac proinde etiam Iansenianæ. Videant autem qui resistunt, quid dicat Diuus Thomas. Nimirum opinionem quam impugnat, annumerandam esse inter extraneas philosophiæ opiniones, utpote quæ subuertat omnia principia philosophiæ moralis. Induci autem homines ad huiusmodi opiniones partim propter proteruiam, partim propter sophisticas rationes, quas soluere non possunt. Si se pungi queruntur Ianseniani, Diuum Thomam conueniant.

§. 3. Quidquid faciant Ianseniani, non posse dissimulare quam animo conceperunt parum æquam de doctrina D. Th. opinionem.

AD extremum vt intelligatur quid sentiat Vincentius de doctrina sancti Thomæ in questione proposita, referre iuuat quod dicit in epistola prodroma: Dum enim videt se non posse negare, quin neget sanctus Thomas meritum esse vbi est necessitas indifferentiæ contraria: ac proinde quin putet ob talem necessitatem, amorem beatificum non esse merendo idoneum; distinguit interpretiora & posteriora opera sancti Thomæ: & fateatur illum ita loqui in posterioribus operibus, sed non in prioribus. Vide autem quid dicat pag. 24. Sanctus Thomas in prioribus operibus suis magis sim-

placiter, & Theologicæ; in posterioribus, ubi iam philosophia peripatetica expolitior & consummatus esset, magis philosophice loqui solet. Et pag. 25. dicit componere Ethicam suam ad normam Aristotelicæ phrasidis: Addit Etiam si modum loquendi Aristotelicum religiosius seruet, non deferere tamen sententiam antiquam. Quod admodum absurdum est: Quia si phrasidis Aristotelica Pelagiana est, ut volunt, & Augustinianæ contraria, quid aliud est sanctum Thomam antiquam sententiam & veram exprimere phrasid Aristotelicam, quam Pelagianis verbis fidem Catholicam profiteri? Eadem repetit deinde ubi obijcitur sanctum Thomam negare libertatem esse in amore felicitatis. Nempe, inquit, quia in illa responsione ad tertium, loquitur phrasid peripatetica, Et iterum pag. 26. Peripatetice loqui, dum negat laudem esse ubi non est agendi, & non agendi libertas. Sed quid refert Peripatetice, an Platonice: Academicè, an Stoicè loquatur? Dic Vincenti, loquitur ne verè, nec ne? Non audet dicere Vincen-
 Pag. 21. tius quod in animo habet. Audiendus est iterum cum dicit. Sanctus Thomas libertatem stricte pro illa libertate indifferentiæ quæ liberum, ac deliberans arbitrium sequitur, accipere solet: & proportionaliter meritum quod ex libertate oritur, pro merito liberi, & deliberantis arbitrij, plerumque accipit, loquiturque ut philosophus Peripateticus: Vnde passim ad meritum stricte sumptum libertatem contrarietatis requirete videbis. Attamen non ubique est tam præcisus, & scrupulosus, & citat 3. sent. dist. 18. quæst. 2. art. 1. Vbi, inquit,

non amplius, ut philosophus peripateticus loquitur. Diceret comentarios in libros sententiarum scriptos esse post Summam, & libros contra Gentes. Quid quid sit, Sanctus Thomas ex Vincentio Leni, scrupulosus, & precisus factus est, ex quo etiam factus est Peripateticus: & cum magis Theologicè discurre-
ret, conscientia fuit liberioris ac laxioris.

Videntur autem hæc eò tendere quod habet Ian-
senius. Cum enim ad probandam suam liberta-
tem incoactam produxisset testimonia præcipuo-
rum Scholasticorum, Sancti Thomæ, S. Bona-
uenturæ, Scoti, Gandauensis, Ricardi, Marsilij
aliorumque a Magistro sententiarum usque ad Ga-
brielem inclusiue; quia intellexit quam nulla essent
quamque faciliè solui possent ex alijs eorundem
auctorum verbis, quibus eorum mens clarius expri-
mitur, fatetur tandem ex illis quos laudauerat, non
solum alios ab alijs, hoc est recentiores ab antiquio-
ribus, sensim deflexisse; sed constare insuper Non-
nullos veteres Scholasticos initio ad amussim, cum Ma-
gistro sentientes, imò longe audacius, & apertius illius
sensa promentes quàm ipse prompserat, deinde sub finē vitæ
in alterum extremum quāuis nonnihil vacillando ver-
gere. Nec animaduertit, hic igitur habere locum tri-
tum illud *Secundæ cogitationes sapientiores* sed quid-
quid sit, vides huic Iansenij iudicio apprimè respon-
dere illud Vincentij, S. Thomam in hac cōtrouersia
initio magis Theologicè, sub finem magis philoso-
phice loquutum, atque etiam magis scrupulosè.

Cæterum si ex istis verbis Iansenij formetur vna
qua-

In præf.
lib. 6 de
gr. Sal-
uat.

quædam propositio, *Desinat obstrepere Aristotelica philosophia quæ in ista causa cum Pelagio atque Iuliano plenis buccis illam crepante, damnata est. Neque enim est aliud quidquam hæresis Pelagiana de gratia, & libero arbitrio* QVAM PVRA PVTA ARISTOTELICA PHILOSOPHIA, & Nihil magis in hoc argumento suspectum esse debet QVAM ARISTOTELICA ILLA PHILOSOPHIA, cuius solius armis instructus Iulianus, & Pelagius libertatem humani arbitrii defenderunt.

Si ex his quoque Vincentij formetur alia. S. Thomam in posterioribus præsertim operibus, loqui ut philosophum peripateticum, Item, In philosophia peripatetica consummatum, magis philosophice loqui, de libertate scilicet ad merendum, & demerendum necessaria, & suam *Ethicam composuisse ad normam Aristotelicæ phrasæ*; Si inquam formentur hæ duæ propositiones, prima ex verbis Iansenij, In quæstione quam tractamus pro eodem habendum aliquem esse Aristotelicum seu Peripateticum, & esse Pelagianum: Secunda ex verbis Vincentij In eadem quæstione S. Th. loquutum ut philosophum Aristotelicum, & suam ethicam composuisse ad normam Aristotelicæ phrasæ; quæ nam alia conclusio inde potest deduci, quam illa quam Sancyranus expressit; ut testatur vir fide dignus Abbas de precibus Cisterciensis Ordinis S. Thomam destruxisse *veram Theologiam inductis in eam humanis rationibus, & Aristotelicis principiis*? Scio Iansenianos vri dum hæc audiunt, sed æqui bonique consulere debent, ut quod dicunt in tenebris, super recta prædicetur.

Rel. 19.
de S. Cy-
ra. p. 27.

EX-



Expenditur quod respondet Apologista Iansenij.

C A P. I.

*Consilium Apologista quærere præsidia suæ sententiæ a
Scriptoribus Scholasticis exemplo Iansenij: Et de ap-
probatione Illustrissimi Vabrensis Episcopi
circa Librum de Libertate Dei,
Et creatura.*



POLOGISTA Iansenij, qui
mauit videri vir esse nullius no-
minis quam proprio cognosci, A-
pologia 2. lib. 3. cap. 3. pro liber-
tate incoacta pugnat etiam ipse,
sicuti pro arce Iansenismi, allum-
pto ad disputandum hoc argumento, *Doctrinam esse
Antiquorum Scholasticorum, ut Et Augustini, quod stet
libertas, cum inenitabili agendi necessitate.* Tum verò
producit vnum aut alterum Augustini locum,
vnde nihil inferri posse contra doctrinam commu-
nem monstratum est superius. Addit testimonia
Scholasticorum illa ipsa quæ sunt apud Iansenium.

V

lib. 6.

Lib. 3. de
lib. arb.

supra 1.
par. c. 2.
§. 3.

lib. 6. & 8. de gra. Saluat. & quæ sigillatim soluit Antonius Ricardus prolatis eorundem Auctorum manifestissimis alijs in contrarium testimonijs; ut nihil necesse sit in ijs immorari. hoc solum monendus est Lector, ut aduertat Iansenium in hoc puncto, ut alias sæpe, secum pugnare. Fatetur enim ut antea notatum est, ea quæ de libertate docet non posse non videri *noua* Scholasticis doctoribus, esse illis *inaudita*, & non *mediocriter mira*, *exhorrescere* illos ad nomen incoactæ libertatis: & tamen eadem extare dicit apud Magistrum sent. Victorinos ambos, Alensem. D. Th. D. Bonauenturam, Scotum, Marsilium, Ricardum, Henricum, Dionysium, Gabrielem, &c. At quinam sunt illi Scholastici quibus inauditæ sunt atque ad horrorem usque miræ, quæ sunt communes sententiæ illorum omnium auctorum? Esto, esse possint qui non approbent; sed qui nesciant, neque audiuerint vnquam ea quæ sunt ab eis communi consensu tradita; si vspiam reperiantur, negamus esse in numero scholasticorum recensendos. Sed quod retulimus ex Iansenio, etiam antiquos Scholasticos tandem in contrariam sententiã licet *nonnihil vacillando* defluxisse: & quod est in cap. 13. eiusdem libri sexti. *Neminem quod sciat inuentum esse in Ecclesia latina per annos octingentos qui dissenserit*; satis ostendit ipsum quoque vacillare. Quare enim octingentos tantum annos ponit? Quare non & mille ducentos? Non audet nimirum polliceri quidquam sibi de suffragio Scholasticorum. Et ideo citra sæculum illorum continet prædicationem

nem

nem antiquæ approbationis eius sententię quam tuc-
tur. Sed num etiam Hincmari Remensis, & Rabani
Moguntinensis, & aliorum qui nono sæculo restite-
runt Gotescalco, oblitus erat? An vult illos pertine-
re ad Ecclesiam græcam, quando de latina tantum
loquitur? An expungendos ex tabulis octingento-
rum annorum, qui intercurrerunt inter sæculum Au-
gustini, & sæculum Scholasticorum? hæc scilicet
ostendunt in hoc auctore pleraque vacillare.

Apologista in affirmandis rebus incertis, atque
incompertis generosior est. Nihil eum terret, quod
Iansenius de illa declinatione antiquorum Scholasti-
corum dicit: nihil illa suspicio quam ostendit, dum
octingentorum tantum annorum spatio definit pos-
sessionem eiusmodi doctrinæ. Magno animo pro-
nuntiat, sine metu, sine dubitatione, sine exceptio-
ne, esse illam Antiquorum Scholasticorum sententiã:
quod quam falsum sit, iam ab alijs, ut dixi demon-
stratum est: & ex ijs quæ de Sancto Thoma supra ^{Supra p.}
retuli, de quo addam plura postea, coniectura sumi de ^{2. cap. 5.}
cæteris potest. Præterea vrget Apologista argumen-
tum petatum à libertate Christi, quod quia fusè tra-
ctatur à Theologis ad tertiam partem, actum age-
rem, si vellem hic respondere. Hoc solum dico, ex
illa varietate sententiarum qua conantur Theologi
explicare, quomodo Christus cum impeccabilitate,
& cum necessitate amoris beatifici potuerit exhibe-
re Deo liberam quoad exercitium obedientiam, de-
re ipsa certos esse, de modo vero rei dubios: & solli-
citudinem illam tantam, & tam anxiam, quam

ostendunt circa quæstionem, quomodo sit; ostendere apud illos definitam esse quæstionem an sit. Ergo fuit liber etiam Christus libertate exercitij, hoc est, potens ad vtramlibet contradictionis partem, in omnibus illis actibus qui fuerunt per se, ac formaliter meritorij, ac satisfactorij.

Cap. 4.

Denique Illustrissimum Vabrensem Episcopum nominatim infectatur, quod cum approbarit olim Gibieufi librum *De libertate Dei, & creaturae*, modò damnet doctrinam Iansenij de libertate incoacta, cum tamen doctrina vtraque eadem sit; hæc ille loco iam citato. Ego verò non suscipio defensionem Clarissimi Antistitis: non quod aut voluntas desit aut ratio; sed quia ille nullius ope indiget, ut se tueatur. Nam præter dignitatem quam in Ecclesia præcipuam obtinet, & quam merito virtutis, & eruditionis est consequutus; quæ hætenus edidit opera, pro tuenda Ecclesiasticæ doctrinæ veritate, & Sanctæ Sedis Apostolicæ auctoritate; ijs omnibus quibus liuor, & affectus malè ordinati non perturbant oculos satis ostendunt, sufficere ipsum sibi, & habere vnde ijs qui se allatrant, excutere dentes possit. Quod si meam etiam admittere operam vellet, dicerem Apologistæ. Primò, Gibieufi librum à Iansenio quoque fuisse approbatum atque laudatum: & tamen ab eodem Iansenio postea damnatam esse illius doctrinam. De illa enim loquitur lib. 7. de grat. Saluatoris cap. 16. ubi recensitis ijs quæ placere poterant in eius opinione, alia improbens sic incipit: *Quapropter illa opinio tribus in rebus ab Augustini sensu mihi*

mihi videtur deuiare. primo, &c. Sensus Augustini Iansenio sensus est Ecclesiæ: ac proinde qui *deuiat* à sensu Augustini deuiat à sensu Ecclesiæ. Quomodo autem approbari, atque laudari potuit ea doctrina quæ sciebatur *deuiare a sensu Ecclesiæ*? Iprensam Apologista purget, & Vabrensam absoluerit.

Possẽm addere Secundò, non esse ita seuerè agendum cum amicis approbatoribus, vt nihil omnino gratiæ dent, & præconceptæ de Auctore opinioni, præsertim in emendicatis approbationibus, quæ non tam quærentur ad censuram, & emendationem librorum edendorum, quam ad commendationem, & laudem editorum. Quare si quippiam relinquant in eiusmodi libris indiscussum, & inemendatum; non ideo statim dicenda illis dies est, tanquam reis commodati erroribus suffragij. Neque de sunt recentia magnorum virorum exempla, quorum honori ac dignitati vix alia ratione quam hac epicleia consuli potest.

Et hoc Tertiò addendum est, doctrinam de incoacta libertate non ita expressam esse in opere *de libertate Dei, & creature*, quin possit etiam expressa videri contraria; vt nihil cause sit, cur qui librum approbarunt, videri possint approbasse potius hoc quàm illud. Siquidem Auctor illius operis, quamuis esset vir bonus, nec ineruditus, quia tamen non satis erat in scholarum palæstra exercitatus, cum vellet nouam philosophando viam inire, platonicas imagines cum scholasticis ita miscuit, vt emerferit nescio quid, de quo dubitatum est an esset ab auctore ipso satis com-
prehen-

prehenſum . Præter alia quæ id temporis notata ſunt, eſt qui ex primo tantum libro , & vno aut altero capite ſecundi , contradictiones collegerit ſeptuaginta, quas totis viginti annis nec ſoluere auctor, nec edere quos dixerat ſe prælo paratos habere de gratia commentarios auſus eſt .

Denique conſtat eorum teſtimonio , qui cum eo Auctore poſt editum Ianſenij Auguſtinum familiarius egerunt , minimè illi probatam fuiſſe Ianſenianam Theologiam, ſicuti nec Sancyranam . Vnde cum nec ipſe Ianſenio, nec ipſi Ianſenius ſat fuerit probatus ; quid ſentiendum de Apologiſta, qui vult amborum eandem fuiſſe doctrinam ? Sed omitto totam illam cauſam , quippe cum hoc poſſiſſimum ſuſceperim inquirendum , quæ ſit in hac controuerſia mens Auguſtini , & S. Thomæ : & an illi ſit conformis doctrina Ianſenij . Ergo ex omnibus quæ tractat Apologiſta duo tantum ſuperſunt examinanda . Primum eſt , an Ianſenius negauerit reiſſa eſſe in hoc ſtatu viatorum indifferentiam libertatis , ſeu indifferentem libertatem . Secundum, an rectè ſenſerit, & ad mentem Auguſtini ac S. Thomæ cum dixit , non eſſe indifferentiam ad libertatem neceſſariam .

CAP.

C A P. I I.

Vtrum Iansenius admiserit libertatem hominum viatorum esse indifferentem.

§. I. *Probatur admisisse.*

Admonet Apologifta, Iansenium confessum libertatem hominum viatorum immunem esse, non solum a violentia, & coactione, sed etiam ab illa immutabili necessitate quæ opponitur indifferentiæ: & quod docet, stare libertatem cum tali necessitate, pertinere tantum ad statum beatorum, & damnatorum. Velle enim ipsum cum immutabili necessitate Deum amandi, & cum immutabili necessitate odio habendi, stare tam in beatis libertatem amoris, quem in damnatis libertatem odij: contendere autem nullam esse talem necessitatem in hoc statu medio: ac proinde esse in hoc statu medio indifferentiam. Contineri confessionem hanc integris apud Iansenium capitibus &c.

Ita est, Iansenius, hominum viatorum non solum coactionis expertem esse libertatem, sed etiam necessitatis immutabilis voluntarie, hoc, est eam ad utrumque indifferentem esse, cum scripturis, Augustino; & Patribus, & Catholica fide perlibenter fatetur; sed in illa indifferentia sitam esse generaliter arbitrij libertatem. eosdem Patres asserit pernegare... sed posse illam adesse vel abesse a voluntatis arbitrio sine dispendio libertatis.

Ite.

Loc. cit.
puncte 2.

Lib. 6. c.
34.

1b. c. 37. Iterum, excepto amore beatifico, & motibus indeliberatis, Ceteras, inquit, humana vite actiones, quamuis etiam iuxta tradita iam Augustini principia sine indifferentia nihil vetaret esse liberas, reipsa tamen non solum sine violentia, sed & cum quadam indifferentia contradictionis, imò contrarietatis, ex Augu-

Cap. 20. stini, & veterum citatorum mente fieri credimus. Et ante, Nec quicquam ad illam sententiam reprobendam facit, quod in eadem distinctione dicit (loquitur de Magistro sentent) liberum arbitrium esse liberum ad utrumlibet, videlicet bonum & malum. . . . Hoc enim & Augustinus, Bernardus, & Damascenus creberrime dicunt; & SINE FIDEI LAESIONE negari nequit. Sed alio longe sensu quam putant scholastici, hoc intelligunt. Et deinde; Neque quisquam ex eo consuetaneum esse putet, nullam superesse libero arbitrio indifferentiam, in Deo quidem, beatisque ad opera bona: in damnatis ad mala: in viatoribus ad bonum, & malum. Absit ut hoc vel Augustinus, vel quisquam, illorum scriptorum quos protulimus suspicatus fuerit: CVIVS CONTRARIUM EX AVGVSTINI SCRIPTIS INFRA ADVERSUS HAERETICOS NOSTRI TEMPORIS PROBATVRI SVMVS. Iterum, certa ista veritas est, fateor, ET SINE ERRORE NEGARI nequit, hominem scilicet habere in sua potestate ut faciat bonum aut malum, hoc vel istud agat, vel non agat. Denique lib. 8. sic loquitur, Respondetur quamdiu hic vivimus, siue in infidelitate ante gratiam, siue iam sub gratia, indifferentiam ad contraria, hoc est, ad volendum faciendumque bonum, & malum semper inesse libero arbi-

arbitrio. Sed non eo modo quo isti Scholastici putant quos supra diximus, qui quocumque modo arbitrium siue gratia, siue peccati delectationibus imbuatur, semper existimant CVM VTRAUIS EIVS DISPOSITIONE posse fieri ut utrumlibet velit, siue bonum, siue malum, pro illa sola scilicet indifferentia voluntatis, que sub quacumque dispositione actum praeueniente sese sua libertate in utramvis partem flectit.

Hæc est, inquit Apologista, aperta confessio indifferentiæ. Ita est; sed est etiam aperta illusio, quod nihil contineat præter verba, & inanem, ac vacuum indifferentiæ speciem, uti mox ostendam. Sed interea notandum est id quod dicit, *Esse Catholicam fidem, Esse Augustini sententiam aliorumque Patrum, Esse scripturæ assertionem*, quod detur in hoc statu indifferentia; nec posse illam negari sine errore, & sine fidei læsione: & negari ab hereticis nostri temporis, bene habet. Tulit sententiam in seipsum Iansenius, si negasse comperiatur. Negasse autem probo.

§. 2. Ostenditur reuera negauisse.

ET primo. Quid est quod dicit, se non admittere indifferentiam qualem admittunt Scholastici præsertim recentiores? Illi admittunt-nequam indifferentiam, quam illam quam admittit Ecclesia? aut Ecclesia negat-nequam admittunt Scholastici? Ostendant quæso aliquod esse discrimen, vel quoddam dissidium inter Ecclesiam, & con-

X sen-

sentientem Scholasticorum sententiam circa conceptum illius indifferentiæ quæ *sine fidei lesione*, ut dicunt non potest negari? Sinit quidem Ecclesia, Scholasticos disceptare circa modum defendendi indifferentiam, sed circa conceptum ipsum indifferentiæ pro quo retinendo disputant, & illi inter se, & cum Ecclesia consentiunt. Ergo non ab illis modò sed ab Ecclesia quoque dissentit Iansenius dum negat talem indifferentiam, & aliam substituit.

Secundò. Quando admittenda est indifferentia contra *hæreticos nostri Temporis*, ut dicit Iansenius, admittenda est illa quam hæretici nostri temporis negant. Sed quam illi negant, illa est quam admittunt Scholastici: Igitur admittenda est illa quam admittunt Scholastici. Minor patet apud Calvinum, qui dum disputat de libero arbitrio, negatque illi *vim electivam ad utrumlibet*, quæ est indifferentia de qua disputamus, profitetur se potissimum a Scholasticis dissentire, ideoque Sorbonicos doctores *Sophistas* vocat, & ætatis nostræ *Pelagianos* qui *Pelagium patrem suum imitantur*. Vide autem in quo dissentiat, nempe quod illi putent in manu nostra esse respuere, vel accipere oblatam Dei gratiam: & ideo nos cooperari Dei gratiæ, quod nostri iuris sit eam vel respuendo irritam facere, vel obedienter sequendo confirmare. dissentire se a senioribus Scholasticis, sed longiore intervallo a recentioribus *sophistis*, qui etiam a vetustate longius recesserunt. quæ verba Iansenius videtur ob oculos habuisse cum scriberet, Eisdem nonnullos scholasticos veteres, initio ad amussim cum

2. Inst. c.
3.

1b. sec. 11
& ca. 42.

sect. 6.

6. de gr.

Salu. ca.

33. e an-

te ca. 20.

cum Magistro sentientes, deinde sub finem in alterum extremum quamvis nonnihil vacillando vergere visos, & paulatim ab illa primæva libertatis intelligentia declinari ceptum, eoque rerum nostra ætate ventum, ut illa Augustini, Bernardi, Magistri, & cæterorum doctrina, vix auribus quorundam ferri, vix sine erroris suspicionem tradi possit. Itaque negat Calvinus illam tantum indifferentiam quam putat tenuisse quidem antiquos Scholasticos, sed non cum illa expressione, & firma adhæsiōe quæ cernitur in recentioribus. Ergo si est affirmanda quam negat Calvinus, ut facit Iansenius, affirmanda est illa quæ licet apparuerit in antiquis scholasticis, expretius tamen, & firmitus defendi cepit a modernis. At illam ipsam Iansenius negat. Ergo negat quam affirmandam putat, postquam affirmandam putat quam negat Calvinus.

Tertiò. Quando est admittenda indifferentia, cum Augustino & Patribus, admittenda est quam illi admittunt: Sed quam illi admittunt non est alia quam illa quam admittunt Scholastici: Ergo si negatur a Iansenio quam admittunt Scholastici; negatur quam Augustinus, & Patres admittunt, & quam ipse putat non posse negari *sine læsione fidei Catholicæ*. Minor probatur. Et quidem quod ad cæteros patres attinet nulla est difficultas. Iansenius hæret in Augustino, & nos etiam. Legantur autem illa 35. Augustini testimonia superius adducta, & collabit statim indifferentiam quam ille postulat, in eo sitam esse, quod voluntas agens possit

Sup.con.
tr. Nou.
Aug.c.2.

non agere : & non agens possit agere , Scholastici nihil aliud postulant . Ergo &c.

Paral.
not. 79.

Quartò . Expressa est apud Iansenium indifferen-
tiæ negatio dum Suarem , Bellarminum , & Vas-
quem eo nomine accusat, quod gratiam admittant
cum qua voluntas *indifferenter* operetur , *ut probent ,*
inquit , gratiam quæ nunc hominibus ad credendum di-
uinitus datur , ita esse libero arbitrio attemperatam , ut
instar gratiæ potentialis quam Augustinus adiutorium
sine quo non appellat , ea stante in libero arbitrio , possit
arbitrium INDIFFERENTER velle , vel nolles ? En tibi
peccatum Bellarmini , & Suaris , ex Iansenio , quod
nimirum putent *stante gratia in libero arbitrio , posse*
arbitrium *indifferenter* velle , vel nolle . Et tamen ,
inquit Apologista , non negat indifferentiam . Per-
git , & allato Augustini testimonio quo illi quos
impugnat vtuntur , *Ex quibus verbis , inquit , istam*
INDIFFERENTIAM voluntatis quam cum gratia sua
congrua vel sufficiente copulant , sub adiutorio gratiæ re-
manere contendunt . Et addis citata illa verba ex qui-
bus indifferentia colligitur non continere senten-
tiam Augustini , sed esse verba doctrinæ Pelagianæ
postea Semipelagianæ . Itaque Pelagianum putat quod
admittatur *indifferentia* quæ , stante gratia , possit
voluntas velle , vel nolle . Iterumque negat a nutu
INDIFFERENTE voluntatis , pendere nostrum velle ,
vel nolle . Et antea . Adiutorium ante ruinam erat
tale ut influxus adiutorij perinde atque voluntatis in-
opus , ab ipso liberæ voluntatis nutu penderet , adeoque
salua maneret illa libertatis in utramque partem flexi-
bilis

Tom. 3.
lib. 2. de
gr. Sal c.
4.

bilis INDIFFERENTIA : Nunc vero post ruinam &c. Itaque ante ruinam erat flexibilis in utramque partem indifferentia sub Dei adiutorio, iam non est, Et iterum, sententiam quam refutat ita refert. Per libertatem autem intelligunt, non id quod in scriptis suis omnibus de gratia Augustinus intelligit, sed semper illud ius dominium voluntatis, quo penes ipsam illa ultima manet ac decretoria sententia, ut PRO SUA IN UTRAMQUE PARTEM INDIFFERENTIA se determi-^{Ib. cap. 5}net, aut non determi-^{Ib. cap. 8}net, quamvis determinatio hic & nunc non fiat sine gratia concurrente. Vides, ut negat flexibilem in utramque partem indifferentiam. Et iterum, dum agit de scientia conditionata, & modum tuendæ per eam libertatis refutat. Istus, inquit, prescientiæ beneficio hoc assequuntur, ne adiutorium inuictæ rapiat voluntatem, ADIMATQUE POTES-^{Ib. cap. 8}TATEM ILLAM INDIFFERENTEM QVA UTITVR VEL NON UTITVR ADIVTORIO SI VOLVERIT : hoc est ut per hoc adiutorium detur voluntati posse si velit : velle vero, & nolle uti, & non uti adiutorio in eius libero relinquatur arbitrio. Vbi vides quid Iansenio displiceat, in illa doctrina, nempe quod adiutorium non rapiat inuictæ voluntatem, ita ut adimat potestatem indifferentem utendi, vel non utendi adiutorio, si voluerit. Et vides quid intelligat per indifferentem potestatem, nempe, quod uti vel non uti adiutorio Dei libero relinquatur arbitrio.

Vnde probatur iam Quintò, non solum nomen indifferentis potestatis, sed rem eo nomine significatam a Iansenio, disertissime rejici, nempe potestatem

Lib. 2. de
gra. Salu.
cap. 4.

*statem utendi, vel non utendi Dei adiutorio. Patet ex distinctione quam asserre solet inter gratiam integræ naturæ, & gratiam naturæ lapsæ. In eo enim distinguit, quod gratia sanæ voluntatis in eius libero arbitrio relinqueretur, ut eam si vellet defereret, aut si vellet, uteretur: gratia vero lapsæ, egrotæque voluntatis NVLLO MODO in eius relinquatur arbitrio, ut eam deferat aut arripiat si voluerit. Possit accipere, vel non accipere gratiam, & possit uti, vel non uti, est habere indifferentem potentiam ad accipiendum, vel non accipiendum, ut Iansenius ipse superius explicuit: illud non convenit ægrotæ voluntati, ut idemmet iam significat: ergo neque istud. Eodem pertinet quod dicit eodem loco, voluntatem integram, hoc est ante lapsum, fuisse optioni suæ relictam, quod non convenit iam voluntati ægro-
tanti.*

Ca. 5. ib.

Idem iterum sic explicat discrimen gratiæ Adami, & nostræ, quod nullum adiutorium gratiæ cuius usus ita ponitur in arbitrio voluntatis ut illo utatur, aut non utatur, ut illud amplectatur aut deferat, ut illi consentiat, aut non consentiat si voluerit, quantumvis sine illo non velit, aut velle non possit; esse adiutorium quo fit ut velit, sed tantum sine quo non: Et proinde ad medicinale adiutorium Christi nullo modo posse pertinere, sed ad adiutorium primi hominis, Et sanæ voluntatis esse referendum. Nam in eo consistit essentialiter differentia utriusque adiutorij, sine quo non fit actio, Et quo fit; Et consequenter sanæ voluntatis, Et infirmæ. Non est quo evadat Concilium Tridentinum

num. Postquam enim definiuit liberum arbitrium
dissentire posse si velit a gratia quæ iam datur, igno-
rauit consequenter essentialem illius, & gratiæ primi
hominis differentiam. Vides autem quomodo nul-
lam relinquat indifferentiam, neque ad utendum aut
non utendum gratia; neque ad eam amplectendam, aut
deserendam; neque ad consentiendum illi, aut dissen-
tiendum, ut videantur Iansenio defuisse verba, &
modos ad exprimendam, ut volebat, indifferentiæ
negationem. Eadem sæpe repetit, & inculcat in
eodem libro, & præcipue cap. 27. cum dicit, Qua-
propter, quisquis iam alia diuinæ gratiæ adiutoria infir-
mis hominibus afferre nititur, quæ deserant si velint: &
in quibus permancant si velint; cum quibus tanquam
sufficientibus operentur, si velint; nihil aliud imprudens
facit, nisi ut originalis peccati virus euacuet, illesas
liberi arbitrii vires esse, Christum frustra venisse, &
gratis mortuum esse persuadeat. Eiusmodi plura pas- Tom. 2.
sim occurrunt apud hunc auctorem, præsertim in
libro de gratia primi hominis, & Angelorum, &
libro octauo de hæresi Pelagiana, ubi vult ad Semi- Tom. 1.
pelagianam hæresim pertinere quod internæ gratiæ
possit aliquis cooperari si velit, & si velit etiam non
cooperari.

Iam verò cum proprius indifferentiæ conceptus
in causa efficiente nihil aliud esse possit, quam hoc
quod est, posse facere vel non facere; seu, posse face-
re hoc, vel illud; quemadmodum nec in causa reci-
piente potest esse aliud, quam hoc quod est, posse
recipere, vel non recipere, seu posse recipere hoc,
vel

vel illud ; cum iam constet Iansenium hoc negare, sequitur negare illum id quod propriè loquendo, & secundum communem vsum vocum intelligitur nomine indifferentiæ : ac proinde negare, & nomen, & rem.

At existimandum est etiam, & Augustinum, & Bernardum, & Patres alios, & ipsam demum Ecclesiam, quæ dicitur agnoscere in hoc statu aliquam in arbitrio libero indifferentiam, non abuti rerum nominibus, sed intelligere id quod ea voce intelligi solet dum ad liberum arbitrium applicatur. Nec hæretici quibus ad errorem tribuitur quod negent indifferentiam meritò reprehenderentur, si negarent tantum illud cui hoc nomen proprie convenit, postquam id etiam modò negandum supponitur. Igitur & Augustinus, & Patres, & Ecclesia postulant, ut agnoscatur in libero arbitrio potentia faciendi, & non faciendi: vel faciendi hoc, aut illud, prout libuerit. Quod cum Iansenius neget, negat quod Augustinus, & Patres, & Ecclesia affirmandum putant: & absoluit hæreticos, quippe qui nihil negare videantur, dum negant indifferentiam, quod, si proprie loquamur, negandum non sit ex Iansenio.

§. 3. Probatur amplius speciem tantum inanem indifferentiæ a Iansenio admissam.

QUod ut magis explicetur: & constet Iansenium, vera quæ ab auctoribus admittitur
ne-

negata indifferentia, substituere spuriam, seu potius larvam quamdam, & inane simulacrum indifferentiæ.

Examinandum est sextò, quod dicit, fateri se indifferentiam ad contraria, hoc est ad volendum, faciendumque bonum, & malum: siue in infidelitate ante gratiam, siue iam sub gratia, semper inesse libero arbitrio, *sed non, inquit, eo modo quo isti Scholastici putant qui quocumque modo arbitrium siue gratiæ, siue peccati delectationibus imbuatur, semper existimant* CVM VTRAUIS EIVS DISPOSITIONE posse fieri ut vtrumlibet velit, siue bonum, siue malum, pro illa sola scilicet innata indifferentia voluntatis, quæ sub quacumque dispositione actum præueniente sese sua libertate in utramvis partem stectit. Vides quid velit. Liberum arbitrium gratiæ delectationibus imbutum, negat posse velle vtrumlibet, sed posse velle tantum bonum; imbutum verò delectationibus peccati, negat posse velle bonum, sed tantum posse velle malum; atque ita cum vna dispositione, posse vnum tantum, cum alia aliud tantum: Ergo totam eius indifferentiam in eo positam esse, quod possit habere hanc, vel illam dispositionem. Quod amplius declaratur ex eo quod alibi docet, præter nudam voluntatis facultatem, esse aliquid aliud, quo actus ponatur in eius potestate: & hoc esse respectu boni *viatricem delectationem gratiæ*, respectu mali *viatricem delectationem peccati*; vtraque illa delectatione voluntatem fieri liberam, & potentem agere, & actum ad quem ordinatur poni in eius potestate.

Y

alteru-

Lib. 8. de
gr. Salu.
cap. 20.

To. 3. lib.
7. cap. 2.

Ib. cap. 5

alterutra omnino absente, fieri impotentem, & actum illi respondentem esse omnino extra potestatem voluntatis: has easdem delectationes esse vincula, quæ voluntatem a Volendo certum genus actuum retrahunt, & impediunt; ita ut tale Velle non sit in eius potestate, nisi tunc tantum, quando illa potestas aliunde datur: Iustitiæ, & peccati delectationem esse illud vinculum, quo liberum arbitrium in iustitia vel peccata ita firmiter ligatur & retinetur, ut quamdiu illo stabiliter possidetur & constringitur, actus oppositus sit extra eius potestatem, ita videlicet ut arbitrium non liberatum eum Velle non possit.

Lib. 8. ca.
20.

Neque hoc tantum verum esse putat de indifferentia voluntatis ad contraria, sed etiam ad contradictoria. Et ideo postquam reiecit sensum illum Scholasticorum, qui voluntatis indifferentiam ad utrumlibet ita intelligunt, ut cum utraque eius dispositione, vel sub quacunque dispositione utrumlibet velit bonum, & malum, dixitque hanc esse libertatem a Pelagianis contentiosissimè postulatam, & ab Augustino constantissimè negatam, subdit, *Alio igitur sensu liberum arbitrium ante gratiam, quemadmodum etiam alio sensu sub gratia indifferentiam contrarietatis, & contradictionis habet.* Ac proinde alio sensu habet libertatem contradictionis, quam eo quo intelligatur sub ea dispositione sub qua potest agere, posse etiam non agere. Vult ergo sub una dispositione posse agere, & sub alia non agere: & consequenter indifferentiam contradictionis in eo sitam esse, quod possit voluntas habere alterutram

tram dispositionem .

Et ideo putat victricem delectationem impone-
re voluntati *necessitatem* consentiendi , non quidem
immutabilem , hoc est perpetuam , sicut est in cœlo ,
sed pro tempore quo ipsa est : nec aliter distingui

Tom. 3.
lib. 6. c.
34. & lib.
8. c. 20. &
27.

quoad hoc amorem Dei in beatis , & in viatoribus ,
quàm quia perpetua ibi est amandi necessitas , hîc
tantùm est temporaria . Et hoc confirmatur ex fun-
damentali principio huius Auctoris , quod nulla
possit esse gratia sufficiens in hoc statu , sequitur
enim inde , non posse voluntatem suspendere illius
effectum non agendo . Adde quod dicit gratiam
Christi *diametraliter repugnare philosophicę libertati seu*
indifferentiæ libertatis , quia illam extrahit ab *indifferen-*
tia agendi : & ideo in beatis vbi consummata est
gratia , stirpitus tolli illam indifferentiam , in terris
non tolli omnino : nimirum quia gratia non tanta
est , ut sit perpetua , & semper victrix , sed potest
succedere illi præpollens concupiscentia .

Tom. 3.
l. 7. c. 14.

Præterea Iansenius perpetuam servari vult pro-
portionem inter delectationem concupiscentiæ re-
spectu mali , & delectationem gratiæ respectu boni :
& ita esse voluntatem nostram per delectationem
gratiæ servam iustitiæ , & liberam a peccato ; quem-
admodum per delectationem concupiscentiæ libera
fit a iustitia , & peccati serva . Atqui sub præpol-
lente concupiscentia non potest abstinere a malo ;
nam , inquit , *ipsum non consentire , & non facere id ad*
quod impellit concupiscentia , gratiæ *victricis effectus* , est :
ac proinde quia non potest esse gratia victrix simul ,

Y 2 & præ-

Lib. 8. c.
20.

& præpollens concupiscentia, sequitur non solum non posse voluntatem elicere actum contrarium bonum, sed nec suspendere quidem malum. Ergo à pari, non consentire victrici gratiæ, seu non facere, id ad quod impellit, erit effectus præpollentis concupiscentiæ; quæ quia esse non potest cum victrice gratia, sequitur nec esse posse suspensionem consensûs, & actionis eiusdem gratiæ; sed esse ista quoad exercitium necessaria, & quod idem est, carere indifferentia contradictionis. Et hoc satis declarat quod dicit, *Quemadmodum igitur, qui sub gratia ad opus bonum determinante operatur, simul etiam peccare potest, ita quoque è contrario qui ista gratia destituitur, siue fidelis, siue infidelis, & peccati temptationibus quatur, potest benefacere.* Non quidem quasi semper etiam ante susceptam Christi aut Dei fidem, gratia ad non peccandum muniatur, quo nihil alienius ab Augustini doctrina dici potest: aut arbitrium etiam ante gratiam sit in illius indifferentiæ equilibrio quæ se ad utrumlibet nulla mutatione facta in requisitis ad agendum, pro libero voluntatis nutu flectat, quod non minus capitaliter principijs Augustini aduersatur. Sed &c. En quid requirat, ut vel ille qui est sub dispositione gratiæ possit non consentire: vel ille qui est sub dispositione concupiscentiæ non peccare: nimirum *ut fiat aliqua mutatio in prærequisitis ad agendum.* Et ideo negat illum qui dicitur posse peccare, habere gratiam ad non peccandum necessariam. Ergo per id quod dicitur, eum qui peccat posse non peccare, intelligendum est tantum esse illum in statu in quo possit recipere gra-

gratiam ; & quando illa aduenerit , posse non peccare , quod adhuc exprimit , cum dicit excitari homines & corripit , *Non ut significetur adesse illam IMMEDIATAM operandi potestatem, quam tribuit gratia, ut nutu voluntatis ei tantum accedente , influxum eius sequatur , aut non sequatur .* Ergo cum dicitur quis posse non consentire concupiscentiæ cui succumbit, nihil aliud significatur , quàm posse illum habere potestatem non consentiendi : & quando illam habuerit, posse non consentire . Et ideo iterum indifferentiam ita explicat , *Quia si Spiritus sanctus aspirauerit, bonam voluntatem suscipere potest homo in hac vita .* Interea vero fatetur esse præsentem consentiendi , & peccandi necessitatem , vnde dicit postea . *Itaque Sanctus Augustinus huiusmodi peccata, quæ ex ista contracta per peccatum scilicet Adami, peccandi necessitate contingunt, vera peccata esse profitetur, quamuis ea, voluntas ita constituta vitare non possit .* Tandemque concludit hæc omnia indiscriminatim intelligi tam de indifferentia contradictionis quàm contrarietatis ; Quæ omnia licet cum aliquo forte lectoris tædio, fuerit tamen referenda , ut euoluatur Iansenij doctrina , nec possint Ianseniani criminari aliquid imponi Magistro . hæc igitur summa est huius doctrinæ . In hac vita potest excogitari quadruplex status voluntatis . Primus ut sit sine vlla delectatione boni , & sine vlla delectatione mali : & tunc voluntas non est libera , quia nihil habet in potestate . Delectatio enim est id per quod habet aliquid in potestate , quæ cum hic deesse supponatur , consequenter nec quidquam esse

esse in potestate supponi potest. Secundus est, ut habeat voluntas delectationē boni victtricem, & delectationem mali pariter victtricē; unde fiat, ut utrumque habeat in potestate, facere & non facere bonum, & facere ac non facere malum. Et hic status est impossibilis, ut patet ex terminis, quod repugnet duos de vna & eadem repugnantes esse ambos victores. Superfunt igitur alij duo status liberæ voluntatis. Primus est, ut voluntas supponatur habere delectationem boni tantum, aut si habeat etiam mali, inæqualem tamen, & minorem. Et tunc voluntas habet tantum in potestate facere bonum: non facere, autem non est in potestate, sed erit si hæc boni delectatio tollatur aut minuatur, & mali delectatio, vel adueniat de nouo, vel crescat. Et in hoc consistit eius indifferentia. Alter status oppositus est, si supponatur voluntas habere delectationem mali tantum, boni autem vel nullam habere, vel minorem, & inæqualem. Et tunc voluntas habet in potestate tantum facere malum; non facere autem, vel facere bonum non habet in potestate; sed potest habere, quatenus potest aut tolli, aut minui mali delectatio adueniente aut crescente delectatione boni: & in hoc pariter indifferentia eius posita est. Ego verò cōtendo hanc esse meram larvam, seu potius spectrum quoddam illius indifferentiæ quam dicit Iansenius à Sancto Augustino, & à Patribus agnitam: ab hæreticis negatam: & à Catholicis, si velint illam esse fidem retinendam, quod mox probabitur.

Con-

§. 4. Contradicere Iansenium sibi ipsi, Augustino, Tridentino, Scripturę Sacre, & communi mortalium sensui.

ET primò, hæc doctrina contradicit ipsi auctori. Ille enim fatetur ita conuenire indifferentiam libero arbitrio, ut quibuscumque positis quæ ad agendum bonum & malum requisita sunt, possit liberum arbitrium in hac vita facere bonum & malum, facere alterutrum, & non facere, Et iterum, Dicimus liberum arbitrium quantumcumque vehementi atque efficaci gratiæ delectatione præuentum atque determinatum ad faciendum bonum, adhuc tamen posse bonum non tantum non facere, sed etiam malum. Verum est enim istud, non in sensu composito ut vulgò dici solet, sed in sensu diuiso. Quid est hoc? Omnibus positis quæ prærequiruntur potest facere alterutrum, & non potest facere alterutrum, nisi fiat aliqua mutatio in prærequisitis? Quid est quantumcumque vehementi delectatione præueniatur, potest non facere, hoc est suspendere actionem suam; & non potest suspendere sub veravis dispositione, non potest suspendere potentia immediata, non potest suspendere nisi desinat delectatio quæ vehementer mouet, & adueniat contraria? Non est hæc mirabilis quædam pugna confusioque cogitationum?

Adde quod dicit eodem libro, dum putat se suam sententiam defendere posse eadem ratione, qua Thomistæ, In libero arbitrio quantumcumque per gra-

Lib. 8. ca. 20.

Ib. cap. 4

gratiam preparato atque determinato, reperiri simultatem potentiae ad operandum, & non operandum: esto
 Ib. ca. 20 non sit potentia simultatis, Et quod idem est. Quamvis duo actus contrarii sint oppositi, & in eadem voluntate simul esse non possint, potestates tamen ad opposita, non sunt oppositae: nec sibi inuicem, nec actibus oppositis: sed in eodem simul subiecto siue agente, siue quiescente simul commorantur. Est similtas, inquit, potestatum, & potentiarum: & potestas haec datur voluntati per victricem delectationem: Ergo ne igitur est similtas victricium delectationum? Est similtas potestatum: & voluntas sub ea dispositione sub qua potest vnum oppositorum non potest alterum, nisi fiat mutatio in praerequisitis? Et quae est illa mutatio quae fieri debet in praerequisitis, nisi quia debet cessare id quo dabatur potestas ad vnum, adueniente potestate ad alterum? Et ibi est similtas potestatum, vbi necesse est vt potestates sibi succedant, & vna det locum alteri?

Lib. 7. de
 gra. Salu.
 cap. 2. 3. Iterum, Quid est potestatem ad vnum non habere oppositionem cum actu opposito? Non recordatur se docuisse mouente voluntatem delectatione victrice actum oppositum esse extra illius potestatem? Et fieri potest vt simul sint ambae potestates, & tamen actus qui vni opponitur, non possit dici esse in potestate ratione alterius? Quod si non potest, quomodo non habet oppositionem cum illa potestate per quam excluditur?

Vsitata est ista desidentium cogitationum pugna in Ianseniana Theologia. hic autem inde processit

cessit deceptio , quod putauerit se eodem modo philosophari posse quo Thomistæ , cum diuersissima sint eorum principia . Nam Thomistæ cum victrice concupiscentia , verbi gratia , ponunt sufficientem gratiam ad resistendum peccato : & cum victrice gratia supponunt etiam naturam esse sufficientem ad resistendum : nec putant quidquam requiri in alterutro casu quod habeat rationem principij , & virtutis actiue : & ideo dicere possunt simultatem esse potentie ad vtrumlibet oppositorum , immediatè ac proximè . Neque vnquam sensum compositum & diuisum sic explicuerunt , vt dicerent voluntatem posse vnum in sensu composito , & in sensu diuiso , hoc est successiuè atque ex hypothesi quod fiat mutatio in prærequisitis , posse alterum . Nunquam Thomistæ ita sensum illum compositum & diuisum explicuerunt . Iansenius cum neget sub victrice concupiscentia gratiam esse sufficientem ad resistendum , & vicissim ; itaque putet necessariam esse successionem aliquam potentie sufficientis ad vnum oppositorum , & sufficientis ad aliud ; vult tamen videri idem sentire quod Thomistæ , eademque distinctione sensus diuisi , & sensus compositi euadere posse . In quo admodum fallitur , nec vllum vnquam inueniet ex Thomistis qui hætenus scripserunt , qui non repellat insinuantem sese , ac doctrinæ societatem in hac parte falsò affectantem . Scio id quod dicunt Thomistæ suas habere difficultates , de quibus inter nos contentio est ; sed aliud est videre quid sentiant , aliud quid,

Z

con-

contra eorum sententiam obijciatur.

Sup. con
tr. Nou.
Aug. c. 2.

Lib. 6. ca.
34.

Secundo hæc doctrina contradicit Augustino, ex cuius sententia Iansenius putat admittendam esse. necessario indifferentiam in hoc statu viatorum. Probatur. Quia si quando Augustinus docuit necessario admittendam esse indifferentiam; hoc docuerit dum impugnaret eos qui eam negabant, cuiusmodi fuerunt Astrologi, Philosophi Stoici Assertores Fati, & potissimum Manichæi: Et ideo testimonia pleraque, ex ijs quæ allata sunt superius ad probandam indifferentiam, sumpta sunt ex libris scriptis contra Manichæos. Et Iansenius ipse hoc fatetur cum dicit, *Itaque respondeo, argumentum esse verissimum, quo concluditur admittenda indifferentia. Quod ab ipso Augustino, Damasceno, Bernardo & ceteris, non solum admittitur, sed velut Catholice fidei immobilis basis aduersus Manichæos aliasque pestes, veritatis & libertatis inimicas, invictissime defenditur, ac defendi debet.* Debet igitur admitti iuxta mentem Augustini indifferentia quam illæ pestes negabant. Atqui non negabant illam quam admittit Iansenius. Quodnam enim est vestigium, quod Manichæi dixerint esse in hac vita in quibusdam perpetuam amandi Dei, verbi gratia, necessitatem, in alijs perpetuam necessitatem odio habendi? Vsq̃uam ne colligi potest ex ijs quæ docet Augustinus adeo illos insaniuisse, ut negarent vllam esse illorum actuum vicissitudinem, vllamue interruptionem in hac vita, ne in dormientibus quidem?

Et

Et Astrologi & Fatidici, qui ex stellis, vel ex fato in hominum voluntates deriuant certorum actuum necessitatem; deriuant-ne immutabilem necessitatem? Non admittunt varias ac discrepantes pro varijs temporibus actuum etiam contrariorum necessitates? An non igitur admittunt cum proxima ad vnum potentia, esse in voluntate potentiam mediatam, & remotam ad oppositum? An non concedunt voluntati eam flexibilitatem quâ, *facta mutatione aliqua in prærequisitis ad agendum*, voluntas verti possit ad opposita? Sed hæc est Ianseniana indifferentia: Ergo & illam admiserunt Manichæi, & cæteræ pestes humane libertatis, & aliam requisivit Augustinus cum eos refutauit: ac proinde minimè contentus fuit Ianseniana indifferentia.

Atque hinc patet quam verum sit, & quam coherentè dictum id quod supra retulimus ex Iansenio, cum Pelagiani *contentiosissimè* postularent indifferentiam, Augustinum *constantissimè* illam negasse: neque vnquam dum eos impugnât, concordiam diuinæ gratiæ cum libertate per indifferentiam explicuisse. hæc enim quomodo stare possunt cum eo quod docet Iansenius, qui putat ex loco illo Ecclesiastici, *Deus reliquit hominem in manu consilij sui*, probari indifferentiam contra Manichæos? Etenim Locus idem adhibetur ab eodem Augustino in libro de gratia & libero arbitrio, vbi disputat contra Pelagianos, & refellit calumniam violatæ libertatis admissa necessitate gratiæ. Ergo vt satisfaciât Pelagianis eo testimonio vitur, quo

Lib.6. de
gra.Salu.
cap.34.

continetur confessio indifferentiæ a Manichæis negatæ.

Et ideo quod dicit Iansenius ab Augustino *constantissime* negatam indifferentiam quam Pelagiani postulabant, adeo non est verum, ut potius dicendum sit constantissime concessam, dummodo non excluderent gratiam. Quod est, placuisse Augustino rem ipsam, sed improbatum rei modum quo Pelagiani utebantur. Volebant enim hanc indifferentiam, etiam ex ea parte qua bonum respicit, constitui per naturam seclusa gratia: & hoc est quod *contentiosissime* postulabant. Augustinus e contrario volebat constitui per gratiam: & hoc est quod *constantissime* contendebat, de cætero paratus *inire pacem* cum illis, & *dextras iungere*, si gratiam illam admitterent, ut manifeste constat ex ijs quæ diximus superius. Vnde iam ita possumus argumentari,

Sup. con-
tr. Nou.
Aug. c. 2.
arg. 33.

Pelagiani petebant ut admitteretur immediata, liberi arbitrij ad vtrumlibet facultas: Sed Augustinus putavit concedendum quod petebant, dummodo non excluderetur gratiæ necessitas; Ergo Augustinus putavit concedendam immediatam ad vtrumlibet facultatem, dummodo non excluderetur gratiæ necessitas. Et hanc fuisse mentem Augustini probari potest ex omnibus ijs testimonijs, quæ loco iam citato adducta sunt. Significant enim illam expeditam ad vtrumlibet potestatem, sed respectu boni salutaris per gratiam, respectu mali per naturam. Non est quod ea hic repetam. Lector id statim intelliget si ea relegat.

Ter-

Tertio hæc doctrina contradicit Tridentino: quia continet in terminis contradictoriam definitionis eius sententiam. Dicere enim liberum arbitrium *motum*, & *excitatum* a Deo; est dicere liberum arbitrium *sub motione*, & *excitatione*: & dicere, *potest dissentire*, est dicere, habet potentiam & potestatem dissentiendi. Atqui Tridentinum definit liberum arbitrium *motum & excitatum posse dissentire*. Ergo definit liberum arbitrium sub motione, & excitatione habere potentiam, & potestatem dissentiendi. At iuxta doctrinam Iansenij superius relatam & explicatam, liberum arbitrium *sub utraque dispositione* non potest opposita, sed per diuinam motionem accipit potestatem tantum ad consensum, & ut sit potestas ad dissensum, oportet ut abeat hæc motio, & contraria adueniat. Ergo sub dispositione diuinæ motionis, sicut caret motione contraria, ita etiam caret potestate, & potentia dissentiendi. Ac proinde aut verum est *motum & excitatum* a Deo, hoc est sub diuina motione *non potest dissentire*: quod est contradictorium Tridentino: aut verum est, quando non habet potestatem, aut potentiam dissentiendi, potest dissentire, quod est ridiculum.

Et iam ostensum est quam non habeat locum in sententia Iansenij distinctio sensus compositi, & diuisi, quæ locum habet in sententia Thomistarum ob diuersas eorum hypotheses.

Quartò hæc doctrina contradicit Scripturæ. Nam locus ille Ecclesiastici, significat euidenter immediatam Cap. 15.

diatam facultatem ad bonum & malum Quid enim sibi velle possunt verba illa. *Apposuit tibi aquam, & ignem, ad quod volueris porrige manum tuam. Ante hominem vita & mors, bonum, & malum, quod placuerit ei dabitur illi*: postquam ex Sancto Augustino qui eis utitur contra Pelagianos, locum habent etiam in natura lapsa? Quid inquam sibi velle possunt? Nonne manifeste significant facta per gratiam boni copia, perinde expositum esse ignem & aquam, vitam & mortem, hoc est bonum & malum? Ecquis audeat ubi paritatem scriptura ponit, disparitatem inducere? Quis ferat nullum esse tempus in quo possit esse optio boni vel mali: seu in quo utrumque sit homini propositum; sed vno tempore appositum esse bonum tantum, & tunc non posse malum operari; expectandum enim esse ut fiat. successio dispositionis alterius, qua adueniente manus extendi poterit ad malum, sed non poterit tunc extendi ad bonum, nisi fiat alia iterum mutatio? Hoc dicere, interpretari est scripturam, an corrumpere?

Eandem vim habet, quod continetur Deuteronom. cap. 30. *Mandatum hoc quod ego precipio tibi hodie, non supra te est, neque procul positum: nec in cælo situm ut possis dicere, quis nostrum valet ad cælum ascendere, ut deferat illud ad nos, ut audiamus, atque opere compleamus. Neque trans mare positum, ut causeris, & dicas, quis ex nobis possit transfretare mare, & illud ad nos usque deferre, ut possimus audire, & facere quod præceptum est. Sed iuxta te est sermo*
val-

valde, & in corde tuo ut facias illum. Supponamus hominem sub motione concupiscentiæ positum, & ut Iansenius supponit motione gratiæ carentem. Ille hoc ipso quod caret gratia, caret etiam potestate obseruandi mandatum contra quod a concupiscentia impellitur, quia illa potestas non datur nisi per gratiam. Quo sensu igitur potest illi dici, quod tibi præcipitur *non est supra te nec procul positum, sed est iuxta te valde in corde tuo?* Habere gratiam quam Deus non vult dare, non est supra me? Est valde iuxta me, & in corde meo ut faciam id ad quod habeo tantum potentiam remotam? Et si expectandum est ut veniat Dei gratia, non est pariter expectandum ut de cælo veniat, vel ut in cælum ascendant, qui gratiam illam afferat? Pete, inquires, & Deus dabit tibi. At, numquid pariter verum est in schola Iansenij, dum non peto denegari gratiam ad petendum? Quid ergo faciam, & quid exigitur a me? Deus non vult mihi dare gratiam, ut impleam mandatum: non vult etiam mihi dare, ut orem & petam quo indigeo; an est positum in potestate mea, ut Deus habeat voluntatem quam habere illi non placet? Et quod pender ex illa voluntate non est supra me? Et ego censebor id posse quod non possum nisi supposita conditione, quæ non est, & quam ego ponere non possum? Et dicitur iuxta me positum quod tam procul distat a me, quam procul eleuatur supra dominium creaturæ Dei voluntas? Non est quæstio iam quid perdidierim, aut potius quid mihi perdidit Adamus.

Quæ-

Quæritur quomodo verum sit quod Deus iam post illam iacturam mihi dicit: & constat euidenter, si vera sit doctrina Iansenij, falsum atque illusorium esse quod dicit quod cogitare blasphemum est.

Cap. 31.

Adde illud quoque Ecclesiastici, quo beatus dicitur *is qui potuit transgredi, & non est transgressus, facere malum, & non fecit*. Vbi enim est, vel quando fuit ille beatus? Nonne manifestum est in doctrina Iansenij nullum vnquam fuisse qui posset transgredi, & non transgredere? Age, cum propositiones de præterito verificari debeant per verba de præsentis, quodnam vnquam fuit momentum, in quo verum esset de aliquo, *Ille iam potest transgredi, & non transgreditur*? Potest-ne quisquam transgredi iuxta Iansenium, si delectatio præpollens concupiscentiæ non ponat transgressionem in potestate voluntatis? Et si illa transgressionem ponit in potestate voluntatis, quisquam ne potest non transgredi? Quid hic laudatur nisi voluntas non transgrediendi? Est-ne autem vllus qui potuerit habere illam voluntatem, & non habuerit? Vel est ne vllus qui potuerit voluntate transgredi, & non transgressus sit? Laudat ergo Scriptura vel quod nunquam fuit, vel quod omnium est. Nam si sit quæstio de potentia proxima volendi transgredi, nunquam illa fuit quin fuerit transgressio, vel in effectu, vel in affectu: si verò sit quæstio de potentia tantum remota, nemo est qui ea ratione possit transgredi, & tamen transgrediatur: ac proinde cum dicit scriptura, *quis est hic,*

Tom. 3.
lib. 7. de
gra Salu.
cap. 2.

hic , & laudabimus eum respondere debet Iansenius , vel nullus est huiusmodi , vel omnes sunt : & consequenter fictitia sunt mirabilia illa quæ fecisse dicitur hic beatus in vita sua , quia vel nusquam sunt , vel communia sunt omnibus hominibus , ac proinde non sunt mirabilia .

Quintò , contradicit hæc doctrina communi sensui omnium mortalium , qui quoties libertatem indifferentiæ concipiunt , concipiunt libertatem solutam a vinculo necessitatis ad vnum determinantis , quæ in sententia Iansenij nunquam reperitur . Semper enim est necessitas , non eadem quidem ; sed semper est vna , vel altera : nempe vel illa quam imponit delectatio iustitiæ , vel illa quæ imponit delectatio concupiscentiæ . Vnde hic reperitur mutatio tantum necessitatis , non vero exemptio . Quemadmodum autem cum cui mutantur compedes , ita ut dum vnæ tolluntur inferantur aliæ , nemo solum dicit aut liberum : quod semper compediatur , esto non eadem compede ; ita ridiculum est tribuere voluntati solutionem a necessitate , propterea quod non eidem semper subsit , si semper subest alicui .

Confirmatur , Quia quotquot indifferentiam tribuunt voluntati , intelligunt indifferentiam actiuam , & quæ illi conueniat tanquam causæ efficienti ; at in sententia Iansenij , si quam habet passiuam , est , eique conuenit tanquam subiecto recipienti . Eò enim res tota reducitur , ut dicatur indifferens voluntas , quia potest recipere , vel motionem gratiæ

A a

cum

cum qua recipiet necessitatem bene agendi; vel motionem concupiscentiæ, cum qua recipiet necessitatem male agendi. Ipsa vero nullam prorsus habet optionem ad alterutram, sed tota optio penes Deum est, cui si placuerit dare motionem gratiæ, imponet voluntati vnam necessitatem; si placuerit eam subtrahere, vel negare; statim alia succrescet ex concupiscentia, ipsâ etiam inuitâ; Igitur tota quæ hic reperitur actiua indifferentia penes eum est, qui potest hoc aut illo modo: ligare tota vero quæ in voluntate reperitur passiuâ est, & merâ non repugnantia vt hoc aut illo modo ligetur. Quo igitur sensu dici poterit per hanc indifferentiam libera voluntas ad agendum, & non agendum? Esse passiuam necessitatis agendi, vel necessitatis non agendi, hocine liberum est? Quis hætenus libertatem ita est interpretatus?

Deinde, Esto, possit voluntas quæ vni motioni subest dici libera ad agendum id ad quod ea impellit: at tunc non potest dici libera ad oppositum, quia deficiente opposita motione oppositus etiam effectus extra potestatem voluntatis ponitur ex Iansenio: ac proinde quod dicitur, liberum arbitrium esse liberum ad opposita, falsum erit. quia nullo vnquam tempore poterit verificari propositio. Quotiescumque enim dicetur liberum ad vnu oppositum; aliud erit extra ipsius potestatem. Atque ita dicetur ad summum liberum ad vnum, & aptum recipere libertatem ad aliud, si ea detur: itaque esse actu liberum ad vnum, & hac amissa libertate posse fieri liberum ad aliud. Quem
autem

autem vnquam inuenient, qui hanc indifferentiam ita interpretatus sit.

Adde nec stare posse quod docet Iansenius, ex cō-
muni hominum sensu, arbitrium esse liberum idem
esse, atque esse *inalligatum*, *inimpeditum*, &c. Se-
quitur enim inde si sit liberū ad opposita, debere es-
se *inalligatum* ad opposita. Quando autem verum
est, liberum arbitrium non esse alligatum ad oppo-
sita? Nunquam enim est liberum nisi beneficio ali-
cuius delectationis, vt ille dicit. Sit ergo delectatio
iustitiæ, illa vt idem dicit *vinculum* est, per quod al-
ligatur amor iustitiæ, & impeditur ab amore ini-
quitatis: quomodo ergo tunc dicitur *inalligatum* re-
spectu oppositorum, cum sit respectu vnius oppositi
ligatum, & respectu alterius impeditum? Certè quot-
quot hactenus existimarunt libero arbitrio conceden-
dam esse aliquam indifferentiam, existimarunt talem
esse concedendam, quæ propria illius esset, qua libe-
rum est. Ea verò quam concedit Iansenius, vt cau-
sas alias præteream, conuenit omnino appetitui bruto-
rum. Non nego aliunde differre, quod voluntas
sequatur cognitionem perfectiorem; sed ex parte in-
differentiæ, & modo quo voluntati conuenit iuxta
Iansenium, constat ex dictis nullum prorsus esse di-
scrimen. Potest enim canis eodem modo in oppo-
sita ferri, & eandem rem fugere quam appetebat, si
fiat aliqua mutatio in requisitis ad actionem: & dum
vni obiecto per suum appetitum ligatur, solutus est
atque *inimpeditus* respectu cuiuscumque alterius: ac
proinde quanta homini tribuitur à Iansenio indiffe-

Tom. 3.
lib. 6. de
grat. sal-
uat. c. 2.

A a 2 rentia,

rentia, si attenditur ipsa præcisè indifferentiæ ratio, indifferentia canis est. Atque ex his satis colligitur quod initio propositum est, negatam à Iansenio indifferentiam illam, quam naturalis ratio, quam Augustinus, quam Concilium Tridentinum, quam Scriptura admittendam definiunt: & Apologistam, vel non intellexisse Iansenij sententiam, vel eam dissimulasse, quando dixit non negare illum indifferentiam humanæ voluntatis in hoc statu rerum. Sed examinandum est quod insuper addit, negasse tantum esse libertati necessariam, & videndum an hoc quoque recte negare potuerit.

C A P. I I I.

An recte Iansenius dixerit indifferentiam ad contraria, vel contradictoria non pertinere ad rationem liberi arbitrij, sed posse adesse, vel abesse stante illæsa libertate.

§. I. Ostenditur hoc dixisse Iansenium, & in eo secum pugnare, nec ab Apologista bene defendi.

Lib. 6.
de grat.
Sal. cap.
34.

HOC dixisse Iansenium fatetur Apologista, & constat ex locis superius citatis. Loquimur autem de libertate quæ necessaria est ad meritum vel demeritum, præmium, vel poenam. Hoc igitur in primis nego potuisse à Iansenio dici, nisi vellet secum pugnare. Quid enim est quod paulo ante retulimus, argumento quo concluditur

ditur indifferentiam esse admittendam, consentire Augustinum, Damascenum, Bernardum, & ceteros, eamque conclusionē inuictissimè defendere veluti *Catholicae fidei basim immobilem aduersus Manichaeos, aliasque pestes Veritatis, & libertatis?* An non hinc rectè deducitur, ergo qui conclusionem illam negant, hoc est qui negant indifferentiam, *sunt pestes Veritatis, & libertatis?* At, si potest abesse indifferentia manente illaesa libertate, quid ei nocent qui eam tollunt? Et quid est quod dicit, esse *basim*? Quid cadet si tollatur illa basis, postquam libertas nihilominus stat? Iansenij verba sunt ista. Itaque si etiam in hac *Vita Dei inspiratio tam stabiliter, ac delectabiliter Deo operante inhaereret voluntati, ut eam non posset abijcere* FOELICISSIMUM, FORTISSIMUM, LIBERRIMUMQUE merito diceretur atque esset arbitrium, hoc est, si non esset indifferentia, fortissimum, liberrimumque maneret arbitrium. Quid ergo sustinet illa basis? Et cur dicitur immobilis quæ tolli potest sine rei vllius ruina? Quod si *pestes* sunt libertatis qui tollunt hanc *basim*, nonne hac lue infecta est Iansenij Theologia, quæ docet non esse necessariam?

At dicit Apologista, quamuis indifferentia non faciat ad rationem libertatis, est tamen argumentum quo libertas probari potest, unde qui hoc negant, censeri possunt esse pestes libertatis. Contra, est ne argumentum necessarium, nec-ne? Si est, errat Iansenius qui necessarium esse negat: si non est, ergo quamuis a Manichæis negetur, non ideo libertas tollitur. Sed examinemus huius argumenti vim. Voluntatem posse

Cap. 34.
lib. 6. de
grat. Sal.

Lib. 8. de
grat. Sal.
cap. 17.

posse facere, vel non facere, medium est, inquiunt ad inferendam eius libertatem. Ego verò contendo in doctrina Iansenij medium hoc vel nullum esse, vel esse inutile: Quia si nihil aliud adiungatur, nullum est hoc medium: si quid aliud adiungatur, est inutile. Duobus enim modis potest confici argumentum. Primo in hunc modum. Agens appetituum quod potest agere vel non agere, consequenter est liberum: Sed hominis voluntas est talis. Ergo &c. Dico nullum esse argumentum. Quia si illud, potest agere & non agere, intelligatur de potentia proxima & immediata, minor est falsa. Constat enim ex Iansenio talem potentiam non convenire voluntati in hoc statu. Si vero intelligatur de potentia remota, & ex suppositione quod fiat mutatio in requisitis ad agendum, maior falsa est. nam eo modo appetitus canis potest agere, & non agere, & tamen non est liber. Est igitur addendum aliquid ad illud medium. Vnde potest formari hoc alio modo argumentum. Agens appetituum quod ex plena rationis aduertentia potest agere & non agere, liberum est: Sed talis est voluntas. Ergo &c. Concludit quidem argumentum. Sed illud, & non agere, quod est in maiori, superfluum est in doctrina Iansenij: quia perinde valet si dicatur, Agens appetituum quod ex plena rationis aduertentia potest agere, liberum est. Si quis diceret, agens sensitivum, & risibile est animal, quæreremus statim, quid ibi facit risibile, cum eo sublato nihilominus valeat propositio.

tio? Pariter dici potest de alia illa, quid ibi facit, & non agere, cum perinde valeat, & concludat in doctrina Iansenij, qui vult actionem appetitus rationalis operantis ex plena rationis aduertentia, eo ipso & incoactam, & liberam esse? Ex eo igitur capite non sunt rei Manichæi, quod negent id ex quo libertas inferri potest quocumque modo; sed quod negent id quod cum ea tam necessariò est connexum, ut nec adesse possit quin adsit libertas, nec abesse quin eadem destruat. huiusmodi autem est indifferentia prout dicit proximam, & immediatam agendi, & non agendi potentiam. Hæc igitur est pestis Manichæorum, qua tacti probantur quotquot similiter dicunt indifferentiam adesse, & abesse posse illa se libertate.

§. 2. Pugnat etiam cum sensu Ecclesiæ & S. Augustini.

VNde addo Secundò, & Ecclesiã, & S. Augustinũ indifferentiã sumere ad probandã arbitrij libertatẽ tanquã mediũ conuertibile cum prædicato, quale debet esse mediũ demonstratiui syllogismi. Mediũ, inquã, quo affirmato affirmatur quod quis vult concludere, & quo negato id ipsum negatur. Quod hæc sit mens Ecclesiæ discimus ex diuo Thoma. quæstione illa sexta de malo. ubi *hereticam* pronuntiat eam doctrinam, non solum quæ negat ex indifferentia colligi posse libertatem, sed quæ putat eam retineri posse sine indifferentia, cum dicit *tolle rationem meriti, & demeriti*. Non enim, inquit,

vide-

videtur esse meritorium vel demeritorium, quod aliquis sic ex necessitate agit, quod vitare non possit. En quid requirat ad meritum, seu quo sublato ruit libertas ad merendum, & demerendum necessaria, voluntatem sic agere, quod vitare possit. hæc est indifferentia.

Hanc eandem esse Augustini mentem constat ex argumentis cap. 2. allatis. Nam cum liberum definiat, per hoc quod est *aliquid esse in nostra potestate*: & aliquid esse in nostra potestate declarat per hoc, quod si volumus facimus, hoc est cuius faciendi, vel non faciendi facultas penes nos est, quæ est expressio indifferentiæ: & hoc primitus convenire dicat actibus voluntatis; manifestum est ex Augustino, indifferentiam pertinere ad definitionem liberi, postquam pertinet ad conceptum eius quod est, aliquid esse in nostra potestate, per quod liberum definitur. Ergo illa non magis potest abesse, aut negari de libero, quam possit abesse aut negari de definito id quod quod pertinet ad eius definitionem.

Secundò, De quo negatur necessitas quam non possimus admittere aut reijcere, de eo affirmatur indifferentia saltem ad admittendam, aut reijciendam huiusmodi necessitatem: Sed de actibus omnibus quibus perperam, aut recte vivimus, negatur necessitas quæ non sit in nostra potestate, & consequenter quam non possimus admittere, aut reijcere, ut patet ex secundo argumento. Ergo de iisdem affirmari debet indifferentia. Et quia Augustinus non putat admittendam esse *ullo modo* talem
neces-

necessitatem ; consequenter nec putat excludendam
ullo modo indifferentiam oppositam . Ergo repugnat
Iansenio qui dicit hanc indifferentiam *abesse posse* .

Tertiò , Augustinus non putat volitionem esse li-
beram quæ non est elicitæ connaturaliter supposita
plena rationis aduertentia , vt constat ex tertio argu-
mento, Iansenio & Iansenianis consentientibus . Esse
autem sic elicitam , est esse elicitam à principio ha-
bente rationes agendi & non agendi , vt ibidem
ostensum est , & consequenter à principio constituto
in indifferentia . Ergo non putat Augustinus volitio-
nem esse liberam, quin sit elicitæ à principio consti-
tuto in indifferentia agendi & non agendi .

Quartò , Interrogatio illa Augustini, de qua in ar-
gumento quarto , *Quis peccat in eo quod nullo modo ca-
ueri potest ?* æquiualeat huic negatiuæ, *Nemo peccat in
eo quod nullo modo caueri potest* : hoc autem idem est ,
ac dicere, neminem peccare nisi potentem non pec-
care , quod est esse indifferenter . Ergo hic quoque
apud Augustinum valet consequentia à negatione
indifferentiæ ad negationem libertatis sufficientis ad
peccandum . Ergo falsum posse illam abesse .

Quintò, Eundem sensum habet quod relatum est
in quinto argumento de illa disparitate, quam ponit
August. inter motum hominis, & motum lapidis, dum di-
cit, ideo motum hominis illi imputari, quia habet in
potestate vt non moueatur ; lapidi autem non im-
putari, quia non potest non moueri . hoc enim est
clare significare, potestatem mouendi se, vel cohiben-
di motum suum, esse rationem qua posita imputatur

B b

motus

motus ei qui se mouet, & qua sublata non imputatur. Ergo non potest adesse & abesse stante imputabilitate illa.

In sexto pariter ostensum est, vnicam rationē qua utitur Augustinus, cur inexcusabiles sint homines qui vel ex ignorantia, vel ex infirmitate peccant, eam esse, quod non desit Dei auxilium quo possint vincere difficultates illas: ideoque reos esse propriæ negligentiae, de cætero absoluendos, si & aliorū exemplo, & continuis, quibus à Deo pulsantur & intus & foris, inspirationibus, non constaret nulla eos necessitate succumbere tentationibus, sed quia uti nolunt oblata facultate erigendi sese; Ergo hic quoque monstratur, posse non peccare in peccatoribus requiri, ut ijs peccatum imputetur: alioqui non imputandum. Idem expressimè significatur in septimo, & in ver-

Cap. 12. bis illis relatis ex libro de quantitate animæ. Si ita coguntur, animæ peccare, *ut potestas resistendi nulla sit; nō peccant.* Idē & in octauo, & illa definitione peccati ad quam requirit, ut sit *liberum abstinere*, quod monstratum est ex mente Sancti Augustini pertinere ad omne peccatum proprie dictum, etiam in statu naturæ lapsæ. Idem & in nono, ubi *summæ iniquitati, & insanie attribuit Augustinus, peccati reū teneri quemquam, quia non fecit quod facere non potuit.* Et carere libero ad faciendum, & non faciendum animi motu negat coniungi posse cum eo quod est, *voluntate peccare.* Et in decimo ubi dicit, *nos ideo peccare diligendo corpore quia, & iubemur, & natura per gratiam adiuta possumus diligere spiritualia*, quæ ratio nulla esset, si peccare

care possemus etiam si nec gratiam ullam nec facultatem haberemus ad abstinendum à peccato.

Possem hoc modo percurrere argumenta cœtera, & monstrare perpetuam hanc fuisse Augustini cogitationem, non solum adesse indifferentiam libero arbitrio, sed etiam requiri, hoc est *abesse non posse*, contra quam sentiat Iansenius. Sed hæc sufficiunt, & præstat euitare tædium inutilis repetitionis. Relegat ea lector, si lubet, & inueniet illis fere triginta quinque Augustini testimonijs perinde probatum, liberum arbitrium stare non posse sine indifferentia, ac probatur reipsa non stare.

§. 3. *Inferuntur ex dictis aliquæ contradictiones in Ianseniana Theologia.*

ATque ex his primo constat quam sit verum, quod dicit Iansenius, Augustinum nihil omnino de indifferentia ad peccandum, & non peccandum fuisse sollicitum, mordicus illam negauisse Iuliano postulanti: Tantum esse silentium istius indifferentiæ contradictionis tanquam libertati necessariæ, ut ad saluandam arbitrij libertatem sub gratia, numquam, vel semel eam adhibuerit in vniuersis suis aduersus pelagianos lucubrationibus, vnde suspicari quis possit esse meram philosophiæ sætum, & à nullis antiquis Gratiæ defensoribus Augustino, Prospero, Fulgentio sub nomine libertatis arbitrii, propugnatam, requisitam, agnitam. Item modum hunc saluandi libertatem per indifferentiam contrarietatis aut contradictionis, vel ignotum con-

Tom. 3.
lib. 8. de
grat. sal-
uat c. 9.

ib. c. 18.

B b 2 *temptum-*

temptumque esse priscis gratiæ defensoribus. Item, *ne vel semel probasse Augustinum* in libro de libero arbitrio, *esse illud indifferens*. Et, si *Augustini monumenta lustremus* *Uniuersa*, quæ contra inimicos gratiæ Pelagianos exarauit, nusquam vestigium apparere ullum, ex quo colligas ea ratione, *vel ab ipso defensam arbitrii libertatem*, *vel gratiam cum libero arbitrio esse conciliandam*, quod scilicet sub gratia voluntatem determinante, ut dicunt Thomistæ, simul potestas maneat, ut non velit, & non agat, ut iidem affirmant, dum vtuntur distinctione sensus compositi & diuisi.

Patet inquam ex dictis quam hæc verè dicantur. Cum ex testimonijs illis allatis ad probandam indifferentiam, aliqua sumantur ex lib. de Bono perseuer. de Correptione & gratia, de Gratia & libero arbitrio, de Peccatorum meritis, de Spiritu, & litera, qui scripti sunt contra Pelagianos. Alia ex libris de Ciuitate Dei, & ex libris Retractationum, in quibus post exortos & confutatos Pelagianos scriptis, confirmantur. Ad quid autem prædicauit indifferentiam cōtra inimicos veritatis, nisi uti libertatem ea ratione tueretur? Possem addere, hinc quoque conspici, quam parum sibi constet hic auctor, dum dicit Augustinū indifferentiam propugnasse aduersus *pestes libertatis veluti basim immobilem Catholice Fidei*. Quid enim hæc quæso sibi volunt? Disputauit Augustinus cum Manichæis, ut libertatem defenderet: disputauit & cum Pelagianis, ut probaret stare cum gratia, hoc est, de libertate disputauit contra illius destructores: disputauit & contra nimios illius defensores. Ut esse, probaret

probaret libertatem contra illos , indifferentiam docuit *veluti basim immobilem* Catholicæ veritatis , vt manere monstraret contra istos, de illa basi nihil omnino fuit sollicitus ? Quin & mordicus negavit Iuliano postulanti ? Mordicus negavit *basim immobilem* Fidei Catholicæ ? Indifferentiam negabant Manichæi *Catholicæ Fidei basim* ; Augustinus quia eam etiam negare videbatur , à Pelagianis Manichæus vocatus est ; & vt se purgaret apud Pelagianos quod eam destruxisset , numquam negavit se destruxisse , nusquam illius meminit , *numquam vel semel eam adhibuit , non propugnauit , non requisivit , contempsit , non agnouit ?* Quid ? Augustinus numquam negavit crimen , cuius accusabatur à Pelagianis ? Iuliano poscenti noluit vnquā confiteri *Catholicam veritatem , & basim fidei* , quam contra Manichæos propugnarat ? Zelus an providentia illi defuit in Pelagianis ad fidē reducendis , dum quod poterat , & quod debebat recusavit , negata poscentibus confessione *catholicæ veritatis , & occultata basi Catholicæ Fidei* ? Saltem hoc diceret , se quidem indifferentiam admittere , sed non tanquam necessariam ad rationem libertatis . At , ne semel quidem illius meminisse , nec agnouisse , contempsisse etiam veluti somnium humanæ philosophiæ , quis hoc ferat ? Eandem fidei basim petunt , & Manichæi , & Pelagiani : Manichæi , vt diruant , Pelagiani , vt opponant diuinæ gratiæ ; contra vtrosque Augustinus pugnat , & ita pugnat , vt contra Manichæos indifferentiam omnino propugnet , contra Pelagianos vero an flet cum diuina gratia , numquam asserat , hoc est ,

eius

eius rei de qua est quæstio numquam loquatur? Si est basis Catholicæ Fidei esse indifferentiam; est etiam basis Catholicæ Fidei esse sub gratia; vtrumque Augustino defendendum est, alterum contra Manichæos, alterum contra Pelagianos; illud defendit, de isto Pelagianis nequicquam vrgenribus non cogitavit? O Nou-Augustiniani ita-ne verò?

Tom. 3.
lib. 8. de
grat. Sal.
cap. 4.
ib. cap. 5.

Sed vide lector rem aliam in Ianseniana Theologia mirabilem. Postquam ostendit Iansenius se suam doctrinam tueri posse per vsum distinctionis sensus compositi, & diuisi, vt Thomistæ suam; addit postea quod paulo ante retulimus, si Augustini monumenta lustremus *Uniuerſa contra Pelagianos exarata, nullum vestigium appariturum, quod eo modo ipse libertatem tueatur.* Quod est, vsum sensus compositi, & diuisi, rem esse apud Augustinum ignotam, præsertim in ea disputatione qua Pelagianos impugnauit negantes libertatem & indifferentiam stare posse cū gratia. Et deinde vt tueatur phantasticam illam indifferentiam quam admittit, *Dicimus igitur, inquit, liberum arbitrium quantumcumque vehementi atque efficaci gratiæ delectatione præuentum atque determinatum ad faciendum bonum, adhuc tamen posse bonum, non tantum non facere, sed etiam malum. Verum est enim, non quidem in sensu composito, vt vulgo dici solet, sed in sensu diuiso.....qua de re qui plura volet, Auctores qui de physica prædeterminatione tractant consulendi sunt, sic enim illi indifferentiam contradictionis, atque contrarietatis quam ipsi libertatem arbitrii vocant, cum illa prædeterminatione conciliant. hoc est igitur quod*

San-

Sanctus Augustinus tradit, quando toties docet concupiscentiam, & ignorantiam, per quam nunc omnia peccata committuntur, non auferri ex nobis quamdiu in hac mortali vita versamur. hinc fit enim quod in nobis non solum ipsa potentia voluntatis quæ de se ad malum flexibilis est, sed etiam pondus ad peccandum remanet, quod est peccandi potestas perfectissima propter quam sanè liberum arbitrium qualicumque gratia ad agendum rapiatur, rectissime dici potest, posse peccare, licet fieri nequeat, ut ipsum peccatum simul in sensu composito cum gratie operatione societur. hoc est, inquit, quod Sanctus Augustinus tradit? Quid tradit? hoc quod dicunt Thomistæ. dum vtuntur distinctione sensus compositi, & diuisi. Tradit igitur distinctionem illam, & licet iisdem terminis non vtatur, tradit tamen ipsam rem. Hinc verò quid fit? Fit, inquit, ut potestas perfectissima peccandi maneat in nobis etiam sub motione gratiæ. Vnde iterum fit, liberum arbitrium quantumcumque rapiatur à diuina gratia, posse peccare, non tamen in sensu composito. Hoc autem est liberum arbitrium esse indifferens: ergo ex doctrina Augustini colligitur, & esse indifferens liberum arbitrium, quantumuis à diuina gratia raptum; & illam indifferentiam benè saluari per distinctionem sensus compositi, & diuisi, siue per rem illis vocibus significatam. Hæc autem ubi tradit Augustinus? Certè si vsquam, maxime in libris contra Pelagianos scriptis, & in ea potissimum quæstione qua contendit necessariam esse gratiam libero arbitrio concupiscentiæ seruo, hoc est, in ea quæstione, qua coniungi, & conciliari vult liberum arbitrium

bitrium, & gratiam. In ea igitur quaestione, & indifferentiam docet stare cum gratia, & distinctionem tradit sensus compositi & diuisi ad eam tuendam. Et tamen Augustinus nihil omnino de indifferentia fuit sollicitus: *mordicus* eam negauit Pelagianis: *contempsit* illam, *non agnouit*: & nullum est in omnibus eius scriptis vestigium, quod putauerit ea ratione gratiam cum libero arbitrio conciliandam: aut quod adhibuerit distinctionem sensus compositi & diuisi. Hæcne stare simul possunt?

Sed illud quod dicit mirabilius, Augustinum in libro de Gratia & libero arbitrio, *ne vel semel* probasse, esse illud indifferens: cum constet, quod iam ante notatum est, ad probandum liberum arbitrium attulisse locum illum Ecclesiastici, quo, ipso Iansenio consentiente, continetur probatio indifferentiæ contra Manichæos. Eadem scriptura an alium habet sensum quando Manichæis proponitur, & alium quando proponitur Pelagianis? Et quod dicit Augustinus, ut alia omittam. *Semper est autem in nobis voluntas libera, sed non semper est mala*, quem sensum habet? Nonne intelligit esse liberam ad bonum, & ad malum? Esse autem liberam ad bonum & ad malum, non est esse indifferentem, apud Iansenium? Ergo indifferentem probat Augustinus in libro de gratia & libero arbitrio.

Eccl. cap.
15.

lib. de
gratia, &
lib. arbit.
cap. 15.

Reiici-

S. 4. Reiiicitur quod dicit Apologista, ita se habere indifferen-
tiam ad definitionem liberi arbitrii sicut esse
mortale ad definitionem hominis .

Constat tertio nihil esse quod dicit Apologista,
Patres ita definire liberum arbitrium per in-
differentiam agendi & non agendi, quemad-
modum definiunt interdum hominem, quod sit ani-
mal rationale mortale . A qua definitione sicut tolli
potest *To mortale* retentâ hominis essentiâ, ita mane-
re naturam liberi arbitrii sublata indifferentia: sed est
absurda cogitatio . Ponamus enim duas istas defini-
tiones, Homo est animal rationale mortale : & istam,
Liberum arbitriû est facultas agentis intellectui quæ
potest agere, & non agere. Tolle iam à priori *To mor-
tale*, manet integra definitio, nempe homo est animal
rationale. Tolle à posteriore *To, quæ potest agere, & nō
agere*. Quid manet? Facultas agentis intellectui præ-
cisè est ne liberum arbitrium? Manifestum igitur est
discrimen: & vel ex hoc convincitur ex mente Patrû,
indifferentiam esse libero arbitrio essentialem . Quia
id quo sublato destruitur alicuius rei definitio, maxi-
me pertinet ad essentiam: Sed sublata indifferentia,
destruitur liberi arbitrii definitio illa quam sancti Pa-
tres solent tradere: Ergo indifferentia maxime perti-
net ad essentiam liberi arbitrii ex mente Patrum. Pa-
tres quorum meminit Apologista, numquam defi-
niunt hominem per *To mortale* solum, sed per ratio-
nale mortale, hoc est per differentiam necessariam,

C c

& su-

& superfluam . Vnde ablata superflua remanet necessaria . At vero liberum arbitrium passim definiunt, indifferens ad agendum & non agendum , nulla alia apposita differentia . Et ideo si hæc tollatur, exhauritur definitio sublata differentia , & relictò solo genere . Quare Apologista parū feliciter vsus est occasione ista explicandæ suæ eruditionis .

Addo neminem ex Patribus dicere vnquam , si homo desinat esse mortalis desitutum esse hominem . hoc enim hæreticum est . At iam constat plusquam triginta testimonijs Sancti Augustini, liberum arbitrium non fore liberum, quantum satis est ad merendum, & demerendum, si non esset indifferens . Vidi-
mus id ipsum teste Sancto Thoma pertinere ad doctrinam fidei . Ostendimus id dicendum consequenter ad principia etiam ipsius Iansenij . Et si hæc non sufficiunt ,

§. 5. Necessitas indifferentiæ ad libertatem arbitrii probatur ex Tridentino , & ex Bulla contra Baium , & Iansenium .

PRobatur ultimò tum ex Concilio Tridentino ; tum ex definitionibus Pontificum contra Michaellem Baium atque Iansenium . Nam quod attinet ad Concilium Tridentinum . Nemo dubitat quin definierit quod erat necessarium ad tuendam libertatem arbitrij contra Calvinum . hoc enim , & Catholici omnes putant , & Calvinus ipse ita interpretatus est , dum credidit se peti definitionibus Tridentini .

dentini . Atqui neque Calvinus in alio contradicit Tridentino, quod attinet ad hanc quæstionem: neque Tridentinum in alio damnat Calvinum, quam in hoc puncto, quod liberum arbitrium possit dissentire motioni gratiæ, eoque sensu habeat vim electiuam in vtramque partem solutam: quod est id quod potissimum Calvinus negat, cum consentiat in cæteris, nempe quod agat, quod agat voluntarie, quod agat si ne coactione, vel sine necessitate coactionis, quod agat cum maxima inclinatione, quod agat supposita rationis aduertentiâ: ista omnia concedit Calvinus, & illud vnum negat, ita agere vt possit non agere . Ergo vel non destruxit arbitrij libertatem contra quam putant omnes Catholici; vel in hoc destruxit: & pariter, vel Tridentinum non asseruit arbitrij libertatem contra Calvinum, vel in hoc asseruit. Ergo indifferentia est id quo stabilito stabilitur arbitrij libertas, & quo negato, negatur . Et qui repugnant hoc demum agunt, vt videatur Calvinus pugnasse pro vera & propria, hoc est essentiali libertate arbitrij: Tridentinum autem pro spuria, & accidentali.

De definitionibus Pontificum constat ex Bulla contra Baium, & contra Iansenium, in qua damnantur hæ propositiones . *Quod voluntariè sit etiam si necessario fiat, libere tamen sit. Sola violentia repugnat libertati hominis naturali . Is libertatis modus qui est à necessitate sub libertatis nomine non reperitur in scripturis, sed solum nomen libertatis a peccato. Homo peccat etiam dånabiliter in eo quod necessario facit; quibus addi possunt hæ . Pelagianus est error dicere quod liberum arbitrium*

valet ad vllum peccatum vitandum. Item, Liberum arbitrium sine Dei adiutorio non nisi ad peccandum valet. Definitiva hac sententia, Deum homini nihil impossibile precepisse, falso tribuitur Augustino, cum Pelagii sit. Quibus propositionibus damnatis, apertum est, damnari doctrinam quæ indifferentiam non putat esse necessariam libero arbitrio.

Tom. 3. l.
6. cap. 36

Iansenius duas tantum priores refert, & duplicem adhibet solutionem, vt eligat Lector eam quæ illi magis arriserit. Respondet igitur primò, *Respectum haberi ad significationem huius temporis, quo liberum nihil dicitur a Scholasticis, nisi quod sit cum indifferentia saltem contradictionis: Et quidquid non ita sit, non liberum in vocant.* Illam autem significationem non ita fuisse a Veteribus Patribus usurpatam, ex allegatis testimoniis id expresse contestantibus apertissimum esse, & multo pluribus demonstrari posse: hoc ergo sensu vulgatissimo certum esse, utramque propositionem esse falsam. Istorum verborum hæc est candida sinceraque sententia, Scholasticos iam libertatem arbitrij cōstituere in indifferentia agendi, & non agendi: Patres antiquos constituisse illam in immunitate à coactione, supposita rationis aduertentia: Pontifices damnantes propositiones prædictas conformasse iudicium suum Scholasticis potius quam Patribus. Atqui videndum est vtri potius verum dicant. Hoc etiam Iansenius explicat his verbis.

Tom. 3. l.
7. cap. 14

Et sane si non est alia libertas vera voluntatis quàm agendi & non agendi, seu faciendi & abstinendi ab eo quod facis, grauissima absurda euitari nequeunt, quibus non solū tota doctrina Augustini funditus concutitur; sed etiam sensus

sensus christiane pietatis leditur, & communis offenditur. Ita ille orditur caput cui titulum præfixit, Affertur quatuor absurda quæ ex necessitate talis indifferentiæ contradictionis sequuntur. Addit paulò post effectum gratiæ diametraliter repugnare philosophicæ libertati, seu indifferentiæ libertatis. Similia pleraque apud Iansenium occurrunt contra indifferentiam tanquam libertati arbitrij necessariam. Vnde sequitur in hac controversia qua disputatur, *Utrum libertas consistat in indifferentia, vel eam includat necessariò*, Scholasticos qui partem affirmantem sequuntur, non solum Augustino repugnare, sed etiam ledere sensum Christianæ pietatis: & docere quæ diametraliter repugnent effectui gratiæ: & vnde sequantur septem absurda admodum graua: qui verò contra sentiunt, consentire Augustino. Et quia in hac parte Augustini sensus, Ecclesiæ antiquæ sensus est, ut dicitur in præfatione libri sexti, eosdem antiquam Ecclesiæ fidem tenere. Quæ cum ita sint, quatuor tamen Summos Pontifices, qui vel promulgarunt, vel confirmarunt Bullam contra Baium atque Iansenium, sequi maluisse Scholasticos quam Patres illos, hoc est, sequi maluisse errantes, quam recte sentientes. Hæc est sententia Episcopi Catholici, de cætero auctoritatis Sedis Apostolicæ obseruantissimi. Sed mirabile est quod addit, *hoc sensu vulgatissimo scholasticorum, certum esse propositiones illas esse falsas*, quasi diceret, consequenter fuisse damnandas. Ex eo enim sequitur potius non fuisse damnandas. Cû enim vulgatissimus ille sensus, erroneus sensus sit, quod nõ est falsum nisi ex præsumpta veritate erroris, dici debet

Tom. 3.

bet verum potius quã falsum : neque vt falsum dam-
nari potest, nisi ab eo qui errat .

Secunda solutio est, Prædictas propositiones esse
falsas, quod non excipiantur motus improuisi, qui &
voluntarij sunt , & sine violentia, nec tamen sunt li-
beri . Voluisse igitur Pontifices stabilire tales motus
non esse liberos , ne iretur in errorem humanæ vitæ
perniciosum, quem hæretici huius temporis protule-
runt . Sed primò ostendendum esset quinam sint he-
retici huius temporis qui dixerint motus illos esse li-
beros . Dicunt quidem esse peccata , sed non ideo
esse liberos . An illis maiorem tribuunt libertatem
quam ipsis actibus voluntatis beneficio gratiæ elici-
tis, quibus eam negant ? Deinde , ne quod dicitur in
primis illis propositionibus intelligeretur de moti-
bus indeliberatis, satis erat prouisum à Baio in prop. 75.
vbi habetur, tametsi motus illi sint prohibiti præ-
cepto *non concupisces*, & contineant transgressionem,
& veram inobedientiam, *non tamen in peccato imputari* : quod est dicere, non habere sufficientem liber-
tatem ad imputabilitatem culpe & demeriti .

Quod si ea cogitatio Pontifices tangebatur in dam-
nandis propositionibus illis, ne scilicet *occasionem da-
rent hereticis*, nonne debuerant iuxta doctrinam Ian-
senij, abstinere potius à censura: cum sit manifestum
ex illa censura coniuncta cum doctrina Iansenij se-
qui conclusionem Caluini ? Nam cum doctrina
quæ continetur duabus illis propositionibus . *Quod
voluntarie fit etiamsi necessario , fiat libere tamen fit , &
Sola violentia repugnat libertati hominis naturali* , hac,

vna

propositione includatur, *Sola necessitas agendi quæ violenta est, repugnat libertati*: & huius propositionis damnatio sit approbatio contrariæ; sequitur hanc esse approbatā, *Necessitas agendi, eamque illa quæ non est violenta, repugnat libertati*. Et quia violentia cum coactione confunditur apud Iansenium, sequitur istam pariter approbatā, *Necessitas agendi, etiam illa quæ non est coactiva, repugnat libertati*: cui si hæc alia addatur Ianseniana propositio, *Sed in actu voluntatis consentientis diuinę gratiæ, vel concupiscentiæ, est talis agendi necessitas*; inde sequitur Caluini conclusio, *Quod in illo actu non est libertas*. Occasionem ergo ita concludendi vitare potius debuerant Summi Pontifices, si benè Iansenius philosophatur. Supponi autem aduertentiam rationis in ijs de quibus fiunt propositiones illæ perspicuum est, quia ubi non est talis aduertentia, dicitur transgressio non imputari ad peccatum, ut retulimus ex Baio: & ubi est prædicta necessitas, dicitur imputari: unde est illa propositio, *homo peccat etiam damnabiliter in eo quod vitare non potest*. Igitur ubi est talis necessitas, supponitur non deesse usus rationis: & tamen definitur quod tollat libertatem. Videant igitur Baiani quid negare velint, an minorem propositionem quæ Iansenij est, an maiorem quæ definitur à Summis Pontificibus, nec cogantur conclusioni consentire, quæ est Caluini. Certè admodum absurdum esset, si quis vellet omnes illas propositiones antea relatas, quibus excluditur indifferentia, de pueris interpretari, vel de amentibus, quasi Baius de illis tantum loquutus sit.

Et

Tom. 3.
l. 7. c. 7.

Et est notandum in primis, id quod dicit idem Baius *Scripturam non vocare libertatem, eam quæ est libertas à necessitate*. Vult enim significare, dummodo sit libertas à peccato, parum referre iuxta sensum Scripturæ quod sit aut non sit libertas à necessitate, quæ est ipsa Iansenij doctrina, consequenter damnata in illa propositione.

C A P. I V.

De Sententia S. Thomæ.

§. i. Explicatur quod obijcitur ex S. Thomæ
3. con. gen. Cap. 138.

Lib. 3.
Apol. 2.
cap. 3.
pun. 4.

Propositum est in hac controuersia sententiam potissimum exquirere Sancti Augustini. Sed quia monet Apologista, quid senserit Sanctus Augustinus, ex Sancto Thoma posse disci, videamus quid sentiat Sanctus Thomas ijs locis quos ille citat. Citat autem in primis lib. 3. contra gentes cap. 138. ubi Sanctus doctor dicit, *Esse quamdam necessitatem ex interiori inclinatione procedentem, quæ laudem virtuosæ actus non minuit, sed auget. Facit enim voluntatem magis attente tendere in actum virtutis; & quanto fuerit perfectior, tanto vehementius voluntatem faciet tendere in bonum virtutis, & minus ab eo deficere, & si ad finem perfectionis deuenerit, quamdam necessitatem inferre bene agendi, ut in beatis qui peccare non possunt*.

Vnde inferendum est, ergo indifferentia contradi-

ditionis

ditionis non est necessaria libero arbitrio . Sed huic Apologista dici potest illud, *Putas ne intelligis quæ legis ?* Quid enim est *esse quamdam necessitatem, quæ cū deuenit ad finem perfectionis infert quamdam necessitatem bene agendi ut in beatis ?* Nonne hinc rectè sequitur , ergo antequam deueniat ad illum finem, est necessitas quæ nullam infert necessitatem bene agendi ? Ergo est necessitas quæ relinquit in hac vitā paratam in vtrumque oppositorum facultatem & bicornem illam libertatem , à qua ne feriat Iansenius tantopere sibi cauet . Quid igitur fiet de illa doctrina, quæ sub delectatione iustitiæ dicitur esse in hac vitā, inuicta necessitas bene agendi, & sub delectatione concupiscentiæ inuicta necessitas male agendi, adeo ut oporteat mutari dispositionem illam, ut voluntas feratur in oppositum ? Non intelligit Apologista, Sanctum Augustinum hoc loco Sancti Thomæ lingua verberare Iansenismum, & præcipuas quibus fulcitur columnas subuertere ? Sed pergamus .

Hæc necessitas (inquit diuus Thomas) cum deuenit ad finem perfectionis , *Quandam necessitatem infert ad bene agendum .* Quanam est ista *quædam necessitas ?* Id ipse statim explicat, *sicut est in beatis qui peccare non possunt .* Hæc verò est necessitas opposita indifferentiæ ad contraria, hoc est ad faciendum bonum, aut malum : & quæstio nostra est de necessitate opposita indifferentiæ ad contradictoria , hoc est , ad agendum vel non agendum . Nonne igitur in Apologiam aptissimè quadrat quod alicubi Iansenius exprobrat ei qui de cepis interrogatus, de alijs re-

D d

spon-

spondet? In beatis excepto Deo clare viso, & ijs obiectis quæ cum eo intelliguntur habere necessariam connexionem, indifferentia est perfectissima ad agendum vel non agendum: ideoque est liberum arbitrium, quamvis sit impossibilitas malè agendi, hoc significat diuus Thomas & nihil aliud.

Quod si Apologista seriò voluisset cognoscere mentem Sancti Thomæ, & consequenter sancti Augustini circa necessitatem indifferentiæ contradictionis ad constituendam rationem liberi arbitrii, non deerat vel ex hoc ipso opere contra gentes unde Iansenismum dedisceret.

§. 2. *Ostenditur pluribus alijs testimonijs ex eadem Summa contra Gentiles indifferentiam ad libertatem arbitrii necessario requiri.*

Cap. 68.

Occurrisset enim primò quod est in libro primo, vbi cum influentia causæ primæ stare dicit dominium quod habet voluntas in actus suos: & illud dominium indifferentiam includere ad cōtradiçtoria: & excludere determinationem virtutis ad vnum. Vnde sequitur nec in Deo esse dominium respectu amoris quo se amat: nec in beatis respectu amoris quo Deum amant; cum vtrobi- que sit virtus ad vnum determinata, & absit indifferencia. Verba Sancti Th. sunt. *Dominium autem quod habet voluntas supra suos actus, per quod in eius est potestate velle vel non velle, excludit determinationem virtutis ad vnum, & violentiam causæ exterius agentis: non autem excludit influentiam superioris causæ a quâ*

a qua est in esse, & in operari.

Occurrisset Secundo ex libro 2. Inueniri in sub- Cap. 47.
stantiis creatis quasdam, quæ non agunt seipsas ad operan-
dum sicut inanimata, planta, & animalia bruta. Non
enim est in eis agere, & non agere. Esse autem substan-
tias intellectuales quæ se agunt ad operandum: & hoc esse
proprium voluntatis, per quam substantia aliqua est do-
mina sui actus, utpote in ipsa existens agere & non agere.
Et quia Iansenius fatetur dominium in suum actum,
pertinere ad rationem liberi arbitrij, statim intulisset,
pertinere igitur ad rationem liberi arbitrij, agere, &
non agere, quæ est indifferentia contradictionis: nec
aliam esse rationem cur illud non reperiatur in bru-
tis, quam quia in illis non reperitur talis indiffe-
rentia.

Occurrisset Tertiò ibidem vera ratio, cur liberum
arbitrium non possit non esse indifferens. Nempe,
quia intellectualia habent iudicium de agendis non deter-
minatum ad unum. Vnde fit, quia voluntas quæ ab
intellectu mouetur, debet esse proportionata mouen-
ti se, nec ipsam esse a natura determinatam nisi ad bo-
num in communi: & quia communis illa ratio boni
participatur ab hoc & illo particulari bono; conse-
quenter manere voluntatem indeterminatam ad quod-
cumque bonum particulare: nec adigi ex natura
sua vlla necessitate, ut vnum appetat: quandoquidem
aliud quoque bonum pariter est: Ergo dum prælu-
cet illa indeterminata cognitio, esse consequenter in-
differentem, & indeterminatam voluntatem ad se-
quendum quod proponitur: ac proinde idem esse

Dd 2 loqui

loqui de volitione, quæ sequitur ex prævia rationis ad-
uertentia, circa bona creata, vel circa increatum ob-
scure cognitum; ac loqui de volitione elicitæ a prin-
cipio indeterminato, & indifferenti. Qua vna solu-
tione, velut vno ictu præcidisset Apologista imma-
nem syluam inutilium argumentorum, quibus Ian-
senius conatur ostendere, tum ex Sancto Augustino,
tum ex Sancto Bernardo atque alijs, propterea non
requiri indifferentiam ad libertatem arbitrij, quod il-
li Sancti Patres asserant, hoc ipso quod aliquid volun-
tate fit, liberè fieri. Cum enim intelligant volitio-
nem prælucenti iudicio rationis conformem; quid
mirum, quod significant eo ipso quod est talis voli-
tio esse liberam, cum eo ipso sit elicitæ a principio
indifferenti?

Cap. 73. Occurrisset Quartò quod est libro 3. Vbi pro
eodem accipit libertatem voluntatis, & modum illū
quem habet operandi contingenter, & cum potesta-
te ad vtrumlibet. Et ideo vt probet pertinere ad pro-
videntiam conseruare libertatem, argumentum petit
ex eo quod debeat conseruare quod est perfectionis
increaturæ, potius quam quod est imperfectionis. *Per-
fectionis autem esse in voluntate quod contingenter agat,
quia non habet virtutem limitatam ad vnum: & habet
in potestate producere hunc effectum vel illum: propter
quod est contingens ad vtrumlibet. Vnde concludit,
magis igitur pertinere ad providentiam diuinam, conserua-
re libertatem voluntatis, quam contingentiam in natura-
libus causis. Quæ ratio nihil probaret, nisi potestas
illa ad vtrumlibet, crederetur esse a Sancto Thoma,*
vel

vel ipsa libertas, vel intrinseca libertati. Et valde notandum est, quod contingentiam in causis naturalibus tribuat imperfectioni, in voluntate autem perfectioni. Nulla enim est alia ratio, quam quia nunquam contingit causam naturalem non producere effectum suum, quin sit aliquis defectus, seu defectus alicuius necessarij ad agendum: at verò voluntas nō agit, etiam tum cum nihil deest ad agendum; sed ex mero dominio quod habet in suum actum, cuius exprimēdi aut supprimēdi arbitrium habet. Quod aperte significat immediatam ad utrumq. potentiam. Cap. 153

Occurrisset Quintò ex eodem libro 3. Quod licet homo per voluntatem & liberum arbitrium sit dominus sui actus, non tamen est dominus suarum naturalium potentiarum: & ideo licet liber sit ad volendum, vel ad non volendum aliquid; non tamen volendo facere potest quod voluntas in eo quod vult, ad id quod vult vel eligit immobiliter se habeat: Supponitur adesse utrobique Dei gratia, & cum homo ex libertate & cum indifferentia aliquod bonum vult; & cum immobiliter se habet ad id quod vult. Et tamen in ea suppositione negat S. Thomas & dominium & libertatem, esse in secundo casu, asserit autem esse in primo, in quo reperitur indifferentia. Quod quis non videret quam capitaliter repugnet doctrinæ Iansenij, qui contendit & dominium perfectum, & plenam arbitrij libertatem reperiri potissimum in ijs actibus atque obiectis quibus voluntas immobiliter inseparabiliterque adhæret.

Occurrisset Sextò ex eodem libro, Cum sit in potestate

Cap. 159

state liberi arbitrij impedire diuinę gratię receptionem, vel non impedire; non immerito in culpam imputari ei qui impedimentum præstat gratiæ receptioni. Deum quantum in se est paratum esse omnibus gratiam dare. Velle enim omnes homines saluos fieri, & ad cognitionem Veritatis Venire, Ut dicitur ad Tim. 2. Sed illos gratia privari qui in se ipsis gratiæ impedimentum præstant; sicut sole mundum illuminante imputatur ei qui oculos claudit, si ex hoc aliquid malum sequatur, licet videre non possit nisi lumine solis præueniatur. Quid est autem ideo imputari homini, quod ad Deū non conuertatur, quod sit in potestate liberi arbitrij impedire vel non impedire ne gratiam ad conuersionem necessariam recipiat? Nonne idem est, ac ex indifferentia quam habet ad impediendam vel non impediendam Dei gratiam, sequi imputabilitatem non conuersionis, quæ nulla foret, si talis indifferentia deesset? Nam quod dicit sequenti capite, Si homo per inordinationem præcedentem declinauerit ad malum, non esse omnino in potestate eius nullum impedimentum gratiæ ponere per peccatum: explicat Sanctus Doctor quomodo intelligatur. Nimirum vult non posse abstinere ab omni peccato longo tempore: sed aliquo tempore abstinere posse putat ab omni: & semper a quocumque determinato sigillatim sumpto. Hoc enim significat cum dicit, Et si enim ad aliquod momentum ab aliquo peccati actu particulari possit abstinere propria potestate, si tamen diu sibi relinquitur, in peccatum cadet, per quod gratiæ impedimentum præstat. Et iterum. Præterea, licet ille qui est in peccato non habeat hoc in propria potestate,

state, quod omnino vitet peccatum; habet tamen potestatem nunc vitare hoc vel illud peccatum, ut dictum est, unde quodcumque committit, voluntarie committit, & ita non immerito ei imputatur ad culpam. Vbi vides iterum propterea imputari quodcumque peccatum, quia ita voluntarie fit, ut vitari possit, hoc est, quia, cum indifferentia committitur. Quomodo autem, aliquo tempore vitari possit & aliquo non possit, paulo ante docuit cum dixit. Illud autem ad quod mens magis se habet eligit, nisi per rationis discussionem ab eo quadam sollicitudine abducatur. Non est autem possibile mentem hominis continue in illa vigilantia esse, ut per rationem discutiatur quidquid debet velle, vel agere. Vnde consequitur, quod mens aliquando eligat id ad quod inclinatur inclinatione manente. Et ita si inclinata fuerit in peccatum, non stabit diu quin peccet, impedimentum gratie prestant, nisi ad statum rectitudinis reducatur. Constantiam nimirum, & diuturnam in peccato vitando perseverantiam tantum negat, propterea quod & si per rationis discussionem abducere mentem possit a peccando in una occasione; at ita semper vigilare succedentibus alijs occasionibus, non est fragilis & corruptæ ac cæcipientis naturæ. Itaque hinc habemus & indifferentiam ad imputabilitatem peccati necessariam, & potestatem liberi arbitrij ad vitandum peccatum in quod cadit, saltem cum communibus auxilijs; unde fiat indignus ulteriori gratia conuersionis: quod capitaliter repugnat Iansenianæ peccandi necessitati.

At numquid dissimulandum est illud quoque, quod
 aliam

aliam Iansenismi columnam euertit, de Deo nolente saluare nisi prædestinatos, & de salute reproborum hominum nihilo magis cogitante quam de salute diaboli? Quid est, *Deus quantum est de se paratus est omnibus gratiam dare quod velit omnes homines saluos fieri, & ad cognitionem veritatis venire?* De ijs loquitur qui gratiæ impedimentum præstant ne cōuertantur & saluentur. Ergo illis ex Sancto Thoma paratus est Deus quantum est in se dare gratiam cōuersionis, si ipsi non se impediunt per peccatum, idque cōsequenter ad voluntatem quam habet vt omnes salui fiant. Quid igitur faciet Iansenius, ne videatur Sanctus Thomas hac in parte cum Molina, cum Lessio, cum Suare, cum Vasquesio Pelagianus? Huc huc debuerat Apologista oculos vertere, vt videret antiquum Augustinum ore Sancti Thomæ cōtra nouum tonantem.

§. 3. *Soluitur aliud testimonium ex quæst. decima de Potentia.*

Locum alium proponit Apologista ex quæst. decima de Potentia ar. 2. ad 5. vbi dicitur *Deum liberè se ipsum amare, & Spiritum Sanctum liberè procedere a patre & filio, non tamen possibilibus, sed ex necessitate.* Sed non debuit dissimulare quod Guillelmus Estius 2. sent. dis. 24. §. 2. alijque auctores passim obseruant, libertatem apud diuum Thomam, & libertatem arbitrij, sic distingui, quemadmodum genus a specie: ac dici quidem a D. Thoma Spiritum Sanctum

Sanctum liberè procedere sed non arbitrariè, cum constet ex centum locis, libertatem arbitrij versari tantum circa contingètia. Et hoc significat D. Thomas, cum dicit Spiritum Sanctum procedere a voluntate *naturaliter & in quantum voluntas est natura quædam ad unum determinata*; non verò in quantum voluntas contra naturam distinguitur, in eo quod voluntas sit eorum quæ possunt sic vel aliter esse: Deum etiã velle & amare se *naturaliter*, hoc est voluntate quidem, sed non ut est voluntas, sed ut est quædam natura: eodemque modo tendere hominem in beatitudinem: quæ est clarissima distinctio inter operationes voluntatis arbitrias & non arbitrias: hoc est liberas libertate arbitrij, & non liberas sed naturales & necessarias. Qua distinctione intelligitur quæ sit legitima interpretatio aliorum etiam locorum, quæ obiici solent.

1. par. q.
41. art. 2.
in corp.

Nec habent Ianseniani quod opponant. Distinctio enim admittitur a Iansenio, cum dicit, *Ex quo fit ut quemadmodum necessitas & necessarium, ita & natura, & naturale opponatur voluntati & voluntario sue libere.* Et hoc probat ex Augustino apud quẽ dicit idem *valere*, aliquid esse naturale, quod nõ esse in nostra potestate. Vnde iam ita possumus argumentari. Quod oritur ex aliquo principio naturaliter, seu per modum naturæ, prout opponitur modo proprio voluntatis, nõ est liberũ libertate arbitrij ex Iansenio: Sed tum spiratio actiua, tum amor quo se Deus amat, oritur à voluntate *naturaliter*, seu ut illa participat quendam modum naturæ, qui opponitur modo voluntatis, ex

to. 3. l. 6.
cap. 6.

E c

San-

Sancto Thoma Ergo nec spiratio actiua : nec amor quo se Deus amat est liber libertate arbitrij. Vide quæ dicentur inferius contra Commentatorem cap. 3. te. testimonio 9. & 41.

§. 4. *Quam mereantur fidem narrationes Apologista.*

HÆc in præsentiarum cum Apologista visa sunt disputanda : ex quibus coniectura sumi possit quā ille solidè quamque securè Theologiam tractet in alijs quæstionibus. Sed ut etiam conijci possit quantum illi fidei debeatur in ijs quæ narrat ; adiungā duo vel tria quæ id ostendunt. Nam primò fidenter asserit bullam Urbani Octavi contra librum Iansenij esse subreptitiam : & quidquid in ea continetur de Iprensi Episcopo intrusū fuisse ab inimicis illius auctoris, contra intentionem Summi Pontificis, hæc ille Apologiam 2. lib. 1. cap. 14. atque hoc ei videtur ita clarū, ut dubitare posse neminem putet, nisi qui sibi oculos eruerit.

Il faut se creuer les yeux, pour douter encore, que cette bulle soit ebre. ptice & que ces ne soient les adversaires de monsieur d'Ipre, qui par des menes secretes ont eue pesche qu'on ne suivit les intentions de la sainte Eglise : & ont rendu cette bulle ausy en forme de leur passion qu'est contraire a la volonte du Pape.

Erant iam tūc tot *brenia*, totque declarationes Summi Pontificis in confirmationem bullæ, ut necesse fuerit, non oculos sibi eruere qui hæc scripsit (neque enim puto adeo cæcum fuisse, ut non viderit se falsū scribere) sed frontem perdere, dum tam confidenter mendacium adeo publicum affirmare ausus est.

Intererat autem sciri, quinam essent illi quos tantæ præuaricationis reos putabat. Id ipse declarat alio, nihilominus splendido mendacio lib. 4. cap. 12. Cum dicit *Iesuitas esse qui circumuenere sanctam sedem*. &


Urba-

Vrbani bullam suffurati sunt; cum constet eorum omnium testimonio qui rerum hac occasione gestarum conscij sunt, Iesuitas nec in censura libri, nec in bullæ dispositione aut editione ullam prorsus partem habuisse.

Non omittam tertium huius hominis mendaciū, quo generosè *sustinet numerum Episcoporum Galliae qui librum Ipresis Episcopi positiuè propugnant, sicut librum excellentem, & plenum sanctissima, & Catholicissima doctrina, maiorem esse quam numerum eorum qui improbant.* Quod quam sit verum, intelligi potest ex eo quod nunc agitur. Cum enim Episcopi Galliae vniuersi sint circiter centum quatuordecim, qui contra Iansenium nuper scripsere ad Summum Pontificem, numerantur aliquot supra octoginta: qui pro Iansenio, decem aut duodecim.

Ex his lector faciliè intelliget, quantum sit illi fidei habendum in ijs quæ sub finem Apologiæ secundæ fabulatur, de disputationibus tempore Clemētis, 8. & Pauli 5 habitis, super controuersia de auxilijs: vbi testimonia ex actis quibusdam manuscriptis, quibus notæ omnes defunt authenticæ scripturæ: nec aliud sunt quam farrago quædam fabellarum, ex varijs incertisque rumoribus collectarū, eadem fiducia proponit, ac si sumpta essent ex ipso Euangelio. Obedientem affectui fidem habuit; sed habere debuerat & conformem prudentiæ, ac necessario quo tenentur scriptores veracitatis officio.

lib. I. cap. 12.
Nous sous-tenons, que le nombre des Euesques de France, qui soutiennent positivement le lib. d'Ipres, comme un lib. d'ure excellence, & d'auantage tres sainte & tres catholique doctrine, estre plus gr. ad que le no. b. e. de ceux qui l'improuent



Examinatur commentarius Ano-
nyni in tertiam propofi-
tionem a Sorbonicis
Doct̃oribus dā-
natam .

C A P. I.

Causa & ratio scribendi huius Commentatoris .

§. I. *De gestis apud Sorbonam in causa
Iansenij .*

DVo circiter anni sunt, cum Parisijs in consue-
tis Sorbonę comitijs prima mensis Iulij Syn-
dicus conquestus de quorundam Baccalau-
reorum audacia, qui expunctas è thesibus Iansenianas
propositiones reponebant & propugnabant, petijt
vt designarentur certi doctores, ad examinanda talia
quædam pronuntiata, quorum audito iudicio, sequen-
ti mense Augusto statui posset a tota facultate quid
permittendum, quid vetandum esset. Placuit consi-
lium, designatique sunt doctores nouem variorum
Ordi-

Ordinum, variarumque Domorum, qui toto mense
Iulio, & studio quilibet priuato, & statis simul om-
nes congressibus, cum suam concepissent censuram,
in aliquas huiusmodi propositiones, initio Augusti
referendam ad eadem comitia; Ianseniani quia mi-
nimè dubiam esse intellexerunt suæ doctrinæ con-
demnationem, quod idoneis rationibus impedire,
non poterant, disturbare conati sunt factionibus at-
que tumultu. Iniecto videlicet discordiæ pomo, li-
tem mouerunt de præcedentia inter Decanum, &
Cancellarium, qua factum, vt rota congressus hora
his altercationibus consumpta, re infecta reditum
sit in suam ab vnoquoque domum. Sequutæ sunt
nouæ deinde artes, & nouæ lites, de Religiosis Do-
ctoribus ab hoc catu excludendis, de legitima Syn-
dici electione, deque alijs id genus quæstionibus,
quæ liberam non reliquerunt hætenus toti facultati
controuersiæ determinationem, nisi quod declara-
tum est, vt refert D. Hallier in suis ad D. Fileau
Regium in Præfectura Pictauiensi Aduocatam, Re-
giumque in Academia quoque Pictauiensi Professo-
rem legum, *propositiones illas satis superque iam fuisse
damnatas, tum a Concilio Tridentino, tum per bullas Pon-
tificum, tum per antiquiora Sorbone decreta.*

Vulgatum tamen est illorum nouem iudicium;
& ad tertiam propositionem, quæ illa ipsa est de
qua disputamus, comprehensam hisce verbis, *Ad me-
ritum, & demeritum in statu natura lapsa non requiri-
tur in homine libertas a necessitate, sed sufficit libertas a
coactione*, sic dicuntur subscripsisse doctrinali de mo-
re

re censura, Hęc doctrina destruit rationem meriti & de-
meriti: estq. heretica. Nō fuit hęc noua in Sorbonā in-
ducta definitio vt iā monui, renouarūt id tantū quod
iam pridem statutum fuerat. Siquidem anno 1270.
damnata est hęc sententia, *Quod voluntas hominis
ex necessitate vult vel eligit*. Et eodem spectabat an-
tecedens alia damnatio anno scilicet 1226. istius.
*Quod voluntate existente in tali dispositione in qua nata
est moueri; & mouente sic disposito quod natum sit mo-
uere, impossibile est voluntatem non velle*. Et longo
post tempore, cum Erasmus ex eodem quo Iansenia-
ni laborant errore, destructæ per Augustinum indif-
ferentiæ voluntatis, dixisset Augustinum vix posse
constituere merita; dictum reprobauit Sorbona in-
censura Erasmicarum propositionum titulo 16. san-
xitque Augustinum conformiter ad ceteros catholicos do-
ctores, *meritum constituere, asserentem meritum constare
ex libero arbitrio VERTIBILI, & diuina gratia, vt sit
meritum opus & gratiæ & liberi arbitrij VERTIBILIS*
hoc est, indifferentis ad opposita. Aliquo post
tempore, scilicet anno 1560. 27. mēsis Iunij, dam-
nauit istas. *Liberum arbitrium hominis non habet po-
testatem ad opposita: nec illi conuenit ea potestas ex ipsius
naturali & intrinseca ratione*. Et hanc pronunciauit
hereticam, falsam, & erroneam, & morali philosophiæ
aduersam. Item. *Libertas & necessitas eidem conue-
niunt respectu eiusdem, & Sola violentia repugnat liber-
tati hominis naturali*. Et hanc similiter quoad primam
partem hereticam dixit. Item, *Liberum arbitrium libe-
rè vult quidquid sponte sua voluntarie vult*. Ita vt
quod

quod necessario vult, idem libere velit . Et huius secundam partem dixit implicare contradictionem, & esse hereticam .

Ex quibus patet nouem illos Doctores qui superiorem propositionem *hereticam* censuerunt, innouasse tantum antiquam Sorbonæ censuram, non nouam intulisse: & eos qui impedierunt ne tota facultas super eorum sententia deliberaret, minimè id assequutos quod sperabant: quod, esto, nouam impedierint damnationem, antiquis tamen tam multis teneantur, nec sperare possunt recentem Sorbonam a vetere, discessuram.

Illi tamen nec animo cadunt, nec vel in causa desperata spem amittunt. Est inter eos nescio quis. incognitus enim esse voluit, nec sub alio nomine titulo ve intelligi, quam *Immeritisimi Sacerdotis*, qui commentarium scripsit in illas quinque propositiones, vt earum censuram eleuet, obtineatque vt impune proponi ac propugnari possint. Cum quo paucis mihi modo agendum duxi, vt discutiantur quæ ille affert in defensionem tertiæ iam dictæ, de qua hic agimus.

§. 2. *Commentator proscriptam propositionem aperte tuetur.*

ET quidem ille nihil moratur, nec vt in aliis solet, distinctionibus variis, diuisionibusque ac subdiuisionibus, Lectoris intentionem eludit; post Testimonium Dni Thomæ, qui vt supra

re-

retulimus propositionem illam censet *hereticam*: post Sorbonæ censuras idem pronuntiantis: post bullam Pij V. & Gregorij XIII. quâ eiusdem damnatio continetur, ab Urbano VIII. renouatam & confirmatam ab Innocentio X. feliciter regnante, contendit Sacerdos *Immeritissimus* thesim illam conceptis terminis non esse damnandam: & Sorbonicos Doctores qui damnauerunt vocat *bonos viros*, quibus metuendum esse pronuntiat, ne videantur existimare libertatem solam a coactione ad merendum vel demerendum per se & ex natura sua non posse sufficere. Magnum scilicet est periculum, & grandis alicuius mali, si putentur id existimare. Quin & timendum, inquit, magnopere, ne videatur illorum etiam laudata esse sententia, qui omnem remouēt a merito necessitatem: cumque solum mereri volunt qui immediatè proxima & rotunda quadā indifferentia, diuinę gratiæ vel resistere vel parere possit, ipsa parendi non data voluntate: quod falsum tamen esse, & D. Thomæ expressissimis testimonijs repugnare, demonstratum putat.

Mox discutiam demonstratiua hæc testimonia: Interea constat hunc Auctorem *rotundam* quam vocat indifferentiam, hoc est, veram excludere: & quod dicit Tridentinum cum Catholicis omnibus, *liberum arbitrium a Deo motum posse dissentire*, ita interpretari, vt intelligatur posse dissentire *non immediate, & proxime, sed remote*, hoc est, cum motio diuina euanuerit, & contraria successerit, quod nullus vnquam Calvinus, nullus Lutherus, Manichæus omnino nullus negauit, quamuis hi omnes libertatem
ne-

negasse credantur. Et hæc est quam vocat necessitatem agendi *conditionatam*: quam dicit *in natura lapsa per accidens parere meritum*. Vocat autem *conditionatam*, quia pendet ex conditione præsentis, vel absentis gratiæ. Si enim est præsens gratia, est necessitas consentiendi; si est absens, est necessitas non consentiendi, pertinetque ad statum naturæ lapsæ, in qua est vicissitudo præsentis, & absentis gratiæ. Sed in vita beata est necessitas absoluta, ubi non est eiusmodi vicissitudo. Iam quod addit, necessitatem illam *conditionatam* in natura lapsa per accidens parere meritum; per absurdum est, dubitoque an satis intelligat ipse quod dicit. Multum esset si posset probare, necessitatem illam meritum non impedire: addere autem, non solum non impedire, sed etiam *illud parere*; viderit ipse quo sale condire possit cogitationem adeo insipidam. Atque hæc quæ sunt tam absurda sic pronuntiat, ut velle videatur imperare nobis fidem.

C A P I I.

*Expenduntur quæ affert testimonia
Sancti Thomæ.*

§. I. *Intacta Thomistarum doctrina damnabilem esse
doctrinam Iansenianorum.*

QUod naufragis euenire solet, qui cum fluctibus luctantes quidquid vicinum videtur apprehendere conantur ut emergant, etiam

Ff

fca.

scaphas hostium & funes; id ipsum Iansenianis accidit. Post vilipendia Theologiæ Scholasticæ, naufragamque earum potissimum questionum, quas tractat Sanctus Thomas: post spretam rationem quam Thomistæ conantur conciliare libertatem cum gratia physicè prædeterminante, veluti Augustino incognitam, vel certè nunquam ab eo usurpatam; post allata discrimina septem, quæ gratiam eiusmodi a verâ & medicinali Christi gratia distinguunt, ubi semet tamen mergi vident, pallium apprehendere conantur Thomistarum, ut eos habeant vel periculi socios vel securitatis præstitites. Sed frustra sunt. Neque enim ullius erroris accusantur, quæ ipsi quoque Thomistæ hæcenus non damnarint. Quod si putarunt Ianseniani se non aliter sentire; debuerant etiam non aliter loqui, & pax erat, suam vnoquoque sententiâ impune propugnante, intra præscriptos a Sede Apostolica limites. Nunc verò quem inuenient inter Thomistas, qui concedat ita necessarium esse quoad exercitium, consensum quem voluntas præbet motioni gratiæ quamdiu illa inhaeret, quomodo necessarius est amor beatificus quamdiu durat visio? Quem inuenient, qui dixerit voluntatem diuinæ gratiæ prædeterminatam carere proxima ad dissentiendum potentia? Quem dabunt, qui distinctionem sensus compositi & diuisi sic interpreteretur, ut sensus sit, voluntatem a Deo moram posse dissentire quando illa morio abierit, & aduenerit aliâ? Quis non fatetur recipiendum Concilij Tridentini canonem sincerè ac sine fuce, iuxta propriam verborum signi-

significationem? Quod hæc sint aut non sint ad conciliandum facilia, cum gratia physicè prædeterminante; alia deinde quæstio est inter nos disputanda: & sufficit, quod illi non aliter hanc gratiam tueantur, quam ex suppositione quod cum principiis stare possit quæ Iansenianis contraria sunt: quæ cum sint utrique parti communia in controuersia de auxilijs; quid aliud sperare possunt Iansenij discipuli, quam ut cum ab vna parte fugantur, lapidentur ab alia, si animum mutare noluerint?

Sed quia Commentator sententiam suâ probare maluit testimonijs D. Thomæ, quam D. Augustini; pergamus examinare quid sentiat Sanctus Thomas, quando iam satis monstratum est, quæ Sancti Augustini mens fuerit. Monendus tamen prius est, ut calumniam retractet qua Scholas inquinat cum dicit, Sancti Augustini auctoritatem esse iam in scholis *euandam & emortuam, cum Sancti Thomæ vegeta sit, & florens*. Viget & floret etiamnum Sancti Augustini autoritas in Scholis Catholicis: sed ægrè ferunt quotquot illum seriò colunt, Iansenianos abuti tanto nomine ad suas opiniones persuadendas; atque hanc veram esse contendunt Augustinianæ auctoritatis iniuriam, equidem maximam & inexpiablem, cogere illum velit nolit, damnatarum sententiarum authorem esse ac defensorem.

§. 2. Præponuntur decem S. Thomæ testimonia
quæ nullo modo probant indifferentiam
non esse libero arbitrio neces-
sariam.

ERgo videamus quid sentiat Sanctus Thomas
de indifferentia ad libertatem arbitrij neces-
saria, vel de necessitate quæ illi contraria
est. Contendit Commentator duodecim testimo-
nijs, solam coactionem, vel cogentem necessitatem
obesse libertati arbitrij, aliam verò nullam obesse.

Sed primò delendum est ex hoc numero quod af-
fertur ex 3.^o contra gent. cap. 138. quia iam supra so-
lutum est.

Quæst. 58
art. 3.

Secundò delendum quod affert ex 22. vbi dicitur
*Necessitas ex obligatione præcepti, siue ex obligatione finis
non tollere rationem meriti.* Quia non disputamus de
necessitate morali, quæ relinquit in voluntate phy-
sicam non agendi potentiam, cuiusmodi est neces-
sitas præcepti, quod quisque violare potest; & neces-
sitas ex fine, qua liberatur quisquis vult intentio-
nem mutare. Et vide Lector quam sint demonstra-
tiua hæc testimonia. Eodem modo soluitur quod
indidem sumitur ex quæst. 81. Quia ibi etiam agitur
de necessitate debiti, & obligationis, quæ non solum
non destruit arbitrij libertatem, quin potius cum ea
necessario connectitur.

Art. 6.
ad 3.

Quæst. 4.
art. 4. in
corp.

Quartò expungendum quod affert ex 1.2. Quia
nihil aliud probat, quam stare libertatem sine indif-
feren-

ferentia ad contraria: cum sit tantum quæstio de indifferentia ad contradictoria, quæ ibi non excluditur.

Quintò expungendum quod affertur ex 22. dum dicitur, si status beatorum esset capax meriti, illos magis merituos propter maiorem caritatem. Quia non dicitur magis merituos per actum caritatis necessarium, & qui est proprius actus comprehensoris; sed per alios qui sunt etiam actus caritatis, & cum indifferentia a Beatis, sicut & a Viatoribus exercentur.

Qu. 182.
ar. 2. ad 2.

Sextò expungendum quod refert, non ex quæst. 169. ubi nihil reperitur eorum quæ refert: sed ex 186 nec, ut etiam dicit, ex art. 2. sed ex 5. nec ex corpore art. sed ex respons. ad 4. Qui omnes lapsus in eundem locum concurrentes, satis ostendunt non legisse Sacerdotem quæ citabat. Ergo quod dicit S. Thomas, necessitatem coactionis impedire meritum, nõ autem necessitatem quæ consequitur obedientiam, quid probat, & quid nocet indifferentiæ? Necessitas quæ consequitur obedientiam, hoc est necessitas obediendi quam habent religiosi (de illa enim loquitur) tollitne indifferentiam etiam ad contraria, id est expeditam ad obediendum vel transgrediendum potentiam? Et vide quam sit bonus iste Sacerdos & quam perspicax, dum blanditur sibi de hoc testimonio, & exclamant *Quam perspicue?*

Eadem peccavit in alio testimonio, quod etiam 7. expungendum est, cum dicitur *laudabilius esse bonum opus, ex eo quod procedit ex voluntate firmata in bo-*

num,

num, sicut peccatum est gravius, ex eo quod procedit ex voluntate obstinata in malum. Quæ quis non videt procedere tantum contra indifferentiam ad contraria? In voluntate enim firmata vel ad bonum vel ad malum, remanet indifferentia ad contradictoria.

Eadem iterum peccat in citatione quæst. 189. ex tertia parte, quæ est quæstio 89. post ultimam. Sed quod refert reperitur in decima nona: non in art. 2. sed in 3. nec in corpore articuli, sed in responsione ad prim. Vbi dicitur *Christus meruisse per charitatem, non in quantum erat caritas comprehensoris, sed in quantum erat caritas viatoris*. Ergo (inquit) Christus desijt mereri, non ex eo quod immobiliter affigatur amor Dei, sed quia viator non est. Sed hoc quoque Octauò expungendū est. Quia & in Christo viatore fuerunt, & modo sunt in Christo comprehensore actus caritatis indifferenter eliciti: per hos merebatur in via, per hos non meretur in patria: nec aliud vult Sanctus Thomas.

Quæst. 34
ar. 4. ad 1

Expungendum Nonò quod citat ex eadem tertia parte, vbi dicitur natura integra in primo instanti mereri posse bonum volendo, etiamsi malum velle non possit. Quod similiter nihil probat, nisi contra indifferentiam ad contraria, cum sit quæstio de indifferentia ad contradictoria.

Qu. 105.
ar. 4. ad 3

Expungendum Decimò quod refert ex 1. par. cum dicitur *Per hoc quod voluntas ab alio moueatur, non impediri meritum, quod non excludatur quin ipsa etiam moueatur a se*. Expungendum, inquam, quia nec expressè nec per necessariam consequentiā probat, non requi-

requiri indifferentiam contradictionis ad meritum. Subijcit hic Commentator Bone Lector, beati aut Angeli qui liberi sunt a sola coactione, non mouentur ab intrinseco? Sed, inquam, o Bone Commentator, etiam bruta nonne mouentur ab intrinseco? Ergo hoc quod est moueri ab intrinseco, est quidem aliquid requisitum ad meritum, sed non est totum quod requisitum est: neque D. Thomas dicit id sufficere. Interea caue ne beatos aut Angelos a sola coactione, liberos dicas in omnibus suis actibus, ne cum Diuo Thoma pugnare videaris.

S. 3. Diluitur undecimum testimonium: & quid passim intelligatur apud S. Th. & alios Patres nomine coactionis, consentientibus ipsis Iansenianis.

EXpungendus est Undecimò quod citatur ex 3. sententiarum, ubi dicitur impotentiam coactionis quæ opponitur voluntario, tollere rationem meriti, & demeriti: non autem impotentiam quæ est ex perfectione in bonitate vel malitia: quia hæc voluntarium non tollit sed ponit voluntatem confirmatam ad vnum, hoc inquam, expungendum est. Quia etiam non procedit nisi contra necessitatem indifferentiæ ad contraria, nos autem pugnamus tantum pro indifferentia ad contradictoria, quæ reperitur adhuc in ijs qui habent voluntatem confirmatam ad vnum, hoc est, confirmatam ad bonitatem, vel confirmatam ad malitiam. Et ut semel præcidantur multa loca quæ

Ian-

Iansenius ac Ianseniani producant, tum ex S. Thoma tum ex alijs Patribus, qui nihil aliud requirunt ad libertatem quam ut voluntas non cogatur; Aduertendum est, sumere illos coactionem latè, prout confunditur cum necessitate præsertim antecedenti atque independenti a voluntate & insuperabili: ac proinde idem est solam coactionem impedire libertatem: ac solam necessitatem quæ talis est, hoc est, quæ ut loquitur Augustinus, *non est in nostra potestate*, libertatem impedire.

Ita sumi coactionem vel necessitatem coactionis constat 1. ex confessione Aduersariorum. Vide enim quomodo Vincentius Lenis inchoet cap. 11. libri 1. Theriacæ. *Coactio & necessitas in hac liberi arbitrij materia idem prorsus significant. Quibus unica vox græca ἀνάγκη respondet, ideoque a sacris interpretibus nunc coactio nunc necessitas verti solet. Et licet nomen istud frequentius vertatur necessitas quam coactio, verbum tamen ἀνάγκη inde deductum semper latine, cogere redditur quia necessitare non latinum sed barbarum est. Inde infert Vincentius, eos turpi hallucinatione, & errore laborare, qui quotiescumque vocem necessitationis audiunt, vim quamdam ferream concipiunt. Ego vero nescio quinam illi sint, qui hoc morbo laborant. Sed dico ex dictis Vincentij sequi, eos turpi hallucinatione & errore laborare, qui quoties legunt apud Sanctos Patres coactionem tantum destruere libertatem, interpretantur, necessitatem non destruere illam: cum iam ex ipso constet, coactionem & necessitatem in hac materia idem prorsus significare:*

care : ac proinde eos qui dicunt libertatem destrui
coactione , significare libertatem destrui necessita-
te .

Sed quod hæc sit mens quoque Sancti Thomæ ,
probatur ex hoc ipso loco . Nam qui dicit in respon-
sione ad 3. *impotentiam coactionis opponi libertati*, idem
in responsione ad 2. , significat *eidem opponi necessi-
tatem* , cum dicit , potentiam peccandi in tantum
conferre ad laudem, in quantum ostendit opus quod
laudatur *non fuisse factum ex necessitate* . Impeditura
nimirum erat laudem *necessitas bene agendi*, si nullam
relinqueret indifferentiam saltem ad contradictoria :
quam adesse constat, ex eo quod supponatur esse etiã
ad contraria .

Confirmatur ex eo quod citatum est ex 22. vbi Qu. 58.
Sanctus Thomas diuidit necessitatem, in necessitatẽ
coactionis , & necessitatem ex obligatione præcepti
vel finis, quæ est moralis necessitas . Nam cum de-
beamus supponere diuisionem esse bonam & adæ-
quatam , consequenter fatendum est Sanctum Tho-
mam sub necessitate coactionis comprehendisse om-
nem, quæ non est moralis, seu quæ antecedens & phy-
sica est . Idem constat ex simili distinctione quam
exprimit, cum dicit *necessitatem coactionis facere in-
uoluntarium* , non autem *necessitatem quæ consequitur
obedientiam* , vbi intelligit obedientię votum.

Possit hoc confirmari ex alijs Sanctis Patribus, Au-
gustino, dum contra Manichæos indifferenter vtitur lib. 1. de
actis cū
Felice
Man. c. 8.
voce coactionis & necessitatis , vt significet etiam
naturæ insitam ad peccandum inclinationem : &

G g

Ber-

Serm. 81
in cant.

lib. 2. cur
Deus
homo
cap. 18.

Bernardo, qui bruta dicit *pati vim* a natura: Anselmo, qui dicit *violentiam naturalis conditionis cogere caelum volui*, sed hæc sufficiunt ad probandum, quando Sanctus Thomas dicit & eo loco qui obiectus est, & alijs quæ obijci possunt, *necessitatem coactionis opponi* perfecto voluntario, quod est liberum, non sumere coactionem strictè, sed ex usu Ecclesiæ & Patrum intelligere necessitatem omnem antecedentem, quæ non relinquat potentiam suspendendi actum, seu quæ non est in nostra potestate. Et uti nos non sumus contenti, quod Sancti Patres dicant necessitatem agendi repugnare libertati; sed ostendimus positivè qualem intelligant, nempe illam sub qua voluntas non sit potens agere, & non agere; ita & Ianseniani operam ludunt, quando Patres inducunt dicentes arbitrium esse liberum, eo quod non cogitur; nisi ostendant illos coactionem sumere strictè: & non eo sensu quo solet comprehendere ex eorundem Patrum usu antecedentem, & independentem a voluntate agendi necessitatem. Quâ una solutione evanescit acervus inutilis testimoniorum quæ Iansenius congescit lib. 6. & 8. de gra. Salu.

§. 4. *Explicatur locus ex 3. sent. dist. 18. ar. 2. ad 5. Quod determinatio ad unum numero non tollit rationem meriti & laudis.*

Restat ergo unicum Sancti Thomæ testimonium, quod a Commentatore primo loco positum est. Sumiturque ex 3. senten. dist. 18. art. 2.

18. art. 2. ad 5. cum dicitur de libero Christi arbitrio: *Dicendum quod etiam si esset determinatum ad unum numero, sicut ad diligendum Deum, quod non facere non potest; tamen ex hoc non amittit libertatem aut rationem laudis: quia in illud non coacte sed sponte tendit, & ita est actus sui dominus.*

Ad hunc locum respondeo in primis, fuisse referenda quæ præcedunt. Cum enim obiectum esset ideo nos non mereri naturalibus, quia sunt determinata ad unum: & ideo neque Christum posse mereri, quia eius etiam liberum arbitrium est determinatum ad bonum. Respondet Sanctus Thomas in hunc modum. *Ad 5. dicendum quod liberum arbitrium Christi non erat determinatum ad unum secundum numerum, sed ad unum secundum genus, scilicet ad bonum: quia in malum non potest. Sed tamen hoc potest facere, & non facere, & hoc non excludit libertatem arbitrij: quia posse peccare non est libertas arbitrii, nec pars libertatis ut dicit Anselmus. ... Vel dicendum quod si etiam esset determinatum ad unum numero &c.*

Ex his habemus primò Sanctum Thomam absolute pronuntiare liberum Christi Domini arbitrium non fuisse determinatum ad unum, ita ut non haberet indifferentiam ad contradictoria, qua posset *facere & non facere*. Ergo ruit argumentum quo potissimum utitur & Iansenius, & Apologista Iansenij & Vincentius Lenis, & alij passim, sumptum ex arbitrio Christi, quod dicitur, & liberum fuisse, & indifferentia caruisse: cum iam constet ex absoluta Sancti Thomæ sententia, non caruisse huiusmodi in-

differentia! Vnde ruet pariter argumentum sumptum ex voluntate beatorum, atque etiam ipsius Dei.

Secundò quod addit Diuus Thomas, *vel dicendum quod si &c.* quamuis haberet illum sensum quem intendunt Aduersarij; quærerem ab illis, cum nullo vsquam alio loco S. Th. hanc secundam solutionem eo sensu confirmauerit: sed hæserit in priori omnibus in locis quibus occasio recurrit eadem tractandi; quid illis videretur, an esset iusta præsumptio, quod prior solutio esset ad mentem S. Thomæ, quam scilicet toties inculcasset, secunda cuius nusquam meminisset, non esset?

10.3. lib.
6. cap. 33.

Tertiò possemus hic etiam vti confessione Iansenij, si esset vera, cum dicit aliquos ex antiquioribus Scholasticis, cum initio negarent indifferentiæ necessitatem, sub finem tamen declinasse in sententiam, quæ iam est communis. Iam enim monstratum est D. Thomam potissimum designari ex interpretatione Vincentij Lenis. Ergo aduersarijs etiam annuentibus dici posset S. Thomas sententiam mutasse: & quod illi perperam negant, præferendam priori posteriori, quod non sit credibile illius sapientiam in deterius profecisse, ætate procedente.

Quartò. Sed nihil est necesse nos ad has solutiones confugere, quæ tamen sufficerent. Videndum quid intelligat S. Th. per hoc quod est, *esse determinatum ad vnum numero*, & constat: intelligere obiectum numero vnum, cuiusmodi est Deus. Opponit enim hoc bonum numero vnum, bono genericè vni, & loquitur ex suppositione quod liberum arbitrium de-

ter-

terminatum sit tantum ut versetur circa hoc numero obiectum, quibuscumque tandem actibus versetur. Atqui hæc determinatio non tollit varietatem actuum, quibus voluntas exerceri potest circa illud numero obiectum, nec indifferentiam contradictionis circa quemlibet actum in particulari. Ergo non supponit S. Thomas ablatam illam indifferentiam. Et confirmatur ex eo quod dicit, *quia in illud obiectum non coactè sed sponte tendit, & ita est actus sui dominus*. Iam enim constat ex 2. contra gentes, & alijs multis locis, voluntatem liberam ideo dici dominam sui actus, *quia in ipsa est agere & non agere*. Ac proinde cum dicit, non coactè sed sponte, spontaneitatem intelligit perfectam. Nam illa quæ reperitur in brutis nihil facit ad libertatem: & consequenter coactionem excludit non strictam solum, sed ut comprehendit omnem necessitatem quæ non est in nostra potestate.

Hæc igitur est summa doctrinæ Divi Thomæ loco citato. Ad argumentum propositum primò respondet absolutè, liberum arbitrium Christi esse quidem determinatum ad vnum genericè, nempe ad bonum in communi, prout opponitur omni malo; sed habere indifferentiam circa specifica & numerica bona: & hoc satis esse, ut sit capax meriti. Secundo responderet ex hypothese quod quis contendat liberum arbitrium Christi esse determinatum ad vnum numero bonum, verbi gratia ad Deum, quem non potest non amare; quia tamen varij sunt modi quibus ferri potest in hoc vnum numero bonum, retinere

nere adhuc libertatem & indifferentiam circa illos actus omnes qui cadere possunt in viatorem (nam amor beatificus comprehensoris actus est) eosque elicere sine vlla eliciendi necessitate : ac proinde sine coactione , sed sponte , ac voluntariè voluntate , perfecta & deliberata . Et hic est finis testimoniorum Sacerdotis , quibus constat S. Thomam minimè testari quod ipse vult .

C A P. III.

Probatur quinquaginta duobus testimoniis S. Thomæ indifferentiam esse ad libertatem , arbitrii necessariam.

Supra con. Vin cent. c. 5 Et con. Apolog. cap. 4. Ed experiendum est, an testetur etiam quod ipse non vult . Et adductum iam est testimonium ex quaest. sexta de malo art. 1. quod vnum instar multorum est . Ex libris contra gentes numerauimus saltem sex admodum expressa .

Octauum ergo sequitur ex Quodlibeto 1. vbi & ar 7. ad 2 libertatem a necessitate humanæ voluntati asserit : & veluti proprium virtutis rationalis assignat , quod se habeat ad opposita, eique ita Deum motionem suam accomodare , vt resistere homo possit , his verbis .
Ad secundum dicendum quod Deus mouet omnia secundum modum eorum : & ideo diuina motio a quibusdam participatur cum necessitate , a natura autem rationali cum libertate , propter hoc , quod Virtus rationalis se habet ad opposita : & ideo sic Deus mouet mentem humanam

nam ad bonum, quod tamen potest huic motioni resistere,
& sic ex Deo est ut homo se ad gratiam praearet.

Nonum ex quaest. de potentia, ubi sic distinguit voluntatem prout est voluntas, a se ipsa prout est naturale principium, ut ei sub priori ratione sicuti libertate ita & indifferentia omnino attribuat. Et ideo negat voluntatem, ut voluntas est, esse posse principium diuinarum productionum. His verbis. *Voluntas in quantum voluntas, cum sit libera, ad utrumlibet se habet.* (Nota quomodo ex libertate infert indifferentiam) potest enim voluntas agere, vel non agere: sic vel sic facere, velle & non velle. Et si respectu alicuius hoc voluntati non conueniat, hoc accidet voluntati, non in quantum voluntas est: sed ex inclinatione naturali quam habet ad aliquid, sicut ad finem ultimum, quem non potest non velle &c.

Decimum ex eadem quaest. Vbi a voluntate libera excluditur necessitas indifferentiae opposita, his verbis. *Ad 13. dicendum, quod voluntas dicitur habere dominium sui actus, non per exclusionem causae primae; sed quia causa prima non ita agit in voluntate, ut eam de necessitate ad unum determinet, sicut determinat naturam: & ideo determinatio actus relinquitur in potestate rationis & voluntatis.* Confer haec cum illa Iansenij sententia, qua censet semipelagianum esse Deum per gratiam suam sic mouere voluntatem ut consentire, vel non consentire eius arbitrio relinquatur.

Vndecimum ex quaest. 9. de potentia, ubi dominium agentis liberi in suos actus sic explicatur. *Hoc quod*

ar. 3. in corp.

art. 7. ad 13.

ar. 1. ad 3

est

est per se agere, excellentiori modo conuenit substantijs rationalis naturæ quam alijs. Nam solæ substantiæ rationales habent dominium sui actus: ita quod in eis est agere, & non agere: alia vero substantiæ magis aguntur quam agunt. Et ideo conueniens fuit, ut substantia indiuidua rationalis naturæ speciale nomen haberet.

ar. 3. ad 8

Duodecimum ex quæst. 3. de malo. Vbi dicit in tantum reperiri peccatum in concupiscentia carnis, in quâ ratio potest illam impedire vel refrenare, quod nullum foret, si non esset hæc potestas, hoc est, si necessariò, & sublata potestate cõsentiendi vel dissentientiendi, concupiscentia moueret voluntatem. Verba illius sunt. Ad octauum dicendum, quod concupiscentia carnis contra spiritum est actus sensualitatis, in qua potest esse peccatum, secundum quod motus eius potest impediri vel refrænari ratione. Vnde si motus sensualitatis insurgat ex aliqua transmutatione corporali, ratione actualiter resistente, quod est in arbitrio voluntatis, nullum est ibi peccatum. Ideo ergo peccatur, quia cum possit resisti non resistitur: & ratione huius potestatis resistendi, verum est quod concludit Sanctus Thomas. Vnde patet, quod omne peccatum est in arbitrio voluntatis.

ar. 5.

Decimum tertium ex quæst. 22. de veritate ubi iterum repetit, voluntatem circa ea in quæ fertur non ut natura quædam, sed ut voluntas, versari secundum propriam determinationem, non ex necessitate. Necessitas autem quam excludit, illa ipsa est quæ admittit in amore beatitudinis, quam Aduersarij nõ putant habere speciem vllam coactionis. Et cum obiectum esset. Esse nos dominos nostrorum actuum,

& in

& in eo situm esse dominium illud, quod possumus velle, & non velle, unde sequitur nos non habere necessitatem aliquid volendi; Respondet S. Thomas Ad 7. dicendum, quod ratio illa procedit de voluntate, secundum quod voluntas est, hoc enim est proprium voluntatis inquantum est voluntas, quod sit domina suorum actuum. Obiectionem ergo approbat intellectam, de voluntate ut est voluntas, hoc est, ut est libera, non ut est natura.

Decimumquartum ex eadem quaest. Vbi pariter art. 6.
libertatem exponit in vniuersum, & in quolibet statu, per oppositionem ad necessitatem, qua impeditur indifferentia volendi vel non volendi, his verbis, Cum autem voluntas dicatur libera, inquantum necessitatem non habet, libertas voluntatis in tribus considerabitur. Scilicet quantum ad actum, in quantum potest velle vel non velle: & quantum ad obiectum, in quantum potest velle hoc vel illud, & eius oppositum: & quantum ad ordinem finis, in quantum potest velle bonum vel malum. Sed quantum ad primum horum inest libertas voluntati in quolibet statu naturae respectu cuiuslibet obiecti &c.

Decimumquintum ex eadem quaest. dum quaerit art. 7.
an aliquis mereatur volendo illud quod necessitate vult. Et concludit. Quando ergo ex propria ratione adiutus diuina gratia, homo apprehendit aliquod speciale bonum ut suam beatitudinem, in quo verè sua beatitudo consistit, tunc meretur. Non ex hoc quod appetit beatitudinem, quam naturaliter appetit: sed ex hoc quod appetit hoc speciale QVOD NON NATVRALITER APPETIT ut visionem Dei: in quo tamen secundum rei veritatem

Hh

sua

sua beatitudo consistit. Hoc verò est disertè significare, indifferentiam ad merendum requiri. Quare enim non meretur homo dum fertur in beatitudinem per modum naturæ, sed per modum voluntatis, nisi quia quatenus naturaliter fertur, necessariò fertur; quatenus fertur voluntariè, fertur sine necessitate, & consequenter cum indifferentia?

art. 8.

Decimum sextum ex eadem questione. Vbi clarè docet etiam inclinationem quam Deus superaddit voluntati per suam gratiam, relinquere indifferentiam, his verbis. *Sed hæc quidem inclinatio superaddita quandoque est perfecta, quandoque imperfecta. Quandoquidem est perfecta, facit necessariam inclinationem in id ad quod determinat. Sicut per naturam de necessitate inclinatur voluntas in appetendum finem, sicut contingit in beatis, in quibus caritas perfecta inclinat sufficienter in bonum, non solum quantum ad finem ultimum, sed quantum ad ea quæ sunt ad finem. Aliquando vero forma superaddita non est usquequaque perfecta, sicut est in viatoribus: Et tunc ex forma superaddita voluntas inclinatur quidem, SED NON EX NECESSITATE. Vides quando forma illa est imperfecta ut in viatoribus, non solum excludi coactionem, sed etiam necessitatem qualis est in beatis?*

art. 1.

Decimum septimum ex quæst. 24. de veritate. Vbi ex indifferenti atque indeterminata cognitione rationalis agentis, colligit liberum arbitrium. Et ideo, inquit, *est liberi arbitrij, quasi diceretur liberi iudicii de agendo, vel non agendo*. Et contrario negat esse posse in brutis liberum arbitrium, quod instinctu quo-

quodam naturæ idem eodem modo semper apprehendunt: sicut omnes hirundines *quæ similiter*, inquit, *faciunt nidum*. Et in responsione ad secundum, quod homo non potest sine gratia agere opera meritoria, nihil perogat perfectæ libertati. Quia homo dicitur liberi arbitri secundum quod potest agere hoc vel illud, non secundum quod potest sic vel sic agere, hoc est meritorie, vel demeritorie. Et cum obiecta esset peccandi necessitas, quæ contraria est indifferentiæ, nequaquam respondet ut Iansenius, admittendo necessitatem illam, sed negando, & concludendo *voluntatem respectu nullius peccati habere necessitatem*. Et cum iterum obiectum esset, immobilem adhæSIONem ad Deum, quæ maximè decet creaturam rationalem, repugnare illius libertati, quod scilicet excludat indifferentiam; non cogitavit de responsione Iansenij, qui putat in illa immobilitate libertatem esse perfectissimam: sed vide quid dicat, *Si tamen aliqua creatura immobiliter adhereret Deo, non propter hoc priuaretur libero arbitrio: quia potest adherendo, multa facere, vel non facere*. Nempe in tantum esset libera, in quantum esset indifferens ad multa, salva immobili adhæSIONe ad vnum. Et cum obiecta esset naturalis inclinatio ad beatitudinem, quasi non possit stare cum indifferentia, nec proinde cum libertate; negat hinc impediri arbitrij libertatem, *Quod diuersæ viæ remaneant eligibiles ad consequutionem illius finis*. Denique neque ex passionibus oriri putat necessitatem illam quæ admittit Iansenius, eo quod in potestate animæ rationalis sit, accipere vel refutare passiones subortas, quam eandem potestatem

tem admittit circa vsum habituum. Hæc autem omnia indifferentiam clamant libertati arbitrij necessariam. Et hoc vnum testimonium vide quam multiplex sit.

art. 2.

Decimuoctauum ex eadem quæst. dum quærit an sit admittendum in brutis liberum arbitrium. Vbi constat totam rationem cur illud negetur in brutis, admittatur in hominibus, ex indifferentia peti. In brutis (inquit) est aliqua similitudo liberi arbitrij, in quantum possunt agere, vel non agere vnum & idem secundum suum iudicium: & sic est in eis quedam conditionata libertas. Possunt enim agere si iudicant esse agendum, vel non agere si non iudicant. Sed quia iudicium eorum est determinatum ad vnum, per consequens & appetitus & actio ad vnum determinatur. Quod quid aliud est, quam dicere bruta in iisdem circumstantiis semper idem iudicare, & supposita identitate iudicij semper idem appetere: & ideo non esse in illis nisi conditionatam libertatem, quia scilicet non est nisi conditionata indifferentia? Vnde intelligas iuxta Diuum Thomam, & ea qua antea de doctrina Iansenij dicta sunt, non esse nisi conditionatam, quam admittit hic auctor libertatem, qualis est brutorum. Quia sicut in brutis debet mutari iudicium vt possint appetere aliud quam quod appetunt; ita & in homine, inquit Iansenius, debet mutari dispositio. Sed D. Th. In potestate hominum est, inquit, vt eisdem rebus similiter representatis, siue sint precepta, vel prohibitiones, siue sint beneficia & flagella, eligant vel fugiant iudicio rationis. Item, Ovis viso lupo necesse habet ti-

mere

mere & fugere: & canis insurgente passione ire, necesse
habet latrare & prosequi ad nocendum: sed homo non
necessariò mouetur ab ijs quæ sibi occurrunt, vel a passioni-
bus insurgentibus: quia potest eas accipere vel refugere: &
ideo homo est liberi arbitrii, non autem bruta. Vide etiam
responsionem ad tertium, vbi ad libertatem requiri-
tur indifferentia, non circa actiones externas, sed cir-
ca internos, & elicitos actus appetitus, quæ non re-
peritur in brutis.

Decimum nonum. Ex eadem quæstio. Vbi pro- art. 3. in
bat esse in Deo liberum arbitrium, quia circa alia corp.
a se habet indifferentiam, propterea quod eius boni-
tas illis non egeat nisi ad sui manifestationem. Vn-
de remanet ei liberum iudicium ad volendum hoc vel il-
lud, sicut in nobis est. Et propter hoc oportet dicere in Deo
liberum arbitrium inueniri. Et in resp. ad 3. dicendum
quod voluntas diuina se habet ad opposita: non quidem
ut aliquod velit, & postea nolit; quod eius immutabili-
tati repugnaret: nec ut possit bonum & malum, quia
defectibilitatem in Deo poneret. Sed quia potest hoc vel-
le, & non velle.

Vigesimum ex eadem quæst. Vbi obstinationem art. 1.
in malo in hac vita penit, non in impossibilitate
bene agendi, ut facit Iansenius: sed in difficultate.
Et in responsione ad tertium, Dicendum quod Au-
gustinus comparat amorem ponderi, quia utrumque in-
clinat. Non tamen oportet quod sit similitudo quantum
ad omnia: & ideo non sequitur quod illi qui amas ali-
quid, nullam habeat ad contrarium inclinationem, nisi for-
te de amore perfectissimo. Et ad quartum, Dicendum. 2.
Quod

Quod ille qui peccat ex malitia, dicitur esse impœnitibilis, non quod nullo modo possit pœnitere; sed quia non de facili pœnitere potest. En ut semper saluat indifferentiam, id est potestatem non faciendi quod fit, ut salua sit libertas.

art. 2.

Vigesimalprimum ex eadem quæst. Dum quærit an existens in peccato mortali possit per liberum arbitrium vitare alia peccata mortalia: & asserit posse vitare in qualibet occasione: & ex disputatis ita concludit. *Patet ergo ex dictis, quod nec liberum arbitrium tollimus, cum dicimus quodlibet peccatum singulariter liberum arbitrium posse vitare.* En in quo seruari putet liberum arbitrium sub illa necessitate, quâ patiuntur qui voluntatem habent peccato mortali habitualiter adhærentem, alia peccata si diu ita maneant committendi. Pergit, & discrepantes in speciem doctorum sententias sic verificari ostendit. *Quorum quidam dicunt hominem absque habituali gratia gratum faciente posse peccatum mortale vitare, quamvis non sine diuino auxilio, quod hominem sua prouidentia ad bona agenda & mala vitanda gubernat. hoc enim verum est, cum contra peccatum conari voluerit, ex quo contingit ut possit singula vitare.* En tibi diuini auxilij præsentiam ad vitanda singula peccata, etiam in existentibus in peccato mortali. Pergit, *Alij vero dicunt, quod non potest homo sine gratia diu stare quin peccet mortaliter. Quod quidem verum est, quantum ad hoc quod non diu contingit hominem esse habitualiter dispositum ad peccandum, quin occurrat sibi repente aliquod operandum, in quo ex inclinatione mali habitus labitur in,*

con-

consensum peccati mortalis: cum non sit possibile hominem diu esse vigilem, ad hoc quod sufficientem sollicitudinem adhibeat ad vitandum peccatum mortale,

Et in responsione ad quartū, quo dicebatur peccator non posse nisi peccare, sicut tibia curua non potest nisi claudicare; significat claudicare similitudinem hanc, his verbis. Exemplum Augustini de curuitate, quantum ad aliquid non est simile. Quia scilicet non est in potestate tibie ut utatur sua curuitate vel non utatur: ideo oportet omnem motum tibie curue claudicationem esse. Liberum autem arbitrium potest uti, vel non uti sua curuitate.

Et ad decimum secundum, Cupiditas dicitur cogens liberum arbitrium, propter vehementiam inclinationis, cui tamen potest resisti, licet cum difficultate. Ad 13. de habitibus idem dicit, posse scilicet liberum arbitrium agere contra habitum, licet cum difficultate.

Et iterum in responsione ad primum secundę sententię, Dicit prædicari libertati, si homo non posset vitare peccatum in contrarium conando, non vero si homo non possit esse in continua sollicitudine vitandi peccatum. Idem repetit in responsione ad secundum. Et ad septimum. Dicendum quod aliquis existens in peccato mortali, potest vitare omnia peccata mortalia auxilio gratię, potest etiam ex naturali virtute singula vitare, quamuis non omnia: & ideo non sequitur quod peccatum committendo non peccet. Idem repetit in respons. ad octauum. Vide Lector quot testimonia pro saluanda indifferentia liberi arbitrij vnico in articulo S. Thomę, & quam disertę contradicat Lanfentanę impossibili.

sibilitati seruandi mandata, seu quod idem est peccandi necessitati.

art. 13.

Vigesimumsecundum ex eadem quaest. Vbi concludit hominem existentem in gratia, posse non peccare, loquendo de peccato mortali, quia habenti gratiam non inest aliqua habitualis inclinatio ad peccatum, quin potius inest ei aliqua habitualis inclinatio ad vitandum peccatum: & ideo quando occurrit ei aliquid sub ratione peccati mortalis, ex habituali inclinatione dissentit ab illo, nisi in contrarium nitatur, concupiscentias sequendo. Item. *(Quia nullus motus liberi arbitrii in eo praecedit plenam deliberationem pertrahens ad peccatum, quasi inclinatione habitus, ideo potest omnia peccata mortalia vitare. Audiant iterum qui dicunt, esse aliqua Dei praecepta hominibus iustis orantibus, conantibus, volentibus, secundum praesentes quas habent vires impossibilia: deesse quoque gratiam qua possibilia fiant, quin etiam, deesse gratiam orationis ad impetrandas vires. Addit S. Thom. Etiam si possit homo iustus vitare singula peccata, donum tamen perseverantiae non esse in illius potestate: sed a Deo petendum esse, quod alias declaratum est.*

art. 4.

Vigesimumtertium. Ex eadem quaest. Vbi iustitiam correptionis infert ex potestate quam habet is qui corripitur non peccandi. Hoc est ex indifferentia, his verbis. *Ad secundum dicendum, quod recte homo corripitur, qui praecepta non implet, quia ex eius negligentia est quod gratiam non habet, per quam potest seruare mandata quantum ad modum: cum possit nihilominus*

nus per liberum arbitrium ea seruare quantum ad substantiam. Modus ille modus est caritatis, ita ut obseruatio meritoria sit: substantia vero est facere, quod præcipitur, ita ut peccatum vitetur: ut constat ex antecedentibus & consequentibus.

Vigesimalium quartum ex quæst. 29. de veritate. Vbi libertatem ad meritum necessariam in Christo sic defendit. *Ad primum ergo dicendum, quod licet anima Christi esset determinata ad unum secundum genus moris, scilicet ad bonum; non tamen erat determinata ad unum simpliciter, poterat enim hoc vel illud facere & non facere, & ideo libertas in eo remanebat quæ requiritur ad merendum.*

art. 6. ad. 1.

Vigesimalium quintum ex 1. sentent. Vbi ex libertate diuinæ voluntatis colligit contingentiam volitorum, & indifferentiam ad esse & non esse. *Voluntas, inquit, quantum est in se, libera est: unde principiata voluntatis sunt tantum ea quæ possunt esse vel non esse. Quia ut supposuit procedunt a voluntate secundum conditionem voluntatis, quæ conditio est libertas. Libertas autem quomodo communicare potest contingentiam illam, nisi quia indifferens est ut velit vel nolit esse ea quæ producit? Et quomodo conciliabitur hoc cum sententia Iansenianorum, qui volunt Spirationem esse liberam in Deo libertate quæ sufficeret ad meritum, si Deus esset capax merendi?*

dist. 16.
quæst. 1.
art. 2.

Vigesimalium sextum expressissimum est ex 2. sentent. vbi cum dixisset esse proprium agentis intellectualis determinare se ipsum, constituendo sibi finem actionis per intellectum, & per voluntatem.

dist. 25.
quæst. 1.
art. 1.

eligendo hanc vel illam actionem vnde sequatur ;
 & libertas arbitrij ; & dominium in suum actum ;
 postea in responsione ad secundum sic loquitur. Di-
 cendum quod ad rationem liberi arbitrij non pertinet ut
 indeterminate se habeat ad bonum vel ad malum , quia
 liberum arbitrium per se in bonum ordinatum est & c.
 sed hoc ad libertatem arbitrij pertinet , ut actionem ali-
 quam facere vel non facere possit , & hoc Deo. conuenit.
 Bona enim quæ facit potest non facere : nec tamen ma-
 lum facere potest.

art. 2.

Vigesimalium septimum ex eodem loco cum dicit.
 Voluntatem nostram non posse cogi , neque ratione
 subiecti , quia non est affixa organo : neque ratione obie-
 cti , quia quantumcumque aliquid ostendatur esse bo-
 num , in potestate eius manet eligere illud vel non elige-
 re . Loquitur de statu presenti . & deinde . In his
 autem quæ ad finem ultimum ordinantur , nihil inueni-
 tur adeo malum , quin aliquod bonum admixtum habe-
 at : nec aliquod adeo bonum quod in omnibus sufficiat .
 Vnde quantumcumque ostendatur bonum vel malum .
 semper potest adherere , & fugere in contrarium , ratio-
 ne alterius quod in ipso est : ex quo accipitur , si malum
 est simpliciter , ut apparens bonum : & si bonum est sim-
 pliciter , ut apparens malum : & inde est quod in
 omnibus quæ sub electionem cadunt , voluntas libera ma-
 net , in hoc determinationem habens , quod felicitatem
 naturaliter appetit : & non determinate in hoc vel illo .
 En tibi , & indifferentiam ad libertatem arbitrij re-
 quisitam : & causam illius , atque rationem , seu ra-
 dicem ex qua oritur . Disputat autem Sanctus Tho-
 mas.

mas verum liberum arbitrium possit cogi, & constat ex textu, tō cogi, sumi latè pro eo quod est necessitari. quam enim coactionem voluntati negat, intellectui concedit, dum ab euidencia obiecti necessitatur. Necessitatem ergo rejicit a libero arbitrio, etiam illam simplicem indeterminationi, hoc est, indifferentiæ oppositam. Et hoc vult dicere, cum addit, quamuis liberum arbitrium cogi non possit, nihilominus tamen posse inclinari ad agendum aliquid per aliquas dispositiones & habitus, ex quibus promior efficitur ad eligendam alteram partem.

Vigesimum octauum ex eodem loco. Vbi sup-
posita distinctione eorum quæ compellunt, cuius-
modi est veritas euidenter repræsentata intellectui, art. 4.
& eorum quæ impellunt, cuiusmodi est habitus, quibus iam sæpe dixit posse resisti; ad quartum dicit. *Quod liberum arbitrium nunquam ita vincitur, aut seruituti subicitur passionibus peccati, ut ad peccatum compellatur. Quia sibi in peccatum non imputaretur: sed dicitur esse subiectum peccato, in quantum ex peccato inclinatur ad peccandum, sicut a disponente, non sicut a compellente.* Et ab hac necessitate compellente liberum esse dicit arbitrium in omni statu, ex sententia Magistri, *sine qua libertate peccatum imputari non posset.*

Vigesimum nonum ex prima parte. Vbi ex indeterminatione causæ liberorum actuum, hoc est ex indifferentia quam habet ad agendum, vel non agendum, infert non posse futurum contingens in

quæ. 19.
att. 13.

sua causa certò cognosci. *Alio modo*, inquit, potest considerari contingens *ut est in sua causa*, & sic consideratur *ut futurum*, & *ut contingens*, nondum determinatum ad unum, quia causa contingens se habet ad opposita: & sic contingens non subditur per certitudinem alicui cognitioni. Si ex voluntate præuenta delectatione concupiscentiæ, necessariò sequitur peccatum, quare illud in tali causa non potest per certitudinem subijci cognitioni? Et si ex voluntate præuenta delectatione iustitiæ, necessariò pariter sequitur bonus affectus, quare ille non similiter subijcitur per certitudinem cognitioni talis causæ?

art.

Trigesimum ex quæst. 19. eiusdem primæ partis ubi quærit an diuina voluntas imponat necessitatem rebus volitis, & dicit imponere ijs quæ sunt a causis quæ vocantur necessariae, non vero ijs quæ sunt a causis quæ vocantur contingentes: sed potius efficere summâ suæ voluntatis efficaciam ut huiusmodi causæ contingenter operentur. Verba diui Thomæ sunt. *Resp. dicendum quod diuina voluntas quibusdam volitis necessitatem imponit, non autem omnibus Quod contingit propter efficaciam diuinæ voluntatis. Cum enim aliqua causa efficax fuerit ad agendum, effectus consequitur causam, non tantum secundum id quod fit, sed etiam secundum modum fiendi vel essendi. . . . Cum igitur voluntas diuina sit efficacissima. Non solum sequitur quod fiant quæ Deus vult fieri. Sed quod eo modo fiant quo Deus ea vult fieri. Vult autem quædam fieri Deus necessariò quædam contingenter, ut sit ordo in rebus ad complementum vniuersi: &*
 ideo

ideo quibusdam effectibus aptauit causas necessarias, quæ deficere non possunt, ex quibus effectus de necessitate pro-
ueniunt: quibusdam autem aptauit contingentes defecti-
biles, ex quibus effectus contingenter eueniant. Non igitur propterea effectus voliti a Deo eueniunt contingenter, quia causæ proximæ sunt contingentes. Sed quia Deus voluit eos contingenter euenire, contingentes causas ad eos præparauit. Si quæram. Quare vult Deus hominem contingenter orare, & non vult canem contingenter latrare, iuxta præsentem dispositionem. Quid responderi potest, nisi quia vult hominem orantem habere potestatem non orandi, canem autem latrantem non habere potestatem non latrandi? Hoc vero quid aliud est, quam velle hominem orare cum indifferentia quæ importet proximam potestatem in oppositum? Nam canis habet remotam. Et hoc est hominem esse causam defectibilem in orando, canem autem non esse causam defectibilem in latrando, quia supposita eadem dispositione canis semper latrat, homo non semper orat.

Trigesimum primum, Ex quæst. 19. Vbi constituto hoc principio, quod non habemus liberum arbitrium respectu eorum quæ necessario volumus, ita dirimit quæstionem, qua petitur an Deus habeat liberum arbitrium. Cum igitur Deus ex necessitate suam bonitatem velit, alia vero non ex necessitate, ut supra ostensum est; respectu eorum quæ non ex necessitate vult, liberum arbitrium habet. Et in responsi. ad 2. Quantumuis Deus non possit velle malum culpe, tamen ad opposita se habet, in quantum velle potest hoc esse vel

art. 10.

non esse. Vbi vides libertatem arbitrij in Deo non saluari nisi per indifferentiam.

art. 2. Trigesimum secundum ex eadem prima parte
ad. 3. quæst. 41. Vbi sanctus Thomas negat liberam esse
Spiritus Sancti processionem: quia etiamsi procedat
ex amore, quia tamen procedit ex amore quo Deus
amat seipsum, qui naturalis est & non liber; ideo
naturalis est, & non libera Spiritus Sancti processio.
Verba illius sunt. *Deus naturaliter vult, & amat
seipsum. Sed circa alia a se voluntas Dei se habet ad
utrumque quodammodo ut dictum est. Spiritus autem
Sanctus procedit ut amor, in quantum Deus amat se
ipsum, unde naturaliter procedit quamuis per modum
voluntatis. Vides autem quomodo alium modum,
qui est modus libertatis exponat, per hoc quod est
se habere ad utrumque.*

art. 2. in corp. Trigesimum tertium ex quæst. 42. eiusdem pri-
mæ partis. Vbi D. Th. vt probet Filium in diuinis
esse patri coæternum, argumentum sumit ex discrimi-
ne quod est inter principia necessaria, & princi-
pia libera. Quod scilicet necessaria simul sint cum
suo principiato, si non impediat in ipsis, vel aliquis
defectus virtutis necessariæ ad agendum, vel ipsius
actionis natura, quæ successionem postulat, quorum
neutrum reperitur in æterna generatione. At verò
principium liberum, etiamsi nulla re careat ad agen-
dum necessaria, nec eius actio successionem postu-
let, potest esse antiquior effectu suo. Verba Diui
Thomæ sunt, *Quia sicut in agentis voluntarij potestate
est eligere formā quā effectui conferat; ita in eius potesta-*

te

te est eligere tempus in quo effectum producat. Ergo proprium est ex D. Th. liberi agentis, prout distinguitur a non libero, ut quamvis nulla re careat ad agendum necessaria, possit tamen suspendere actionem, & non ponere effectum hoc tempore, sed alio quod magis placuerit. Et quia potentia cui nihil deest proxima est; consequenter proprium est agentis liberi non agere, cum proxima ad agendum potentia, quæ est propriissima indifferentia.

Trigesimum quartum ex eadem prima parte, ubi ^{qu. 82. art. 1. ad 3.} quod alias sæpe dixit inculcat, dominum in suum actum, quod est necessario coniunctum cum libertate, includere indifferentiam ad opposita, his verbis, *Ad tertium dicendum quod sumus domini nostrorum actuum, secundum quod possumus hoc vel illud eligere.*

Trigesimum quintum ex eodem loco. Vbi docet voluntatem indifferenter se habere etiam circa, ^{art. 2. in corp.} illa quæ necessariam habent connexionem cum beatitudine, nisi per visionem beatificam intelligantur habere talem connexionem, his verbis. *Sunt quedam particularia bona, quæ non habent necessariam connexionem ad beatitudinem: quia sine his potest esse aliquis beatus, & huiusmodi voluntas non de necessitate inheret. Sunt autem quedam habentia necessariam connexionem ad beatitudinem, quibus scilicet homo Deo inheret, in quo solo vera beatitudo consistit. Sed tamen antequam per certitudinem ultrine visionis necessitas huiusmodi connexionis demonstretur, voluntas non ex necessitate Deo inheret, nec his quæ Dei sunt.*

tas videntis Deum per essentiam, ex necessitate inheret Deo: sicut nunc ex necessitate volumus esse beati.

Vides talem in hac vita negari necessitatem adherendi Deo, qualis est in beatis; idque non ex mutabilitate cognitionum nostrarum, sed ex obscuritate: ita ut quamvis eadem permaneant non sequatur necessario amor, sicut sequitur in beatis, propter certitudinem diuinæ visionis. Quod autem dicit nos nunc velle necessario esse beatos, non cadit in vllum actum singularem, & determinatum; sed confusè in omnes: quia nullus est nec esse potest, qui non feratur in obiectum suum sub ratione boni, & ita semper vult benè esse: quod non impedit indifferentiam ad quodlibet.

quest. 83
art. 1.

Trigesimum sextum, ex eadem prima parte, ubi liberum arbitrium infert ex indifferenti iudicio rationis circa operabilia. Quid autem sequi potest ex indifferenti, & indeterminato iudicio, quam indifferens, & indeterminata vis appetendi? Putat ergo Sanct. Th. se libertatem inferre, dum infert indifferentiam: & pro eodem habet appetitum liberum, & indifferentem. Verba illius sunt. Homo agit iudicio, quia per vim cognoscitiuam iudicat aliquid esse fugiendum vel prosequendum. Sed quia iudicium istud non est ex naturali instinctu in particulari operabili, sed ex collatione quadam rationis; ideo agit libero iudicio potens in diuersa ferri. Ratio enim circa contingentia HABET VIAM AD OPPOSITA, ut patet in dialecticis syllogismis, & rhetoricis persuasionibus. Particularia autem operabilia sunt quedam contingentia; & ideo
circa

circa ea iudicium rationis ad diuersa se habet, & non est determinatum ad unum. Et pro tanto necesse est quod homo sit liberi arbitrij, ex hoc ipso quod rationalis est.

Et quia huic indifferentiæ videbantur obstare, tum innatæ passionum, tum acquisitæ vel infusæ habituum inclinationes, obstaculum remouet in respons. ad quintum dicens, has omnes inclinationes subiacere iudicio rationis, etiam quæ sunt ex habilibus, *in quantum in nobis est tales qualitates acquirere, vel causaliter, vel dispositiuè, vel a nobis excludere:* Atque ita S. Th. nunquam alia ratione saluare se putat libertatem, quam salua indifferentia ad agendum, & non agendum.

Trigesimum septimum ex prima secundæ. Vbi quest. 6.
art. 2.
voluntarium perfectum, quod est liberum, ab imperfecto & non libero, quod reperitur in brutis, per eandem indifferentiam seu potestatem agendi, & non agendi distinguit: cuiusque radicem ex indifferenti iudicio rationis similiter petit. *Perfectam, inquit, cognitionem finis sequitur voluntarium secundum perfectam rationem, prout scilicet apprehenso fine aliquis potest deliberans de fine & de his quæ sunt ad finem, moueri in finem vel non moueri, Imperfectam autem rationem finis sequitur voluntarium secundum rationem imperfectam, prout scilicet apprehendens finem non deliberat, sed subito mouetur in ipsum. Vnde soli rationali naturæ competit voluntarium secundum rationem perfectam; sed secundum rationem imperfectam competit etiam brutis.*

KK

Et

Et in responsione ad 2. dominium sui actus ponit in eadem indifferentia, seu in hoc quod cum ratio deliberans se habeat ad opposita, *voluntas in utrumque possit*. Et in resp. ad 3. hoc esse dicit *fundamentum laudis & vituperij*, quod in brutis non reperitur.

art.3.

Trigesimum octauum ex eadem quaest. Vbi ad hoc ut omissio voluntaria censeatur, requirit ut voluntas possit agere: & ad hoc ut imputetur ad culpam, ut etiam debeat agere. Quod est primò contra Iansenium, qui vult imputari nobis omissiones diuinorum praeceptorum quando impletio est impossibilis. Secundò, si ex. D. Th. non imputatur omissio nisi cum est potestas & obligatio faciendi quod omittitur; non est cur imputari possit commissio, nisi dum est potestas & obligatio omittendi quod committitur. Atque ita semper ad imputabilitatem requiritur indifferentia, quod Iansenius & Ianseniani negant. Verba D. Th. sunt. *Sed sciendum est quod non semper id quod sequitur ad defectum actionis, reducitur sicut in causam in agens ex eo quod non agit: sed solum tunc cum potest, & debet agere* Quia igitur voluntas volendo, & agendo potest impedire hoc quod est non velle, & non agere, & aliquando debet; hoc quod est non velle, & non agere imputatur ei quasi ab ipsa existens. &c. Et hoc quoque expressissimum est D. Th. testimonium contra Iansenianam peccandi necessitatem, & mandatorum diuinorum impossibilitatem.

art.7.ad.

3.

Trigesimum nonum ex eadem quaest. ubi D. Th.

ra-

rationem reddit cur voluntaria, & imputabilia sint ea quæ impellente concupiscentia facimus, ex potestate non faciendi: quod similiter, & indifferentiam probat esse necessariam ad libertatem, & Iansenianam mandatorum impossibilitatem iterum oppugnat. Verba S. Th. sunt. Quandoque in his quæ per concupiscentiam aguntur non totaliter tollitur cognitio, quia non tollitur potestas cognoscendi, sed solum consideratio actualis in particulari agibili: & tamen hoc ipsum est voluntarium, secundum quod voluntarium dicitur quod est in potestate voluntatis, ut non agere, & non velle; similiter autem & non considerare. Potest enim voluntas passioni resistere, ut infra dicemus. Eadem ratione ignorantiam dicit esse voluntariam, eius quod quis potest scire, & debet. Et ita semper requirit potestatem ad id quod a nobis art. seq. exigitur, ut eius omissio imputetur.

Quadragesimum, Ex eadem parte, ubi, ad objectionem, quod si Deus voluntatem moueret, illam nusquam moueretur ad malum, non aliter respondet, quam retenta cum diuina motione voluntatis indifferentia, qua scilicet fiat, ut quamuis Deus ad bonum moueat, ipsa tamen deflectat ad malum. his verbis. Ad tertium dicendum, quod Deus mouet voluntatem hominis sicut vniuersalis motor, ad vniuersale obiectum voluntatis quod est bonum: & sine hac vniuersali motione homo non potest aliquid velle. Sed homo per rationem determinat se ad volendum hoc vel illud quod est vere bonum vel apparens bonum. Sed tamen interdum Deus mouet aliquos ad ali-

quid determinatè volendum, quod est bonum, sicut in his quos mouet per gratiam ut infra dicetur. Vide quàm scitè loquatur. S. Th. etiam dum Deus ut motor specialis specialiter adiuuat ad bonum: non dicit determinare voluntatem, sed *mouere* ad determinatè volendum, ut sit semper salua libertatis indifferentia, vel indifferentiæ libertas.

quest. 10
art. 1. ad.
1.

Quadragesimum primum ex eadem parte, vbi modum agendi qui conuenit voluntati quatenus est libera, & domina sui actus, in eo distinguit a modo agendi qui eidem conuenit quatenus est natura, vel in aliqua natura fundatur, quod posteriori modo sit determinata ad vnum, priori autem non, quod est esse indifferentem. Verba illius sunt. *Ad primum ergo dicendum, quod voluntas diuiditur contra naturam, sicut una causa contra aliam. Quædam enim fiunt naturaliter, & quædam fiunt voluntariè. Est autem alius modus causandi proprius voluntatis, quæ est domina sui actus, præter modum qui conuenit nature, quæ est determinata ad vnum. Sed quia voluntas in aliqua natura fundatur, necesse est quod modus proprius nature, quantum ad aliquid participetur a voluntate:*

art. 2.

Quadragesimum secundum ex eadem quæst. vbi continetur expressa confessio indifferentiæ ad contradictoria, circa quodcumque obiectum voluntati propositum, excepto Deo clarè viso, his verbis. *Respondeo dicendum quod voluntas mouetur dupliciter. Vno modo quantum ad exercitium actus, alio modo quantum ad specificationem actus, quæ est ex obiecto.*

Pri-

Primo ergo modo voluntas a nullo obiecto ex necessitate mouetur. Potest enim aliquis de quocumque obiecto non cogitare, & per consequens neque actu velle illud. Et deinde. Si proponatur aliquod obiectum voluntati quod sit vniuersaliter bonum & secundum omnem considerationem ex necessitate voluntas in illud tendit, si aliquid velit. Non enim velle potest oppositum.

Sed quia diceret aliquis. Esto, non determinetur voluntas necessario ab obiecto, determinatur tamen aliunde, nempe a passionibus quibus impellitur, vel a Deo a quo mouetur; Sanct. Th. hoc etiam reiecit duobus sequentibus articulis. Nam in tertio concludit, aut motum voluntatis non esse in homine, sed solum passionem dominari, sicut in phreneticis, & amentibus: aut si sit motus voluntatis, non ex necessitate sequi passionem. Et hoc colligit, ex eo quod necesse sit, si est aliquis motus voluntatis, hoc est rationalis appetitus, vt non totaliter absorbeat ratio a passione, sed quantum ad aliquid remaneat iudicium liberum & non subiectum passioni. Et in tantum voluntatis motum qui manet, non ex necessitate tendere ad hoc ad quod passio inclinat: & secundum hoc posse quempiam, vel totaliter passionem repellere; vel saltem se tenere, ne passionem sequatur. Quæ sunt diametraliter opposita Iansenianæ Theologiæ.

Item de Deo mouente vide quid dicat Respond. dicendum quod sicut Dionysius dicit cap. 4. de diu. nom. ad prouidentiam diuinam non pertinet naturam rerum corrumpere sed seruare. Vnde omnia mouet secundum eorum

ad. 2.

art. 4.

eorum conditionem: ita quod ex causis necessariis per motionem diuinam consequuntur effectus ex necessitate: ex causis autem contingentibus sequuntur effectus contingenter. Quia igitur voluntas est actiuum principium non determinatum ad unum, sed indifferenter se habens ad multa; sic Deus ipsam mouet quod non ex necessitate ad unum determinat: sed remanet motus eius contingens, & non necessarius, nisi in his ad quæ naturaliter mouetur. Augustinus, inquit, Iansenius nunquam in omnibus suis libris, est usus isto modo conciliandi motionem diuinam cum libertate voluntatis. Nos verò vel ipsis Iansenianis auctoribus, mentem Augustini ex d. Th. discimus doctrinæ illius probè conscio: & intelligimus non aliter seruari cum diuina motione libertatem, quam quia saluatur indifferentia. Quod si reus est etiam ipse D. Thomas, vel ignoratæ vel corruptæ Augustinianæ Theologiæ, malumus cum illo accusari ab Aduersariis, quam approbari cum Iansenio.

art. 2.

Quadragesimum tertium ex quæst. 13. eiusdem partis, ubi ex indeterminatione seu indifferentia voluntatis infert proprium esse illius eligere unum præ alio. Est differentia inquit inter appetitum sensitium & voluntatem, quia ut ex prædictis patet, appetitus sensitius est determinatus ad unum particulare secundum ordinem nature. Voluntas autem est quidem secundum nature ordinem determinata ad unum commune, quod est bonum, sed indeterminate se habet respectu particularium bonorum: & ideo proprie voluntatis est eligere, non autem appetitus sensitui. Indeterminatio illa seu
in-

indifferentia non potest esse causa cur eligere sit proprium voluntatis, nisi sit ipsa quoque propria voluntatis, prout ea distinguitur contra naturam & est causa libera. Adde quod dicit in respons. ad secundum, brutum animal ideo non proprie eligere quando vnum præ alio accipit, quia illius appetitus est naturaliter ad illud determinatus. Debet igitur esse indeterminatus appetitus hominis, vt censeatur eligere libere, hoc est, debet esse indifferens.

Quadragesimum quartum ex eadem quæst. vbi art. 6. continetur etiam manifesta indifferentiæ confessio tanquam consequentis ex ipsa rationalis appetitus natura: & non vt Iansenius dicit per accidens tantum. S.Th. sic loquitur. Respondeo dicendum quod homo non ex necessitate eligit: & hoc ideo, quia quod possibile est non esse, non necesse est esse. Quod autem possibile sit non eligere, vel eligere; huius ratio ex duplici hominis potestate accipi potest. Potest enim homo velle, & non velle: agere, & non agere. potest etiam velle, hoc aut illud: cuius ratio ex ipsa virtute rationis accipitur. Quidquid enim ratio potest apprehendere vt bonum, in hoc voluntas tendere potest. Potest autem ratio apprehendere vt bonum, non solum hoc quod est velle, aut agere; sed etiam quod est non velle, & non agere. Et rursus in omnibus particularibus bonis potest considerare rationem boni alicuius & defectum alicuius boni &c. En tibi causam indifferentiæ voluntatis ad volendum, & non volendum: & ad volendum vel nolendum idem, si sit particulare bonum.

Quadragesimum quintum ex quæst. 15 eiusdem art. 2. par-

partis, vbi Diuus Tho. de consensu disputat, & ostendit proprium esse hominis consentire, nec conuenire bruto: quod hominis proprium sit dominium illud indifferens ad applicandos vel non applicandos appetitiuos motus. Verba illius sunt *Brutum animal appetit quidem, sed non applicat appetituum motum ad aliquid, & propter hoc non proprie dicitur consentire, sed solum rationalis natura, quæ habet in potestate sua appetituum motum: & potest ipsum applicare vel non applicare ad hoc vel illud.* Et hanc indifferentiam confirmat in respons. ad tertium cum dicit, *homines qui ex passione agunt, posse non sequi passionem, vt intelligamus intantum censendos consentire, in quantum possunt non sequi.*

art. 5. ad. 1. Quadragesimum sextum ex quæst. 74. eiusdem partis, vbi peccatum esse posse dicit in ratione dupliciter. Primo quando ratio ignorat aliquid quod debet, & potest scire: a quo peccato excusantur amentes. Secundo quando non dirigit alias vires, *Et hoc, inquit, semper imputatur ad peccatum, quia huic defectui occurrere potest per proprium actum.* En tibi iterum indifferentiam in peccante, vt causam imputabilitatis peccati.

art. 7. ad. 2; Quadragesimum septimum ex eadem quæst. vbi pariter consentire peccato attribuit indifferentiæ, seu potestati in oppositum. *Ad secundum dicendum quod in hoc ipso quod ratio superior non diligit actus humanos secundum legem diuinam, impediens actum peccati, dicitur ipsa consentire: siue cogitet de lege æterna, siue non, Cum enim cogitat de lege Dei actu eam contemnit: cum*

Vero

vero non cogitat, eam negligit per modum omissionis cuiusdam. Vnde omnibus modis consensus in actum peccati procedit ex superiori ratione. Et ut constet nos ex Diuo Th. theologiâ Augustini discere, id quod faciendū moment Ianfeniltæ, subdit, Quia ut Augustinus dicit duodecimo de Trinitate, non potest peccatum efficaciter perpetrandum mente decerni, nisi illa mentis intentio, penes quam summa potestas est membra in opus mouendi, vel ab opere cohibendi, mala actioni cedat, aut seruiat. En, ut Augustinus cum D. Th. conspirat ad inculcandā indifferentiæ necessitatem.

Quadragesimum octauum ex quæst. 75. eiusdem art. 3.
partis, ubi ex indifferentia voluntatis vel ad sequendum quod ratio suadet, vel ad consentiendum passionibus: seu quod idem est, ex eo quod nulla causa exterior necessario impellat voluntatem ad peccandum, concludit solam voluntatem esse causam sufficientem peccati. Aliquid exterius, inquit, potest esse aliqua causa mouens ad peccandum, non tamen ad peccandum sufficienter inducens: sed causa sufficienter complens peccatum est sola voluntas. Nempe quia positis omnibus alijs adhuc ipsa potest non peccare, & ita eludere omnem alium impulsu ad peccandum, quod est esse indifferentem.

Quadragesimum nonum ex quæst. 78. eiusdem art. 8.
partis. ubi eandem indifferentiam seu potentiam in oppositum requirit ad peccandum. Cum ex passione, inquit, aliquis procedit ad actum peccati: vel ad consensum deliberatum, hoc non fit subito. Vnde ratio deliberans potest huic occurrere, potest enim excludere. Vel

L I

sal-

saltem impedire passionem ut dictum est. Vnde si non occurrat, est peccatum mortale. & in resp. ad tertium requirit etiam talem aliquā indifferentiam ad peccatum veniale.

art. 8.

Quinquagesimum ex quæst. centesima nona eiusdem partis, vbi similiter asserit indifferentiam seu potentiam ad vitandum quodcumque peccatum mortale, atque etiam veniale: quod voluntatem posse dicit, etiam antequam per gratiam reparetur, pro aliquo tempore, & hoc requirit ad imputabilitatem peccati.

quæst. 18
art. 1. ad
3

Quinquagesimum primum ex tertia parte. Vbi ut libertatem Christi tueatur ab eius actibus excludit necessitatem oppositam indifferentiæ. Ad tertium dicendum, inquit, quod ipsa potentia voluntatis est naturalis, & consequitur naturam ex necessitate. Sed motus vel actus huius potentiæ qui etiam voluntas, dicitur, quandoque quidem est naturalis & necessarius puta respectu felicitatis: quandoque autem ex libero arbitrio rationis proveniens & non necessarius neque naturalis.... & ideo præter voluntatem diuinam oportet in Christo ponere voluntatem humanam. En ut distinguit actum liberi arbitrii contra illum qui fertur in felicitatem, hoc est, contra necessarium.

art. 4. ad

Quinquagesimum secundum ex eadem quæst. his verbis. Ad tertium dicendum quod voluntas Christi licet sit determinata ad bonum, non tamen est determinata ad hoc vel ad illud bonum. Et ideo pertinet ad Christum eligere per liberum arbitrium confirmatum in bono sicut ad beatos. hoc dicit ut soluat obiectionem

qua

qua ex determinatione ad vnum impugnabatur liberum arbitrium Christi : Et vides hic confirmari quod dictum est supra cap. 2. §. 4. & D. Thomam etiam in Christo Domino agnoscere arbitrium voluntatis, non solum a coactione, sed etiam a necessitate liberum : atque ex illa carentia necessitatis, hoc est, ex indifferentia inferre aptitudinem ad merendum .

Hæc ut opinor satis sunt ad cognoscendam sententiam S. Thomæ : ac vereor ne plerisque videantur esse plusquam satis . Sed imperitorum necessitas eruditorum tædio præferenda fuit, & tota hæc causa semel exhaurienda, ut esset vnde facile os obstrui possit ijs, qui post corruptam prauis interpretationibus S. Augustini Theologiam, S. Thomam in partes etiam trahere conantur . Iam autem constare puto quam immeritò id faciant, & quam illi non possint quidquam sperare præsidij ab Theologia S. Thomæ : vnde nemo etiam est qui non videat consequens esse, nec veros S. Thomæ discipulos posse Nou Augustinianis esse propitios . Et mirum est qui fieri potuerit, ut qui tot probis Theologiam Scholasticam vniuersam inquinauere, suffragium modo exquirant Principis Scholasticorum : & qui nominatim dixere S. Thomam ideo excellere non potuisse in Theologia Positiua, quæ sola per illos vera Theologia est, quod excelluerit in Scholastica ; persuadere hominibus tantopere conentur, Thomisticam esse doctrinam quam proponunt . Sed siue id acciderit ex familiari Doctori-

Ian. toto
fere lib.
præm.
Idem ib.
cap. 9.

bus istis inconstantia: seu pro more illorum quos afflictae res & impar aduersariis facultas ad extrema consilia compellit; ambire coguntur eorum fauorem quos prius offenderant, ac dicere, vel Iansenianis consentire Thomistas, vel Thomistis Iansenianos. Quæ fraus quia iam ex voto succedebat apud plerisque in vtraq; illa Theologia Thomistica, & Ianseniana parum versatos; qui nimium credulos dedoceat, ille certè videtur, non modò de veritate, bene meritus; sed Thomistas insuper officio prosequi tam oportuno, quam optabile illis est, ut quisque intelligat, doctrinam quam sequuntur longè a damnata diuersam esse.

E R R A T A

- | | | |
|-----------------------------------------------------------------------------------------------------|------------------------------------------------------------|-----------------------------------------------------------------------------------|
| p. 13. l. 22. vt vna, l. futura | Pelagius | l. prædeterminatam |
| p. 21. l. 17. vultum, l. volumus | p. 93. l. 6. debet, l. debere | p. 135. l. 12. concedimus, hoc tantum doce, l. concedimus, hoc tantum doce |
| p. 34. l. 23. lapidis, l. lapidi | Ibid. l. 9. falsa non, l. falsa nos | |
| p. 36. l. 8. auimur, l. animus | Ibid. l. 13. iungamus dexterarum | |
| p. 37. l. 13. ab vteris, l. abuteris | iungamus dexterarum | |
| p. 52. Atractionum, l. Retractionum | l. 1. 9. refici, l. refert | p. 148. l. 25. potentem, l. potentiam |
| p. 38. l. vlt. cum ex loco, l. cum ex hoc loco | p. 97. l. 16. Et statim illud, l. & statim explicans illud | p. 152. l. 27. Rel. 19. l. Reliq. |
| p. 61. l. 2. singulis, l. singuli | p. 100. l. 15. hominū, l. hominē | p. 164. l. 11. arbitriū, l. arbitriū |
| p. 65. l. 5. possunt facere, l. possunt non facere | p. 101. l. 25. quis non videat, l. quis non rideat | Ibid. nolles, l. nolle |
| p. 67. l. 8. voluntatem, l. voluntatum | p. 103. l. 4. triginta tribus, l. triginta quinque | p. 186. l. 10. modo ligare, l. modo ligare |
| p. 80. l. 8. lib. 8. quæst. 3. l. lib. 83. quæst. 68. | p. 104. l. 1. & Catholicos, l. Catholicos | p. 187. l. 2. fit, l. fit |
| p. 82. l. 6. & quia cum nō vult esse sine peccato, l. & quia cum non vult, potest esse sine peccato | Ibid. l. 3. quam, l. græ | p. 206. l. 29. necessario, fiat, l. necessario. fiat. |
| p. 83. l. 16. inflet, l. infles | l. 1. 8. soluendam, l. soluandā | p. 207. l. 4. eamti, l. etiam |
| p. 89. l. 9. cimba, l. cymba | l. 1. 26. vnaquæq. l. vnaquæq. | p. 209. l. vlt. cepis, l. capis |
| p. 90. l. penult. dissentit, l. dissentire | p. 108. l. 21. Martinus Ripalda | p. 240. l. 9. refrenat, l. refrænat |
| p. 92. l. 10. iste Pelagius, l. iste | l. Ioannes Martinez de Ripalda | p. 242. l. 29. Et contrario, l. E contrario |
| | p. 109. l. 6. dentis moribus | p. 243. l. 5. dicur, l. dicitur |
| | l. densis moribus | p. 264. l. 16. esse l. esse |
| | Ibid. l. 17. ceteris, l. veteris | l. 27. diligit, l. dirigit |
| | p. 127. l. 3. pro determinatā, | p. 246. lin. 17 sic verificari ostendit, l. sic verificari, & conciliari ostendit |

INDEX ARGVMENTORVM

Parte prima contra Nouum Augustinum .

C A P. I.

I Ansenij sententia refertur & præcipua eius fundamenta conualluntur. pag. 1

§. 1. Quid sentiat Iansenius . ibid.

§. 2. Explicatur Augustini doctrina de ijs quæ dicuntur esse in nostra potestate. 5

§. 3. Augustini doctrina de concordia præscientiæ cum libertate nihil iuuat causam Iansenij. 13

§. 4. Nihilo magis iuuat quod docet Iansenius de duplici necessitate. 17

C A P. I I.

Probatur triginta quinque testimonijs S. Augustini, voluntatem seu volitionem quæ supponitur esse libera, eo ipso supponi esse a potentia indifferente. 24

§. 1. Priora tria testimonia colliguntur ex locis à Iansenio pro sua sententia citatis. ibid.

§. 2. Testimonia reliqua. 29

§. 3. Miracula Ianseniana. 102

Parte secunda Examinantur aliquæ Vincentij Lenis cogitationes super ista controuersia . 107

C A P. I I I.

DE quibusdam Vincentij Lenis, atq; aliorum Iansenianorum opusculis, & quid ille tum de Iansenio sentiat, tum etiam de se. ibid.

C A P. I I I I.

Examinatur distinctio duplicis necessitatis simplicis, quarum altera tollit; altera seruat arbitrij libertatem. 112

Ian-

Iansenij & Vincentij discrepantia . ibid.

§.2. Ostenditur distinctionem illam Vincentianam stare
non posse . 115

C A P. I I I.

Examinatur alia distinctio duplicis libertatis , essentialis , &
accidentalis . 121

§.1. Explicatur Vincentij distinctio . ibid.

§.2. Refutantur quæ dicit de libertate Essentiali . 122

§.3. Refutantur quæ addit de libertate accidentali , & ostenditur causæ liberæ necessariam esse proximam agendi & non agendi potentiam , consentientibus Thomistis quibus Vincentius imponit . 125

§.5. Destruitur pons a Vincentio fabricatus , & lucerna Fulgentij extinguitur . 131

C A P. I V.

Expenditur Vincentiana interpretatio Concilij Tridentini , & ipsa explicatione ostenditur quam sit inanis . 134

C A P. V.

Quomodo soluat Vincentius locum D. Thomæ ex quæstione sexta de malo art. vnico . 141

§.1. Refertur doctrina D. Th. Reijcitur intempestiua , & parum decora Vincentij fabella , & solutio quam affert ab inconuenienti: frustra conari Vincentium Thomistas implicare Iansenianis controuersijs - ibid.

§.2. Ostenditur ex doctrina citatæ quæstionis S. Thomam requirere ad libertatem , agendi & non agendi potentiam , & quidem immediatam . 144

§.3. Quidquid faciant , non posse Iansenianos dissimulare quam animo conceperunt parum æquam de doctrina D. Th. opinionem . 149

Par-

Parte Tertia Expenditur quod respondet Apologista Iansenij. 153

C A P. I.

Consilium Apologista quærere præsidia suæ sententiae a Scriptoribus Scholasticis exemplo Iansenij: & de approbatione Illustrissimi Vabrensis Episcopi circa Librum de libertate Dei, & creaturæ. 153

C A P. I I.

Vtrum Iansenius admisit libertatem hominum viatorum esse indifferentem. 159

§. 1. Probatur admisisse. ibid.

§. 2. Ostenditur reuera negauisse. 161

§. 3. Probatur amplius speciem tantum inanem indifferentiae a Iansenio admissam. 168.

§. 4. Contradicere Iansenium sibi ipsi, Augustino, Tridentino Scripturæ Sacrae: & communi mortaliū omniū sensui. 175

C A P. I I I

An rectè Iansenius dixerit indifferentiam ad contraria vel contradictoria non pertinere ad rationem liberi arbitrij: sed posse adesse vel abesse stante illa libertate. 188

§. 1. Ostenditur hoc dixisse Iansenium: & in eo secum pugnare: nec ab Apologista bene defendi: ibid.

§. 2. Pugnat etiam cum S. Augustino 190

§. 3. Inferuntur ex dictis aliquæ contradictiones in Ianseniana Theologia 195

§. 4. Reijcitur quod dicit Apologista, ita se habere indifferentiam ad definitionem liberi arbitrij, sicut esse mortale ad definitionem hominis. 201

§. 5. Necessitas indifferentiae ad liberum arbitriū probatur ex Tridentino & est bulla contra Baium & Iansenium. 202.

CAP.

C A P. I V.

De Sententia S. Thomæ 208

§. 1. Explicatur quod citatur ex S. Th. 3. con. gen. c. 138. ibid.

§. 2. Ostenditur pluribus alijs testimonijs ex eadem Summa con: gent. indifferentiam ad libertatem arbitrij necessario requiri. 210

§. 3. Soluitur aliud testimonium ex q. 10. de potentia. 216

§. 4. Quam mereantur fidem narrationes Apologistæ. 218

Parte Quarta Examinatur commentarius Anonymi in tertiam propos. a Sorbonicis Doctoribus damnatam. 220

C A P. I.

Causa & ratio scribendi huius Commentatoris ibid.

§. 1. De gestis apud Sorbonam in causa Iansenij. ibid.

§. 2. Commētator proscriptā propositionē apertè tuetur. 223

C A P. I I.

Expenduntur quæ affert testimonia S. Thomæ. 225

§. 1. Intacta Thomistarum doctrina damnabilem esse doctrinam Iansenianorum ibid.

§. 2. Proponuntur S. Th. testimonia decem, quæ nullo modo probant indifferentiā nō esse libero arbitrio necessariā. 228

§. 3. Diluitur vndecimum testimonium: & quid passim intelligatur apud S. Th. & alios Patres nomine coactionis, consentientibus ipsis Iansenianis. 231

§. 4. Explicatur locus est 3. sent. dist. 18. art. 2: ad 5: Quod determinatio ad unum numero non tollat rationem meriti & laudis. 239

C A P. I I I.

Probatur Quinquaginta duobus testimonijs S. Th. indifferentiam esse ad libertatem arbitrij necessariam; 238